

CHOSHUA I HOLISSO.

CHOSHUA I HOLISSO.

CHAPTA I.

MOSSES, Chihowa in tishu hvt illi haya, yakoñmi tok, Chihowa vt Choshua Nun ushi, Moses in tishu hatuk a im anumpulit,

2. Moses an tishu hvt illishke; yohmi hoka himak a wakaya cha, chishno, okla ilvppa hvsh moma kvv Chatan ilvppa mish-tvnnvp yakni yvmma Islael im vlla vhleha yvmmak o ima li hoka, hvsh onashke.

3. Yakni moma hvch iyi pvtha yvt ai o hika he puta hokvno, yvmma moma ka hvch ima lishke, yvmmak o Moses a im achi li hatuk okvt.

4. Yakni haiaka ya hikivt ia hosh Lebanon ilvppa ona cha, okhina chito, okhina Euflates pit afullovvt, Hitait i yakni vt moyuma hosh, okhvta chito hvshi ai okatula imma itoyula ka ilvppak o ont hvchim ai vlla hi oke.

5. Chi okchayvt ish ahanta nitak moma ka hatak nana kia chi tikba hikia he keyushke: Moses a awant aya li tok vt, yvmmak inli ho chohmit chi awant aya la chi hoke: nana ka ak chim ai ahlot chissa la he keyu hoke.

6. Kvvlot chim anukfila cha, nukwia ikshot ish amosholashke: yakni ilvppa ima la hi vt iki vhleha ha anumpa kello isht il onochit im ihissa li tok a, okla ilvppa immi hachi mak o ish it akvshkola chi hokvt.

7. Peh kvvlot chim anukfila cha, nukwia ikshot ish amosholi fehnashke; yohmi hosh nan vlvpisa moma an tishu Moses vt chim apihisa tok a ahah! ahnit ish holitoblashke;

ilvppa isht impak imma hokmá, vlfvubekimma hokmá nana kia chik i filvmmo kashke; chi yvmohmi pulla hosh kanima ish aya puta kv̄t chim ai achukma hi oke.

8. Nan vlhpisa holisso ilvppvt chitih h̄a ik i filvmmo kashke; amba nitak micha ninak moma ka anukfihinli hosh a holihiso ka moma ahah! ahnit ish holitoblashke: ish yohmi hok mak osh ish ataya ya ish ai ahlich̄a hi okvt, micha ish yohmi hok mak osh nana kv̄t chim ai ahli achukma hi oke.

9. Ūno ak osh chim apesa li tuk keyu cho? kv̄llot chim anukfila cha, nukwia ikshot ish amosholashke: ik chi nukshopo kashke, micha chi chukvsh ik iello kashke: kanima ish aya puta ka Chitokaka chin Chihowa vt chi awant aya hoka, achi tok.

10. Mihma Choshua vt okla pehlich̄i vhleha h̄a nan im apesvt,

11. Binah ha hlopullit ayvt, okla h̄a nan i mihvt, Pinak vt hvchim vlhtashke; nitak tuchina takla ka Chatan ilvppa hlopullit, Chitokaka hvchin Chihowa vt hvchimmi ha chi h̄o yakni hvch ima hoka ont chukovvt hvsh isha chi hoke, achi tok.

12. Mihmvt Luben ishtatiaka, micha Kat ishtatiaka, mikmvt Manasseh ishtatiaka ya iklvna aiena ka Choshua vt im anumpulit,

13. Moses Chihowa in tishu hv̄t nana hvch̄i mihvt, Chitokaka hvchin Chihowa vt afoha hvch ima hosh yakni ilvppa hvch ima hoke, achi tok anumpa h̄a hvsh ithaiyanashke.

14. Hvchi tekchi, hvchim vlla, micha hvch̄i nan vlhpoa moyuma kv̄to yakni Moses vt hvch ima tok Chatan ola in tv̄nvp ak inli h̄o aiashashke: amba hvchishno hatak hlampko hochukma chilitvt nukwia iksho hvchia hokv̄to, nahalupa im vlhtav̄t moyumvt tikba iv̄t, hvch itibapishi vhleha h̄a ont hvsh apelashke.

15. Yohmi na Chihowa vt afoha hvch ima tok vt chohmichit hvch itibapishi vhleha h̄a afoha imashke; yohmi na yvmmak kia yakni Chitokaka hvchin Chihowa vt ima ka ishashke: yohmi hok mak o falamvt yakni hvshi akochaka

imma Chatan ola in tnnvp talaia Moses, Chihowa in tishu hv̄t hv̄ch ima tok ā ant hv̄sh iesha hi oke, achi tok.

16. Mihma okla afalamichit Choshua ash o, Nana hō ish pī miha ka moyuma e yvmohma he bano hoke, micha kani- ma hō pit ish pi tihlelikma, il ia he bano hoke.

17. Moses ā nana moyuma ka il ī haponaklo beka tok okvt, chishno ma e chī haponakla he bano hoke: peh Chito- kaka chin Chihowa vt Moses ā awant aya beka tok vt, choh- mit chishno ma chi awant aya hokbano, il ahnishke.

18. Kvna hoh kia chī nan v̄lhpisa hā ī sanalit nana ish ī miha ka anumpa moma ik chī haponaklokmvt, illashke: peh kv̄l̄lot chim anukfila cha, nukwia ikshot ish amosholashke, im achi tok.

CHAPTA II.

YVMOHMI ma Choshua, Nun ushi vt Shittim ak ō hatak tuklo kv̄t lumvt na pisvt aya chī hō a chv̄ffichi tok; yohmi mvt, Hv̄sh ia cha, yakni Cheliko yv̄mma ont hv̄sh pisashke, im achi tok. Yohmi ma itiachi tuk osh ohoyo haui hohchifo kv̄t Lahab ō in chuka itonachi cha, yv̄mmak ō a nusi tok.

2. Yohmi ma Cheliko ī mīko yā ont im anolit, Yakeh! hatak Israēl im v̄lla v̄hleha hā a minti kv̄t yakni pisvt aya hosh, himak ninak ā ilv̄ppa v̄lv̄shke, achi tok.

3. Yohmi ma Cheliko ī mīko ash osh Lahab ā anumpa ī p̄lvt, Hatak chim v̄lv̄t chin chuka chukowa tuk ā ish koh- chashke: yv̄mmvt yakni moma ka pisvt tahla chī hosh aya hatuk oka, pit im achi tok.

4. Mihma ohoyo hash osh hatak tuklo kash ō ishit luhmi tok; yohmi cha ilv̄ppak ō achi tok, Hatak okv̄to v̄m v̄la mv̄hli tuk, yohmi kia kanima a minti ka ak ithano ke tuk:

5. Atuk osh yakohmi tuk, okhlilit taha holihta okhissa yvt v̄lhkv̄ma chī foka ma, hatak tuklo kash osh kohcha tuk oke: kanima hō hatak tuklo kash osh ia tuk ā ak ithanosh- ke: chekosi hv̄sh iakaiyashke; hv̄sh sakka hinla hokvt.

6. Yohmi kia aboha pakna yā isht ona cha, nuchi v̄pi

achukmalit ashachi tuk osh isht ompohomot luhmi tuk atok.

7. Yohmi ma okla iakaiyvt Chatan imma ivt okhina akochcha puta ka ona tok: mihma okla iakaiya yummvt akochcha mak inli h_o, holihta okhissa ya akemmi tok.

8. Yohmi tuk o tvshkit ik oklo k_isha h_o, aboha pakna ya ohoyo hash osh im ai ona cha;

9. Hatak tuklo kash o, Yakni ya Chihowa vt hvch ima tok a ithana lishke; yohmi h_o isht a hvch_i nukshopa yvt pi ontoyulvshke; hvchishno ak atuk pulla mak o yakni ilvppa okla ai asha tuk moma kv_t bihinla chiyuhmishke.

10. Echip yakni ya a kohchvt hvsh minti ma, Chihowa vt Okhvta Humma oka ya hvch_i shileli na hvsh aya tok: micha Amolait okla i m_iko tuklo Sihon, micha Ok aiena, yummvt Chatan mish tvnnvp ai asha tuk a kaniohmichit nana ka im okpvnt hvsh taiyahli tok a, e hahaklo chatuk okvt.

11. Hvchishno ak atuk pulla mak o nana ilvppa puta ka e haklo mak inli h_o, pi chukvsh vt bihinla tok; yohmi na hatak kanima kia chilitvt im anukfila kv_t i foka kia iksho ki tok: Chitokaka hvchin Chihowa yummak osh peh pakna vba a holitopa, mikmvt nutaka yakni aiena ka in Chihowa hoka.

12. Yvmohmi hoka himak a hvchim ilbvsha lishke, vno vt hvch_i kana li tuk a, hvchishno mvt aki in chuka achvfa ya hvch i kana hi vt Chihowa ya anumpa kullo isht il onochit,

13. Aki, micha hvshki, micha a nakfi vhleha, micha itibapishi li vhleha, micha in chuka achvfa aiena ka moma hvsh okchalinchi cha, pilla he tuk a hvsh pi hlakofichi cha, ilvp-pak o nan isht ithana he ahli ka hvs smashke, im achi tok.

14. Mihma hatak tuklo kash osh afalamichit, Nana pi kaniohmit il aya hatuk ilvppa chik anolokma, pim ilhfiopak a e chim ile kahlshke: atukma yakohma hi oke, Chihowa vt yakni ilvppa pima ha ma, ch_i kana achukmvt e chim ai ahla hi oke, im achi tok.

15. Yohmi mvno ponola atakalichit okhissushi hlopullichit aka pit hiohlihi tok; in chuka hv_t tmaha tvli holihta

ya paknaka yo talaia hatuk oka, yohmi cha tvi holihta paknaka yummak o achukvt ahanta tok.

16. Micha ohoyo hash osh yummak ash o, Hveh iakaiyvt itnowa yvt hvchi afama yoba na, nvnih hak o hvsh ona cha, yummak o lumvt hvsh chiya na nitak tuchina onashke: yohmi na hvch iakaiyvt itnowa yvt falamvt vla hok mak o, hvsh ataya hetuk vt hvsh iashke, im achi tok.

17. Mihma hatak tuklo kash osh yummak ash o, Ish pim ai ahni ho anumpa kvllo il il onochi tuk ilvppa anumpa isht pi onvtola he keyu hoke.

18. Yakeh! kaniohmi foka ho yakni ilvppa e la hokma, okhissushi isht pi a kohchi ilvppa ponolushi tishepa ponola toba ilvppa isht ish takhashke: yohmi cha chiki, chishki, chi nakfi vhleha, micha chiki in chuka achvfa ya moma chin chuka isht ish lashke.

19. Yohmikma yakohma hi oke, kvna hosh chim aboha okhissa akohchvt tmaha itintakla hina bachaya ka ona hokvto, im issish vt ilap noshkobo akinli ho onvtoyula na, pishno vto anumpa isht pi onvtoyula he keyu hoke; mikma kvna hosh aboha anukaka foka hokvno, kvna hosh ibbak onochi hokma, im issish vt pi noshkobo hak o onvtoyula hi oke.

20. Yohmi kia nana pi kaniohmi hosh il aya hatuk ilvppa ish anoli hokvno, ish pim ai ahni na anumpa kvllo il il onochi tuk ilvppvt a pi mokofa chi hoke, im achi tok.

21. Yohmi ma ohoyo hash osh, Hvehim anumpa hak o iakaiya hosh nana kv ai yohmashke, achi tok. Micha ik ia, im ahni na itiachi tok: mihma ponola tishepa ash o okhissushi ya isht takchi tok.

22. Mihma itiahit nvnih ash o ona cha, yummak o chiya na nitak tuchina ona tok; yohmi na iakaiyvt itnowa yvt falamvt ai vla tok: iakaiyvt itnowa yvt ai itnowa puta ka hoyot tahli kia, ik ahayucho ki tok.

23. Yakohmi ho hatak tuklo kash osh nvnih hash auet akowa cha, tanvblit Choshua, Nun ushi a im ona cha, nana kv im akaniohmi tuk vt moma im anoli tok.

24. Mihmvt yummak ash osh Choshua ya, Chihowa vt

yakni moma pibbak a fohki tuk pullvshke : pishno ak atuk pulla mak o yakni yvmma ai asha kvv momvt bihinla chiyuhmi hoka, im achi tok.

CHAPTA III.

MIHMA Choshua vt onnahinli fehna tani cha, ilap, mik-mvt Israel im vlla vhleha moyumvt Shittim a ashtv toshowvt ia hosh Chatan a ona cha, ik tanvblo hosh yvm-mak o a nusi tok.

2. Atuk o yakohmi tok, yvmma chiya na nitak tuchina ka ona ma, okla pehlichu vhleha hvv vlbina ha hlopullit avvt,

3. Okla ha im anumpulit, Kaniohmi foka ho Chitokaka hvchin Chihowa nan it im apesa vt afoyuka itombi holi-topa ya Lefait vhleha, na holi-topa isht asha yvt shoyulit itvnowa na hvsh pisakmvt, ilvppa a toshowvt yvmmak o hvsh iakaiyashke.

4. Yohmi akinli kia yvmma ai itintakla ka haiaka kvv kubit vlvpisa tahlepa sipokni tuklo hosh takalashke : ont atikkonofvt hvch ik aiyo kashke, yohmi hosh hvsh atia hetuk vt hvsh ithana hosh hvsh itvnohowashke ; tikba ka ilvppa hvsh avya chatuk keyv hokvt, achi tok.

5. Mihma Choshua vt okla ha, Hvsh ile hullochashke : onaha ya Chihowa vt hvchim ai ititakla na fehna ha ai yvmihcha chi hoka, im achi tok.

6. Mihma Choshua vt na holi-topa isht asha ya im anum-pulit, Nan it im apesa vt afoyuka itombi holi-topa ya hvsh ishi cha, okla ha itikba ivv hvsh tanvblashke, im achi tok. Mihma nan it im apesa vt afoyuka itombi holi-topa yash ok-la ishi cha, okla ha itikba ia tok.

7. Mihma Chihowa vt Choshua ya Himak nitak ak o Israel im vlla moyuma itikba ya chi holi-toblichit isht ia la chi hoke ; yohmi ho Moses a awant avya li tok vt, anonti chishno ma chi awant avya la chi ka, okla hvv ithanashke.

8. Yohmi ka na holi-topa isht asha nan it im apesa vt

afoyuka itombi holitopa shoyuli tuk a i mihvt, Chatan okhina ontalaka fehna hvsh onakmvt, yummak inli hq hvsh hielashke, ish im achashke, im achi tok.

9. Mihma Choshua vt Islael im vlla vhleha ha, Ilvppa hvsh minti cha, Chitokaka hvchin Chihowa im anumpa ha hvsh haklashke, im achi tok.

10. Mihmvt Choshua vt Ilvppa yakohmi kak o Chihowa okchaya yvt hvch ibatakla ahanta cha, nana ka ik ai onancho keyu hosh Kenanait vhleha micha Hitait vhleha, micha Pelesait vhleha micha Kikashait vhleha, micha Amolait vhleha, mikmvt Chebusait vhleha aiena ka hvchi tikba ya tihlelit kocha wehla chi ka isht hvsh ithaiyana chi hoke.

11. Yakeh! yakni moma in Chihowa nan it im apesa vt afoyuka itombi holitopa vt tanvbla chi hosh hvchi tikba Chatan a ont oka hikvshke.

12. Yohmi hoka himak a hatak auah tuklo hq Islael ai unehololi auah tuklo ka ish ai atokolashke; yohmi ka isht atiaka achvfa ka hatak achvfa hosh iashke.

13. Atukma yakohma chi hoke, na holitompa isht asha Chihowa, yakni moma in Chihowa im itombi holitopa shoyuli hatuk iyi pvrtha yvt Chatan okhina ya oka hika mak inli hq, Chatan oka yvt ita hokofa na, oka ibetvp imma minti hatuk vt itvnahachit hikia chi hoke, achi tok.

14. Atuk o yakohmi tok, okla hvt Chatan tanvbla chi hosh binah ha asht ia hosh, naholitompa isht asha yvt nan it im apesa vt afoyuka itombi holitopa shoyuli hosh okla itikba hiel hosh itvnowa;

15. Atuk osh itombi holitopa yash shoyuli tuk vt Chatan ona cha, na holitompa isht asha iyi pvrtha yvt oka vhli ont oka hika mak inli hq, (Chatan vt onush vlmo ai vlhpesa ai itintakla ka bok sakti atabli beka yatuk okvt,)

16. Oka ibetvp imma minti hatuk vt yokopa cha, itvnahachit falamvt hopakichit, Alam tvmaha holihta Saletan bilika talaia ka ona tok: yohmikma yakni patali okhvta hvpi okhvta imma ia hatuk vt tahvt hokofa na okla hvt Cheliko ichapaka fehna hak o a hlopulli tok.

17. Mihma na holitompa isht asha Chihowa nan it im

apesa vt afoyuka itombi holitopa shoyuli hatuk vt Chatan iklvna ya kvllot hieli na, Israel okla moyumvt yakni shila hō tanvblit, okla moyumvt Chatan a ont hlopullit taha tok.

CHAPTA IV.

ATUK o yakohmi tok, okla hash osh momvt Chatan a a hlopullit taiyaha ma, Chihowa hvt Choshua ya im anumpulit,

2. Okla ha hatak auah tuklo hō ish ai atokolashke, yohmi kvt Israel ai unchololi achvfa ka hatak achvfa hō ish ai atokolashke.

3. Yohmi cha im apesvt, Chatan iklvna na holitompa isht asha iyi yvt kvllot a hieli tuk fehna, tvli auah tuklo hō hvsh ai ishashke; yohmi cha yvmma ishit hvsh aya tuk osh, himak ninak a hvsh a nusa chi ka vlbina ha hvsh ashachashke, ish im achashke, im achi tok.

4. Mihma Choshua vt hatak auah tuklo Israel im vlla vhleha ha ai unchololi achvfakma, hatak achvfa ai atokoli tuk vt, i howvt it ahobi cha;

5. Choshua vt Chitokaka hvchin Chihowa im itombi holitopa yash itikba ivt Chatan iklvna ai onvt, Israel im vlla vhleha isht atiaka auah tuklo ka vllhpisa hō, tvli achvfa aiyukali ka ishit hvchi tahchi ya onochit hvsh shoyulashke.

6. Yohmi na ilvppak osh nan isht atokowa yvt hvch itin takla ya itoyulashke; yohmi tuk o himak a pilla kia hvchim vlla vt iki vhleha ha i ponaklot, Tvli ilvppak o nanta hō isht hvsh apesa hoh cho? achi hokma,

7. Afalamichit, Chihowa nan it im apesa vt afoyuka itombi holitopa itikba ya Chatan oka yvt hokofa tok; yvmmvt Chatan a tanvbli ma, Chatan oka yvt hokofa tok a hvsh im achashke; yohmi na tvli ilvppak o Israel im vlla vhleha hvt isht ithana na bilia hi oke, im achi tok.

8. Mihma Israel im vlla vhleha hvt, Choshua vt nan im apesa tuk mak o ai yvmohmi tok; micha yohma chi Chi-

howa vt Choshua ya im anumpuli hatuk oka, teli auah tuklo Israe^l im vlla vhleha isht atiaka holhtina ka v^hhpisa h_o, Chatan iklvna ya ont ai ishit, isht ayvt abinachi ya isht onvt, aka kahpuli tok.

9. Mihma Choshua vt Chatan iklvna na holitompa isht asha Chihowa nan it im apesa vt afoyuka itombi holitopa shoyuli iyi yvt a hieli tuk a teli auah tuklo h_o hiohlichi tok : yohmi tok o himak nitak kia yumma aiashvshke.

10. Na holitompa isht asha itombi holitopa yash shoyuli hatuk vt Chatan iklvna ya hieli na, Chihowa vt nana im apesa h_o Choshua vt okla h_a im anumpohonli tuk a ont vlhtaha tok ; yummvt Moses vt Choshua i miha tok mak atok ; yohmi h_o okla hvt tushpvt tanvbli tok.

11. Atuk o yakohmi tok, okla hvt momvt tanvblit taiyaha ma, okla hvt pisa h_o, Chihowa im itombi holitopa, micha na holitompa isht asha aiena kv^t tanvbli tok.

12. Moses it im anumpuli tok mak o Luben im vlla vhleha, micha Kat im vlla vhleha, micha Manasseh ishtatiaka iklvna aiena kv^t na halupa im vlhtaha hosh Israe^l im vlla vhleha hvt pisa h_o, tanvbli tok ;

13. Tahlepa sipokni pokoli ushta foka hosh na halupa im vlhtahvt tanampa chi hosh Chihowa itikba ya tanvblit, Cheliko yakni matali ya ona tok.

14. Nitak yummak fehna ak o Chihowa vt Choshua ya Israe^l moma itikba a holitoblichi tok ; yohmi na yummak ash osh nitak okchayvt ahanta ont ai vhlaka, Moses a okla holi-
tobli beka tuk vt chohmit okla holitobli beka tok.

15. Mihma Chihowa vt Choshua ya im anumpulit,

16. Na holitompa isht asha nan isht atokowa itombi holitopa yash shoyuli tuk vt, Chatan a okla auet a kohcha chi h_o ish i mihashke, achi tok.

17. Yvmohmi hatuk o Choshua vt naholitompa isht asha i mihvt, Chatan a auet hvsh a kohchashke, achi tok.

18. Atuk o yakohmi tok, na holitompa isht asha Chihowa nan it im apesa vt afoyuka itombi holitopa shoyuli hatuk vt, Chatan iklvna ya lokolit auet akochcha cha, naholitompa isht asha iyi pvtha yvt yakni shila ont o hika mak

inli h_o, Chatan oka yvt ataya yatuk a falamvt auet fohkvt sakti a atabli tuk vt moma tok.

19. Mihma hvshi isht ia vmona nitak ont ishit pokoli fehna ak o okla hash osh Chatan a auet a kohcha cha, Cheliko yakni hvshi akochaka imma vhli Kilkal a ont binanchi tok.

20. Mihma tvli auah tuklo Chatan ai ishi tuk yvmmak ash Choshua vt Kilkal ak o itvbnit hilechi tok.

21. Yohmi cha Israel im vlla vhleha ha im anumpulit, Himak a pilla ma hvchim vlla vhleha hvt iki vhleha ha i ponaklot, Tvli ilvppvt nanta h_o isht vhpisa hoh cho? achi hokma,

22. Israel im vlla vhleha hvt yakni shila yo Chatan ilvpa a tanvli tok a im anolit hvsh ithvnanchashke.

23. Chitokaka hvchin Chihowa vt Okhvta Humma ya pi tikba a shilelit tahli na ont il ia tok a chohmichit Chitokaka hvchin Chihowa vt Chatan oka ya hvchi tikba a shilelit tahli na tanvblit hvsh taha tuk okvt.

24. Yohmi na yakni moma hatak aiasha kvv Chihowa ibbak vt kvllo kvv nana moma i shahli ka ithaiyana chi hatok; yohmi na Chitokaka hvchin Chihowa ya hvsh holitobli na bilia hi atok.

CHAPTA V.

ATUK o yakohmi tok, Amolait okla i miko vhleha Chatan hvshi ai okatula imma aiasha tuk, micha Kenanait okla i miko vhleha okhvta lapalika ai asha tuk aiena kvv, Chihowa vt Chatan oka ya Israel im vlla vhleha itikba ya a shilelit tahli na tanvblit e taha tuk a haklo mvt, chukvsh vt bihinla tok; micha Israel im vlla vhleha hak a tok pulla mak o himmakma hatak nana kia chilitvt im anukfila kvv iksho kamohmi tok.

2. Nitak yvmmak fehna ma Chihowa yvt Choshua ya, Bvshpo halupa hochukma h_o ish ikbashke; yohmi cha Israel im vlla vhleha ha anonti atuklanchit hakshup ish tvptulashke, im achi tok.

3. Yohmi h_o Choshua vt bushpo halupa hochukma ka ikbi cha, Is_lael im vlla vhleha h_a hakshup tvptuli kv_t bokko ak _o ont ai vhl_ichi hosh tvptuli tok.

4. Yakohmi kak _o Choshua vt hakshup tvptuli tok: Hatak puta kv_t nakni, hatak tv_nvp aya vlhpesa hosh Echip _a a kohcha tok okvto, Echip akohcha hayvt yakni haiaka itvnoh_owa kv_t, illit taha tok.

5. Yohmi ka hatak puta Echip _a a kohcha tok okvto hakshvp tvptua bano tok; amba Echip _a a kohcha hayosh yakni haiaka itvnoh_owa h_o vtta tok yvmmak okvno hakshup ik tvptulo k_isha tuk atok.

6. Is_lael im vlla vhleha hv_t yakni haiaka itvnoh_owa na afvmmi pokoli ushta tok; yohmi na hatak puta, hatak tv_nvp aya vlhpesa hosh Echip _a a kohcha tuk vt Chihowa im anumpa h_a im antia keyu hatuk osh ai iksho ki tok: yakni pishukchi, foi bila aiena bieka ai yanahanli h_o pima hi osh i_ki vhleha h_a anumpa kv_llo isht il im onochi tok vt yv_mma puta hokvno yakni yv_mma i haiakvcha he keyu kv_t anumpa kv_llo il onochi tok okvt.

7. Yvmohmi hatuk osh yv_mma im vlla vhleha atobbichit hiohlichi kak _o, Choshua vt hakshup tvptuli tok: takla mihinti kv_t hakshup tvptuli keyu hatuk _o, hakshup ik tvptuo hatuk oke.

8. Atuk _o yakohmi tok, okla puta ka hakshup tvptulit okla tahli ma, im vlbina aiyukali aiashvt okla hlakofit in taha tok.

9. Mihma Chihowa vt Choshua ya, Himak nitak ak _o Echip isht ahofahya ya hv_{ch}i filvmmichit kanima pit v_onullichi lishke, im achi tok. Yohmi hatuk _o yakni yv_mmv_t Kilkal hohchifo na himak nitak _a ant ai vhl_i hoke.

10. Mihma Is_lael im vlla vhleha hv_t Cheliko yakni matali Kilkal ak _o binanchit ai ashvt, hv_{sh}i nitak ont auah ushta opiaka yo vbanvblit ont ia ya h_olitoblit aiasha tok.

11. Mihmv_t vbanvblit ontia ya h_olitoblit aiasha tuk ont onna ma, onush yakni yv_mma a waya tuk _a v_pvt ai asha tok; nitak yv_mmak fehna ak _o pvska ik shatvmmo, micha onush vlvvsha aiena ka vpa tok.

12. Yakni yvmma onush a waya okla vpa tuk ont onna kak o, manna vt ayvt issa tok; yohmi na i himmak ma Is-lael im vlla vhleha hvt manna ik im iksho ki tok; amba afvmmi yvmma Kenan yakni nan a waya kak o vpvvt ai asha tok.

13. Atuk o yakohmi tok, Choshua vt Cheliko lapali ka hikivt, vba chakalit hopokoyo mvt, i chapaka ya hatak vt bvshpo falaia shufit ieshi hosh hikia na pit pisa tok: mihma Choshua vt im ona cha, Pishno ak o pibai achvfa chia hok-má, keyukmvt pin tvnvp ak o ibaiachvfa chia hokmá, nanta cho? im achi tok.

14. Mihma yvmmak ash osh, Keyú, amba Chihowa in tvshka vhleha hak o i kvpitvni sia hosh ayvt himak a vla li hoke, im achi tok. Mihma Choshua vt aka pit hlipia cha, ai okpvchi tok; mihmvt, A shahli hvt in tishu h nanta ho im achi cho? im achi tok.

15. Mihma Chihowa in tvshka vhleha h i kvpitvni hash osh Choshua ya, Yakni yvmma ish ai o hikia kvv holiropa hoka, chi shulush a ish shufashke, im achi tok: mihma Choshua vt yvmohmi tok.

CHAPTA VI.

ISLAEL im vlla vhleha pulla hatuk mak o Cheliko vt vlvkuma kvllo fehna ha tok; yohmi hatuk o yvmma a kohchvt ia, anonti ant chukowa aiena kia iksho ki tok.

2. Yohmi ho Chihowa vt Choshua ya, Cheliko, micha yvmma i miko, mikmvt tvshka hlampko hochukma, chilitvi nukwia iksho vhleha aiena ka moma chibbak a fohki li ka ish pisashke, im achi tok.

3. Yohmi hoka hatak tvnvp aya vhleha hvchia hvt momvt tmaha holihta ya hvsh afolublashke; micha tmaha holihta ya himonna h hvsh apakfopashke; ilvppa hvsh yakohomi na nitak hannalashke.

4. Yohmi ka na holiropa isht asha untuklo chukfi nakni lapish isht pufa sholi hosh itombi holiropa yash itikba ya hielashke: atuk osh nitak ont isht untuklo mveno untuklo ha

hush apakfopashke; mikma na holitompa isht asha yvt isht pufa ya olahanchashke.

5. Atukma yakohma chi hoke, yummak ash osh chukfi nakni lapish ash fiopa falaiachi fehna hosh pufakma, yummvt ola ka hush haklokmt, okla moma kvt chitoli fehna hosh shakapashke: yohmikma tmaha tvli holihta yatuk vt tiapvt aka fohopa chi hoke; yohmikma okla hvt achvfa aiyukali kvt ilap a hikia tuk itikba ya apissanlit oiyashke, im achi tok.

6. Yohmi ma Choshua, Nun ushi vt na holitompa isht asha i howa cha, Nan it im apesa yvt afoyuka itombi holi-topa yash ishit hush sholashke; yohmikma na holitompa isht asha untuklo kvt chukfi nakni lapish isht pufa untuklo ka shoyuli hosh Chihowa im itombi holitopa itikba ya hie-lashke, im achi tok.

7. Mihmt okla hash o, Hush ia cha, tmaha holihta ya hush afolublashke; yohmi ka na halupa im vlhtaha hokvto Chihowa im itombi holitopa itikba ak o itvnohowashke, im achi tok.

8. Atuk o yakohmi tok, Choshua vt okla ha im anumpu-lit issa ma, na holitompa isht asha untuklo chukfi nakni lapish isht pufa untuklo shoyuli kash osh Chihowa itikba ya ia cha, isht pufa yash olahanchi tok: mihma Chihowa nan it im apesa vt afoyuka itombi holitopa vt pit iakaiya tok.

9. Mihma hatak na halupa im vlhtaha kvt na holitompa isht asha isht pufa olahanchi ka itikba ia tok; mihma olbv aka mihinti kvt itombi holitopa yash o pit iakaiya tok; na holitompa isht asha yvt ia hosh itvnohowvt isht pufa yash olahanchi tok.

10. Mihma Choshua vt okla ha nan i mihvt, Hvch ik sha- kapo ho, anumpa nana kia chitih ha a kohchvt ik ohonlo ke tuk o, nitak kaniohmi ho, Ho shakapa hvchi miha li hok mak o, hush shakapashke, im achi tok atok.

11. Yohmi ho Chihowa im itombi holitopa hvt tmaha holihta ya apakfopa tok; himonna ha okla apakfopa mt, vlbina hak o ona cha, vlbina hak o a nusi tok.

12. Atuk o Choshua vt onnahnli fehna tani ma, na holi-

tompa isht asha yvt Chihowa im itombi holitopa yash ishit sholi tok.

13. Mihma na holitompa isht asha untuklo chukfi nakni lapish untuklo sholi hatuk vt Chihowa im itombi holitopa itikba hielit ivt itvnoh_owvt, isht p_ufa yash olahanchi tok; mihma hatak na halupa im vlhtaha kvto tikba hielit aya tok; amba olbvl aka mihinti kvto Chihowa im itombi holitopa yash o pit iakaiya tok: na holitompa isht asha yvt ia hosh itvnoh_owvt, isht p_ufa yash olahanchi tok.

14. Mihma nitak ont atukla ma himonna ha tmaha holihta ya apakfopa mvt, falamvt vlbina ha ai ona tok. Yohmi kv_t nitak hannali h_o yvmohmi tok.

15. Atuk o yakohmi tok, nitak ont isht untuklo ma onnahinli fehna onnvt tohwikeli mihinti ma, okla tani cha, mihi yo beka tuk a chohmit untuklo ha tmaha holihta ya apakfopa tok: nitak yvmmak illa h_o tmaha holihta ya untuklo ha apakfopa tok.

16. Atuk o yakohmi tok, ont isht untuklo ka apakfopvt aya ma, na holitompa isht asha yvt isht p_ufa olachi ma, Choshua vt okla hash o Tvmaha holihta ya Chihowa yvt hvch ima hoka, ho shakapá, im achi tok.

17. Tvmaha holihta yvmmak fehna, mikmvt ymma anukaka ai asha aiena kv_t Chihowa hak o nan isht ai im vlhpisa ch_i mak oke; ohoyo haui Lahab ak illa, ymma, micha ap_ihvt in chuka maya tuk moma kvto, hatak na pisa e tihleli tuk o aya ka luhmi tuk okvt okchaya ch_i hoke.

18. Nana ka Chihowa i hullochi atuk puta ka kaniohmit hvch ik il ahalaiacho pullashke, keyukmvt nana ka Chihowa i hullochi atuk a hvsh ishi hokmvt, il okpvnit hvsh tahli cha, Israel im vlbina ha isht ai okpuloka hi a onochit, ymma hvsh ilbvshala hinla hoke.

19. Amba tvli hvta, micha tvli holisso lakna, mikmvt tvli, anonti tvli lakna aiena nana ai vlhpitta toba yokvto Chihowa ya im aholitopa toba hoke: Chihowa i na holitopa ai asha ya pit ibafohka ch_i hoke, im achi tok.

20. Yohmi ma na holitompa isht asha yvt isht p_ufa olahanchi ma, okla hv_t shakapa tok: atuk o yakohmi tok, okla

hash osh isht pufa yvt ola na haklo mvt, okla shakapa kvt chitoli fehna hosh shakapa tok; yohmi ma tvli holihta yvt tiapvt aka fohopa tok; yohmi hatuk o okla hvlt ilap a hikia tuk aiyukali itikba ya apissanlit tmaha ha pit abeha tok; micha tmaha ha ishi tok.

21. Mihmvt nana moyuma tmaha holihta aiasha tuk, nakni, micha ohoyo moma, himithowa, micha sipokni moma, mikmvt wak, micha chukfi, mikmvt issuba haksobish falaia aiena moma ka bvshpo falaia halupa yo isht okpvnit okla kaiyanchi tok.

22. Hatak tuklo yakni pisa tuk amo Choshua vt, Ohoyo havi ash in chuka hvsh chukowa cha, anumpa kvllo isht hvsh il im onochi hatuk okvt, ohoyo yvmma, micha nana il ai eshi tuk a moma isht hvsh kohchashke, im achi tok.

23. Yohmi hatuk a hatak himithowa na pisvt aya tuk ash osh pit chukowa cha, Lahab, mikmvt iki, micha ishki, micha i nakfi vhleha, mikmvt nana im ai asha tuk aiena moma ka ishit kohcha tok; yvmma ai i kanomi moyuma ka ishit kohchvt Israel im vlbina kohcha ak o ashachi tok.

24. Yohmi ma tmaha holihta, micha nana yvmma anu-kaka aiasha tuk aiena ka luak isht hukmi tok: amba tvli hvta, micha tvli holisso lakna, mikmvt tvli, micha tvli lakna aiena nan ai vlhpitta toba ak illa ho Chihowa i na holitopa ai asha chuka ya pit apitta tok.

25. Mihma Choshua vt hatak Cheliko yakni pisa chi ho tihleli na aya tuk a luhmi tuk atuk o Lahab ohoyo havi ash micha iki in chuka achvfa, micha immi hatuk aiena ka Choshua vt okchalinchi tok; yohmi tuk o Israel okla ha iba taklvt a chukvt ahanta na himak nitak a ant ai vhli hoke.

26. Nitak yvmma fehna ak o Choshua vt okla ha anum-pa kvllo onochit, Hatak nana hosh wakayvt, tmaha Cheliko ilvppa ikbi hokmvt, Chihowa itikba ya nana palvmmi pisa he im vlhpisvt hikia hi oke: ushi vttahpi ak osh isht vlhtoba ho intola vmmona ka bohla he, atuk mvt ushi ishtai-yopi kak osh isht vlhtoba ho holihta okhissa ya hiohlichea hi oke.

27. Yakohmit Chihowa vt Choshua ya awant aya tok:

yohmi h_o yvmma isht annoa kv̄t yakni moma ka ai anno-
h_owa tok.

CHAPTA VII.

YOHMI kia Israel im vlla vhleha hv̄t nan ī hullochi atuk
a isht ashv̄chi tok: Chutah ishtatiaka Selah h_a ushi,
Sabti h_a ushi, Kami y_a anonti ushi Achan vt nan ī hullochi
atuk ash ishi tok: yohmi h_o Chihowa isht anukhobela yv̄t
libbit Israel im vlla vhleha h_a onvtoyula tok.

2. Mihma Choshua vt Cheliko vttvt hatak kanohmi h_a
Belh-afen ichapaka, Behlel hv̄shi a kohchaka imma Ai y_a
tihlelit, im anumpulit, Hv̄sh ia cha, yakni yvmma ont hv̄sh
pisashke, im achi tok. Mihma hatak ash osh ia cha, Ai y_a
ont pisa tok.

3. Atuk osh yvmmak ash osh falamvt Choshua y_a im
vlvt, Hatak moyuma hokv̄to ik aiyo kashke, amba tahlepa
sipokni tuklo, tuchina kanima hosh Ai y_a ont issot kanchash-
ke: okla yvmmvt kanomosi hoka, hatak moma ka yvmma
pit tihlelit chik tikambicho kashke im achi tok.

4. Yohmi hatuk ō okla hash ō a kohchvt hatak tahlepa
sipokni tuchina foka hosh yvmma pit ilhkoli tok: atuk osh
Ai okla h_a ont ī yihlepa tok.

5. Mihma Ai okla hash osh pokoli tuchina akucha han-
nali foka h_o ai v̄bi tok: holihta okhissa itikba a hliolit isht
ia mvt, Shebalim a isht ona hatuk osh takla y_a okvtahvt ia
ka ai issot kanchi tok: yohmi hatuk ō okla chukv̄sh vt bilvt
oka y_o chiyuhmi tok.

6. Mihma Choshua vt ī nafohka y_a ita hlilv̄ffi cha, aka pit
itulvt Chihowa im itombi holitopa itikba y_a ilap, micha Israel
okla im asvnonchi vhleha aiena kv̄t hlipkv̄chit maya na opia
tok: mihmvt noshkobo h_a lukfi pushi okla ō fohopli tok.

7. Mihmvt Choshua ash osh, Ikikkeh! Chitokaka Chi-
howa ma! nanta katiohmi h_o Amolait vhleha ibbak a ish pi
fohki na pi mosholicha ch̄i ka, okla ilvppa Chatan a ant ish
pi tanv̄blich̄i tuk oh cho? pim vlhpesa cha, Chatan mish-
tv̄nvp mak inli h_o il ai asha hatuk okbano!

8. Chihowa ma! Israel okla hvt in tɔnɔp vhleha hɔ nɔli ak ɔ i filihimi ka, nanta hak ɔ miha la chi cho?

9. Kenanait vhleha, micha yakni ilɔppa hatak aiasha mo-ma kvɔ hakla chi hoke; yohmi cha pi afolublit, pi hohchifo hɔ yakni paknaka ilɔppa a tɔblit kancha chi hoke: yohmik-ma chi hohchifo chinto ka nanta hɔ ish i katiohmicha chi cho? achi tok.

10. Mihma Chihowa yvt Choshua ya, Ish tanashke; nanta katiohmi hɔ yakohmit ish hlipia cho?

11. Israel vt nan ashvchishke, yohmi cha yɔmmɔt, nana it im apesa im apehisa li tok a kobvffi aiena tuk oke: nan i hullochi atuk ash yɔmmak fehna ishi hokvɔt: micha hukopa aiena tuk; micha holabi aiena tuk; micha yɔmmɔt yɔmmak ash i na chukushpa fehna iba fohkit bohli tuk oke.

12. Yohmi kak ɔ Israel im vlla vhleha hvt in tɔnɔp vhleha itikba ya hiela he keyu hosh, amba in tɔnɔp vhleha itikba ya nɔli ak ɔ i filihimishke, Chihowa im ai i nukkilli vt onvtoyula hatuk oka: yohmi ka nan i hullochi atuk ash ishi tuk ilɔppak ash ɔ okpɔnit ai ile kohchit hvsh kanchi keyuk-ma, hvchi awant aya la he keyushke.

13. Wakayvt, okla hɔ ish hullochashke; micha onna takla ka hvsh ile hullochashke; Israel in Chitokaka Chihowa vt yakohmichit anumpulishke, Israel chia ma! nan i hullochi atuk vt hvch itintakla takalishke: yohmi hoka nan i hullochi tuk ash ilɔppa ai ile kohchit hvsh kanchi keyuk-mɔt, hvchin tɔnɔp vhleha itikba ya hvsh hiela he keyushke, ish achashke.

14. Yɔmohmi hoka onnahinlikma ai unchololi hvsh ai achvfa aiyukali yak osh iti hoyo hosh ahanlashke; atukma yakohma chi hoke, ai unchololi kanima hɔ Chihowa yvt ishi hokma, yɔmmɔt ai unchololi itakvshkoa ak ɔ iti hoyo hosh ahanlashke, atukma ai unchololi itakvshkoa kanima hɔ Chihowa yvt ishi hokma, yɔmmɔt chuka achvfa ak ɔ iti hoyo hosh ahanlashke; atukma chuka achvfa kanima hɔ Chihowa yvt ishi hokma, yɔmmɔt hatak achvfa aiyukali hosh ahanlashke.

15. Atukma yakohma chi hoke, kanima hosh nan i hullochi atuk ash ish itvni hokmɔt, ilap, micha nana im asha

tuk moma kv̄t luak isht luashke: yohmi kv̄t Chihowa nan it im apesa yā kobv̄ffi, micha Israel ā nana ik aiv̄lhpeso ai yvmohmi aiena hokv̄t yvmohmashke, im achi tok.

16. Yohmi hatuk ō Choshua vt onnahinli fehna tani cha, Israel okla hash ishtatiaka aiyukali yak ō itahobi tok; yohmi ma Chutah ishtatiaka yak osh vlhtoka tok.

17. Yohmi ma Chutah isht atiaka itakv̄shkoa puta kak ō itahobi tok: yohmi ma Saha isht atiaka yak ō atokoli tok; yohmi ma Saha ishtatiaka hatak achv̄fa aiyukali hō itahobi tok; mihma Sabti ak osh vlhtoka tok.

18. Yohmi ma yv̄mma in chuka achv̄fa yā hatak achv̄fa aiyukali hō itahobi tok; yohmi ma Chutah ishtatiaka Selah yā ushi, Sabti yā ushi, Kami yā ushi, Achan ak osh vlhtoka tok.

19. Mihma Choshua vt Achan ā Sv̄so ma! Israel in Chitokaka Chihowa yā ish holitoblichī cha, ish il im anolashke, chim asilhha lishke: yohmi hoka nana ish kaniohmi tuk okv̄t chik san luhmo hosh, is sv̄m anolashke, im achi tok.

20. Mihma Achan ash osh afalamichit Choshua yā, Israel in Chitokaka Chihowa yā im ashv̄chi li tuk ō mv̄hlishke, yohmi kv̄t nana ka ilv̄ppak ō, anonti ilv̄ppak ō yvmohmi li tuk oke.

21. Na wehpoa ititakla yā Babulon nafohka achukma fehna, micha tv̄li hv̄ta shekel tahlepa tuklo, mikmv̄t tv̄li holisso lakna hohli ohmi hosh weki shekel pokoli tahlapi aiena hosh kahv̄t maya na pisa li mv̄t, anushkunna lish, ishi li tuk oke: yohmi tuk ō yakeh! yakni anukaka luma hosh vm̄ vlhtipo iklv̄na yā chiyakma tv̄li hv̄ta yvt nutaka itonlv̄shke, im achi tok.

22. Yohmi ma Choshua vt hatak atokolit tihleli tok; yohmi na yihlepv̄t vlhtipo yā ai ona ma, yakeh! yvmmak ash osh im vlhtipo luma hosh itonla ma, tv̄li hv̄ta yvt nuta yā itonla tok.

23. Mihma yvmmak ash vlhtipo yā okla ai ishit kohchv̄t, Choshua, micha Israel im v̄lla vhleha moma ka isht im onvt, Chihowa itikba yā ont ashachi tok.

24. Mihma Choshua vt, Israel okla moma kv̄t ap̄iha hō,

Achan, Selah ushi ash, mikmvt tvli hvta, micha nafohka, micha tvli holisso lakna hohli ohmi kash aiena, mikmvt ushi vhleha, micha ushetik vhleha, micha i wak, micha issuba haksobish falaia puta, micha in chukfi, mikmvt im vlhtipo, micha nana im a_hsha tuk moma aiena ka okla ishi cha, yvm-mak ash Acho okfa h_a okla isht ona tok.

25. Yohmi ma Choshua vt, Nanta katiohmi h_o ish pilbv-shali tuk oh cho? himak nitak a Chihowa yak osh chishno ma chilbvshala ch_i hoke, achi tok. Mihma Islael okla hv_t momvt tvli isht boli tok: yohmi cha tvli isht bolit okla issa hayvt, luak isht hukmi tok.

26. Yohmi mvt tvli itvnaha chito fehna h_o isht ompohomot hilechi tok o, himak nitak ka hikivshke. Yohmi h_o Chihowa im ai i nukkilli libbi fehna tuk vt ai i filvmmi tok: yvmohmi hatuk o yakni yvmmvt himak nitak ant ai vhluka Acho okfa hohchihifoshke.

CHAPTA VIII.

YUMOHMI ma Chihowa vt, Choshua y_a, Ik chi nuksho-pashke, micha chi chukvsh ik iello kashke; hatak tvnvp aya vhleha h_a moma il ai eshit, wakayvt, Ai y_a ish iashke: yakeh! i m_iko, mikmvt im okla vhleha, micha in tvmaha holihta, mikmvt i yakni aiena ka chibbak a fohki li hoke.

2. Yohmi k_a, Ai, mikmvt i m_iko Cheliko, mikmvt i m_iko aiena ka ish kaniohmichi tuk vt, yvmmak inli h_o ish choh-micha ch_i hoke: amba na wehpoa, micha wak aiena ak illa ak o hvchimmi ikbit hvsh ishaskhe: tvshka chipota vt im aiehcha ch_i ka tvmaha holihta im a_hshaka y_a ish ashachashke, im achi tok.

3. Yohmi h_o Choshua, micha hatak tvnvp aya vhleha moma kv_t Ai y_a in tanampit ia tok: mihma Choshua vt hatak tvnvp aya hlampko hochukma chilitvt nukwia iksho tahlepa sipokni pokoli tuchina h_o atokolit ninak o tihleli tok.

4. Yohmi mvt nan i mihvt, Yakeh! tvmaha holihta y_a

im aiehchit, tumaha holihta im ashaka i hopaki keyu ho, moyumvt hvchim vltahvt hvsh aiashashke.

5. Yohmikma vno, micha okla si apehvt aya tuk il aiena kvv tumaha holihta ya atikonofvt e mahaya chi hoke; atukma yakohma chi hoke, vmona tuk a chohmit, okla pi afamvt mintikma, il i yihlepa chi hoke.

6. (Kohchvt piakaya chi hoka) i yihlepvv mahayvt tumaha holihta ya e kohchicha chi hoke; Vmona ak inli tuk a chohmit, pi yihlepvshke, acha chi hoka: yohmi hatuk o il i yihlepa chi hoke.

7. Yohmikma tumaha holihta ya im aiehchit hvsh aiasha tuk vt, wakayvt tumaha holihta ya hvsh ishaskhe; Chitokaka hvchin Chihowa yvt hvch ibbak a fohka chi hoka.

8. Atukma yakohma chi hoke, tumaha holihta ya hvsh ishikmvt, Chihowa hvv apihisa tuk mak o yvmihchit luak isht hvsh hukma chi hoke: yakeh! hvchim apesa lishke, achi tok.

9. Yvmohmi hatuk osh Choshua vt yvmmak ash pit tihleli tok; yohmi na aiehcha chi hosh okla hvv Ai i hvshi ai okatula imma Behlel, Ai itintakla ak o aiasha tok: amba Choshua vto ninak yvmma okla hak o iba binachi tok.

10. Atuk osh Choshua vt onmahinli fehna tani cha, okla ha hotihna tok; yohmi cha ilap vt Israel im avnonchi vhleha ita pihvt okla ha itikba hielit Ai ya ia tok.

11. Mihma okla moyuma, hatak tvvvp aya yvmma apehvt aya atuk vt, momvt ilhkolit, tikelit mahayvt, tumaha holihta itikba ai ona mvt, Ai i falvmmi imma yo okla binachi tok: yohmi ka Ai itintakla ya okfa hosh bachaya tok.

12. Yvmohmi mvt hatak tahlepa sipokni tahlapi foka ho ishi cha, aiehcha chi ka Behlel, Ai itintakla tumaha holihta ya i hvshi ai okatula imma ho ont ashachi tok.

13. Yvmohmi mvt okla moyuma, tvshka chipota vhleha tumaha holihta i falvmmi imma ai asha tuk, micha aiehchi tumaha holihta i hvshi ai okatula imma aiasha tuk aiena ka achukmalit kahpuli na im vltaha ma, Choshua vt ninak yvmma okfa hash ikvna ya ona tok.

14. Atuk o yakohmi tok, Ai i miko vt yvmma pisa mvt,

tushpvt onnahinli fehna okla tani cha, tumaha holihta yvma hatak vhleha hv̄t Israel itiba ch̄i hosh yvmma, micha okla moyuma aiena kv̄t hv̄sh̄i kanv̄lli v̄lhpisa ont ai v̄lhpesa tukma, okfa hash itikba ai ona tok: yohmi kia tumaha holihta im ashaka ya im aiehchi hosh aiasha ka, ik akostinincho hatok.

15. Mihma Choshua, Israel okla moyuma aiena kash osh ik alauecho h̄o ile chohmichit, itikba yakni haiaka hina ya pit ai yihlepa tok.

16. Mihma okla moyuma Ai aiasha tuk vt itvnaha cha, yvmma okla pit ahliyuha tok: yohmit Choshua ya ahliyuha hosh tumaha holihta ya akocha wiha tok.

17. Yohmi ka Israel okla h̄a ik ahliyuho hosh Ai, Bellel kanima ka anta kv̄t hatak achvfa nana kia iksho ki tok: micha tumaha holihta pit tiwvt talaia na Israel okla h̄a ahliyuha tok.

18. Mihma Chihowa vt Choshua ya, Tv̄li halupa ontv̄la tv̄bi chibbak f̄oka ka Ai imma pit ish welashke; yvmma chibbak a fohki la ch̄i hoka, im achi tok. Mihma Choshua vt tv̄li halupa ontv̄la tv̄bi ibbak f̄oka hatuk a tumaha holihta imma pit weli tok.

19. Yohmi ma im aiehchit aiasha tuk vt chekosi fehna kocha wihvt, ibbak a vba weli mak inli h̄o, yihlepvt tumaha holihta ya ont chukowvt, ishi tok; micha tushpvt tumaha holihta yash hukmi tok.

20. Yohmi tuk o Ai okla hash osh filemvt, im ashaka imma pit hopokoyo mvt, yakeh! tumaha holihta yash osh shobullit vba pit hikia na pisa tok: yohmi cha ilvppimma, keyukmvt yvmmimma kanima pit ai yihlepa hi vt iksho ki tok: yohmi ma okla yakni haiaka pit yihlepa tuk ash osh falamvt, ahliyuhvt maya tuk a o yihlepa tok.

21. Yohmi kv̄t Choshua, micha Israel okla moyuma aiena kv̄t, aiehchit aasha tuk ash osh tumaha holihta ya ishi na, tumaha holihta yvt shobullit vba pit hikia na pisa hatuk osh, filema cha, Ai hatak vhleha hash vbit tahli tok.

22. Mihma inla yash osh tumaha holihta ya a kohchvt o yihlepa tok; yohmi hatuk o Israel okla h̄a iklvna ka yo hiehi

tok; yohmi ka kaniohmi kv̄t ilv̄ppa in tv̄npv̄p ashakma, anonti kaniohmi kv̄t yv̄mma in tv̄nnpv̄p asha tok: yohmi hatuk osh issot kanchi tok; yohmi cha achv̄fa kia okchalinchit ik hlakofecho ki tok.

23. Micha Ai ī miko ano okchaya na okla ieshi cha, Choshua ā isht im ona tok.

24. Atuk ō yakohmi tok, Israēl okla hv̄t Ai okla hā, osapa, yakni haiaka aiena ai ahliyuhv̄t isht ayv̄t, yv̄mma okla ai v̄bit tahli tok: yv̄mmak ash osh bv̄shpo falaia halupa yā onv̄tohonlv̄t, momv̄t illit taiyaha ma, Israēl okla hash osh momv̄t falamv̄t Ai yā ona cha, bv̄shpo falaia halupa isht issot kanchi tok.

25. Atuk ō yakohmi tok, hatak, micha ohoyo, aiena nitak yv̄mma akakoha kv̄t, momv̄t tahlepa sipokni auah tuklo yv̄mmv̄t Ai okla moyuma tok.

26. Choshua vt tv̄li halupa ontv̄la tv̄bi yā ibbak isht ieshit pit weli tuk vt, Ai okla hā mominchit v̄bit ik tahlo hokv̄to, ik isso tok oka.

27. Yohmi hō wak puta, micha tv̄maha holihta yv̄mma na wehpoa aiena bano hō Chihowa yv̄t Choshua yā nan ī miha tuk anumpa hā iakaiya hosh Israēl okla hv̄t ilap inmi ikbi tok.

28. Mihma chiffokot ai asha na bilia he mak ō Choshua vt Ai yā hukmit kanchi tok: yohmi tok ō aiokpulokv̄t kv̄niv̄t himak nitak ā ant ai v̄hlishke.

29. Mihmv̄t Ai ī miko ano nuksitelit iti a takalichi na takali na opia tok; atuk ō bv̄shi vt okatula mak inli hō yv̄mma haknip ā-iti yā ai akv̄chi cha, tv̄maha holihta ont a chukowa okhissa ont pila cha, yv̄mma tv̄li itv̄nahachi chito ai ikbit hilecha chī ka Choshua vt ī miha tok; yv̄mmv̄t hikia na himak nitak ā ant ai v̄hlishke.

30. Yohmi ma Choshua vt Chitokaka Israēl in Chihowa yā nv̄nih Ebāl ak ō alta yā im ai ikbi tok.

31. Yohmi ka Moses, Chihowa in tishu hv̄t Israēl im v̄lla v̄hleha hā nan im apihisa tok ō, Moses ī nan v̄lhpisa holisso hā a holihiso hatuk oka, Alta tv̄li atushahli keyu, yv̄mma hatak vt tv̄li halupa nana kia onochi tuk keyu hō isht ai ikbi

tok : yohmi cha yummak o nan vbit Chihowa ya isht aiokpuchi om bohliit a hukmi cha ; anonti isht aiokpuchi isht it i nanaiyvchi aiena ka ai vbit okla aiasha tok.

32. Mihma Israel im vlla vhleha momvt pisa ho, Moses i nan vlhpisa ya tosholit tvli atok ash o a holissochi tok.

33. Mihma Israel moma, micha im asvnonchi vhleha, micha okla pehlichu vhleha, micha i nan apesa vhleha aiena, micha hatak ik ithano ak kia iti takla vta tok ak inli chohmit, itombi holitopa ya ilvppa in tvnvp, micha yvmma in tvnvp Lefait vhleha naholitompa isht asha Chihowa nan it im apesa vt afoyuka itombi holitopa shoyuli itikba tahlalaka hielu tok ; a moyuma hosh iklvna kvv Kelisim nvnih i chapaka ya hielikma, anonti iklvna kvv Ebal nvnih i chapaka ya hielu tok : yvmohmi hosh Israel okla ha yvvpala hi o Moses, Chihowa in tishu hvv tikba ka im apihisa tok mak o, yvmohmi tok.

34. Yohmi hayak o nan vlhpisa anumpa puyuta, nan isht ai yvvpala he, anonti isht ai i palvmma he aiena nan vlhpisa holisso ha a holihiso tok a it im anumpobonli tok.

35. Israel okla moyuma, ohoyo, vlla chipunta, micha hatak inla yvt yvmma iba takla maya hatuk aiena itikba ya Choshua vt, Moses vt nana im apihisa tok moyuma ka anumpa achvfa kia ik ai it im anumpulo ka iksho ki tok.

CHAPTA IX.

ATUK o yakohmi tok, miko vhleha Chatan ola in tvnvp, nvnih foka, micha okfa foka, micha okhvta chito vhli moma Lebanon i chapaka, Hitait okla, micha Amolait okla, Kenanait okla, Pelissait okla, Hifait okla, micha Chebusait okla aiena aiasha kvv haklo mvt ;

2. Choshua, micha Israel aiena ka itiba chi hosh im anukfila achvfa hosh iti hoyot itvna tok.

3. Atuk o Kibeon aiasha vt, Choshua vt Cheliko, micha Ai ita tuklo ka kaniohmichi tuk a haklo mvt,

4. I kostinit okla im anukfila cha, okla inla im anumpa

shali atuk ilahobit, bahta hlipa puta, micha oka paki kotoba sipokni hlilahlit vlhkvtu puta aiena ka issuba haksobish falaia ya onochi tok.

5. Micha shulush sipokni vlhkvtu ishit hoyolo, micha nafohka sipokni isht foyuka tok: mikmvt pvska il atahli tuk moma kvv shilvt bokbokit taha tok.

6. Micha Choshua ya im onvt, Kilkal vlbina ha ona cha, yvmma, micha Israel hatak vhleha aiena ka, Yakni hopaki minti pia hoke: yvmohmi hoka anumpa kvllo ka hvsh pit im apesashke, im achi tok.

7. Mihma Israel hatak vhleha hvv Hifait vhleha hash, Pi takla hvsh asha yoba hatuk á, yohmi hokmvno katiohmi kak osh anumpa e hvch it im apesa cho? im achi tok.

8. Mihma Choshua vt, Kvta ho hvchia ho? micha katima yo hvsh minti cho? im achi tok.

9. Mihma, Yakni hopaki fehna ho minti hosh Chitokaka chin Chihowa hohchifo pulla kak o, chin tishu vhleha hvv vla hoke: Echip a kaniohmihinchi tok puta kvv annoa,

10. Micha Chatan mish-tvnnvp Amolait okla i miko tuklo, Heshbon i miko Sihon, micha Bashan i miko Ok Ashtaloh vtta aiena ka kaniohmichi tuk puta ka e haklo hatuk osh.

11. Yvmohmi ho hatak pim asvnonchi vhleha, micha pi yakni ai asha vt pim anumpulit, Nowvt hvsh aya chi kvv pinak oh ishi cha, ivv ont afamvt, Hvchin tishu vhleha pia hoke, hvsh im achashke, achi tok: yvmohmi hoka himak a anumpa kvllo ka hvsh pitim apesashke.

12. Pvska ilvppa kohchvt hvchi afama chi hosh e minti nitak ak osh lvshpa moma ho pin chuka ya ai ishit e kohcha tok oke; yohmi tok kia yakeh! himak ano shilvt bokbokit tahvshke.

13. Oka paki i kotoba puta ilvppa il alotuli mvno himona tok; atuk osh yakeh! hlilahlshke: micha pi nafohka ilvppa puta, micha pi shulush puta aiena kvv, hopaki fehna e nowa hatuk o hlipvt tahvshke, okla im achi tok.

14. Mihma hatak vhleha hash osh i pinak a ai ishi cha, Chihowa itih ha anumpa ik ai asilhho tok.

15. Mihma Choshua vt it i nanaiya cha, okchaya chi ka, anumpa kvllo itim apesa tok: mihma okla ha i holitompa vhleha hvt anumpa kvllo isht il im onochi tok.

16. Atuk o yakohmi tok, anumpa itim apesa haya nitak tuchina kvt ont taha ma, in chuka abilika yosh takla asha hatuk o, okla haklo tok.

17. Mihma Israel im vlla vhleha hvt toshowvt ia mvt, nitak ont isht atuchina ho, in tmaha holihta puta ka ona tok. In tmaha holihta puta kvt Kibeon, micha Chefilah, micha Beelolh, micha Kichalh-chealim aiena kak atok.

18. Mihma okla i holitompa vhleha hvt Israel in Chitokaka Chihowa isht hochifot anumpa kvllo isht il im onochi tuk pulla hatuk mak o, Israel im vlla vhleha hvt issot ik kancho ki tok. Mihma okla moma kvt holitompa vhleha hash i sanalit anumpuli tok.

19. Yohmi kia holitompa vhleha hash osh okla moma ka, Israel in Chitokaka Chihowa isht hochifot anumpa kvllo isht il im onochi tuk oke: yohmi kvt himak a e potola he keyu hoke.

20. Ilvppak o e yvmihchashke, ik okchaya, il im ahnashke, anumpa kvllo isht il im onochi tuk okvt: keyukma nana palvmmi kvt pi onvtola hinla hoke.

21. Michā holitompa vhleha hash osh, Ik okchaya, holitompa vhleha hvt i miha tuk oka: amba okla moma ka iti in chanli, micha oka im ochi aiena kvt tobashke, im achi tok.

22. Mihma Choshua vt i howa cha, im anumpulit, Nanta katiohmi ho pi takla hvsh asha yokak osh, pi haksichit, Yakni hopaki ho e minti, hvsh achi tuk oh cho?

23. Yvmohmi hoka himak a hvchi kalakshi mak oke; micha achvfa kia yuka hosh an Chihowa in chuka iti in chanli, micha oka im ochi aiena kvt hvsh kohcha he keyu hoke, achi tok.

24. Mihma afalamichit Choshua ya, Chitokaka chin Chihowa vt in tishu Moses a im apesvt, yakni moma ka hvch una cha, okla chi tikba aiasha moma ka vbit tahla he miha tok a chin tishu vhleha hvt hahaklo pulla ak atok: yohmi

kak o hvchishno pulla kak o pim ilhfiopak isht pi nukshopa fehna hatuk osh, ilvppa e yvmihchi tuk oke.

25. Yvmohmi ka himak a yakeh! chibbak a e foyukvshke: ish pi kaniohmichi kak osh chim achukma, micha chim vllhesa hinlakmvt, ish yvmihchashke, okla im achi tok.

26. Micha yvmmak o yvmihchi cha, Israe^l im vlla vhleha ibbak a a hlakofichi na okla ik bo ki tok.

27. Mihma Choshua vt nitak yvmma okla ha, micha Chihowa im alta ya, kanima ho ai ahnit im atokolikma, iti im a chanli, micha oka im ochi aiena ka ikbi tok o, himak nitak a imoma hoke.

CHAPTA X.

ATUK o yakohmi tok, Choshua vt Ai ya ishi cha, okpvnit yvmohmichi tuk vt Cheliko, micha i miko ya kaniohmichi tuk vt, chohmichit Ai, micha i miko ya yvmihchi tuk: micha Kibeon okla hvt Israe^l a it i nanaiya cha, ibvlhto ho, Chelusalem i miko Atoni-setek vt haklo mvt;

2. Kibeon vt tmaha holihta miko in tmaha holihta chohmi, micha chito kv^t Ai ya i shahli, micha yvmma hatak ai asha kv^t hlampko, micha chilita hatuk o, okla nukshopa fehna tok.

3. Yvmohmi hatuk osh Chelusalem i miko Atoni-setek vt Heblon i miko Hoham, micha Chamulh i miko Pilam, micha Lachish i miko Chafia, micha Eklon i miko Tebi aiena ka anumpa pit i pila cha,

4. Mintit hvs sv^m vla cha, hvs si apela na Kibeon a il ishi cha, e mosholichashke: Choshua, micha Israe^l aiena ka it i nanaiya hoka, achi tok.

5. Yvmohmi ho Amolait okla i miko tahlapi, Chelusalem i miko, Heblon i miko, Chamulh i miko, Lachish i miko, Eklon i miko aiena kash osh iti hoyvt itvnaha tok; micha yvmma, mikmvt in tvshka chipota puta aiena kv^t Kibeon itikba ya binanchi cha, in tanampi tok.

6. Mihma Kibeon hatak vhleha hvt Choshua vt Kilkal vlbina anta tuk o, anumpa pit i pila mvt, Chin tishu, vhleha

h₂ ish halvlli kv̄t chibbak a ish mokoffi ná ; tushpvt pim vla cha, pi apelv̄t, ish pi hlakofichashke : Amolait okla i miko vhleha moyuma nv̄nih foka aiasha kv̄t, iti hoyot itv̄naha cha, pin tanampi hoka, achi tok.

7. Yohmi ma Choshua, micha hatak tv̄nv̄p aya puta, micha hatak hlampko hochukma chilitv̄t nukwia iksho puta aiena kv̄t Kilkal a ashv̄t ia tok.

8. Mihma Chihowa vt Choshua ya Ish i nukshopa ná : chibbak a fohki li mak oka ; hatak achv̄fa kia chi tikba ya hikia he keyu hoke, im achi tok.

9. Yvmohmi hatuk o Choshua vt Kilkal vtv̄t ninak a aya na hlopullit, ashalika im ona tok.

10. Mihma Chihowa yvt Israel itikba ya komuntv̄chit tihleli tok ; micha Kibeon a lauachit ai vbi cha, hliolit Belhholon ataya hina isht aya cha, ahambit Asekah, micha Makketah ita tuklo ka isht ona tok.

11. Atuk o yakohmi tok, Israel itikba ya yihlepa cha, Belhholon a okvtahv̄t ia ma, Chihowa hv̄t hatafo hochito vba et onochit, Asekah isht ona na okla illi tok : hatafo isht illi kak osh Israel im vlla vhleha hv̄t bv̄shpo falaia isht vbi tuk a i shahli tok.

12. Yvmohmi ma Choshua vt nitak yv̄mma Chihowa vt Amolait okla h₂ Israel im vlla vhleha ibbak fohki ma, Israel im vlla vhleha hv̄t p̄isa h₂, Chihowa ya im anumpulit, Hv̄shi chia hv̄t Kibeon paknaka peh lumv̄t ish hikiashke ; mikma, Hv̄shi ninak aya chia hv̄t Achalon okfa h₂ ish hikiashke, achi tok.

13. Mihma hv̄shi vt lumv̄t hikia ma, hv̄shi ninak aya yvt talaia na okla hash osh in tv̄nv̄p a okla il ai okha tok. Ilv̄ppvt Chashe i holisso h₂ aholisso keyu cho ? Yohmi hosh hv̄shi vt shutik iklv̄na hikia cha, nitak achv̄fa h₂ tushpvt ik okatulo ki tok.

14. Chihowa vt hatak im anumpa h₂ a haiyaklo tok nitak yv̄mma ehohmi kv̄t tikba, micha i himmak a iksho ki tok : Chihowa yvt Israel a im itibi hatuk oka.

15. Mihma Choshua vt, micha Israel moma kv̄t ap̄iha h₂, falamv̄t, vlbina Kilkal a ona tok.

16. Yohmi kia miko tahlapi ilvppak ash osh yihlepa cha, tvli chiluk Makketah hikia ka a luma tok.

17. Atuk o Choshua ya im anolit, Miko tahlapi kash osh hichukbi Makketah hikia ka a luma hosh ashvt haiakvshke, achi tok.

18. Mihma Choshua vt, Tvli hochito hichukbi a hvsh on tonullichashke; yohmi cha atona chi ka hatak hvsh hiohle-chashke:

19. Micha hvsh hiel na, amba hvchin tvnvp a hliolit, olbul aya ka vbit hvsh tahlashke; in tmaha holihta puta ka ik chukowa hvch ik im ahno kashke: Chitokaka hvchin Chihowa vt hvch ibbak a fohki hatuk oka, achi tok.

20. Atuk o yakohmi tok, Choshua micha Israel im vlla vhleha hvv ahambi fehna kvv ont tahli na taha ma, yvmma i hlakofi kvv tmaha puta aholihta kvvlo ya ont chukowa tok.

21. Mihma okla moma kvv fafamvt Choshua ya im onvt, Makketah vlbina ha achukmakvt ona tok: Israel im vlla vhleha ha kanima i sanalit achvfa kia isunlvsh a ilhkolechi tok keyu hoke.

22. Mihma Choshua vt, Hichukbi ya tiwi cha, miko tahlapi yvmmak ash hichukbi ya ai ishit kohchit isht hvv svv vlashke, achi tok.

23. Mihma okla yvmihchi tok; micha miko tahlapi, Chelusalem i miko, Heblon i miko, Chamulh i miko, Lachish i miko, micha Eklon i miko aiena yvmmak ash hichukbi a a kohchit isht im vva tok.

24. Atuk o yakohmi tok; miko vhleha yvmmak ash Choshua ya isht im vva ma, Choshua vt Israel hatak vhleha moma ka ihova cha, hatak tvnvp aya i kvvptvni vhleha apvht aya tuk a, Bilika vlvv, miko vhleha ilvppa ikunla ya hvch iyi ya hvsh o hilechashke, im achi tok. Mihma bilika okla vva cha, ikunla ya iyi ya o hilechi tok.

25. Mihma Choshua vt, Ik hvchi nukshopo kashke, hvchi chukvsh ik iello kashke, kvvlot hvchim anukfila cha nukwia ikshot hvsh amosholashke: hvchin tvnvp puta hvch itibi ka Chihowa vvv yakohmicha chi hoka, im achi tok.

26. Yohmi hayvt Choshua vt, fahamvt vbi cha, iti tahlapi h_o atakohlichi tok: mihma iti ya atakohli na opia tok.

27. Atuk o yakohmi tok, hvshi vt okatula ma, Choshua vt i miha ma, iti a takohli tuk a akvchi cha, hichukbi a lumboa tuk ak o pit pila cha, tvli hochito hichukbi paknaka kahpuli tok o, himak nitak fehna chiffoko hoke.

28. Yohmi ma nitak yvmma Choshua vt Makketah ya ishi cha, bvshpo falaia halupa isht issot kanchi tok: micha miko ya mosholichit vmohmichi mvt, yvmma, micha shilombish yvmma aiasha tuk aieninchi tok; achvfa kia ik hlakofecho ki tok: micha Cheliko i miko ya yvmihchi tuk a chohmichit Makketah i miko ya yvmihchi tok.

29. Mihmvt Choshua vt, micha Israel moma kvv apiha h_o, Makketah ya ashvt ia mvt, Libnah ya ona cha, Libnah ya itibi tok.

30. Mihma Chihowa vt yvmmak kia, i miko aiena ka Israel ibbak a fohki tok: mihma yvmmak ash, micha shilombish moma yvmma anukaka aiasha tuk aiena ka bvshpo falaia halupa isht issot kanchi tok; achvfa kia ik hlakofecho tok; amba i miko ya Cheliko i miko ya yvmihchi tuk mak osh chohmichi tok.

31. Mihmvt Choshua vt, micha Israel moma kvv apiha h_o, Libnah ya ashvt ia mvt, Lachish a ona tok; micha ont a binachi cha, itibi tok.

32. Mihma Chihowa yvt Lachish a Israel ibbak a fohki na nitak atukla ma ishi cha, yvmmak ash, micha shilombish yvmma anukaka aiasha tuk aiena ka bvshpo falaia halupa isht issot kanchi tok; Libnah ya yvmihchi tuk moma mak inli h_o chohmichi tok.

33. Yohmi ma Kese i miko Holam vt Lachish a apela chi hosh vla tok; mihma Choshua vt yvmmak kia, micha im okla aiena ka vbit tahli cha, achvfa kia ik i hlakofecho ki tok.

34. Mihmvt Choshua vt, micha Israel moma kvv apiha h_o, Lachish a ashvt ia mvt, Eklon a ona tok: micha okla a binachi cha, itibi tok.

35. Micha nitak yvmma okla ishi cha, bvshpo falaia halupa isht issot kanchi tok; micha nitak yvmma shilombish moma yvmma anukaka aiasha tuk a vbit tahlit vmohmichi tok: Lachish a yvmihchi tuk moma mak inli ho chohmichi tok.

36. Mihmut Choshua vt, micha Israel moma kv̄t ap̄iha ho, Eklon a ashvt ia mut, Heblon a ona cha, itibi tok.

37. Micha yvmmak ash, micha i m̄iko atuk, micha in tv-maha holihta puta, micha shilombish moma yvmma anukaka aiasha hatuk aienaka okla ishi cha, bvshpo falaia halupa isht issot kanchi tok; Eklon a yvmihchi tuk akinli ho chohmichit achvfa kia ik hlakofecho tok: amba yvmmak ash vmohmichit okp̄ni cha shilombish yvmma aiasha tuk a mominchit vbit tahli tok.

38. Mihma Choshua vt, Israel moma kv̄t ap̄iha ho, fala-mut Tebi ya ona cha, itibi tok.

39. Mihmut ishi cha, i m̄iko atuk, micha in tv-maha holihta puta aiena ka ishi mut, bvshpo falaia halupa isht issot kanchi tok; micha shilombish moma yvmma anukaka aiasha tuk a lushummit vbit tahli, achvfa kia ik hlakofecho tok: Heblon a yvmihchi tuk, micha Libnah ya, mikmut i m̄iko atuk aiena ka yvmihchi tuk mak o chohmichit, Tebi, micha i m̄iko aiena ka yvmihchi tok.

40. Yohmi hosh Choshua vt nunih foka yakni moma, micha oka mahli pilla, micha okfa, mikmut kv̄li foka, micha i m̄iko atuk moma ka issot kanchi tok: achvfa kia ik hlakofecho hosh, amba Israel in Chitokaka Chihowa yvt im apesa tuk mak osh fihompa moma ka okp̄nit vmohmichi tok.

41. Mihma Choshua vt Katesh banea ya vttvt Kasa ont vhli, micha Koshen yakni moma Kibeon ont vhli aiena ka issot kanchi tok.

42. Micha m̄iko ilvppa puta, mikmut i yakni ya Choshua vt himonna achvfa ho ishi tok; Israel in Chitokaka Chihowa ak osh Israel a im itibi hatuk oka;

43. Mihmut Choshua vt, Israel moma kv̄t ap̄iha ho, fala-mut vlbina Kilkal a talaia ka ona tok.

CHAPTA XI.

ATUK o yakohmi tok; Haso i miko Chabin vt yvmma puta ka haklo mvt, Malon i miko Chobab, micha Shimlon i miko, micha Achshaf i miko,

2. Micha nvnih i falvmmi imma in tvnvp miko vhleha, micha Sinneloh im oka mahli imma yakni patali, micha okfa, micha hvshi ai okatula imma To ai vhli puta,

3. Micha hvshi akochaka imma, micha hvshi ai okatula imma aiena Kenanait okla, micha Amolait okla, micha Hit-tait okla, micha Pelissait okla, micha Chebusait okla nvnih foka, micha Mispah yakni Hifait okla Hemon nuta asha aiena ka anumpa pit i pila tok.

4. Mihma okla kohevvt yvmma, micha in tvshka chipota moma, okla laua chinto, laua kvv okhvta vhli shinuk ai asha kak o chohmi hosh, issuba, micha tvnvp iti chanvlli laua fehna aiena ho ishi cha, ia tok.

5. Atuk osh miko ilvppa puta kash osh itafama mvt, Melom oka taloha yak o Israel itiba chi hosh ant ai itiba bina-chi tok.

6. Mihma Chihowa yvt Choshua ya, Yvmma pulla kak o ik chi nukshopo kashke: onnaha himak a chohmikma, momvt illit taha yo Israel ibbak a fohki la chi hoke; im issuba puta iyikolakshish a ish tvptulikmvt, tvnvp im iti chanvlli puta ka luak isht ish hukma chi hoke, im achi tok.

7. Yohmi ho Choshua vt okla tvnvp aya moma kvv apiha ho, mintit Melom oka taloha yak o ashalika ant itibit okla o yihlepa tok.

8. Mihma Chihowa hvv Israel ibbak a fohki na issot kanchi cha, ahliyuhvt isht ayvt Siton chito, micha Mislefolh-maim, micha hvshi akochaka imma Mispah okfa ha isht ona tok; micha ahambi cha, achvfa kia ik in hlakofecho ki tok.

9. Mihma Choshua vt Chihowa yvt i miha tuk mak o yvmihchi hosh, issuba iyikolakshish a tvptuli mvt, tvnvp im iti chanvlli puta ka luak isht hukmi tok.

10. Mihma nitak yummak o Choshua vt falama mut, Haso ya ishi cha, i miko ya bvshpo falaia isht vbi tok; chashpo ka Haso ak osh apelihika ymma moma ka i noshkoboka hatok oka.

11. Mihma shilombish moma ymma aiasha tuk a bvshpo falaia halupa isht vbit tahlit vmohmichi tok: fiopa chi ka achvfa kia ik hlakofecho tok: micha Haso ya luak isht hukmi tok.

12. Micha miko vhleha ymma in tmaha holihta puta, micha i miko moma ka Choshua vt ishi cha, bvshpo falaia halupa isht issot kanchi cha Chihowa in tishu Moses vt im apesa tok mak o, okpunit vmohmichi tok.

13. Amba tmaha holihta puta kvv i bokko o hiohmaya kullo moma kvno Israel vt achvfa kia ik hukmo hosh Haso ak illa tok: yummvno Choshua vt hukmi tok.

14. Micha tmaha holihta ilvppa puta ka na wehpoa moma, micha wak aiena kvno Israel im vlla vhleha hvv immi ha chi hosh ishi tok: amba hatak puta kvno, bvshpo falaia halupa isht issot ont kanchi cha, fiopa chi ka achvfa kia okla ik hlakofecho tok.

15. Chihowa yvt Moses a im apesa tok mak o, Moses vt Choshua ya im apesa tok; mihma yummak o Choshua vt yvmihchi tok: Chihowa yvt nana moma Moses a im apesa tok a ik a tahlo kvv iksho ki tok.

16. Yvmohmi hosh Choshua vt yakni ymma moma ka ishi kvv, nvnih foka, micha oka mahli yakni moma, micha Koshen yakni moma, micha okfa, micha yakni patali, micha Israel i nvnih puta, micha yummak inli okfa;

17. Sei pilla ia ka Halak nvnih h vttvt ia hosh, Lebanon okfa, Hemon nvnih nuta Baal Kat ont vhli ka ishi tok: micha i miko moma ka ishi cha, fahamvt vbit tahli tok.

18. Choshua vt miko vhleha puta yummak ash in tanampina nitak hopaki tok.

19. Tmaha holihta achvfa kia Israel im vlla vhleha h ik it i nanaiyo, amba Hifait okla Kibeon asha kvv ak illa tok: inla moma kvno it in tanampi hosh ishi tok.

20. Chihowa ak osh ahni hosh chukvsh a kullochii na

Israel a ant itiba chi hatok; yvmohmi ho vbit tahlit vmohmicha chi hatok; micha Chihowa vt Moses a im achi tok mak o i nukhaklo keyu hosh, amba okpynit tahla chi hatok.

21. Michā nitak ymma foka kak o Choshua vt ona cha, Anakim a nvni hoka, Heblon, Tebi, Anab, micha Chutah i nvni chaha moma, micha Israel i nvni chaha moma ka ai vbit tahli tok: Choshua vt in tvmaha holihta puta aiena ka okpynit vmohmichi tok.

22. Israel im vlla vhleha i yakni ya Anakim achvfa kia ik hlakofecho tok: Kasa, Kalh, micha Ashtot ak illa ho a sha tok.

23. Chihowa yvt Moses a im ahanchi tok mak o, Choshua vt yvmihchit yakni ya mominchit ishi tok; micha immi ha chi ho Israel a ishtatia ka itakvshkoa vlvh pisa mak o ima tok. Mihma yakni vt itin tanampi ka issvt foha tok.

CHAPTA XII.

MIHMA miko vhleha ilvppa puta kak osh yakni ymma a sha tuk o Israel im vlla vhleha hvt vbit tahli cha, i yakni Chatan mish tvnvp hvshi a kochaka pilla, Anon okhina vttvt ia hosh Hemon nvni ha ona, micha hvshi a kochaka yakni patali ka okla ishit a binili tok.

2. Amolait okla i miko Heshbon vta Sihon a miko kvv Aloe, yvmmvt Anon okhina ontalaka talaia ak o, micha okhina iklvna, micha Kileat iklvna kak o vttvt ia hosh Chabbak okhina, yvmmvt Ammon in chipota yakni ai vhli yo ont vhli tok;

3. Michā yakni patali vttvt Sinseloh okhvta i hvshi akochaka imma ona cha, Belhcheshimolh hina ia hosh, yakni patali okhvta, hvpi okhvta i hvshi akochaka imma ona tok; micha oka mahli imma Ashtolh-piskah nuta ka aya tok.

4. Michā Bashan i miko Ok, yvmmvt hatak chaha ishtaiyopi hosh Ashtaloh, micha Etlei aiena ka vta yosh im ai vhli kvv,

5. A miko kvv Hemon nvni, micha Salkah, micha Ba-

shan moma Keshulait okla, micha Maachahlait okla aiena ai vhli, micha Kileat iklvna, Heshbon i miko Sihon im ai vhli ak o ont vhli tok.

6. Yvmmak o Chihowa in tishu Moses, micha Israel im vlla vhleha aiena kv̄t issot kanchi tok: micha Chihowa in tishu Moses vt Luben ishtatiaka, micha Kat ishtatiaka, micha Manasseh ishtatiaka iklvna aiena kv̄t immi ha ch̄i ho, ima tok.

7. Mikma yakni ya i miko vhleha ilvppa puta kak o Choshua, micha Israel im vlla vhleha aiena kv̄t Chatan ola in tv̄nvp hvshi ai okatula pilla ha Lebanon okfa Baal-kat vttvt ia hosh, Sei atia Halak nv̄nih ha ont vhli ka ai issot kanchi tok; micha yvmma Israel ishtatiaka itakvshkoa vlv̄pisa hosh immi ha ch̄i ho, Choshua vt ima tok.

8. Nv̄nih foka, micha okfa, micha yakni patali, micha kv̄li foka, micha yakni haiaka, micha oka mahli yakni Hittait vhleha, Amolait vhleha, micha Kenanait vhleha, Pelissait vhleha, Hifait vhleha, micha Chebusait vhleha aiena kak atok.

9. Cheliko i miko vt achvfa; Behlel ichapaka Ai i miko vt achvfa;

10. Chelusalem i miko vt achvfa; Heblon i miko vt achvfa;

11. Chamvlh i miko vt achvfa; Lachish i miko vt achvfa;

12. Eklon i miko vt achvfa; Kese i miko vt achvfa;

13. Tebi i miko vt achvfa; Kele i miko vt achvfa;

14. Holmah i miko vt achvfa; Alat i miko vt achvfa;

15. Libnah i miko vt achvfa; Atullam i miko vt achvfa;

16. Makketah i miko vt achvfa; Behlel i miko vt achvfa;

17. Tappuah i miko vt achvfa; Hefe i miko vt achvfa;

18. Afek i miko vt achvfa; Lashalon i miko vt achvfa;

19. Maton i miko vt achvfa; Haso i miko vt achvfa;

20. Shimlon-melon i miko vt achvfa, Achshaf i miko vt achvfa;

21. Taanach i miko vt achvfa; Mekitto i miko vt achvfa;

22. Ketesh i miko vt achvfa; Kamel yakni Choknean i miko vt achvfa;

23. To ai vhli To i miko vt achvfa; Kilkal oklushi vhleha i miko vt achvfa;

24. Tisah i miko vt achvfa; miko vhleha moma kvf pokoli tuchina akucha achvfa tok.

CHAPTA XIII.

MIHMA Choshua vt sipoknit nitak laua ka pisa tok; mikma Chihowa yvt, Chi sipoknit nitak laua hō ish pisvshke; mihma immi ha chī hosh yakni yā isha chī ka laua hosh aiasha momvshke.

2. Yakni ilvppak osh āsha moma hoke; Filistin okla ai vhli fullota, micha Keshuli vt moma,

3. Siho, yvmmvt Echip itikba talaia ka vttvt ia hosh falvmmi pilla Eklon, yvmmvt Kenanait im aholhtina yā ont vhli: Filistin okla i hochitoka tahlapi, Kasahlait vhleha, micha Ashtohlait vhleha, Eshkalonait vhleha, Kittait vhleha, micha Eklonait vhleha, Afait vhleha ak kia aiena:

4. Oka mahli hā vttvt i falvmmi imma ia hosh Afek Amolait vhleha im ai vhli yā ona ka ititakla yā Kenanait vhleha yakni moma, micha Mealah yvmmvt Sitonian vhleha i chapaka talaia aiena kvf;

5. Michā Kiblait vhleha i yakni, micha hvshi a kochaka imma Lebanon, Hemon nuta Baal-kat ā vttvt ia hosh Hamalh ont chukowa ka ont vhli hoke.

6. Nvnih foka okla puta Lebanon ā vttvt ia hosh Mislefolh-maim, ont vhli, micha Sitonian vhleha moma, yvmma puta kak o Israēl im vlla vhleha itikba yā tihlelit kohcha wehli la chī hoke: peh chim apesa li tok mak o, nashoeli hosh yakni vt immi ha chī hō, ish ita kvshkolashke, im achi tok.

7. Yvmohmi hoka, himak ā yakni ilvppvt immi ha chī hō, ai unchololi chakkali kash, micha Manasseh ai unchololi iklvna aiena ka ish itakvshkolashke,

8. Yvmma iklvna hokvto Luben ai unchololi, michā Kat ai unchololi aiena ka takla Chatan mish tvnnvp hvshi akochaka imma Moses vt ima, Moses Chihowa in tishu pulla hosh ima na ishit abinili tok,

9. Aloe Anon okhina ontalaka talaia, yummvt tumaha holihta yosh okhina iklvna talaia ka vttvt ia hosh Meteba yakni patali mominchi hosh Tibon a ont vhli ;

10. Micha Amolait vhleha i miko Sihon, yummvt Heshbon a a miko tok in tumaha holihta puta moma kvv Ammon in chipota im ai vhli ya ont vhli ;

11. Micha Kileat, micha Keshulait vhleha im ai vhli ; micha Maachahlait vhleha im ai vhli, micha Hemon nvnih vt moma, micha Bashan moma hosh Salkah ont vhli :

12. Bashan vttta Ok ap ehlichika moma, yummvt hatak chaha ishtaiyopi yosh Ashtoloh, micha Etlei ita tuklo ka a miko tok aiena moma kak o ima tok oke : ilvppa puta ka Moses vt issot kanchi cha, i yakni ya im ai ishi tok okvt,

13. Yohmi kia Israel im vlla vhleha hvv Keshulait vhleha, micha Maachahlait vhleha ha aieninchit tihlelit ik kocha wehlo tok ; amba Keshulait vhleha, micha Maachahlait vhleha aiena kvv Israel a ap ehvt aiasha na himak nitak a ant ai vhli hoke.

14. Lefai ai unchololi ak illa ho yakni ai isha he vlvpesa ya ik imo tok : im achi tok mak o, nan vbit luak isht hukmi hosh Israel in Chitokaka Chihowa ya isht ai aiokpvchi yak osh ai isha he vlvpesa yoke.

15. Mihma Moses vt Luben im vlla vhleha ai unchololi ita kvshkoa vlvpisa ho yakni ai isha he vlvpesa ya ima tok.

16. Micha im ai vhli kvv, Aloe, Anon okhina ontalaka talaia, yummvt tumaha holihta yosh okhina iklvna talaia, micha Meteba bilika yakni patali moma :

17. Mikvvt Heshbon, micha in tumaha holihta yakni patali aiasha kvv moma aiena ; Tibon, micha Bamolh-baal, micha Belh-baal-meon,

18. Micha Chahasa, micha Ketemolh, micha Mefaalh,

19. Micha Kichalhaim, micha Sibmah, micha Saleh-shaha okfa bokko talaia,

20. Micha Belh-peo, micha Ashtolh-piskah, micha Belh-cheshimolh,

21. Micha tumaha holihta yakni patali aiasha kvv moma, micha Amolait vhleha i miko Sihon im ap ehlichika moma,

yummvt Heshbon a a miko tok ak atuk o micha Mitian i holiropa vheha, Efi, micha Lekem, micha Su, micha Hu, micha Leba, yummvt Sihon i hochitoka hosh yakni yumma asha tuk o aieninchit Moses vt fahamvt kanchi tok.

22. Beo ushi Baalim hatak fuppo ak kia Israel im vlla vheha hvt bvshpo falaia ishit vbi na illi ka takla illi tok.

23. Micha Luben im vlla vheha im ai vhli kv Chatan, micha im ai vhli ak atok. Ilvppak osh tumaha holihta puta chuka alokoli puta ai itieshi kv Luben im vlla vheha hvt itakvshkoa vhpisa hosh immi hatok oke.

24. Mihma Moses vt yakni ai isha he vhpesa ya Kat ai unchololi ya ima tok; yohmi kv Kat im vlla vheha hvt itakvshkoa vhpisa ho ima tok.

25. Mihma im ai vhli kv Chase vttvt ia hosh Labbah itikba Aloe ont vhli ma, ititakla ya Kiliat tumaha holihta vt moma, micha Ammon in chipota i yakni vt iklva aiena;

26. Micha Heshbon a vttvt ia hosh Lamalh-mispeh, micha Betonim itatuklo ka ont vhli; micha Mahanaim a vttvt ia hosh Tebi ya ai vhli ka ont vhli;

27. Micha okfa ha Belh-alam, micha Belh-nimlah, micha Sukkolh, micha Safon, micha Heshbon i miko, Sihon im apelihika kashapa kash, Chatan, micha im ai vhli, Chatan mish-tvnp hvshi akochaka imma Sinnedloh okhva vhli fehna ya ont vhli tok.

28. Ilvppak osh tumaha holihta puta, chuka alokoli puta ai iti eshi kv Kat im vlla vheha hvt itakvshkoa vhpisa hosh immi hoke.

29. Micha Moses vt Manasseh ai onchololi iklva ya yakni ai isha he vhpesa ya ima tok: Manasseh ai unchololi, mihma ilvppak osh iklva itakvshkoa vhpisa hosh immi hatok.

30. Micha im ai vhli kv Mahanaim a vttvt ia ka Bashan vt moma, micha Bashan i miko, Ok im apelihika vt moma, micha Chai in tumaha puta moma, pokoli hannali hosh aiena kv Bashan a asha:

31. Micha Kiliat vt iklva, micha Ashtoloh, micha Etlei, Bashan vta Ok im apelihika tumaha holihta yosh Manas-

seh ushi Machi im vlla vhleha h₂ immi hatok: Machi im vlla vhleha iklvna hosh itakvshkoa vllhpisa hosh immi hatok.

32. Yakni ilvppa puta Chatan mish-tvnnvp Cheliko bilika hvshi akochaka imma Moab yakni patali yak o immi ha chi h₂ Moses vt i hopela tok.

33. Amba Lefai ai unchololi yokvno Moses vt yakni ai isha he vllhpesa ik imo tok: im achi tok mak o Israe₂l in Chitokaka Chihowa ak osh ai isha he vllhpisa hatok.

CHAPTA XIV.

MIHMA yakni ilvppa puta kv₂t Kenan yakni a taloba kak o Eleasa naholitompa isht vtta, micha Nun a ushi Choshua, micha Israe₂l im vlla vhleha apehlich₂i iki vhleha h₂ i noshkobo ka puta aiena kv₂t, i yakni ya chi h₂o, i hopela na Israe₂l im vlla vhleha hv₂t ai ishit a binili tok.

2. Chihowa yvt Moses a tohno tok mak o nashoeli hosh ai unchololi chakkali kash, micha Manasseh ai unchololi iklvna aiena kv₂t yakni ya ishit a binili tok.

3. Moses vt ai unchololi tuklo, micha Manasseh ai unchololi iklvna hokvno ima na Chatan mish tvnnvp yakni ya ishit a binili tok oka; amba Lefai ai unchololi yano ymma takla yakni ya ai isha he vllhpesa ka ik imo tok.

4. Chosef im vlla vhleha hv₂t apehlich₂i tuklo; Manasseh, micha Eflaim ak atuk oka: yohmi hatuk o Lefai ai unchololi hv₂t takla ya a binila he yakni ya ik imo tok: peh, aiasha chi, micha i wak, micha im ilayak ai asha chi tv₂maha holihta puta, micha a bilika fullota aiena ak illa h₂o ima tok.

5. Chihowa yvt Moses a im achi tok mak o, Israe₂l im vlla vhleha hv₂t yvmihchi cha, yakni ya ita kvshkoli tok.

6. Yohmi ma Chutah im vlla vhleha hv₂t, Choshua ya Kilkal a anta tuk o im ona tok: micha Kenesait Chefunnel ushi Kaleb vt, Chihowa yvt, Katesh-banea ya il ashwa ma, chishno, micha vno ya isht pi anumpulit Chihowa im antia hatak Moses a im achi tok a ish ithaiyanvshke.

7. Afvmmi pokoli ushta li h₂o, Moses Chihowa in tishu

hvt yakni pisut hlopulli la chi hō, Katesh-banea ya a sa chvffichi tok oke : atuk o nana sa chukvsh foyuka tuk mak osh anumpa isht im ona li tok.

8. Yohmi kia itibapishi li vhleha si apihvt ia tuk vt okla chukvsh a bileli tok : amba vno vto Chitokaka an Chihowa ya ai okluhvt iakaiya li tok.

9. Mihma nitak ymma Moses vt anumpa kvlo il onochit, Yakni ymma chiyi yvt a nohōwa tuk vt chi yakni, micha chim vlla vhleha aiena ka i yakni bilia hi oke ; Chitokaka an Chihowa ya ai okluluhvt ish iakaiya tuk okvt, vm achi tok.

10. Yohmi ka himak a yakeh ! achi tok mak osh Chihowa yvt si okchalinchi na ilvppvt afvmmi pokoli ushta akucha tahpishke, Israel im vlla vhleha hvt yakni haiaka fullokvchit itvnowa ma, Chihowa yvt Moses a im anumpohonli tok fehna vttvt mihintit himak a ant vhlshke : yohmi ka yakeh ! himak a afvmmi pokoli untuchina akucha tahlapi li hoke.

11. Himak nitak ak kia vno sa hlampko kvt, nitak ymma Moses vt sa pila tok a chohmi li momvshke : tvnpv ayvt kohchvt ia, micha ant chukowa aiena li kvt, sa hlampko kvt kaniohmi tok vt chohmi hosh sa hlampko momvshke.

12. Yvmohmi hoka himak a Chihowa yvt nitak ymma isht anumpuli tuk vnih ilvppa is svmashke ; nitak ymma Anakim puta kvt ymma aiasha cha, vmaha hvt i hochito cha, a holihta kvlo ka ish haklo tok okvt, Chihowa yvt svba foyuka yobakma, tihlelit kocha wehli la chi hoke, im achi tok.

13. Mihma Choshua vt yukpalit im anumpuli cha, Chefunneh ushi Kaleb vt i yakni ya chi hō Heblon a ima tok.

14. Yohmi hō Heblon vt Kenesait Chefunneh ushi Kaleb i yakni toba tok osh, himak nitak a ant ai vhli hoke : Israel in Chitokaka Chihowa ya ai okluhvt iakaiya tuk ak atok.

15. Mihma chashpo ka Heblon hohchifo kvt Kichalh-aba atok ; Aba yvmak okvt Anakim vhleha ha hatak chito hosh anta tok. Mihma yakni vt tvnpv iksho hō, foha tok.

CHAPTER XV.

YOHMI ma ilvppak o Chutah im vlla vhleha apehlich i itakvshkoa vhpisa hosh nashoelit ishi tok: Etom ai vhli yakni haiaka oka mahli pilla Sin ak osh oka mahli ont vhli fehna atok.

2. Micha oka mahli im ai vhli kvv okhvta hvpi ontalaka, okhvta filvmmichi hosh oka mahli imma pit apissali ka vttvt ia hosh,

3. Maaleh-aklabbim im oka mahli in tvnrvv ona cha, ont ia hosh Sin a ona mvt, im oka mahli in tvnrvv o oiyvt ia hosh Katesh-banea ona cha, ont ivt aya hosh Heslon a ona cha, ont ia hosh Ata ya ona cha, fullotvt ia hosh Kaka a ya ona mvt,

4. Yvmma hlopullit Asmon pilla ia cha, Echip okhina ont kohcha tok: micha ai vhli yvmma ont akohcha kvv okhvta ya ak atok: ilvppak osh oka mahli hvv chim ai vlla hi oke.

5. Mihma hvshi akochaka ai vhli vt okhvta hvpi vttvt ia hosh Chatan asetilli ya ont vhli tok; mihma falvmmi pilla im ai vhli vt okhvta filvmmichi Chatan asetilli fehna ak atok.

6. Ai vhli yosh ivt Belh-hokla ya ona cha, hlopullit aya hosh, Belh-alaba ya i falvmmi imma yo ona tok; micha ai vhli vt ia hosh Luben ushi Bohan in tvli ya ona;

7. Micha ai vhli vt Acho okfa ha vttvt Tebi pilla ivt, yohmi cha falvmmi pilla Kilkal a pit apissalit, yvmmvt Atummim atia itikba, yvmmvt okhina ya im oka mahli imma talaa, micha ai vhli vt hlopullit ia hosh, Enshemesh oka taloha pilla ia hosh, ont a kohcha kvv Enlokel ak atok;

8. Micha ai vhli vt Hinnom ushi im okfa hlopullit ont ia hosh, Chebusait vhleha im oka mahli imma ya ona tok: yvmmvt Chelusalem mak oke; micha ai vhli vt ia hosh nv-nih chaha Hinnom okfa itikba hvshi okatula imma bachaya ka paknaka ona, yvmmvt hatak chaha im okfa ont taha ka i falvmmi hatok:

9. Mihma ai vhli ya nvnih paknaka yak o ai isht ia hosh Neftoah oka kvli ya isht ona tok : micha kohchvt ia mvt, Eflon tmaha holihta puta ka ona ; micha ai vhli ya isht ivt Baalah, yvmmvt Kichalh-chealim isht ona tok.

10. Mihma ai vhli vt Baalah ya vttvt fullotvt hvshi ai okatula pilla ia hosh Sei nvnih ha ona mvt, hlopullit aya hosh Chealim nvnih, yvmmvt Chesalon falvmmi in tvnrvp o ona tok : micha okvtahvt ia hosh Belshemesh a ona cha, ont ia hosh Timnah ya ona tok :

11. Mihma ai vhli vt kohchvt ia hosh falvmmi pilla Eklon ichapaka ona tok : micha ai vhli ya isht ia hosh Shiklon a isht ona cha, hlopullit aya hosh Baalah nvnih ha ona cha, kohchvt ia hosh Chabneel a ona tok : micha ai vhli ont akohcha kvv okhvta ak atok.

12. Michā hvshi ai okatula imma ai vhli vt okhvta chito ya ona cha, ontalaka aya ka ai vhli tok : ilvppak osh Chutah im vlla vhleha itakvshkoa vlvpisa hosh im ai vhlit afullota tok oke.

13. Michā Chihowa hvv Choshua ya im apesa tuk mak o, Chefunneh ushi Kaleb a Chutah im vlla vhleha ha takla Anak iki Aba in tmaha holihta, yvmmvt Heblon tmaha holihta ya ima tok oke.

14. Mihma Kaleb vt Anak ushi tuchina Sheshai, micha Ahinam, micha Talmai Anak in chipota ha tihlelit kocha wehli tok.

15. Michā yvmma vttvt ia mvt, Tebi okla aiasha ka ona tok ; mihma chashpo ka Tebi hohchifo kvv Kichalh-sefe atok.

16. Mihma Kaleb vt, Kvna hosh Kichalh-sefe ya issot kanchi cha ishikma, yvmmak o svstok Achsah ya ima likma, tekchi ya chī hoke, achi tok.

17. Mihma Kaleb itibapishi Kenas ushi Olhniel ak osh ishi tok : mihma tekchi ya chī ho ushetik Achsah ya ima tok.

18. Atuk o yakohmi tok, im ona mvt, iki ya osapa im asilhha chī ho nukfohki tok. Atuk osh issuba haksobish falaia om binili tuk vt akowa tok ; mihma Kaleb vt, Nanta ho ish ahni cho ? im achi tok.

19. Mihma afalamichi mvt, Nan isht yukpali ya is sumashke; oka mahli yakni yo is suma hokvt, oka kvli taloha ak kia is sumashke, im achi tok. Mihma ibetvp kvli taloha kak o ima mvt, sokbish kvli taloha kak o ima tok.
20. Ilvppak osh Chutah im vlla vhleha ap ehlich i itakvshko a vllhpisa hosh i yakni atok.
21. Micha Chutah im vlla vhleha ap ehlich i in tmaha holihta puta ont ai vhli kv t oka mahli pilla Etom ai vhli ya Kabseel, micha Ete, micha Chaku,
22. Micha Kinah, micha Timonah, micha Atatah,
23. Micha Ketesh, micha Haso, micha Ilhnan,
24. Sif, micha Telem, micha Bealoh,
25. Micha Haso, Hatattah, micha Keliolh, micha Heslon, yummvt Haso,
26. Amam, micha Shema, micha Molatah,
27. Micha Hasa-kattah, micha Heshmon, micha Belhpalet,
28. Micha Hasa-shuel, micha Bee-sheba, micha Bischolhchah,
29. Baalah, micha Iim, micha Asem,
30. Micha Eltolat, micha Chesil, micha Homah,
31. Micha Siklak, micha Matmennah, micha Sansannah,
32. Micha Leboalh, micha Shilhim, micha Ain, micha Limmon: tmaha holihta puta moma kv t pokoli tuklo akucha chakkali, micha chuka alokoli puta ai it ieshi:
33. Micha okfa ha Eshtaol, micha Soleah, micha Ashnah,
34. Micha Sanoah, micha En-kannim, Tappuah, micha Enam,
35. Chamulh, micha Atullam, Sokoh, micha Asekah,
36. Micha Shalaim, micha Atihlaim, micha Katelah, micha Ketelohlaim; tmaha holihta auah ushta, micha chuka alokoli puta ai it ieshi,
37. Senan, micha Hatashah, micha Miktal-kat,
38. Micha Tilean, micha Mispah, micha Chokhleel,
39. Lachish, micha Boskalh, micha Eklon,
40. Micha Kabbon, micha Lahmam, micha Kilhlish,
41. Micha Keteloh, Belh-takon, micha Naamah, micha

Makketah; tmaha holihta hannali, micha chuka alokoli puta ai it ieshi,

42. Libnah, micha Ehle, micha Ashan,

43. Michā Chiftah, micha Ashnah, micha Nesib,

44. Michā Keilah, micha Achsib, micha Maleshah; tmaha holihta chakkali, micha chuka alokoli puta ai it ieshi;

45. Eklon, micha tmaha puta, micha chuka alokoli puta ai it ieshi;

46. Eklon vttvt ia hosh okhvta hā ont v̄hli Ashtot pit bilika kv̄t moma, chuka alokoli puta ai it ieshi;

47. Ashtot vt tmaha holihta puta, micha chuka alokoli puta ai it ieshi; Kasa vt tmaha holihta puta, micha chuka alokoli puta ai it ieshi kv̄t Echip okhina, micha okhvta chito ya ona cha, ontalaka aya ka ont v̄hli hoke.

48. Michā nv̄nih foka ya Shami, micha Chatti, micha Sokoh,

49. Michā Tannah, micha Kichalh-sannah, yv̄mmvt Tebi,

50. Michā Anab, micha Eshtemoh, micha Anim,

51. Micah Koshen, micha Holon, micha Kiloh; tmaha holihta auah achvfa, micha chuka alokoli puta ai it ieshi,

52. Alab, micha Tumah, micha Eshean,

53. Michā Chanum, micha Belh-tappuah, micha Afekah,

54. Michā Humtah, micha Kichalh-aba, yv̄mmvt Heblon, micha Sio, tmaha holihta chakkali, micha chuka alokoli puta ai it ieshi,

55. Maon, Kamel, micha Sif, micha Chuttah,

56. Michā Chesleel, micha Chokteam, micha Sanoah,

57. Kain, Kibeah, micha Timnah; tmaha holihta pokoli, micha chuka alokoli puta ai it ieshi,

58. Halhul, Belh-su, micha Keto,

59. Michā Maalalh, micha Belh-anolh, micha Eltekon; tmaha holihta hannali, micha chuka alokoli puta ai it ieshi;

60. Kichalh-baal yv̄mmvt Kichalh-chealim, micha Labbah, tmaha holihta tuklo, micha chuka alokoli puta ai it ieshi:

61. Yakni haiaka ya Belh-alabah, Mittin, micha Sekakah,

62. Michā Nibshan, micha Hv̄pi tmaha holihta, micha

Enketi; tumaha holihta hannali, micha chuka alokoli puta ai itieshi:

63. Chebusait okla Chelusalem asha yokvno, Chuta im vlla vhleha hvt kocha wehla he keyu tok: amba Chebusait vhleha hvt Chutah im vlla vhleha ha takla asha na himak nitak a ant ai vhli hoke.

CHAPTA XVI.

MIHMA Chosef im vlla vhleha hvt na shoelit ishi kv Chatan Cheliko bilika vttvt hvshi akochaka imma ya aya hosh Cheliko oka ya ona cha, ont ia hosh Behlel nvnihi yakni haiaka ya ona,

2. Micha Behlel a kohchvt ia mvt, Lus a ona cha, ont hlopullit aya mvt, Achi ai vhli Ataloh a ona,

3. Micha okvtahvt hvshi ai okatula pilla ia hosh Chafleti ai vhli ya ona cha, ont ayvt, okfa Belhholon ai vhli ya ona cha, Kese ya ona: micha ont akochka kv okhvt ak atok.

4. Yohmi ho Chosef im vlla vhleha, Manasseh, micha Eflaim moma kv yakni ya ai isha he vhpesa kv ishi tok.

5. Mihma Eflaim im vlla vhleha itakvshkoa vhpisa hosh im ai vhli kv yakohmi tok: hvshi akochaka imma i yakni ai vhli kv Ataloh-ata vttvt ia hosh nvnihi foka Belh-holon a ont vhli tok.

6. Micha ai vhli vt kohchvt okhvt pilla ha ia hosh Michmehlah falvmmi in tvnvp a ona; micha ai vhli vt hvshi akochaka imma ya ia mvt, Taanalh-shiloh ya ona cha, i hvshi akochaka ont ia hosh Chanohah ya ona tok:

7. Micha okvtahvt Chanohah ya vttvt ia hosh Ataloh a ona cha, Naaloh a ona mvt, Cheliko ya ona cha, Chatan a ont kohcha tok;

8. Ai vhli vt hvshi ai okatula pilla Tappuah vttvt kohchvt ia hosh Kanah okhina ya ona, micha ont akochka kv okhvt ak atok. Ilvppak osh Eflaim im vlla vhleha avehlichit itakvshkoa vhpisa hosh yakni ai isha he vhpesa kak atok.

9. Micha Manasseh im vlla vhleha i yakni ak o Eflaim im vlla vhleha hvt tmaha holihta inla ya ai ishi tok; tmaha holihta moma, chuka alokoli puta ai it ieshi tok.

10. Mihma Kenanait vhleha Kese ai asha tuk a tiblelit okla kocha ik wehlo tok: amba Kenanait vhleha hvt Eflaimait vhleha ha takla ai asha na himak nitak a ant ai vhli cha, i nutakvt noshkobo atobbi hoke.

CHAPTA XVII.

MANASSEH ai unchololi ak kia nashoelit ishi vt in talia tok; Chosef ushi ya vttahpi atuk okvt; Manasseh ushi akni febna Machi Kileat iki ishi kvv ilvppak atok: hatat tvnvp aya atuk okvt, yohmi hatuk osh Kileat; micha Bashan itatuklo kak osh in taloha tok.

2. Manasseh ushi inla itakvshkoa vlvhvisa hosh nashoelit ishi vt im asha ak inli tok. Abiese im vlla vhleha ha immi, micha Helek im vlla vhleha ha immi, micha Asiel im vlla vhleha ha immi, micha Shechem im vlla vhleha ha immi, micha Hefe im vlla vhleha ha immi, micha Shemita im vlla vhleha ha immi aiena ak atok: ilvppa puta kak osh Chosef ushi Manasseh im vlla nakni itakvshkoa vlvhvisa tok.

3. Yohmi kia Manasseh ushi vt Machi yokma, yvmma ushi vt Kileat okma, yvmma ushi vt Hefe yokma, yvmma ushi Selofehat vt ushi iksho hosh, amba ushetik bano tok: micha ilvppa puta kak osh ushetik vhleha hohehifo hatok, Mahlah, micha Noah, Hoklah, Milkah, micha Tisah atok.

4. Micha Eleasa, micha Nun ushi Choshua, micha hatak holitompa vhleha aiena ka itikba ya ona cha, Chihowa yvt Moses a im apesa kvv, pitibapishi vhleha takla yakni il ai isha he vlvhpesa ka pima chi ka i miha tok, achi tok: yvmohmi ho Chihowa yvt im apesa tok mak o, iki itibapishi vhleha takla yakni ai isha he vlvhpesa ka ima tok.

5. Mihma Chatan mish tvnvp a Kileat, micha Bashan aiena ka ishi mvt, nashoeli ho yakni kvshkoa pokoli hosh Manasseh ibbak a fohka tok.

6. Manasseh ushetik vhleha hvt ushi vhleha ibai ishi hatok oka; mihma Manasseh ushi vhleha inla yvt Kileat yakni ak o ishi tok.

7. Mihma Manasseh im ai vhli kvv Asha vttvt ia hosh Michmehlah ya ona, yvmmvt Shechem itikba itoyula kak atok: micha ai vhli vt isht impak imma yak o aya hosh Entappuah okla ai asha ya ona tok.

8. Mihma Manasseh vt Tappuah yakni ak o ishi tok: amba Tappuah Manasseh im ai vhli talaia kak osh Eflaim im vlla vhleha hak o immi hatok.

9. Micha ai vhli vt okvtahvt ia hosh oka mahli imma Kannah okhina ya ona tok. Eflaim in tvamaha holihta ilvppa puta kvv Manasseh in tvamaha holihta puta kak o takla aiasha hoke: Manasseh im ai vhli ak kia, okhina ya i falvmmi in tvnnpv atok, micha ont akohcha kvv okhvta ak atok.

10. Oka mahli imma vt Eflaim okma, falvmmi imma vt Manasseh atok; mihma okhvta hak osh im ai vhli hatok: micha falvmmi ha Asha yak o ai itafama mvt, hvshi akochaka ya Issaka ak atok.

11. Micha Manasseh vt Issaka, micha Asha ya Belshaan, micha tvamaha puta ai it ieshi, micha Ibleam, micha tvamaha puta ai it ieshi, micha To okla, micha tvamaha puta ai it ieshi, micha Ento okla, micha tvamaha puta ai it ieshi, micha Taanach okla, micha tvamaha puta ai it ieshi, micha Mekitto okla, micha tvamaha puta ai it ieshi nvnih yakni tuchina ho ishi tok.

12. Yohmi kia Manasseh im vlla vhleha hvt tvamaha holihta yvmma okla ai asha tuk a tihlelit kocha wehla he keyu tok; amba Kenanait vhleha hvt yakni yvmma ai asha pulla kak o ahni tok.

13. Yohmi kia yakohmi tok, Israel im vlla vhleha hvt, hlampkot taha mvt, Kenanait vhleha ha nutakvchi cha, noshkobo atobbichi tok; yohmi kia tihlelit kocha wehli ik vmohmicho tok.

14. Mihma Chosef im vlla vhleha hvt Choshua ya im anumpulit, Nanta katiohmi ho nashoelit ishi achvfa, micha yakni kvshkoa achvfa bano ho is suma cho? Chihowa vt

chashpo himak nitak ant vhli ka sai yukpali pulla na okla chito tobvt sa taiyaha hoka, achi tok.

15. Mihma Choshua vt afa^lamichit, Okla chito hvchia hatuk osh, Eflaim nvⁿih vt hvchim atikⁿonofa fehna hokmvt, yakni iti foka ya hvsh ona cha, Pelissait v^hleha i yakni, micha hatak chaha i yakni yv^mma iti a chanlit hvsh akako^hlashke, im achi tok.

16. Mihma Chosef im vlla v^hleha hv^t, Nvⁿih hv^t ik pim onoshke: mikma Kenanait v^hleha moma okfa yakni aiasha kv^t tvli iti chanvlli im a^sha bano hoke; Belh-shean, micha in tv^maha puta ai a^sha kv^t, micha Chesleel okfa aiasha ai^ena kv^t im a^sha hoke, achi tok.

17. Mihma Choshua vt Chosef im vlla v^hleha Eflaim, micha Manasseh ai^ena ka, Okla chito hvchia hoke, micha hvchimmi hlampko vt chito hoke: nashoelit ishi achvfa bano hvsh iesha he keyu hoke.

18. Amba nvⁿih ak osh hvch immi ha chⁱ hoke; iti foka yoka, micha chanlit hvsh akakohla chⁱ hoke: micha akochvt ia yvt hvch immi ya chⁱ hoke; tvli iti chanvlli im a^sha, micha hlampko kia Kenanait v^hleha h^a tihlelit kocha hvsh wehla chⁱ hoke, achi tok.

CHAPTA XVIII.

MIHMA Israel im vlla v^hleha moma kv^t iti hoyot Shiloh ya itvⁿaha cha, okla moma im vlhtipo holitopa ya a hilechi tok: mihma yakni vt itikba ya i nutaka tok.

2. Mihma Israel im vlla v^hleha takla a^sha kv^t ai unchololi untuklo hosh yakni ai isha he vlhpesa kv^t ik esho kⁱsha tok.

3. Mihma Choshua vt Israel im vlla v^hleha h^a, Katiohmi foka h^o hvchin tikba v^hleha in Chitokaka Chihowa yvt yakni hvch ima tok a ivt hvch isha chⁱ kv^t hvchi svlaha chⁱ cho?

4. Hvchi iti takla ya ai unchololi achvfa ka hatak tuchina aiyukali h^o hvsh hilechashke; mikma pila likma, okla

wakaya cha, ivt yakni ya hlopullit aya cha, yakni ai isha he vhpesa vt kaniohmi ka atokolit holissochi cha, anonti okla vm vlashke.

5. Micha okla itakvshkolit untuklochashke: Chutah vto oka mahli im ai vhli ak inli hō ahanta chī hoke; mikma Chosef in chuka achvfa vto falvmmi im ai vhli ak o ahanta chī hoke.

6. Yvmohmi hoka yakni vt kvshkoa untuklo hō yakni ya holissochit isht hvs svm vla na Chitokaka pin Chihowa itikba ya hvchi nashoelichi lashke.

7. Amba Lefait vhleha hvto hvch iba takla he keyu hoke: Chihowa i na holitompa isht ai vtta ak osh ai isha he im vhpesa yoke. Mikma Kat, micha Luben, micha Manasseh ai unchololi iklvna aiena kvto Chatan mish tvnnvp hvshi akocha ka yak o Chihowa in tishu Moses vt ai ima na yakni ai ishi tok oke, im achi tok.

8. Mihma hatak ash osh wakaya cha, ilhkoli tok; mihma Choshua vt, yakni ya holissocha chī ka, atokolit i mihvt, Oh ia cha, yakni ya a nowvt hlopullit, holissochit hvsh tahli cha, anonti hvs svm vla na ilvppa Chihowa itikba Shiloh ya hvchi nashoelichi lashke, im achi tok.

9. Mihma hatak ash osh ilhkoliit yakni ya hlopullit tv-maha holihta vhpisa hō kvshkoa untuklo hō holissochit holisso afokhit tahli cha, anonti Choshua im vlvv Shiloh okla abinanchi yash vla tok.

10. Mihma Choshua vt Chihowa itikba Shiloh yak o nashoelichi tok: yvmmak o Choshua vt ita kvshkoa vhpisa hō yakni ya Israel im vlla vhleha hā itakvshkoli tok.

11. Mihma Benchamin im vlla vhleha hvv itakvshkoa vhpisa hosh nashoelit ishi tok; micha nashoeli mvt, im ai vhli ya Chutah im vlla vhleha, micha Chosef im vlla vhleha ititakla yak o ai ishi tok.

12. Mihma im ai vhli falvmmi in tvnnvp vto Chatan vtvt ia tok; micha ai vhli vt ia hosh Cheliko ya i falvmmi in tvnnvp ichapaka ona cha, hvshi ai okatula imma nvnih chaha yo hlopullit ia tok; micha ont akochcha kvv yakni haiaka Belh-afen ak atok.

13. Micha ai v̄hli vt ilv̄ppa v̄ttvt Lus pilla ia mvt, Lus ichapaka (yummvt Belhel), oka mahli imma ona tok; micha ai v̄hli vt okvtahvt n̄v̄nih hosh okfa Belh-holon im oka mahli in t̄v̄n̄v̄p bachaya ka bilika Ataloh-atta ya ona tok.

14. Micha ȳmma v̄ttvt, n̄v̄nih Belh-holon itikba bachaya oka mahli imma ak o v̄ttvt oka mahli pilla ia hosh okh̄v̄ta chukbika apakfov̄vt ia tok: micha ont akohcha kv̄t Kichalh-baal, ȳmmvt Kichalh-chealim, Chutah im v̄lla v̄hleha h̄a in t̄maha holihta yoke. Ilv̄ppak osh hv̄shi ai okatula ai v̄hli hoke.

15. Mikma oka mahli ai v̄hli vt Kichalh-chealim ataha kak o v̄ttvt, micha ai v̄hli vt hv̄shi ai okatula imma hak o kohchvt ia cha, kv̄li oka Neftoah taloha ka ona tok:

16. Micha ai v̄hli vt ia hosh n̄v̄nih hosh Hinnom okfa itikba bachaya kv̄t atahaka ona tok; micha ȳmmvt falv̄m̄mi pilla hatak chaha okfa talaia hoke; micha Hinnom okfa h̄a okvtahvt oka mahli pilla Chebusi ya ichapaka ona cha, Enlochel a ona mvt;

17. Micha falv̄m̄mi h̄a isht ia mvt, kohchvt En-shemesh a isht ona tok; micha kohchvt Koliloh pilla iv̄t, ȳmmvt Atummim atia ichapaka yoke; micha okvtahvt ia hosh Luben ushi Bohan in tv̄li ya ona tok;

18. Micha hlopullit ont aya mvt, Alabah i falv̄m̄mi imma ichapaka pilla ia cha, okvtahvt Alabah ya ona tok:

19. Micha ai v̄hli vt hlopullit falv̄m̄mi pilla ia hosh, Belh-hoklah ichapaka ya ona tok; micha ai v̄hli ont akohcha kv̄t okh̄v̄ta hv̄pi i falv̄m̄mi okh̄v̄ta filv̄m̄minchi Chatan vt oka mahli ont atahaka ak atok. Ilv̄ppak osh oka mahli ai v̄hli yoke.

20. Micha i hv̄shi akochaka Chatan ak osh ai v̄hli atok. Ilv̄ppak osh Benchamin im v̄lla v̄hleha itakv̄shkoa v̄lh̄pisa hosh i yakni ai v̄hli fullota tok.

21. Mihma Benchamin im v̄lla v̄hleha apelh̄ichi itakv̄shkoa v̄lh̄pisa hosh t̄maha holihta puta kv̄t Cheliko, micha Belh-hoklah, micha okfa Kesis,

22. Micha Belh-alabah, micha Semalaim, micha Belhel,

23. Micha Afim, micha Palah, micha Ofah,

24. Micha Chefa-haammonai, micha Ofni, micha Kaba; tmaha holihta auah-tuklo, micha chuka alokoli puta ai it ieshi;

25. Micha Kibeon, micha Lamah, micha Beeloh,

26. Micha Mispah, micha Chefilah, micha Mosah,

27. Micha Lekem, micha Ilpeel, micha Talalah,

28. Micha Selah, micha Elef, micha Chebusi, (yvmmtv Chelusalem) Kibealh, micha Kichalh; tmaha auah ushta, micha chuka alokoli puta ai it ieshi. Ilvppak osh Benjamin im vlla vhleha itakvshkoa vllhpisa hosh yakni ai isha he vllhpesa ha tok.

CHAPTER XIX.

MIKMA nashoelit ishi atukla kvv Simeon, Simeon im vlla vhleha apehlichit itakvshkoa vllhpisa ha tok: micha yakni ai isha he vllhpesa kvv Chutah im vlla vhleha i yakni ya ititakla ya tok.

2. Micha i yakni ya Bee-sheba, micha Sheba, micha Molatah,

3. Micha Hasa-shual, micha Balah, micha Asem,

4. Micha Eltolat, micha Behlel, micha Homah,

5. Micha Siklak, micha Belh-makabolh, micha Hasa-susah,

6. Micha Belh-lebaolh, micha Shaluhēn; tmaha holihta auah tuchina, micha chuka alokoli puta ai it ieshi:

7. Ain, Lemmon, micha Ehle, micha Ashan; tmaha ushta, micha chuka alokoli puta ai it ieshi;

8. Micha chuka alokoli tmaha holihta ilvppa puta ka a fullotvt ai asha moma Baalalh-bee, oka mahli Lamolh a ont vhli tok. Ilvppak osh Simeon im vlla vhleha itakvshkoa vllhpisa hosh yakni ai isha he vllhpesa ha tok.

9. Chutah im vlla vhleha i kashapa kak o Simeon im vlla vhleha hvv ai ishi tok: Chutah im vlla vhleha i kashapa vt im atampa hatuk oka: yvmohmi hatuk o Simeon im vlla vhleha i yakni vt i yakni ya ititakla talaia tok.

10. Mihma nashoelit ishi ont atuchina kvv Sebulun im

vlla vhleha itakvshkoa vlpisa hatok: micha yakni ai isha he vlpesa im ai vhli vt Salit ak o ont vhli tok.

11. Michā im ai vhli vt okhvta, micha Malalah pilla ho ia hosh Tabbashelh a ona cha, okhina Chokneam itikba bachaya ka ona tok;

12. Michā Salit a hikivt fullota hosh hvshi akochaka pilla ivt Chisloh-tabo ai vhli ya ona tok; micha kohchvt Tabelaḥ a ona cha, Chafia ya ona tok.

13. Michā yemma vttvt i hvshi akochaka hlopullit aya hosh Kittah-hefe ya ont ia hosh, Iltah-kasin a ona tok: micha kohchvt ivt Lemmon-mehloa Neah ya ona tok;

14. Michā ai vhli vt falvmmi imma apakfoyupa hosh Hannahlon a ona tok: micha ont akochcha kv̄t Chifhlah-el ak atok:

15. Michā Kattalh, micha Nahallal, micha Shimlon, micha Italah, micha Belhlehem: tmaha holihta auah tuklo, micha chuka alokoli puta ai it ieshi.

16. Ilvppak osh Sebulun im vlla vhleha itakvshkoa vlpisa hosh yakni ai isha he vlpesa yosh tmaha holihta ilvppa, micha chuka alokoli puta ai it ieshi hatok.

17. Mihma na shoelit ishi ont ai ushta kv̄t Issaka; Issaka im vlla vhleha itakvshkoa vlpisa hatok.

18. Michā im ai vhli vt Chesleel pilla, micha Chesulloḥ, micha Shunem,

19. Michā Hafalaim, micha Shihon, micha Anahalalh,

20. Michā Labbilh, micha Kishion, micha Abes,

21. Michā Lemelh, micha En-kannim, micha Enhattoḥ, micha Belh-passes;

22. Michā ai vhli vt Tabo ya ona cha, Shahasimah, micha Belh-shemesh; micha im ai vhli ont akochcha kv̄t Chatan ak atok: tmaha holihta auah hannali, micha chuka alokoli puta ai it ieshi.

23. Ilvppak osh Issaka im vlla vhleha itakvshkoa vlpisa hosh yakni ai isha he vlpesa yosh tmaha holihta puta, micha chuka alokoli puta ai it ieshi hatok.

24. Michā nashoelit ishi ont ishit tahlapi kv̄t Asha im vlla vhleha apehlichī itakvshkoa vlpisa hatok.

25. Micha im ai vhli vt Helkalh, micha Hali, micha Be-ten, micha Achshaf,

26. Micha Alammelech, micha Amat, micha Misheal ak atok; micha hvshi ai okatula imma Kamel, micha Shiholib-nalh ona tok.

27. Micha hvshi akocha ka pilla pit fullota hosh Belh-ta-kon a ona cha, Sebulun a ona mvt, Chifhlah-el okfa Belh-mek, micha Neiel itatuklo ka i falvmmi in tvnnvp pilla ona cha, kohchvt vlfvrbek imma Kabul a ona tok.

28. Micha Heblon, micha Lehob, micha Hammon, micha Kanah aiena ka ont ayvt Siton chito ya ona tok;

29. Mihmvt ai vhli vt fullota hosh Lamah, micha tmaha holihta kvllo Taia ya ona mvt, ai vhli vt fullota hosh Hosah ya ona tok: micha ont akochcha kv okhvta ak osh ontalaka aya hosh Achsib a ona tok;

30. Ummah, micha Afek, micha Lehob: tmaha holihta pokoli tuklo akucha tuklo, micha chuka alokoli puta ai it ieshi.

31. Ilvppak osh Asha im vlla.vhleha apelhichi itakvshkoa vlpisa hosh yakni ai isha he vlpesa yosh tmaha holihta ilvppa puta, micha chuka alokoli puta ai it ieshi hatok.

32. Micha nashoelit ishi ont ishit hannali kv, Naftali im vlla vhleha, Naftali im vlla vhleha itakvshkoa vlpisa hatok.

33. Micha im ai vhli vt Helef, micha Allon a vttvt ia hosh, Saananim, micha Atami, Nakeb, micha Chabneel aiena ka hlopullit Lakum a ona tok; micha ont akochcha kv Chatan ak atok:

34. Mihma ai vhli vt fullotvt hvshi ai okatula imma As-nolh-tabo ya ona cha, yvmma kohchvt ia mvt, Hukkok a ona cha, Sebulun oka mahli imma ona tok, micha Asha ya hvshi ai okatula imma ona mvt, Chutah ya Chatan ontalaka hvshi akochaka imma ona tok.

35. Micha tmaha a holihta kvllo puta kv Sittim, Se, micha Hammalh, Lakkolh, micha Sinselolh,

36. Micha Atamah, micha Lamah, micha Haso,

37. Micha Ketesh, micha Etlei, micha En-haso,

38. Micha Ilon, micha Miktaleel, Holem, micha Belh-

anah, micha Belh-shemesh ; tmaha holihta ahbi chakkali, micha chuka alokoli puta ai it ieshi,

39. Ilvppak osh Naftali im vlla vhleha apehlichy itakvshkoa vllhpisa hosh yakni ai isha he vllhpesa yosh tmaha holihta puta, micha chuka alokoli puta ai it ieshi hatok.

40. Micha nashoelit ishi ont ishit untuklo kvt Tan im vlla vhleha itakvshkoa vllhpisa hatok.

41. Micha yakni ai isha he vllhpesa ya im ai vhli vt Solah, micha Eshtaol, micha Il-shemesh,

42. Micha Shaalabbim, micha Achalon, micha Chelhlah,

43. Micha Elon, micha Hlimnalah, micha Eklon,

44. Micha Eltekeh, micha Kibbehlon, micha Baalalh,

45. Micha Chehvt, micha Bene-belak, micha Kalh-limon,

46. Micha Me-chakon, micha Lakkon, micha Chafo, itikba ai vhli aiena tok.

47. Mihma Tan im vlla vhleha im ai vhli vt ik ono hosh ont taha tok : yvmohmi ma Tan im vlla vhleha hvt Leshem a itibit ia tok ; atuk osh ishi cha, bvshpo falaia halupa isht issot kanchi cha, ieshit, a binili mvt, iki Tan ak o a hochifochit Leshem, Tan hochifo tok.

48. Ilvppak osh Tan im vlla vhleha apehlichy itakvshkoa vllhpisa hosh yakni ai isha he vllhpesa yosh tmaha holihta ilvppa puta, micha chuka alokoli puta ai it ieshi hatok.

49. Yakni ya im ai vhli aiyukali itakvshkolit okla ont tahli kv, Israel im vlla vhleha hvt ilap ititakla akinli ho Nun ushi, Choshua ya yakni vt immi ya chi ho ai ima tok :

50. Ilap inli hosh asilhha na Chihowa yvt anumpuli tuk mak o, tmaha holihta Timnalh-selah Effaim nvnih talaia ka ima tok : mihma tmaha holihta ai ikbi cha, ai vta tok.

51. Ai isha he vllhpesa ilvppa puta kak o na hoolitopa isht vta Eleasa, micha Nun ushi Choshua, micha Israel im vlla vhleha apehlichy iki vhleha noshkoboka vhleha aiena kv Chihowa itikba Shiloh, micha okla moma im vlhtipo hoolitopa itikba yak o nashoeli hosh yakni ya itakvshkoli tok. Yohmi hosh yakni ya itakvshkolit taiyahli tok.

CHAPTA XX.

CHIHOWA yvt, Choshua ya im anumpulit,

2. Israel im vlla vhleha ha im anumpulit, yak ish achashke, Moses a tohno li hvchim anohonli tok mak o, tmaha holihta kanohmi a hlakofi ya hvsh il atokolashke.

3. Yvmohmi ho hatak vbi vt hatak nana kia ahah! ik ahno, micha ik ithano hosh vbikmvt, malelit yvmmak o onashke; micha issish hlatapa il aiokha ya hvchim ahlakofi yashke.

4. Atukma kvna hosh malelit tmaha holihta kanohmi kash achvfona kia ona cha, tmaha holihta okhissa ya hikivt, nana i kaniohmi kvv tmaha holihta yvmma hatak im asvnonchi vhleha ha haklohonchikma, okla ishi cha, tmaha holihta ya fohki cha, ai vttv chi ka imakma, ahantashke.

5. Atuk o issish hlatapa il aiokha yvt hliolit iakaiyakma, vbi tuk a ibbak ik fohko kashke; ithana keyu hosh hatak chuka abilika vbi tuk, micha chashpo ka i nukkilli tuk keyu hoka.

6. Mikma tmaha holihta yvmma ahanta tuk osh nana apesa chi hosh okla moma itvnahakma itikba hikia hi oke; mikmvt ahanta na na holitompa isht vttv i shahli vt nitak yvmma ahanta tuk vt illa hi oke: yohmikma hatak vbi ash osh falama cha, in tmaha holihta akinli, micha in chuka ak inli tmaha holihta ai vttvt maleli tuk vt ona hi oke, im achi tok.

7. Mihma Kalili Naftali nvnih talaia Ketesh, micha Eflaim nvnih talaia Shechem, micha Chutah nvnih talaia Kichalh-aba, yvmmvt Heblon ak o atokoli tok.

8. Mikmvt Chatan mish tvnvp a hvshi akochaka pilla Cheliko bilika ya, yakni haiaka Luben apelhichi yakni patali talaia kvv Bese ak o atokoli tok; micha Kat apelhichi Kileat talaia kvv Lamolh, micha Manasseh apelhichi Bashan talaia kvv Kolem ak o atokoli tok.

9. Tmaha holihta ilvppa puta kak o Israel im vlla vhleha,

micha hatak ik ithano vt takla ahanta tuk osh, kvna kia ahah! ik ahno hosh hatak o vbikmvt, malelit ont chukowa na issish hlatapa il aiokha vt okla itikba ik hikio kisha ka ik bo ka hi atok.

CHAPTA XXI.

YUMOHHMI ma Lefai ai unchololi iki vhleha i noshkoba ka vhleha hvt naholitompa isht vttta Eleasa, micha Nun ushi Choshua, micha Israel im vlla vhleha iki vhleha i noshkoboka puta aiena ka im ona tok.

2. Michā Shiloh Kenan yakni talaia ka okla ai im anum-pulit, Tvmaha holihta il ai asha chi, micha abilika fullota pi wak vt ai asha chi aiena ka pima he Chihowa yvt Moses a im apesa tok, achi tok.

3. Mihma Israel im vlla vhleha hvt Chihowa yvt apesa tok mak o i yakni ya akohchit tvmaha holihta puta ilvppa, micha abilika fullota aiena ka Lefai ai unchololi ya ima tok.

4. Mihma Kohahlait vhleha in chuka achvfa vhleha hvt nashoelit ishi tok: mihma Alon na holitompa isht vttta im vlla vhleha Lefai ai unchololi atuk vt, nashoeli hosh Chutah apehlichī akohchit, micha Simeon apehlichī akohchit, micha Benchamin apehlichī aiena kak o akohchit tvmaha holihta auah tuchina ho ishi tok.

5. Mihma Kohalh im vlla vhleha inla kvv nashoeli hosh Eflaim, apehlichī itakvshkoa ya akohchit, micha Tan apehlichī ya akohchit, micha Manasseh apehlichī iklvna ya akohchit tvmaha pokoli ho ishi tok.

6. Mihma Keshon im vlla vhleha hvt nashoeli hosh Issaka apehlichī itakvshkoa ya akohchit, micha Asha apehlichī ya akohchit, micha Naftali apehlichī ya akohchit, micha Manasseh apehlichī iklvna Bashan asha ya akohchit tvmaha holihta auah tuchina ho ishi tok.

7. Mihma Melali im vlla vhleha in chuka achvfa vhleha vlpisa hosh Luben apehlichika ya akohchit, micha Kat

apehlichi ya akohchit, micha Sebulun apehlichi ya akohchit tmaha holihta auah tuklo h_o ishi tok.

8. Mihma Israel im vlla vhleha Chihowa yvt apesa na Moses vt anohonli tok mak o, Lefai ai unchololi ya tmaha holihta ilvppa puta, micha abilika fullota ai it ieshi moma ka nashoeli hosh ima tok.

9. Michā Chutah im vlla vhleha apehlichi ya akohchit, micha Simeon im vlla vhleha apehlichi ya akohchit, tmaha holihta ilvppa puta hohchifo ilvppa annoa ka ima tok.

10. Yvmmak o Alon im vlla vhleha yvmmvt Kohahlait in chuka achvfa vhleha ai achvfa yvmmvt Lefai im vlla vhleha hatuk osh ishi tok : yvmma immi ak osh nashoeli vmona hatuk okvt.

11. Michā Anak iki Aba in tmaha holihta (tmaha holihta yvmmvt Heblon) Chutah i yakni nvnih foka talaia, micha abilika fullota aiena ka okla ima tok.

12. Amba tmaha holihta osapa puta, micha chuka alokoli puta ai it ieshi aiena kvno immi ha chi h_o Chefunneh ushi Kaleb ak o okla ima tok.

13. Yakohmi h_o na holihtopa isht vta Alon im vlla vhleha h_a Heblon, micha a bilika fullota aiena ka tmaha holihta hatak vbi ahlakofi ya chi h_o okla ima tok ; Libnah micha abilika fullota aiena,

14. Michā Chatti, micha a bilika fullota aiena, micha Eshtamoa, micha a bilika fullota aiena,

15. Michā Holon, micha abilika fullota aiena, micha Tebo, micha abilika fullota aiena,

16. Michā Ain, micha abilika fullota aiena, micha Chutah, micha abilika fullota aiena, micha Belh-shemesh, micha abilika fullota aiena ; apehlichi tuklo yvmma tmaha holihta chakkali h_o akohchit okla ima tok.

17. Michā Benchamin apehlichi ya akohchit Kibeon, micha abilika fullota aiena, micha Keba, micha abilika fullota aiena,

18. Anahloh, micha abilika fullota aiena, micha Almon, micha abilika fullota aiena ; tmaha holihta ushta h_o okla ima tok.

19. Na holitompa isht vta vheha, Alon im vlla vheha in tmaha puta kv tmaha holihta auah tuchina, micha abilika fullota aiena tok.

20. Mihma Kohalh im vlla vheha in chuka achvfa vheha Kohalh im vlla vheha Lefai ai unchololi vt asha moma kv tmaha holihta puta ka nashoeli hosh ishi kv, Eflaim apelihi ak o akohchit ishi tok.

21. Shechem, micha abilika fullota aiena, Eflaim nvni hak o a talaia, tmaha holihta hatak vbi ahlakofi ya chi ho okla ima tok ; micha Kese, micha abilika fullota aiena,

22. Michā Kibsaim, micha abilika fullota aiena, micha Belh-holon, micha abilika fullota aiena, tmaha holihta ushta ho okla ima tok.

23. Michā Tan apelihi ya akohchit Eltekeh, micha abilika fullota aiena, Kibbehlon, micha abilika fullota aiena,

24. Aichalon, micha abilika fullota aiena, Kalh-limmon, micha abilika fullota aiena, tmaha holihta ushta ho okla ima tok.

25. Michā Manasseh apelihi iklvna ya akohchit Tanach, micha abilika fullota aiena, micha Kalh-limmon, micha abilika fullota aiena, tmaha holihta tuklo ho okla ima tok.

26. Kohalh im vlla vheha in chuka achvfa vheha asha moma immi hv tmaha holihta moma kv tmaha pokoli, micha abilika fullota aiena tok.

27. Michā Keshom im vlla vheha Lefai ai unchololi in chuka achvfa vheha ha ai achvfa hosh Manasseh apelihi iklvna achvfa ya akohchit Bashan talaia Kolan, micha abilika fullota aiena tmaha holihta hatak vbi ahlakofi ya chi ho, micha Beesh-telah, micha abilika fullota aiena, tmaha tuklo ho okla ima tok.

28. Michā Issaka apelihi ya akohchit Kishon, micha abilika fullota aiena, micha Tabaleh, micha abilika fullota aiena,

29. Chamulh, micha abilika fullota aiena, micha Enkammin, micha abilika fullota aiena tmaha holihta ushta ho okla ima tok.

30. Michā Asha apelihi ya akohchit Mishal, micha

abilika fullota aiena, micha Abton, micha abilika fullota aiena,

31. Michā Helkah, micha abilika fullota aiena, micha Le-hob, micha abilika fullota aiena, tmaha holihta ushta hō okla ima tok.

32. Michā Naftali apehlichī ya akohchit Kalili talaia Kesh, micha abilika fullota aiena kak osh tmaha holihta hatak vbi ahlakofi ya chī hō, micha Hammolh-to, micha abilika fullota aiena, micha Katan, micha abilika fullota aiena, tmaha holihta tuchina hō okla ima tok.

33. Keshonait vhleha hā in tmaha holihta moma in chuka achvfa vhleha vlpisa hosh tmaha holihta, micha abilika fullota aiena hosh auah tuchina tok,

34. Michā Lefai ai unchololi ishtaiyopi Melali im vlla vhleha in chuka achvfa vhleha hā Sebulun apehlichī ak o akohchit Chokneam, micha abilika fullota aiena, micha Katab, micha abilika fullota aiena,

35. Michā Timnah, micha abilika fullota aiena, micha Nahalah, micha abilika fullota aiena, tmaha holihta ushta hō okla ima tok.

36. Michā Luben apehlichī ya akohchit Bese, micha abilika fullota aiena, micha Chahasah, micha abilika fullota aiena,

37. Ketemolh, micha abilika fullota aiena, micha Mefaalh, micha abilika fullota aiena, tmaha holihta ushta hō okla ima tok.

38. Michā Kat apehlichī ya akohchit Kileat talaia Lamolh, micha abilika fullota aiena tmaha holihta hatak vbi ahlakofi ya chī hō, micha Mahanaim, micha abilika fullota aiena,

39. Heshbon, micha abilika fullota aiena, micha Chase, micha abilika fullota aiena, tmaha holihta ushta hō okla ima tok.

40. Yvmohmi hō Lefai ai unchololi in chuka achvfa vhleha hā ishtaiyopi, Melali im vlla vhleha in chuka achvfa vhleha vlpisa hosh nashoelit ishi ka, moma kv̄t tmaha holihta auah tuklo tok.

41. Isra^{el} im vlla v^hleha i yakni ititakla ya Lefai ai un-
ch^ololi t^umaha h^olihta put^a im a^sha kv^t t^umaha h^olihta,
micha abⁱlika fullota aiena moma kv^t t^umaha h^olihta pokoli
ushta akucha untuchina tok.

42. T^umaha h^olihta ilv^ppa put^a kv^t abⁱlika fullota ai
asha bⁱeka tok. T^umaha h^olihta ilv^ppa put^a ilv^ppak o
y^umohmi tok.

43. Mihma Chihowa yvt anumpa kullo il onochit i^ki v^hle-
ha h^a ima he i mihⁱha tok vt yakni ya mominchit Isra^{el} a
ima tok: mihma ieshit a binili tok.

44. Mihma Chihowa yvt anumpa kullo il onochit i^ki
v^hleha h^a i mihⁱha tok mak osh afullota fohvchi tok: mihma
in t^unv^p moma ka hatak achvfa kia itikba ik hikio tok;
Chihowa yvt in t^unv^p a mominchit ibbak a fohki tok oka.

45. Nana achukma achvfa nana kia Chihowa yvt Isra^{el}
in chuka achvfa ya im anumpohonli tok vt ik ai a^hlo kv^t
iksho tok, moma kv^t ont ai a^hli tok oke.

CHAPTA XXII.

YUMOHMI ma Choshua vt Lubenait v^hleha, micha Ka-
t^ait v^hleha, micha Manasseh ap^ehlichⁱ ikl^vna aiena kash
hoyo tok.

2. Micha Chihowa in tⁱshu Moses vt hvchim apesa tok a
mominchit hvsh ieshi tuk oke, micha nana h^o hvchim apⁱ-
hⁱsa li tuk put^a ka moma v^m anumpa h^a hv^s sv^m antia tuk
oke.

3. Hvch itibapishi v^hleha h^a hvch ik isso h^o nitak laua
ilv^ppa himak nitak a ant v^hlishke; amba Chitokaka hvchin
Chihowa yvt nana apesa tok a h^olitoblit hvsh ieshi tuk oke.

4. Atuk o himak a Chitokaka hvchin Chihowa vt hvchi
itibapishi v^hleha h^a im achi tok mak osh fohvchishke: yv-
mohmi hoka himak a falamvt hvchim v^bina aiyukali yakni
hvsh ishi tok Chatan mish-t^unv^p Moses Chihowa in tⁱshu
hvt hvch ima tok a hvsh onashke.

5. Yohmi kia ahah! ahni fehnvt, nan v^lhpisa put^a Chi-

howa in tishu Moses vt atokolit hvch_i miha kv_t, Chitokaka hvchin Chihowa ya holitoblit, ai ahni bieka h_o anoh_owt, nan apih_isa puta ka ieshit, micha asit_ivt, micha ch_ukvsh aiokl_uhvt, micha shilombish aiokl_uhvt hvsh im antiashke, ahanchi tok a hvsh im antihiyashke, im achi tok.

6. Yvmohmi hosh Choshua vt yukpalit aiokpvehi cha, tishelichi tok; mihma ilhkolit im vlbina aiyukali ona tok.

7. Atuk o Manasseh ai unchololi iklvna ka Bashan ak o Moses vt yakni ai ima tok: amba iklvna achvfa kvno Choshua vt Chatan ola in tvnvp hvshi ai okatula imma itibapishi takla yak o ai ima tok. Micha yvmmak kia Choshua vt im vlbina aiyukali pilla mvt, yukpalit ai okpvehi tok;

8. Micha im anumpulit, Im ilayak chito, micha wak laua, tvli hvta, micha tvli holisso lakna, micha tvli lakna, micha tvli, micha nafohka laua fehna aiena ka ish_it falamvt hvchim vlbina aiyukali hvsh onashke: hvchin tvnvp hvsh wehpuli tuk vt hvch itibapishi vhleha h_a hvsh itakvshkoashke, achi tok.

9. Mihma Luben im vlla vhleha, micha Kat im vlla vhleha, micha Manasseh ai unchololi iklvna aiena kv_t falama cha, Israel im vlla vhleha h_a issvt, Shiloh Kenan yakni talai_a ka akohchvt, Kileat yakni Chihowa yvt tohno na Moses vt anumpohonli tok mak o, yakni ai ishi tok osh immi chatuk vt ona tok.

10. Atuk osh Chatan vhli Kenan yakni bachaya ka okl_a ona mvt, Luben im vlla vhleha, micha Kat im vlla vhleha, micha Manasseh ai unchololi iklvna aiena kv_t Chatan bilika ya alta ikbit pisa hi o alta chito fehna h_o ikbi tok.

11. Mihma Israel im vlla vhleha hv_t, Yakeh! Luben im vlla vhleha, micha Kat im vlla vhleha, micha Manasseh ai unchololi iklvna aiena kv_t Kenan yakni ichapaka, Chatan vhli, Israel im vlla vhleha akocha ya alta ai ikbit hilechishke, achi h_o haklo tok.

12. Atuk o Israel im vlla vhleha hv_t haklo mvt, in tanampit ia ch_i hosh, Israel im vlla vhleha moma kv_t iti hoyot Shiloh ya ai itvna_a tok.

13. Mihmvt Israel im vlla vhleha hv_t Luben im vlla vhle-

ha, micha Kat im vlla vhleha, micha Manasseh ai unchololi iklvna aiena Kileat yakni a₂sha ka naholitompa isht vta Eleasa ushi Finehas a₂ i pila tok.

14. Mihma holitompa pokoli Israel avehlichu moma ka chuka achvfa holitopa i shahli ka achvfa aiyukali tok; micha moma kv₂t iki vhleha in chuka achvfa ya₂ Israel tahlepa sipokni puta ka i noshkoboka bieka tok.

15. Atuk osh Kileat yakni ya₂ Luben im vlla vhleha, micha Kat im vlla vhleha, micha Manasseh ai unchololi iklvna aiena ka im ona cha, im anumpulit yak ahanchi tok.

16. Chihowa im okla moma kv₂t yak ahanchishke, Ilv-pvt nan ashvchi nanta mak o₂ yvmohmit, Israel in Chihowa ya₂ hvsh i sanali cha, Chihowa iakaiya ka hvsh i filvmmichi hosh himak nitak a₂ alta ikbit Chihowa ya₂ hvsh i sanali cho?

17. Peo nan ashvchi tuk vt ik pim ahobo hatuk o₂? yvma himak nitak a₂ ik p₂i kashofo k₂isha, Chihowa im okla iti takla ya₂ ililli hv₂t a₂sha tok ak inli kia,

18. Yohmi kia himak nitak a₂ Chihowa iakaya ka hvsh i filvmmi cho? atukma yvmohma ch₂i hoke, himak nitak a₂ Chihowa ya₂ i yoshubvt hvsh i sanali hoka, onnakma Israel moma kak o₂ i nukkilli ch₂i hoke.

19. Yohmi kia yakni hvsh ieshi ak osh ik kashofo hokma, hlopullit yakni Chihowa immi, Chihowa im vhtipo holitopa a hikia kak o₂ hvsh la cha, pi takla hvsh ieshashke: amba Chitokaka pin Chihowa im alta ichaplit alta hilechit, Chitokaka ya₂ i filvmmi hvch ik i sanalo kashke, micha pishno ma p₂i filvmmi hvchi ik p₂i sanalo kashke.

20. Selah, ushi Achan vt nan i hullochi atuk ash isht ashvchi ho₂ Israel okla moma kak o₂ Chihowa im ai i nukkilli vt onvtola tok keyu cho? mihma hatak yvmmvt ilap bano hosh nan ashvchi tuk vt illi tok keyu hoke, achi tok.

21. Mihma Luben im vlla vhleha, micha Kat im vlla vhleha, micha Manasseh ai unchololi iklvna aiena kv₂t afalaminchit, Israel tahlepa sipokni puta i noshkoboka vhleha ha₂ im achi mvt,

22. Chitokaka Chihowa na holbut toba moma i shahli, Chitokaka Chihowa na holbut toba moma i shahli, yvmmvt

ithanvshke, mikma Israel ak kia ithana chi hoke; Chihowa im asanali hokmá, keyukmvt i yoshuba hokmá, nana hatuk ma, (himak nitak a ik pi okchalineho kashke.)

23. Chihowa iakaiya kv̄t il i filv̄mma chi hosh, keyukmvt hukmit isht aiokpv̄chi il onocha chi hokmá, keyukmvt, ilhpak isht ai okpv̄chi il onocha chi hokma, keyukmvt, it i nanaiyv̄chi isht aiokpv̄chi il onocha chi hokma, nana hosh alta il ikbi tuk okma, Chihowa ak inli hosh pim a hoyashke;

24. Micha ilv̄ppa fehna kak o pi nuktvl̄vt il ahanchi kv̄t, Nitak inlakma hv̄chim v̄lla v̄hleha hv̄t pim v̄lla v̄hleha h̄a Israel in Chitokaka Chihowa ȳa nanta isht hv̄chi ahalaia cho?

25. Chihowa yvt Chatan ak osh, pititakla ai v̄hli ya chi h̄o apesa tok oka, Luben im v̄lla v̄hleha, micha K̄at im v̄lla v̄hleha aiena hv̄chia ma! Chihowa ȳa hv̄sh ahalaia keyu hoke, im acha hinla: Yohmi hosh pim v̄lla v̄hleha hv̄t Chihowa ȳa h̄olitobli ka hv̄chim v̄lla v̄hleha hv̄t issv̄cha hi oke, il achi tuk.

26. Yohmi hosh il achi kv̄t, Himak ano alta ȳa il atahlashke, onochit a hukmit isht aiokpv̄chi keyu, v̄bit onochit isht aiokpv̄chi keyu:

27. Amba pititakla, micha pim isht atiaka piak̄aya ka nan atokoli yosh hikia chi h̄o, na hukmit isht il aiokpv̄chi, micha nan v̄bit isht il aiokpv̄chi, micha it̄i nanaiyv̄chi isht il aiokpv̄chi aiena ka Chihowa itikba ȳa isht il ai ahanta hi osh il ikbashke; yohmikma hv̄chim v̄lla v̄hleha hv̄t nitak inlakma pim v̄lla v̄hleha h̄a Chihowa ȳa hv̄sh ahalaia keyu hoke, ik acho kashke.

28. Yvmohmi hosh il achi kv̄t, Yakohma hi oke, nitak inlakma pishno yv̄mma pim achikma, keyukmvt, pim isht atikaa ȳa yv̄mma im achikma, anonti Yakeh! Chihowa im alta h̄olbvt toba, onochit a hukmit isht aiokpv̄chi keyu, micha v̄bit onochit isht aiokpv̄chi keyu, amba pititakla nan atokoli yosh hikia chi h̄o p̄iki v̄hleha hv̄t ikbi tok oke, il im acha he, il achi hatuk.

29. Himak nitak a Chihowa im alta im vl̄htipo h̄olitopa yosh itikba hikia kak o keyu h̄o onochit a hukmit isht aiokpv̄chi ya chi, ilhpak onochit isht aiokpv̄chi ya chi, keyuk-

mut ai vbit onochit isht aiokpvchi ya chi ka, alta il ikbi cha, Chihowa ya il im antia tuk vt, i filummit Chihowa ya il i yoshuba hi a, Chihowa yvt pim alummashke, im achi tok.

30. Atuk o naholitompa isht vta Finehas, micha okla moma i holitompa vhleha, Israel tahlepa sipokni puta noshkoboka aiena kak osh apehvt asha tuk vt, Luben im vlla vhleha, micha Kat im vlla vhleha, micha Manasseh im vlla vhleha aiena kut im anumpa ha haklo mut, im achukma tok.

31. Mihma Eleasa ushi na holitompa isht vta Finehas vt Luben im vlla vhleha, micha Kat im vlla vhleha, micha Manasseh im vlla vhleha aiena ka, Himak nitak a Chihowa yvt pibafoyuka ka il akostininchishke, nan ashvchi ilvppa yvmohmit, Chihowa ya hvch ik i sanalo hoka: himak a Israel im vlla vhleha ha Chihowa ibbak a hvsh a hlakofichishke.

32. Michā Eleasa ushi, Finehas na holitompa isht vta, micha holitompa vhleha aiena hash osh Luben im vlla vhleha, micha Kat im vlla vhleha aiena ka i filummit, Kileat yakni ya akohchvt Kenan yakni ya onvt, Israel im vlla vhleha ha im ona cha, anumpa isht im ona tok.

33. Mihma Israel im vlla vhleha hvv nana ka haklo mut, im achukma tok: micha Israel im vlla vhleha hvv Chitokaka ya aiokpvchi mut, Luben im vlla vhleha, micha Kat im vlla vhleha aiena kut aiasha yakni ymma ivt itibit okpna he ik ahno tok.

34. Mihma Luben im vlla vhleha, micha Kat im vlla vhleha aiena kut alta yash Et hochifo tok: Chihowa vt Chitokaka yoka pititakla ya na pim atokoli ya chi hoka, achi tok.

CHAPTA XXIII.

ATUK o yakohmi tok, Chihowa vt Israel a in tenvp moma ka ai i fohvchit taiyahli tok nitak hopaki ma, Choshua vt sipoknit nitak in lauvt taiyaha tok.

2. Mihma Choshua vt Israel moma, micha im asvonchi vhleha, micha i noshkoboka vhleha, micha i nan apesa vhle-

ha, micha okla pehlichi vhleha aiena ka hoyo cha, Sa sipoknit nitak an lauvt sa taiyahvshke.

3. Michā Chihowa hvchin Chitokaka yvt hvchishno pulakak o oklushi ilvppa puta ka kaniohmihinchituk a hvsh pisvshke; Chihowa hvchin Chitokaka yvmak osh hvchim itibi tuk oka.

4. Yakeh! hvchim ishtatiaka puta i yakni ya chi ka, oklushi a sha moma puta ka nashoeli hosh hvch itakvshkolit, Chatan vttvt a tvptulit kanchi li tuk vt mominchit hvshi ai okatula imma okhvta chito ont vhli ka hvch ima li tuk oke.

5. Mikma Chihowa hvchin Chitokaka yvt hvchi tikba akohchit hvsh a pisa ka a tihlelit kocha wehla chi hoke; mikmut Chihowa hvchin Chitokaka yvt hvchim ahanchi tokmak o i yakni ya hvsh ishi cha, hvsh abinila chi hoke.

6. Yvmohmi hoka kvllot hvchim anukfila fehna hosh Moses i nan vlvhisa holisso ha a holihiso ka mominchit holioblit hvsh yvmihinchashke; yvmohmi hosh shanaiyvt naksika isht impak imma, micha vlvhvbeke imma kanima ka pit hvch ik fulloto kashke.

7. Yvmohmi hosh oklushi ilvppa puta hvchi takla a sha moma ka hvch ik ibafohko kashke; micha i na holvvt toba puta hohchifo ha anukfillit hvch ik miho kashke; micha isht hochifot anumpa kvllo hvch ik il onochokashke, micha hvch ik in toksalo kashke, micha hvch ik im akachunolo kashke:

8. Amba yvmohmit mihinti himak nitak a ant vhli hokvt, Chihowa hvchin Chitokaka yak o hvsh asitiashke.

9. Chihowa hvch okla chito, micha okla kvllo aiena ho hvch itikba a tihlelit kocha wehli tuk oke: amba hvchishno yokvno hatak nana kia hvch itikba hikia he keyu tuk himak nitak a ant vhlishe.

10. Hatak hvsh achvfa kvv tahlepa sipokni ho tihlela hi oke: Chihowa hvchin Chitokaka ak osh miha tuk okvt hvchim itibi hoka:

11. Yvmohmi hoka achukmalit ahah! hvsh il ahni cha, Chihowa hvchin Chitokaka ya hvsh holioblishe.

12. Keyu hosh kaniohmi hosh falamvt hvsh ia cha, oklushi a sha moma ilvppa puta, ilvppa hvchi takla a sha ka asi-

tiyt itauwayuchit, hush iba chukowakma, micha huch iba chukowakma,

13. Chihowa huchin Chitokaka yvt himak pilla ma oklushi ilvppa puta moma ka huchi tikba tihlelit koheha wehla he keyu hoke: amba nan isht huch ibetvbli, micha nan isht huchi hokli, micha nan isht huchi foma yosh huchi naksi ya onvtoyula chi hoke; micha kvti hosh huchi nishkin a shamvlli na yakni achukma ilvppa Chihowa huchin Chitokaka yvt huch ima tok a ai illit huchin taha chi pulla kv hush ithaiyanashke.

14. Michā yakeh! himak nitak a yakni moma a maya chatuk mak o ia la chishke; mihma huchi chukvsh moyuma, micha huchimi shilombish moyuma isht hush ithaiyana ka, nana achvfa kia nana achukma moma ka Chihowa huchin Chitokaka yvt huchishno ya isht huchi anumpohonli tok vt ont ik ai ahlo keyushke; nana moma kvt ont ai ahlit tahvshke; micha nana achvfa kia ik ai ahlo kvt ikshoshke.

15. Yvmohmi hoka yakohma hi oke, nana achukma moma Chihowa huchin Chitokaka yvt miha tuk vt huchi onvtoyula tuk oke; yohmi tuk okvt nana ik achukmo moma Chihowa yvt huchi onochit, yakni achukma Chihowa huchin Chitokaka yvt huch ima tuk vt ai okpvnit huchi tabla chi hoke.

16. Chihowa huchin Chitokaka nan it im apesa anumpa huchim apesa tok a hush kobvffi cha, na holba puta ka ont im antiyt hush im akaahunolikma, yohmikma Chihowa im ai i nukkilli vt libbit huchi sanalikma, chekosi fehna yakni achukma huch ima tok a ai illit huchi taha hi oke, im achi tok.

CHAPTA XXIV.

MIHMA Choshua vt Israel apelihchi moma ka hoyot Shechem a ai itvnahli cha, Israel im asvnonchi puta, micha i noshkoboka puta, micha i nan apesa vhleha, micha okla pehlichī vhleha moma ka hoyo tok; mihma Chihowa itikba ya hieli tok.

2. Mihma Choshua vt okla moma ka, Israel in Chihowa

Chitokaka yvt iləppak ɔ achishke, Hvch iki vhleha, Telah Eblaham iki, Naho iki aiena kv̄t okhina mish t̄n̄n̄v̄p ak ɔ ai asha tok : micha naholbvt toba puta ai okpv̄chi tok oke.

3. Mihma hvch iki Eblaham a okhina mish t̄n̄n̄v̄p a ai ishit, ilauelet ayvt Kenan yakni moma ka hlopullichit isht aya li tok ; micha im ishtatiaka ya apaknv̄chit Aisaak a ima li tok.

4. Micha Aisaak a Chekob, micha Esau ita tuklo ka ima li tok : micha Esau ya Sei n̄n̄ih hak ɔ immi ha ch̄i h̄o ima li tok, amba Chekob, micha im v̄lla vhleha aiena kv̄t Echip ak ɔ ona tok.

5. Moses, micha Alon ak kia hvch̄i pila li tok ; micha Echip a nana palv̄m̄mi onochit, nana ka ititakla a yvm̄ih̄in̄chi li tok ; atuk osh i himmakma, hvchi pehlichit, kohcha li tok oke.

6. Micha hvch iki vhleha ha pehlichit Echip a kohcha li tok oke : mihma okhv̄ta ya hvsh la tok oke : mihma Echip okla hv̄t hvch iki vhleha ha t̄n̄v̄p itichanv̄lli puta, micha issuba om binili puta ieshi hosh hliolit Okhv̄ta Humma ya isht ona tok.

7. Mihma Chihowa ya okla i pahaya ma, hvchishno, micha Echip okla aiena hvchim ititakla ya okhlili takalichi tok, micha okhv̄ta ha falv̄m̄min̄chit onochit ompohomo tok : micha Echip a nana akaniohm̄ih̄in̄chi li tok a hvchi nishkin vt p̄isa tok oke : micha yakni haiaka hvsh ai asha na nitak laua tok.

8. Micha Amolait okla i yakni Chatan mish t̄n̄n̄v̄p a hvch isht v̄la li tok ; mihma hvch itibi tok : mihma i yakni ya hvsh ishi cha, hvsh a binila ch̄i h̄o, hvch ibbak a fohki li tok ; micha hvchi tikba ya ai okpv̄nit tahli li tok.

9. Yohmi ma Sippo ushi Balak Moab i m̄iko vt wakaya cha, Islael a in tanampi tok ; micha Beo ushi Balaam vt hvchi kalakshichit miha ch̄i h̄o pit hoyo tok :

10. Yohmi kia Balaam a i haponaklo la he keyu h̄o, hvchi yukpalit anumpuli moma tok ; yohmit ibbak a hvchi a hlakofichi li tok.

11. Mihma Chatan a hlopullit Cheliko ya hvsh la tok

oke ; mihma Cheliko okla Amolait vhleha, micha Pelissait vhleha, micha Kenanait vhleha, micha Hitait vhleha, micha Kikashait vhleha, micha Hifait vhleha, micha Chebusait vhleha aiena kv̄t hv̄chin tanampi tok ; mihma hv̄ch ibbak fohki li tok oke.

12. Mihma fohkul a hv̄chi tikba pila li tuk o, yummvt Amolait okla ī m̄iko tuklo ka hv̄chi tikba tihlelit tahli tok : yohmi kia hv̄chī bv̄shpo falaia keyu, micha hv̄chim iti tanampo atok keyu hoke.

13. Michā yakni yā toksulit isht hv̄sh asitv̄bi tuk keyu ka hv̄ch ima li tuk oke : micha tv̄maha holihta puta hv̄sh ikbi tuk keyu ka, hv̄ch ima li ma hv̄sh ai ahashwushke ; pak̄ v̄pi ahollokchi, micha alif osapushi aiena hv̄sh hokchi tuk keyu kv̄t hv̄sh ai v̄pv̄shke, im achi tok.

14. Yvmohmi hoka Chihowa yā hv̄sh holitobli cha, ch̄ukv̄sh gh̄li, micha apissali bieka hosh hv̄sh im antiashke ; micha na holbv̄t toba puta hv̄ch īki vhleha hv̄t okhina mish tv̄n̄nv̄p, micha Echip ā aiokpv̄chi tok ā hv̄sh kanchashke ; micha Chihowa yak ō hv̄sh im antiashke.

15. Michā Chihowa im antia ka ik achukmo hv̄sh ahnikmvt, kv̄na h̄o hv̄sh im antia ch̄ik mvt himak nitak ā hv̄sh atokolashke, na holbv̄t toba puta okhina mish tv̄n̄nv̄p aiasha na hv̄ch īki vhleha hv̄t aiokpv̄chi tok ak okmá, keyukmvt Amolait okla ī yakni yā hv̄sh aiasha kv̄t ī na holbv̄t toba puta yak okmá nanakmvt, amba vno, micha an chuka achv̄fa v̄to Chihowa ak ō il im antia ch̄i hoke, im achi tok.

16. Mihma okla hash osh afalamichit Chihowa yā e kanchi cha, na holbv̄t toba il im antia hi ā Chitokaka yvt pim olvbashke.

17. Chihowa pin Chitokaka ak osh, yvmmak osh pishno, micha p̄iki vhleha aiena ka Echip yakni, micha aboha yuka a kohchit pisht v̄la tok ; micha yvmmak osh, e p̄isa h̄o nan isht atokowa chinto fehna ka yvmihinchi tok ; micha kanima il atia moma, micha okla moma hlopullit il aya ka pi okchalinechi tuk oka,

18. Michā Chihowa yvt pi tikba yā okla moma Amolait vhleha yakni yash aiena puta ka tihlelit akohhonchi tok ;

yvmohmi hoka pishno ak kia Chihowa ya il im antia chi hoke, pin Chitokaka hoka, achi tok.

19. Mihma Choshua vt okla ha, Chihowa ya hvsh im antia he keyu hoke; Chitokaka nan ashvchi iksho yoka: Chitokaka nuktahanhla hoke; na hvsh yoshuba, micha na hvsh ashvchi aiena puta ka hvch i kashofa he keyu hoke.

20. Chihowa ya hvsh kanchi cha na holbvt toba puta ka hvsh im antiakma, yohmikma nana achukma ho hvchi yvmihinchi tuk kia, filema cha hvchi hotopalit hvchi tahla hi oke, im achi tok.

21. Mihma okla hash osh Choshua ya Aha! Chihowa yak o il im antia chi hoke, im achi tok.

22. Mihma Choshua vt okla hash, Chihowa ya hvsh im antia chi hosh hvsh atokoli kv hvchishno akinli hvsh il atokoli, hvsh tobvshke, im achi ma, Nan atokoli pia hoke, okla achi tok.

23. Yvmohmi hoka himak a naholbvt toba puta ka hvch ititakla ya hvsh kanchashke, micha hvchi chukvsh a Israel in Chihowa Chitokaka ak o isht hvsh asitiashke, achi tok.

24. Mihma okla hash osh Choshua ya, Chihowa pin Chitokaka ak o il in toksahanli cha, im anumpa ha il im antia chi hoke, im achi tok.

25. Yohmi ho nitak yvmma Choshua vt okla ha anumpa it im apesa cha, nan vlpisa, micha nan isht im apesa ya Shechem a ai apesa tok.

26. Mihma Choshua vt anumpa ilvppa puta ka Chitokaka i nan vlpisa holisso ha aholissochi tok; micha tvi chito ishi cha, baiyi yvmmvt Chihowa im vlhtipo holitopa bilika nikja tuk o nutaka ya hilechi tok.

27. Mihma Choshua vt okla moma kash Yakeh! tvi ilvppak osh Chihowa im anumpa puta pim anumpohonli ka haklo tok okvt pi atokoli ya chi hoke, yvmohmi hoka hvchin Chitokaka ya hvsh kancha he keyu ka hi a hvchi atokoli yashke.

28. Yohmi ho Choshua vt tishelichi na okla hash osh i yakni aiyukali ka onvt taha tok.

29. Atuk o ilvppa i himmak ma, yakohmi tok, Chihowa

in tishu, Nun ushi Choshua vt afvmmi tahlepa achvfa cha pokoli aiena hosh illi tok.

30. Mihma ilap i yakni vhli Timnalh-selah, yvmmvt Eflaim nvnih talaia ka Kaash bokko falvmmi in tvnrvp ak o okla hohpi tok.

31. Mihma Israel vt Choshua vt okchaya nitak moma, micha hatak asvnonchi vhleha hvv Choshua vt illi haya, okchaya moma, Chihowa yvt na fehna Israel i yvmihinchi ka, pisa tok vt okchaya nitak moma kvno Chihowa ya im antia tok.

32. Mihma Chosef foni Israel im vlla vhleha hvv Echip a kohchit isht vla tok vt Chekob vt tvli hvta tushahli tahlepa achvfa hq Shechem iki Hamo ushi vhleha ha isht in chumpa tok yakni talaia hq Shechem ak o a hohpi tok: mihma Chosef im vlla vhleha ha i yakni toba tok oke.

33. Mihma Alon ushi Eleasa vt illi tok; mihma bokko hosh ushi Finehas a immi hatok yvmmvt Eflaim nvnih ak o talaia hq ima tok o, a hohpi tok.

NAN APESA UHLEHA HOLISSO.

NAN APESA UHLEHA

HA ISHT ANUMPA HOKE.

CHAPTA I.

YUMOHMI ma Choshua vt illi haya yakohmi tok, Israel im vlla vhleha hvt Chihowa ya i ponaklot, Kvtā hosh Kenanait vhleha ha tikba itiba chi hosh pim ia chi cho? achi tok.

2. Mihma Chihowa hvt, Chutah yak osh ia chi hoke: yakeh! yakni yash yemma ibbak a fohki lishke, achi tok.

3. Mihma Chutah vt itibapishi Simeon a, Si awant nashoelit ishi li tok yakni ya ish ona na Kenanait vhleha ha ont il itibashke; atukma vno ak kia chi awant nashoelit ish ishi tok yakni ya ona la chi ke, im achi tok. Mihma Simeon vt awant ia tok.

4. Mihma Chutah vt ia ma, Chihowa hvt Kenanait vhleha, micha Pelissait vhleha aiena ka ibbak a fohki tok: yohmi na Besek a hatak tahlepa sipokni pokoli ho ai vbi tok.

5. Michā Besek a Atoni-besek o ai ahayuchi cha itibi tok; micha Kenanait vhleha, micha Pelissait vhleha aiena ka vbi tok.

6. Yohmi kia Atoni-besek vt maleli tok; mihma iakaiyvt hlioli tuk osh hokli cha, ibbak-ishki, micha iyishki aiena ka tvptuli tok.

7. Mihma Atoni-besek vt, Miko pokoli untuklo hosh ibbak-ishki, micha iyishki aiena kv̄t tvptua na im ilhpak a vm ai impa nutaka a hoyot vpa beka tok; nana a kaniohmi li tok mak o, Chitokaka hvt si atobbichishke, achi tok. Mihma Chelusalem a isht ona na yemma o ai illi tok.

8. Mihma Chutah im vlla vhleha hvt Chelusalem a itibi cha, ishit, bvshpo falaia halupa isht issot kanchi cha, tumaha holihta ya hukmi tuk atok.

9. Atuk osh i himmak o Chutah im vlla vhleha hvt Kenanait vhleha nvnih foka aiasha, micha oka mahli pilla ai asha, micha okfa ai asha aiena ka itiba chi hosh ilhkoli tok.

10. Mihmut Chutah vt Kenanait vhleha Heblon ai asha ka itiba chi hosh ilhkoli tok; (Heblon vt Kichalh-aba hohchifo hatok:) mihmut Sheshai, micha Ahinam, micha Talmai aiena ka vbi tok.

11. Mihmut ymma vttvt Tebi okla aiasha ka ont itibi tok: Tebi vt tikba ka Kichalh-sefe hohchifo beka tok.

12. Mihma Kaleb vt, Kuna hosh Kichalh-sefe ya issot kanchi cha, ishikma, vsotek Achsah vt tekchi yachi ho ima la chi hoke, achi tok.

13. Mihma Kaleb nakfish Kenas ushi Olhniel ak osh ishi tok: mihma tekchi yachi ho Achsah ya ima tok.

14. Atuk o yakohmi tok, im ona mut, iki ya osapa im asilhha chi ho atohnochi tok: atuk osh issuba haksobish falaia om binili tuk vt akowa tok; mihma Kaleb vt, Nanta ho ish ahni cho? im achi tok.

15. Mihma, Nan isht yukpali ya is svmashe; oka mahli yakni ya is suma tuk okvt, oka kvli taloha ak kia is svmashe, im achi tok. Mihma Kaleb vt nvnih kvli taloha kak o ima mut, micha okfa kvli taloha kak o ima tok.

16. Mihma Moses ipochi Kenait in chipota hvt pam iti tumaha holihta ya kohchvt ivt, Chutah im vlla vhleha ha awant ivt yakni haiaka, ymmvt Alat im oka mahli imma yo ona cha, okla takla ai asha tok.

17. Mihma Chutah vt itibapishi Simeon a awant ia cha, Kenanait vhleha Sefalh ai asha ka vbit tahli cha, okpvnit vmohmichi tok. Mihma tumaha holihta ymmvt Homah hohchifo tok.

18. Mihma Chutah vt Kasa, micha yakni afullota, micha Askelon, micha yakni afullota, micha Eklon, micha yakni afullota aiena ka ishi tok.

19. Mihma Chihowa hvt Chutah ya ibafoyuka tok; mih-

ma nvnih foka okla ha tihlelit kocha wehli cha, a binili tok; yohmi kia okfa aiasha kvto tvli iti chanvlli im aasha hatuk o, tihlelit kocha wehla he keyu ki tok.

20. Mihma Moses vt achi tok mak o Heblon a Kaleb ak o okla ima tok; yohmi na Anak ushi tuchina ka yvmma a tihlelit kocha wehli tok.

21. Mihma Benchamin im vlla vhleha hvv Chebusait vhleha Chelusalem ai asha ka tihlelit ik kocha wehlo ki tok: amba Chebusait vhleha hvv Benchamin im vlla vhleha ha apvhv Chelusalem ai asha tok osh himak nitak a moma hoke.

22. Mihma Chosef in chuka achvfa yvmmak kia Behlel a itiba chj hosh ia tok: mihma Chihowa hvv ibafoyuka tok.

23. Mihma Chosef in chuka achvfa yvt Behlel a pisa chj hv pila tok. Mihma tvmaha holihta yvmmvt tikba ka Lus hohchifo tok.

24. Na pisvt aya vhleha hash osh hatak vt tvmaha holihta yash kohchvt minti na pisa tok; mihmvv, Tvamaha holihta achukowa ya pim anoli, e chim asilbhvshke, mikma e chj nukhakla chj hoke, im achi tok.

25. Atuk o tvmaha holihta achukowa ya pisachi ma, tvamaha holihta ya bvshpo falaia halupa isht issot kanchi tok: amba hatak ash, micha in chuka achvfa yano hlakofichi tok.

26. Mihma hatak ash osh Hittait vhleha i yakni yo ona cha, tvamaha holihta ya ikbi mvv, Lus hochifo tok o; yvm-mak osh himak a hohchifo moma hoke.

27. Manasseh ak kia Belhshean okla ai asha, micha tvamaha puta afullota aiena okla ai asha, micha Taanach okla ai asha, micha tvamaha puta afullota aiena okla ai asha, micha To okla ai asha, micha tvamaha puta afullota aiena okla ai asha, micha Ibleam okla ai asha, micha tvamaha puta afullota okla ai asha, micha Mekitto okla ai asha, micha tvamaha puta afullota aiena okla ai asha aiena ka tihlelit kocha wehli keyu ak inli tok; amba Kenanait vhleha hvv yakni ya ai asha pulla kak o ahni tok.

28. Atuk o yakohmi tok, Israel vt kvllot taha mvv, Kenanait vhleha ha noshkobo atobbichi cha, tihlelit kocha wehli ik vmohmicho ki tok.

29. Eflaim ak kia Kenanait vhleha hvt Kесе aiasha ka tihlelit ik kocha wehlo ki tok; amba Kenanait vhleha hvt takla Kесе okla ai asha tok.

30. Sebulun ak kia Kitlon okla ai asha, micha Nahalol okla ai asha aiena ka tihlelit kocha wehli tok keyu; amba Kenanait vhleha hvt takla ai ashvt, noshkobo atobbi toba tok.

31. Asha ak kia Akcho okla ai asha, micha Siton okla ai asha, micha Ahlab okla ai asha, micha Achsib okla ai asha, micha Helbah okla ai asha, micha Afik okla ai asha, micha Lehob okla ai asha aiena ka tihlelit kocha wehli keyu ak inli tok.

32. Amba Ashalait vhleha hvt Kenanait vhleha yakni ai asha kak o kocha wehli tok keyu hatuk osh, takla ai asha tok.

33. Naftali ak kia Belh-shemesh okla ai asha, micha Belh-analh okla ai asha aiena ka tihlelit kocha wehli tok keyu; amba Kenanait vhleha, okla yakni yash aiasha kak o takla ahanta tok; yohmi kia Belh-shemesh okla aiasha, micha Belh-analh okla aiasha aiena kvv noshkobo atobbi toba tok.

34. Mihma Amolait vhleha hvt Tar im vlla vhleha ha tihleli na nvnih foka ont ai asha tok: akowvt okfa ha ant ik ai ashá, im ahni keyu hatuk okvt:

35. Michá Amolait vhleha hvt Aichalon Heles nvnih talaia, micha Shaalbim ita tuklo kak o ai asha pulla kak o ahni tok; yohmi kia Chosef in chuka achvfa ibbak vt imaiya tok, yohmi na noshkobo atobbi toba tok.

36. Mihma Amolait vhleha im ai vhli hvt ai oiyvt ia Aklabbim, tvli vba maya kak atok oke.

CHAPTA II.

YOHMI ma Chihowa im enchel vt Kilkal pilla minti hosh Bochim a vla mvt, Echip a hvchi kohchichit, hvch iki vhleha ha anumpa kvllo il onochit im issa li tok yakni ya

hveh isht v̄la li tok: micha anumpa chit im apesa li tok vt kobvffi la himma keyu;

2. Mikma okla hvt yakni ilvppa ai asha ka anumpa hvsh ai itibai achvfa he keyu; im alta puta ka kinahlichit hvsh tahlashke: achi li tok: yohmi tok kia sv̄tih h̄a hvchik sv̄m antioshke: nanta katiohmi h̄o ilvppa hvsh yvmihchi cho? achi tok.

3. Yvmohmi kv̄t, Ūno ak kia hvchi tikba tihlelit kocka wehli la he keyu; amba kv̄ti hosh hvchi naksi ya shamvlli chiyuhma hi oke; micha ī na holbvt toba puta kv̄t nan isht hveh ibetv̄bli yach̄i hoke, achi li tok, achi tok.

4. Atuk ō yakohmi tok, Chihowa im enchel vt Isael im vlla vhleha h̄a anumpa ilvppa im anumpuli ma, okla chitolit yaiya tok.

5. Mihmvt yv̄mma Bochim okla hochifo tok: micha nan vbit a hukmit Chihowa ya isht aiokpv̄chi tok.

6. Mihma Choshua vt okla h̄a tishelichi ma, Isael im vlla vhleha hvt momvt ai isha he v̄lhpesa yakni ya isha chi hosh ilhkoli tok.

7. Mihma Choshua vt okchaya nitak moma, micha hatak asv̄nonchi vhleha hvt, Choshua vt illi haya, okchaya moma Chihowa yvt nana a fehna Isael ā ī yvmihinchi ka p̄isa tuk vt okchaya nitak moma ka okla hvt Chihowa ya im antia tok oke.

8. Mihma Nun ushi Choshua Chihowa in tishu hvt afv̄m-mi tahlepa achvfa cha, pokoli aiena hosh illi tok.

9. Mihma ilap ī yakni v̄hli Timnalh-heles yv̄mmvt Eflaim v̄nih talaia ka bokko Kaash falv̄m-mi in tv̄nvp ak ō okla hohpi tok.

10. Michā nitak yv̄mma okla āsha moma yv̄mmak kia īki vhleha h̄a im ai itv̄nahvt taiyaha tok: mihma ai unchololi hosh iakaiyvt Chihowa, micha Isael ā nana im atahli tok ā ithana keyu hosh ai asha tok.

11. Mihma Isael im vlla vhleha hvt nana ik achukmo ka Chihowa itikba a yvmohmit, Baalim ā aiokpv̄chi tok.

12. Mihmvt īki vhleha in Chihowa Chitokaka, yv̄mmak osh Echip yakni ya ishit kohcha tok ā issa cha, naholbvt

toba puta, okla fullotvt im ai asha ka iakaiyvt im akachunoli cha, Chihowa ya ishit nukhobelvchi tok.

13. Mihmvt Chihowa ya issa cha, Baal, micha Ashtaloh ita tuklo kak o iakaiya tok.

14. Mihma Chihowa im ai i nukkilli vt Israel a i sanalit libbi tok, micha wehpuli puta ka ibbak fohki na wehpuli tok; micha in twnvp afullovt ai asha ka i kanchit ibbak foki na in twnvp itikba hiohla he keyu tok.

15. Chihowa yvt ahanchi tuk mak osh, micha Chihowa yvt anumpa kvllo ile onochit miha tuk mak osh kanima yo kochvt iakma, Chihowa ibbak vt nana ik achukmo isht im asanali beka tok: mihma okla komunta fehna tok.

16. Yohmi kia Chihowa yvt nan apesa vhleha ha i hilechi na wehpuli ibbak a a hlakofichit kohchi tok.

17. Yohmi kia nan im apesa vhleha ha i haponakla he keyu hosh, amba okla inla i naholvt toba puta ka i havit im akachunoli beka tok: iki vhleha hvvt Chihowa i nan vhpisa ha iakaiya tok a okla yohmi tok keyu, amba chekosi fehna filvmmitt naksika ona beka tok.

18. Mihma Chihowa yvt nan apesa vhleha ha i hilechikmvt, yvmohmikmvt Chihowa yvt nan apesa ya ibafoyukvt, nan apesa vt okchaya itintakla ka in twnvp vhleha ibbak a a hlakofihinchit beka tok: ilbvshali, micha apistikeli hatuk o kifahaha ka Chihowa yvt i nukhvklo hatok.

19. Atuk o yakohmi beka tok, nan apesa yvt illikma, falamvt iki vhleha hatuk a i shahlit naholvt toba puta ka iakaiyvt, aiokpvchit im akachunolit, il okpvt beka tok: ilap nana akaniohmi, micha ilapunlvvt aya kvvt issa he keyu beka tok.

20. Mihma Chihowa im ai i nukkilli vt Israel a i sanalit libbi tok: micha, Okla ilvppvt anumpa itim apesa iki vhleha im apesa li tok a kovvfi cha, vm anumpa ha a haponakla he keyu beka tuk oka;

21. Uno ak kia himak pilla ma oklushi Choshua vt tihlelit ik kocha wehlo hosh illi tok, achvfa kia itikba tihlelit kocha wehli la he keyu;

22. Michavmmak o Israel vt Chihowa i hina ya holitob-

lit a nohōwa he iki vhleha hvt holitobli tok mak o choh-mikmá, keyukmá, nana ka isht imomaka pisa lashke, achi tok.

23. Yvmohmi hatuk osh Chihowa yvt tushpvt tihlelit ik kocha wehlo, micha Choshua ak kia ibbak ik fohko hosh oklushi yvmma ashanchi tok.

CHAPTA III.

MIHMA oklushi ilvppak o Chihowa yvt ashanchi kv̄t (Israel laua kaniohmi hosh Kenan tv̄nvp ai asha tok moma ka ik ithano ;

2. Peh Israel im vlla vhleha isht atiaka yvt tv̄nvp ithv̄nvt imomakvt taha chi hō, yvmohmi hō peh tikba ka ik ithano ya isht imomaka pisa chi hatok ;)

3. Yakohmi ak atok, Filistin hochitoka tahlapi, micha Kenanait vhleha moma, micha Sitionian vhleha, micha Hifait vhleha Lebanon ai asha, Baal-hemon nv̄nih asht isht ia hosh Hamalh a chukowa ont ai vhli tok.

4. Yvmmak o Israel vt Chihowa i nan vhpisa puta yvma iki vhleha hā Moses a tohno na ibbak ak osh i holissochi tok a haponaklokmá, nana chi ka imomaka pisa chi hatok.

5. Mihma Israel im vlla vhleha hvt Kenanait vhleha, Hittait vhleha, micha Amolait vhleha, micha Pelissait vhleha, micha Hifait vhleha, micha Chebusait vhleha aiena ka takla aiasha tok.

6. Michā ushetik vhleha hā tekchi yachi hō okla ishi mvt, ilap ushetik vhleha hā yvmma ushi vhleha hā okla ima cha, i na holvut toba puta ka aiokpv̄chi tok.

7. Michā Israel im vlla vhleha hvt nana ik achukmo ka Chihowa itikba a yvmohmi cha, Chihowa in Chitokaka ya im a haksit Baalim, micha Ashtelah itatuklo ka aiokpv̄chi tok.

8. Yvmohmi ma Chihowa im ai i nukkilli yvt Israel a i sanalit libbi tok, micha Chushan-lishahlaim Mesopotamia i miko ya ibbak fohki tok: mihma Israel im vlla vhleha hvt afv̄m̄mi untuchina hō Chushan-lishahlaim a i nutaka tok.

9. Mihma Israel im vlla vhleha hvt Chihowa ya i pahaya ma, Chihowa yvt hlakofichi ya Israel im vlla vhleha ha i hilechi na hlakofichi tok, yummvt Kaleb nakfish Kenas ushi Olhniel ak atok.

10. Mihma Chihowa im i Shilombish vt onvtola cha, Israel nan im apesa toba cha, kohchvt tvnvp ia tok: mihma Chihowa yvt Chushan-lishahlaim Mesopotamia i miko ya ibbak fohki tok: mihma ibbak vt Chushan-lishahlaim a imaiyvchi tok.

11. Mihma yakni vt afvmmi pokoli ushta ho foha tok: mihma Olhniel Kenas ushi vt illi tok.

12. Mihma anonti Israel im vlla vhleha hvt nana ik achukmo ka Chihowa itikba ya a yvmohmi tok: Israel vt nan ik achukmo ka Chihowa itikba ya a yvmohmi kak o, Chihowa yvt Moab i miko Eklon a kullochit i sanalichi tok.

13. Mihmvt Ammon in chipota, micha Amelek in chipota vhleha aiena ka hoyot itvnahli cha, ivt Israel a issot kanchi cha, pam iti tvnaha holihta ya ishi tok.

14. Yvmohmi ho Israel im vlla vhleha hvt Moab i miko Eklon a afvmmi auah untuchina ho i nutaka tok.

15. Yvmohmi tuk kia Israel im vlla vhleha hvt Chihowa ya i pahaya ma, Chihowa yvt hlakofichi Ehut, Kela ushi, Benchamait hatak afabi yo i hilechi tok: micha yvmak o tohno cha, Israel im vlla vhleha hvt Moab i miko Eklon a nahvlbina i pila tok.

16. Yohmi kia Ehut vt bvshpo tahlalaka halupa falaia kvv kubit achvfa ho ikbi cha, iyubi isht impak imma nafohka nutaka isht il ai vskofvchi tok.

17. Micha na hulbina ya Eklon Moab i miko ya isht im ona tok: mihma Eklon vt hatak nia fehna hatok.

18. Atuk osh nahvlbina ya im issvt atahli mvv, okla nahvlbina shali tuk a pit tihleki tok.

19. Amba ilap vto Kilkal bilika tvli na holbvt toba a hi-ohli ya falama cha, Anumpa luma ya isht chim aya lishke, miko ma! achi tok: mihma yvmak ash osh, Chulusashke, achi tok. Mihma bilika hiohmaya tuk vt kohcha tok.

20. Mihma Ehut vt im ona tok; mihma aboha paknaka

tofa chuka talaia ilap bano immi yosh yummvt in talaia tuk osh binili tok: mihma Ehut vt, Chihowa im anumpa ho isht chim aya lishke, achi tok. Mihma im ai om binili ya binili tuk vt wakaya tok.

21. Mihma Ehut vt ibbak vhfcbek imma pit welit iyubi isht impak imma ya bushpo yash pit ai ishi cha, ikfoka ya ishit bahli tok.

22. Micha halupa vt pit chukowa ma, vpi ak kia awant pit chukowa tok: mihma nia vt itakmot halupa ya luhmi tok: yohmi na bushpo falaia ya kohcha he keyu ma, lukfi vt kohcha tok.

23. Yvmohmi ma Ehut vt kohchvt hoshontika ya hlopul-lit tofa chuka okhissa ya on okshita cha, ashvnicchi tok.

24. Atuk osh kohchvt ia ma, in tishu vhleha hvv vla tok: micha okla ant pisa mvv, yakeh! aboha paknaka chuka talaia okhissa yvt ashana tok; mihma, Aboha paknaka tofa chuka talaia iyi ya ai ompohomo pullvshke, okla achi tok.

25. Micha hielit polaka hofahyvt taha tok; mihma yakeh! aboha paknaka chuka talaia okhissa ya ik tiwo ma, isht-tiwa okla ishi cha, tiwi tok: mihma yakeh! i miko yvt illit aka itula tuk atok.

26. Mihma Ehut vt, hielit itintakla ma, tvli naholbvt toba a hiohli ya ont ivt, hlakofit Seilalh a ona tok.

27. Atuk osh ona mvv yakohmi tok, Eflaim nvnih ha isht pufa ai olachi ma, Israel im vlla vhleha hvv awant nvnih ha akowa ma, yummak osh tikba ia tok.

28. Mihmvv, Hvs si akaiyashke; hvchin tvnvp Moab okla ha Chihowa yvt hvch ibbak a fohki hoka, im achi tok. Mihma okla iakaiyvt akowvt ia ma, Chatan okhina akocha Moab pilla ka ishi cha, hatak achvfa kia ik hlopulli, ahna he keyu tok.

29. Micha nitak yvmma Moab a hatak tahlepa sipokni pokoli foka, hatak nia bieka, micha hatak hlampko bieka tok: mihma hatak achvfa kia hlakofi tok keyu hoke.

30. Yvmohmi hosh nitak yvmma Moab a Israel vt imai-yachit nutakvchi tok. Mihma yakni vt avvmmi pokoli untuchina ho foha tok.

31. Mihma iakaiya kv̄t Analh ushi Shamka, yvmmvt Fīlistin tahlepa hannali hō wak toksvli isht bihli yō isht vbi tok: yvmmak kia Israel a hlakofichi tok.

CHAPTA IV.

MIHMA Ehut vt illi ma, Israel im vlla vhleha hv̄t anonti nana ik achukmo ka Chihowa itikba a yvmohmi tok.

2. Mihma Chihowa yvt kanchit Chabin Kenan i miko, yvmmvt Haso ak o apēhlichī yā in tvshka chipota i kvpitvni hv̄t Sisela atok, yvmmvt Chentail Haloshelh ak o ai v̄tta beka tok.

3. Mihma Israel im vlla vhleha hv̄t Chihowa yā im ilbvshv̄t i pahaya tok; tv̄nvp teli itichanv̄lli vt in tahlepa chakali tok; micha afv̄mmi pokoli tuklo hō Israel im vlla vhleha hā ilbvshali fehna tok.

4. Mihma Lapitolh tekchi Tebolah ohoyo hopaii yosh nitak yvmma Israel a nan im apesa atok.

5. Michā Tebolah i pam iti nutaka Eflaim nvnih, micha Behlel itin takla yak o v̄tta tok: mihma nan im apesa chī hō, Israel im vlla vhleha hv̄t im ona beka tok.

6. Mihma Abinoam ushi Balak a pit hoyot Ketesh-naf-tali ai isht v̄la mvt, Israel in Chihowa Chitokaka yvt apesa kv̄t, Ivt Tabo nvnih hā pit akanv̄lli cha, Naftali im vlla vhleha, micha Sebulun im vlla vhleha aiena hatak tahlepa sipokni pokoli hō isht ish iashke,

7. Mikma Chabin in tvshka chipota i kvpitvni Sisela, micha tv̄nvp im iti chanv̄lli puta, micha im okla laua aiena ka kanv̄llichit okhina Kishon ak o isht v̄la lish, chibbak a fohki la chī hoke, ahanchi tuk keyu cho? im achi tok.

8. Mihma Balak vt, Si awant ish ia hokmvno, ia la hinla; amba si awant ish ia he keyu hokmvno, ia la he keyu, im achi tok.

9. Mihma, Chi awant ia li pulla chī hoke: yohmi kia yvmma nowvt ish aya kv̄t ishit chi annoa he keyu hoke; Chihowa yvt Sisela yā kanchit ohoyo hō ibbak fohka chī

hoka, achi tok. Mihmvt Tebolah vt wakaya mvt, Balak a awant Ketesh a ona tok.

10. Mihma Balak vt Sebulun, micha Naftali hoyot Ketesh a isht ona tok: mihma hatak tahlepa sipokni pokoli hosh iakaiya tok: mihma Tebolah vt awant ia tok.

11. Mihma Hebe Kenait, ymmvt Hobab Moses ipochi ya im vlla vhleha ai achvfa hosh Kenait vhleha ha ile filvm-michit, Saanaim yakni patvssvchi Ketesh bilika yak o im vlhtipo ha ont hilechi tok.

12. Mihma Abinoam ushi Balak vt Tabo nvnih ha ona ka Sisela ya okla im anoli tok.

13. Mihma Sisela vt tvnvp im itichanvlli moma, tvli itichanvlli tahlepa chakkali, micha okla moma Chentail Haloshelh pilla minti im ai asha tuk vt Kishon okhina yak o hoyot ai itvnahli tok.

14. Mihma Tebolah vt Balak a, Wakaya, himak nitak ak o Chihowa hvv Sisela ya chibbak a fohki hoka: Chihowa yvt chi tikba ia tuk keyu? im achi tok. Mihma Balak vt Tabo nvnih ha akovvt ia ma, hatak tahlepa sipokni pokoli hosh iakaiya tok.

15. Mihma Chihowa yvt Sisela, micha tvnvp im itichanvlli, micha im okla chito aiena ka Balak itikba ya bvshpo falaia halupa ya ishit komuntvchit yuhli tok; yohmi na Sisela vt itichanvlli ya akova cha, aka hikia hosh maleli tok.

16. Yohmi kia Balak vt tvnvp itichanvlli, micha okla chito aiena ka iakaiyvt Chentail Haloshelh a isht ona tok; mihma Sisela im okla chito moma kvv bvshpo falaia halupa onvtolvv akakovvt taiyaha tok; mihma hatak achvfa kia iksho tok.

17. Yohmi kia Sisela vto aka hikia hosh malelit Chael Hebe Kenait tekchi im vlhtipo ya ona tok: Chabin Haso i miko, micha Hebe Kenait in chuka achvfa itatuklo kvv it i nanaiya hatuk oka.

18. Mihma Chael vt kovchvt Sisela ya ont afama cha, Fullotvt ish chukowashke; fullotvt is svba chukowashke; chi nukshopa na, a shahli ma! im achi tok. Atuk o vlhtipo ya fullotvt chukowa ma, anchi isht ompohomo tok.

19. Mihma, Oka kanomosi hō sa petá, chim asilhha lishke, satukshila hoka, im achi tok. Mihma pishukchi kotoba vlhto hō shufi cha, ishkochichi cha, ompohomo tok.

20. Anonti, Ulhtipo okhissa ish hikiashke; atukma kurna hosh vla cha, chí ponaklot, Hatak vt aśha? achikma, Keyú, ish achashke, im achi tok.

21. Yohmi ma Hebe tekchi Chael vt vlhtipo chofak a ishi, micha chofak isht anvhlichi a ishi mvt, lumvt onvt chofak a imosana ishit mvhlit, yakni pit shamvllichi tok: hoyvb-lit nusit illi hatuk o. Yvmohmi na illi tok.

22. Mihma yakeh! Balak vt Sisela ya iakaiyvt aya ma, Chael vt kohchvt afama mvt, Minti, mikma hatak hoyot ish aya ka chi pisachi lashke, im achi tok. Atuk o im vlhtipo ya ant chukowa ma, yakeh! Sisela vt illi cha, itoyula ma, chofak vt imosana ya shamvlli tok.

23. Yvmohmi hosh Chitokaka hvt nitak ymma Kenan miko Chabin a Israel im vlla vhleha itikba ya anutakvchi tok.

24. Mihma Israel im vlla vhleha ibbak vt Kenan miko Chabin a iakaiyvt i kvllot mahayvt, Chabin Kenan miko ya vbit tahli tok.

CHAPTA V.

YUMOHMI ma Tebolah, micha Balak Abinoam ushi ita-tuklo kvt nitak ymma talovt yak ahanchi tok.

2. Okla hvt aiokpanchit im il ihisa ma, Chihowa hvt Israel a im il aiokha ka hvsh holitoblichashke.

3. Hvsh haklashke, miko hvchia ma! ho hakló, hochitoka hvchia ma! vno, vno fehna kvt Chihowa ya in taloa la chí hoke; Israel in Chihowa Chitokaka holitoblichi ishit taloa la chí hoke.

4. Chihowa ma! Sei ya kohchvt ish ia ma, Etom yakni ya kohchvt ish ia ma, yakni vt wvnihinchi ma, shutik vt hoiya tok, hoshonti yak kia oka hoiya tok.

5. Chihowa itikba ya nvnih puta, Sainai ymma fehna kvt Israel in Chihowa Chitokaka itikba ya bilvt yanahanli tok.

6. Analh ushi Shamka i nitak ma hina ya ik ai itnowo hosh, nowvt aya vhleha hvt hinaksho, hina fullota yak o ai itnowa tok.

7. Tvmahushi puta kvv chuk il issa tuk, Israei i yakni ya a chuk il issa tuk o, Tebolah sia hvt hikia li tuk, Israei okla ishki yosh hikia li tuk oke.

8. Naholbut toba himona ishi tok; yohmi ma holihta okhissa ya tvnvt vt ai asha tok: telihpa yokma, tvbi tvli halupa ontvla nana kia Israei tahlepa sipokni pokoli ai ititakla ka itoyula na haiaka tok o?

9. Israei okla pehlichu vhleha hvt okla ai ititakla ya aiokpanchit il ihisa tuk a sa chukvsh vt ibafoyuka hoke: Chihowa ya hvsh aiokpvchashke.

10. Ho anumpuli, issuba haksobish falaia tohbi hvsh onchieya ma! nan apesvt hvsh chieya ma! micha hina takla hvsh itnowa ma!

11. Oka ai ochi iti tanampo sholi tvshka paya ka i hlakofi hvchia ma! yvmma Chihowa yvt Israei yakni tvmahushi puta ka nana ai vhpiesa ka i yvmihchi tuk a it im anola hi oke: yvmohmikma Chihowa im okla hvt akowvt holihta okhissa puta ka falamvt ona hi oke.

12. Okcha, okcha, Tebolah ma! okcha, okcha, ish taloashke; wakaya, Balak ma! micha chi yuka ha yukachit ish pehliechashke, Abinoam ushi chia ma!

13. Yvmohmi ma hlakofi ka okla ai ititakla hochitoka vhleha ha pehlichu ikbi tok: micha Chihowa vt im okla hatak hochitoka pehlichu sakbishke.

14. Hakshish Eflaim a akochvvt Amalek a i sanali tuk; Benchamin ma! chiakayvt chim okla ha ibai vlhto tuk: Machi ya pehlichu vhleha hvt minti tuk, micha Sebulun a ishiv holissochit ieshi ak atuk oke.

15. Mihma Issaka pehlichu vhleha hvt Tebolah ya ibafoyuka tuk; Issaka fehna, micha Balak ak kia ibafoyuka tuk ak inli: yvmak ash osh aka hikia ho okfa ha pila tok. Luben vt itachovvt aiasha ka chukvsh im anukfila chito fehna tuk oke.

16. Nanta katiobmi ho chukvllhpoa ai asha ka antvt chuk-

fulhpoa yaya ka ish haklo tuk o? Luben vt itachowvt ai asha ka chukvsh silhhi chito fehna tuk oke.

17. Kileat vt Chatan mish tvnnvp ak o anta tuk: micha nanta katiohmi ho Tan vt peni hochito ai ahanta tuk o? Asha vt okhvta lapalika ak inli antvt, peni hochito atakali ya ai ahanta tuk.

18. Sebulun, micha Naftali achahaka ahielet ilhfiopak a illi ka il im ihisa okla hoke.

19. Miko puta kvv vlvv itibi tuk; yohmi na Mekitto oka taloha bilika Tanaach a Kenan miko puta kvv ai itibi tuk oke; nawehpoa tvli holisso ya ishi tuk keyu hoke.

20. Uba minti hosh okla itibi tuk; fochik puta ai ia he vvhpesa kvv avvt Sisela ya itibi tuk oke.

21. Kishon okhina, okhina nitak chashpo yvmmvt, Kishon okhina yvt pifit kanchi tuk oke. Umi shilombish ma! hatak hlampko chilita ya yakni ya ish a hvhlichishke.

22. Yvmohmi ma ilauatvchi kak o, micha hatak hlampko chilita yvt ilauatvchi kak o, issuba iyi akchush vt kobahli tuk oke.

23. Chihowa im enchel vt Chihowa ya okla ant apela tuk keyu, Chihowa ya ant apelvt chilita hochitoka ya i sanali tuk keyu hoka, Melos a kalakshiehit hvsh mihashke, okla yvmma ai asha ka hvsh kalakshichi fehnashke, achi tok.

24. Hebe Kenait tekchi Chael vt holitopa kvv ohoyo puta ka i shahla chi hoke, ohoyo puta vlvhtipo ahanta ka holi-topa kvv i shahla hi oke.

25. Oka im asilhha ma, pishukchi yo ipeta tuk: pishukchi nia ya ampo holitopa yo fohkit isht im vva tuk oke.

26. Ibbak a chofak a isht ishi mvt, ibbak isht impak imma ya chofak isht anvhlichi yash Sisela ya isht isso tuk oke: imosana bahlit hlopullichi mvt, noshkobo ha chanlit tvbli tuk oke.

27. Iyi itikba ya akachunoli tuk, itula tuk, aka itoyula tuk: iyi itikba ya akachunoli tuk, itula tuk; iyi itikba ya akachunoli tuk mak osh yvmma illit itula tuk oke.

28. Sisela ishki vt okhissushi ya pit a hopokoyot, okhissushi isht okshilita tvnna pit tahpvlvt, Nanta katiohmi ho

im itichanvlli hvt minti kv̄t hopaki cho? nanta katiohmi h̄o im itichanvlli hvt chanvlli kv̄t sv̄laha cho? achi tuk oke.

29. Ohoyo hopoyuksa im a₂sha v̄hleha hvt anumpa falama ya ima, a₂bli, ilap inli hosh anumpa falama ya il anumpulit,

30. Nana ahayuchi tuk keyu h̄o? na wehpoa ya itakvshkovt, ohoyo himita achufa, keyukmv̄t tuklo kia, hatak chilita puta kv̄t ishit, Sisela vto na wehpoa pisa ilaiyukali, chofak ushi isht v̄lhtaha na wehpoa pisa ilaiyukali, pisa ilaiyukali tahlalaka chofak ushi isht v̄lhtaha, na wehpoa ishi tuk vt i nucha he v̄lhpesa ka itakvshkova tuk keyu h̄o? achi tok.

31. Yvmohmi hosh chin tv̄nvp moma kv̄t illashke, Chihowa ma! amba Chihowa holitobli vto hv̄shi vt imi hlampko il ai eshi hosh kohcha kak inli h̄o chiyuhmashke, ahanchi tok oke. Mihma yakni vt afv̄m̄mi pokoli ushta h̄o foha tok oke.

CHAPTA VI.

YUMOHMI ma Israel im vlla v̄hleha hvt nana ik achukmo ka Chihowa itikba ya ai yvmohmi tok: mihma Chihowa yvt afv̄m̄mi untuklo h̄o Mitian ibbak a fohki tok.

2. Mihma Mitian ibbak vt Israel a i sanali kv̄t kv̄llo tok; micha Mitianait v̄hleha pulla kak o Israel im vlla v̄hleha hvt hichukbi nv̄nih chaha, ai asha ka, micha yakni chiluk, micha aiatukko kv̄llo aiena ka il ai ikbi tok.

3. Michā Israel vt nana hokchi ma, yakohmi tok; Mitianait v̄hleha, micha Amalekait v̄hleha, micha hv̄shi akochaka in chipota aiena kv̄t v̄lv̄t, Israel a ant itibi beka tok.

4. Michā ant im i sanalit abinanchi cha, yakni na waya ya okpv̄nit, Kasa ish ona ka ont v̄hlichī beka tok: micha Israel a isht okchaya nana kia chukfi v̄lhpoa, wak, issuba haksobish falaiā nana kia ik im ashancho beka tok.

5. Laua kv̄t hatv̄ffo ak o chiyuhmi hosh i wak, micha im v̄lhtipo aiena ka isht v̄la hatuk osh; okla, micha i kamel aiena kv̄t a holhtina iksho hatuk osh; micha yakni yash chukowet okpv̄ni tok.

6. Mihma Mitian okla pulla kak o Israel vt ilbusha fehna tok; mihmut Israel vt Chihowa ya i pahaya tok.

7. Mihma yakohmi tok, Mitianait vhleha pulla kak o, Israel im vlla vhleha hvt Chihowa ya i pahaya ma,

8. Chihowa yvt Israel a hopaii i pila tok: mihma yvmak ash osh, Israel in Chihowa Chitokaka yvt yak ahan-chishke, Uno ak osh Echip a ai ishit hvchi kokehi li tok, micha aboha yuka a kohchit hvch isht vla li tok oke.

9. Micha vno ak osh Echip okla ibbak a, micha hvch ilbvshali tok ibbak a a hvchi hlakofichi li tok; micha hvch itikba tihlelit kohchit, micha i yakni ya hvch ima li tok oke.

10. Micha, Uno ak osh hvchin Chitokaka Chihowa sia hoke; Amolait vhleha i yakni yo hvsh ai asha kvv i naholbvt toba puta ka hvsh i nukshopa ná, hvchim achi li tok kia, vm anumpa ha hvsv svn antia tuk keyushke, im ahanchi tok.

11. Mihma Chihowa im enchel vt vla cha, iti baiyi akish-tvla yvmmvt Oflah hikia hosh Choash Abieslait ak o im atalaia ak o binili tok: mihma ushi Kiteon vt Mitianait vhleha hak o in luhma chi hosh paki abushli ya bilika ho onush a boli tok.

12. Mihma Chihowa im enchel ash osh i haiaka cha, Chihowa yvt chib afoyukvshke, hatak hlampko, hatak chilita nukwia iksho chia ma! im achi tok.

13. Mihma Kiteon vt, An Chitokaka ma! Chihowa yvt pibafoyuka hokak o nanta katiohmi ho ilvppa puyuta kvv pi onvtola tuk o? nana afelna puta piki vhleha hvt pim anolit, Chihowa ak osh Echip a akohchit pisht vla keyu, ahanchi beka tok mvto? yohmi kia himak ano Chihowa yvt pi kanchit, Mitianait vhleha ibbak a pi fohkishke.

14. Mihma Chihowa yvt i holhponayo onochit pisa mvv, Ilvppa ish a kullo kvv yvmohmi hosh ia, mikmut Israel a Mitianait vhleha ibbak a ish hlakoficha chi hoke; chi pila li keyu cho? achi tok.

15. Mihma an Chitokaka ma! nanta hak o Israel a ishit hlakofichi la chi cho? yakeh! an chuka achvfa yvt Manasseh ya ilbvsha yoke, micha aki in chuka achvfa ya moma ik lauwo sia hoke, im achi tok.

16. Mihma Chihowa yvt, Chibafoyuka li pulla chī hoke; mikma Mitianait v̄hleha h̄a hatak achvfa chiyuhmichit issot ish kancha chī hoke, im achi tok.

17. Mihma, Himak a chi holhponayo hanta a chi ahayu-chi li hokma, yohmikma is sv̄m anumpuli tuk vt nan isht atokowa is s̄a haiakvchashke.

18. Ish ia ná, chim asilhha lishke, ont falamvt nan isht aiokp̄vchi ȳa isht vtvt, chi tikba talali li hayashke, achi tok. Mihma, Binili lī anonti ish lashke, achi tok.

19. Mihma Kiteon vt ont chukowvt, issi kosoma ushi, micha bota tohbi efa achvfa h̄o p̄vska ik shatv̄mmo atahli tok: nipi ano kishi fohki mvt, okchi ȳa shuti vni mvt, baiyi akishtv̄la ȳa isht im ona cha, isht aiokp̄vchi tok.

20. Mihma Chitokaka im enchel vt, Nipi micha p̄vska ik shatv̄mmo ȳa ishi cha, tv̄li ilv̄ppa onochi cha, okchi ȳa hla-tv̄blī, im achi tok. Mihma ȳvmohmi tok.

21. Mihma Chihowa im enchel vt tv̄bi ibbak foyuka tuk vt weli cha, tv̄bi wishakchi ȳa nipi micha p̄vska ȳa tikelichi ma, luak vt tv̄li ȳa kohcha cha, nipi micha p̄vska ik shatv̄mmo ȳa hushmit tahli tok. Ȳvmohmi ma Chihowa im enchel vt ia na ik peso ki tok.

22. Mihma Kiteon vt Chihowa im enchel atuk o akostin-
nichi mvt, Kiteon vt, Ikikkeh! Chitokaka Chihowa ma!
Chihowa im enchel a nashuka itipisa li hokvt, achi tok.

23. Mihma Chihowa hv̄t, Chi nuktaiyalashke, chi nukshopa ná, chilla he keyu hoke, im achi tok.

24. Ȳvmohmi ma Kiteon vt Chihowa ȳa alta im ikbi cha, Chihowa-shalom hochifo tok: himak nitak a Abieslait v̄hleha in tv̄maha Oflah ȳa a hikia moma hoke.

25. Atuk o yakohmi tok, mih ninak ak inli h̄o Chihowa yvt, Chīki ī wak hobvk himita, wak hobvk atukla afv̄m̄mi untuklo kak o ish ishashke; micha Baal im alta chīki vt ikbi tok a ish kinv̄ffashke, micha iti lokoli bilīka hieli ka chanlit ish akvchashke:

26. Michā tv̄li paknaka ilv̄ppa a chim apesa li ka Chihowa chin Chitokaka ȳa alta ish im ikbi cha, wak hobvk atukla kash ishit vbit, iti lokoli chanlit ish akvcha chī kv̄t,

isht hukmit isht aiokpuchi isht ish aiokpuchashke, im achi tok.

27. Yvmohmi ma Kiteon vt in tishu pokoli h_o ishi cha, Chihowa yvt im achi tuk mak o yvmohmi tok: mihmvt i_{ki} in chuka achufa, micha tvmaha holihta hatak aiena ka i nukshopa hatuk osh, nitak a yvmihcha he keyu hosh, ninak o yvmohmi tok.

28. Mihma tvmaha holihta hatak vhleha hvt onnahnili fehna wakaya ma, yakeh! Baal im alta vt kinafa ma, mihma iti lokoli yvmma bilika hikia tuk vt chayvt kinahli, micha wak hobvk atukla kash o alta toba tuk a onochit isht aiokpuchi tuk achini tok.

29. Yvmohmi ma it i ponaklot, Kvtu hosh ilvppa yvmihchi tuk oh cho? achi tok. Atuk osh okla asilhhvchit ponaklo ma, Choash ushi Kiteon ak osh ilvppa yvmihchi tuk oke, okla achi tok.

30. Yvmohmi ma tvmaha holihta hatak vhleha hvt Choash a, Chiso ha ishit ish kohcha na illashke: Baal im alta ya kinvffi hokvt, micha bilika iti lokoli tuk a chanlit kinvffi hokvt, im achi tok.

31. Mihma Choash vt i sanalit hieli kash, Baal a apehpovt hvsh anumpula chi ho? hvsh apoba chi cho? kvna hosh apehpovt anumpula hinlakmvt, yvmmak osh onnahnili moma na illashke; kvna hosh im alta ya kinvffi ka Chitokaka naholbvt toba ak okmvt, ilap ak inli hosh il apehpovt anumpulashke, im achi tok.

32. Yvmohmi mvt nitak yvmma Chelub-baal hochifot, Im alta kinvffi hoka, Baal ak osh apehpovt anumpulit i sanalashke, achi tok.

33. Yvmohmi ma Mitianait vhleha, micha Amalekait vhleha, micha hvshi akochaka in chipota vhleha aiena kvv itihoyvt itvnaha cha, ivt Chesleel okfa hak o ont binanchi tok.

34. Yohmi kia Chihowa imi Shilombish vt Kiteon a onvtola na isht-pufa olachi na Abiese vt im itvnahvt iakaiya tok.

35. Mihma anumpa shali vhleha Manasseh ya pivt hlopullichi tok: mihma yvmmak kia im itvnahvt iakaiya tok: mihmvt Asha, micha Sebulun, micha Naftali aiena ka anumpa shali vhleha i pila tok: mihma afamvt minti tok.

36. Mihma Kiteon vt Chitokaka ya, Ish achi tuk vt yvmohmit subbak ak o Israe_l a isht ish hlakoficha chi hokmvt,

37. Yakeh ! chukfi hishi ya anihechi ya bohli la chi hoke : yohmi ka fichak vt chukfi hishi ak bano ho onvtola cha, yakni inla hokvto shila biekakma, yohmikma ish achi tuk vt Israe_l a subbak ak o isht ish hlakoficha chi ka, ithaiyana la chi hoke, im achi tok.

38. Atuk o yvmohmi tok ; onna ma onnahnli wakaya mvt, chukfi hishi ya yichiffit ishi cha, fichak a bushlit chukfi hishi akohchi na oka vt ampo alota achvfa tok.

39. Mihma Kiteon vt Chitokaka ya Isht chim anukkilli vt a sanalit ik libbo kashke : mikma himonna ilvppak bano ho anumpuli lashke : Himonna ilvppak bano ho chukfi hishi ya isht imomaka pisa lashke, chim asilhha lishke ; himak ano chukfi hishi ak illa hosh shilakma, yakni paknaka moma hokvno fichak vt onvtolashke, im achi tok.

40. Mihma Chitokaka yvt ninak yvmma yvmihchi tok : chukfi hishi ak illa hosh shila ma, fichak vt yakni moma onvtola tok.

CHAPTA VII.

YUMO_HMI ma Chelub-baal (yvmvt Kiteon) ak osh okla moma apeha tuk aiena kv_t onnahnli fehna wakaya mvt, kvli Halot ak o bilika binanchi tok : yohmi ho Mitianait okla ehito vt i falvmmi imma in tvnnvp nv_nih Moleh bilika okfa kak o aiasha tok.

2. Mihma Chihowa yvt Kiteon a, Okla chi apihvt aya kv_t laua fehna hatuk o, Mitianait v_hleha ha ibbak fohki la he keyushke ; i yohmi li hokma, Israe_l vt vm ilauatvt, U_no subbak ak inli hosh sa hlakofichishke, acha hinla hoka.

3. Yvmohmi hoka himak a okla ha haklochit anumpulit, Kvna hosh nukshopvt komuntakmvt, Kileat nv_nih ha onnahnli a falamvt iashke, ish achashke, achi tok. Mihma okla hv_t tahlepa sipokni pokoli tuklo cha tuklo aiena kv_t falamvt ia tok ; mihma tahlepa sipokni pokoli hosh a_sha tok.

4. Mihma Chihowa yvt Kiteon a, Okla hv_t laua momvsh-

ke : oka aiasha isht ish onashke, mikma yummak o ai imomaka chi pisa lashke : mikma yakohma chi, kvna ho, Ilvppak osh chi awant ia chi, chim achi likma, yummak osh chi awant ia chi hoke ; micha kvna ho, Ilvppvt chi awant ia he keyu, chim achi likma, yummak okvt ia he keyu hoke, im achi tok.

5. Yvmohmi ma, okla ha oka ai asha isht ona tok : mihma Chihowa yvt Kiteon a, Isunlvsh a oka isht taklit ishko kv, ofi yosh isunlvsh isht takli ka chohmikma moma kia ila naksika ish hilechashke ; mikmvt iyikvlaha hachukbihleptv hikia hosh ishko kak kia ila naksika ish hilechashke, im achi tok.

6. Yohmi ma ibbak isht taklit ishko kv holhtina kv tahlepa tuchina tok : amba inla moma kvto hachukbihleptv iyikvlaha isht hikivt ishko tok oke.

7. Mihma Chihowa yvt Kiteon a, Hatak tahlepa tuchina oka taklit ishko tuk mak o ishit chi hlakofichit, Mitianait vhleha ha chibbak fohki la chi hoke : mikma okla inla moma kvto ai vta aiyukali onashke, im achi tok.

8. Yvmohmi ma pinak, micha isht pufa aiena ka ibbak isht ieshi tok : mihma Israel vhleha inla moma kvno im vl-bina aiyukali pit tihleli cha, hatak tahlepa tuchina yummak ash o ishi tok. Mihma Mitian okla tvshka chipota hvv nutaka okfa ho aiasha tok.

9. Atuk o yakohmi tok, mih ninak ak inli Chihowa yvt, Wakaya cha, tvshka chipota ai asha ka akovvt oná ; chibbak a fohki li hoka.

10. Amba ia ka chi nukwiakmvt, chin tishu Fulah yak o ish ishi cha, tvshka chipota ai asha ka ish onashke.

11. Micha nana achi ka ish hakla chi hoke ; micha himmakma chibbak vt hlampko cha, tvshka chipota aiasha ka ish im ona chi hoke, im achi tok. Yohmi ma in tishu Fulah ya ieshi cha, ivt hatak na halupa ieshi tvshka chipota ibafoyuka vhli ho ona tok.

12. Mihma Mitianait vhleha, micha Amalekait vhleha, micha hvshi akochaka in chipota aiena kvv okfa ha kahvt aya kv, lava kvv hatvffo chiyuhmi ma, i kamel vt a holhtina

iksho, laua kv̄t okhv̄ta lapalika shinuk ai asha kak ̄ chi-yuhmi tok.

13. Atuk ̄ Kiteon vt ona ma, yakeh! hatak achv̄fa kv̄t holhpokuna cha, ilap ai achv̄fa ka im anoli mvt, Yakeh! holhpokuna sa holhpokuna ma, yakeh! bali pvska lumbo achv̄fa hosh tonolit ia mvt, Mitian tv̄shka chipota iba chukov̄t ia mvt, binah h̄̄ ona cha, issot kinv̄ffi na binah hash ot filema cha, aka pv̄taya tuk oke, achi tok.

14. Mihma ilap ai achv̄fa yvt afalamichi mvt, Ilv̄pvt inla keyu, amba Kiteon Choash ushi, Islael hatak ̄ bv̄shpo falaia mak oke: Chitokaka yvt Mitian, micha in tv̄shka chipota moma ka ibbak ̄ fohki hoka, achi tok.

15. Atuk ̄ yakohmi tok, Kiteon vt holhpokuna, micha toshowa aiena anoli na haklo mvt, Chihowa aiokpv̄chi mvt, falamvt Islael tv̄shka chipota ai asha ka ona mvt, Hv̄sh wakayashke, Chihowa hv̄t Mitian tv̄shka chipota laua ya hv̄ch ibbak ̄ fohkishke, achi tok.

16. Mihmvt hatak tahlepa tuchina kash ap ehlich̄i tuchina h̄̄ ita kv̄shkoli cha, hatak moma ka isht p̄fa ibbak fohki mvt, ishtochi nana vl̄hto keyu p̄la h̄̄ fohki tok.

17. Micha, Hv̄s sa pisa cha, yvm̄mak inli hv̄sh yohmashke: atuk osh yakeh! binah v̄hli ona likma, yakohmashke, nana yvm̄ohmi li kak ̄ hv̄sh yvm̄ohmashke.

18. Isht p̄fa ȳ̄ olachi li, vno, micha si apeha aiena kv̄t, mikma hv̄chishno ak kia momvt binah apakfoypvt isht p̄fa ȳ̄ hv̄sh olachashke, mikmvt Chihowa, micha Kiteon ̄ bv̄shpo falaia yoke, hv̄sh ahanchashke, im achi tok.

19. Yvm̄ohmi tuk ̄ Kiteon, micha hatak tahlepa achv̄fa ap̄hv̄t aya tuk vt ninak atoni iklv̄na isht ia v̄mmona h̄̄ binah v̄hli h̄̄ ona tok; mihma himona atoni hilechit tahli tok: mihma isht p̄fa olachi mvt, ishtochi ibbak fohka tuk vt koli tok.

20. Micha ap ehlich̄i tuchina tuk ash osh isht p̄fa ȳ̄ olahanchi mvt, ishtochi ȳ̄ koli, micha ibbak vl̄hfv̄bek imma ya p̄la isht iesz̄i mvt, ibbak isht impak imma yano isht p̄fa olacha ch̄i kv̄t isht iesz̄i tok: micha okla tv̄shka paya mvt, Chihowa, micha Kiteon ̄ bv̄shpo falaia yoke, ahanchi tok.

21. Mihma hatak moma kv̄t a hikia he v̄lhpesa kv̄t hikīvt binah h̄a apakfoyupa tok; mihma tv̄shka chipota laua yvt yihlepv̄t yaiya mv̄t, maleli tok.

22. Mihma tahlepa tuchina kash osh isht p̄ufa olahanchi tok; mihma Chihowa hv̄t tv̄shka chipota laua ȳa hatak puta ī bv̄shpo falaia ilap b̄ika isht it ī sanalichi tok; mihma tv̄shka chipota laua yvt yihlepv̄t Selelah imma Belh-shittah h̄a, micha Tabbalh Abel-meholah v̄hli ka ona tok.

23. Mihma Israel hatak v̄hleha hv̄t Naftali, micha Asha, micha Manasseh moma aiena ka akohchv̄t itihoyot itvnaha cha, Mitianait v̄hleha h̄a iakaiyv̄t hlioli tok.

24. Mihma Kiteon vt anumpa shali ȳa Eflaim nvnih moma ka tihlelit, Akowvt hv̄sh minti cha, oka Belh-balāh, micha Chatan ont ai v̄hli ka tikba hv̄sh ai ishaskhe, ahanchi tok. Mihma Eflaim hatak moma kv̄t iti hoyot itvnaha cha, oka Belh-balāh, micha Chatan ont ai v̄hli ka ishi tok.

25. Mihmv̄t Mitianait tv̄shka pehlichi tuklo Oleb, micha Seeb ā ishi tok: micha Oleb ā Oleb tv̄li onochit v̄bi cha, Seeb ā p̄aki a hollokchi Seeb in talaia ka ai v̄bi tok; micha Mitian ā hlioli tok, mihmv̄t Oleb, micha Seeb noshkobo h̄a ishit Chatan mish tv̄nnp̄ Kiteon ā isht im ona tok oke.

CHAPTA VIII.

YUMOHMI ma Eflaim hatak v̄hleha hv̄t, Nanta katiohmi h̄o ish pi yakohmichi tuk oh cho? Mitianait v̄hleha h̄a itibit ish ia mv̄t, chik pi hoyo kv̄t, achi tok; mihmv̄t okla itachowvt ī kullo tok.

2. Mihma, Ūno kaniohmi li tuk vt chishno ȳa nanta isht ahoba cho? Eflaim p̄aki v̄lv̄lli ak osh achukma kv̄t Abiese vt p̄aki v̄mo ka ī shahli keyv̄?

3. Chitokaka yvt Mitian tv̄shka pehlichi Oleb, micha Seeb ā hv̄ch ibbak fohki tuk oke: yohmi ka nanta hak ō nana hv̄sh yvmihchi tuk ō chohmi h̄o yvmihchi la hinla tuk ō?, im achi tok. Yvmohmit yv̄mma achi ma, anukhobela tuk vt ī yokopa tok.

4. Mihma Kiteon vt Chatan a ona tok; mihmvt yvma, micha hatak tahlepa tuchina apihvt aya kash aienvt hoyvbli kia, hlioli moyuma hosh hlopulli tok.

5. Mihma Sukkolh hatak vhleha ha, Okla si akaiya ka pvaska lumbo kanohmi ka hvsh imashke, hvchim asilhha lishke: hoyvbli hoka, micha Mitian miko Sebah, micha Salmunna ita tuklo ka hlioli li hoke, im achi tok.

6. Mihma Sukkolh okla pehlichi vhleha hv, Sebah, micha Salmunna ibbak vt chibbak a foyuka tuk o, chin tvshka chipota ya pvaska il ipeta hinla cho? achi tok.

7. Mihma Kiteon vt, Yvmohmi ka Chihowa yvt Sebah, micha Salmunna ya svbbak fohkikma, yakni haiaka kvti, micha onush isht nihechi aiena ho hvchi nipi ya ishit hllilichi la chi hoke, achi tok.

8. Mich a yvma vttvt ivt Penuel a ona mv, yvmak inli ho i miha tok: mihma Penuel hatak vhleha hv afalamichit anumpuli kv, Sukkolh hatak vhleha hv afalamichit anumpuli tuk mak o chohmi tok.

9. Mihma Penuel hatak vhleha hak kia im anumpulit, Si achukmakvt falamvt vla likmvt, holihta chaha ilvppa kinvffi la chi hoke, achi tok.

10. Mihma Sebah, micha Salmunna itatuklo kv, micha in tvshka chipota, hatak tahlepa sipokni auah tahlapi foka hosh hvshi akochaka in chipota tvshka chipota laua yatak a hlakofi tuk vt moma mak o aiena kv Kalko ak o aiasha tok; hatak bvshpo falaia ieshi vt tahlepa sipokni tahlepa achvfa cha, pokoli tuklo hosh akvma tuk oka.

11. Mihma Kiteon vt Nobah, micha Chokbehah hvshi akochaka imma vlhtipo aiasha hina ia hosh tvshka chipota laua ya ont issot kanchi tok; tvshka chipota laua yvt ik nuktahlo hatuk oka.

12. Mihma Sebah, micha Salmunna vt tihlaiya ma, hlioli tok; micha Mitian miko tuklo Sebah, micha Salmunna yash ishi cha, tvshka chipota laua ya komuntvchit yuhli tok.

13. Mihma Choash ushi Kiteon vt hvshi vt ik kohcho kisha ho tvnvp aya tuk vt falama tok.

14. Mich a Sukkolh hatak vhleha ha ai achvfa hatak hi-

mita yo hokli cha, i ponaklo tok: mihma Sukkolh pehlich i vhleha, micha hatak asvnonchi vhleha aiena yummvt pokoli untuklo cha, untuklo ho holissochit anoli tok.

15. Mihma Sukkolh hatak vhleha ha im ona cha, Yakeh Sebah, micha Salmunna ymma isht hvsh yopulvt, Sebah, micha Salmunna ibbak vt chibbak a foka tuk o, hatak chi apelvt aya hoyvbli ka pska il ipeta hinla cho? ishit hrs si ahanchi tuk mak oke, achi tok.

16. Mich a tmaha holihta hatak im asvnonchi vhleha yash ishi cha, yakni haiaka kvti, micha onush isht nihechi aiena ho Sukkolh hatak vhleha ha nan isht im avchi tok.

17. Mihmvt Penuel holihta chaha ya kinvffi cha, tmaha holihta yash hatak vhleha ha vbi tok.

18. Yvmohmi mvt Sebah, micha Salmunna itatuklo ka, Tabo hvsh ai vbi kvt hatak katiohmi hatok o? im achi ma, afalamichit anumpuli mvt, Chi katiohmi ka, yummak kia yohmi tok: miko yo ushi vhleha nana chohmi bieka tok.

19. Mihma Kiteon vt, Itibapishi li vhleha ha tok, hvshki ushi vhleha ha tok oke: Chihowa yvt okchaya pulla ka apowvt ish okchalanchi tuk okma, hvchibe la he tuk keyu hoke, achi tok.

20. Mihmvt ushi uttahi fehna Chehle ya, Wakaya cha, vbi, im achi tok. Yohmi kia hatak himita vt bvshpo falai a ya shufit ik esho tok: vlla fehna moma hatuk osh nukshopa hokvt.

21. Yohmi ma Sebah, micha Salmunna vt, Chishno vt ish wakaya cha, ish pi onvtolashke; hatak ak osh katiohmikma, imi hlampko hvt yvmohmi chatuk oka, achi tok. Mihma Kiteon vt wakaya cha, Sebah, micha Salmunna ya vbi mvt, nan isht il akshema i kamel inuchi tuk a im ai ishi tok.

22. Yohmi ma Israel hatak vhleha hvt Kiteon a, Ish pi pehlichashke, chishno, micha chiso, micha chiso ha iso ak kia aiena kvt: chishno ak osh Mitian ibbak a ish pi hlakofichi tuk okvt; im achi tok.

23. Mihma Kiteon vt, Hvchi pehlich i la he keyu, svso hak kia hvchi pehlich a he keyu: Chihowa ak osh hvchi pehlich a hi oke, im achi tok.

24. Mihma Kiteon vt, Nana asilhha achvfa h_o hvchim ahni lishke, yummvt hatak hvsh puta kv_t na wehpoa haksobish takali immi aiyukali kv_t hvs sv_mashke, im achi tok. (Ishmaelait vhleha atuk okvt, tvli holisso lakna haksobish takali vt im a_sha tok oke.)

25. Mihma afalamichit anumpuli mv_t, Aiokpanchit e boh_lashke, im achi tok. Mihmv_t nafohka patali cha, hatak puta kv_t na wehpoa haksobish takali immi aiyukali kv_t pit fohki tok.

26. Mihma tvli holisso lakna haksobish takali asilhha tuk weki kv_t tvli holisso lakna shekel tahlepa sipokni achvfa cha, tahlepa untuklo tok; nan isht il akshema puta, micha ikunla inuchi, micha nafohka hummai_yi Mitian m_iko vlbeha tuk, micha itatak_vli kamel vt inuchi tuk puta kv_t aiena tok.

27. Mihma Kiteon vt efot a ai ikbi cha, in tv_mmaha holihta, yummvt Oflah yak o bohli tok: mihma Israel moma kv_t ivt hault iakaiya tok: yummvt Kiteon, micha in chuka achvfa isht ai ibetv_bli tok.

28. Yakohmi hosh Mitian vt Israel im vlla vhleha itikba ya i nutaka cha, i himmakma noshkobo ha ik akachakalecho tok. Mihma Kiteon i nitak afv_mmi pokoli ushta ka yakni vt achukmv_t talaia tok.

29. Mihma Chelub-baal Choash ushi vt ivt ilap in chuka akinli h_o ont ahanta tok.

30. Mihma Kiteon vt ilap nipi tobachi vt ushi nakni pokoli untuklo tok; tekchi vt in laua tok okvt.

31. Mihma im itaiena yvt Shechem a anta tuk osh, yvmak kia vlla nakni yo im eshi na, hohchifo ka Abimilech hochifo tok.

32. Mihma Choash ushi Kiteon vt sipokni achukma hosh illi cha, iki Choash im ahollopi yvt Oflah Abieslait vhleha yakni ahikia ka a hollopi tok.

33. Atuk o yakohmi tok, Kiteon vt illi mak inli h_o, Israel im vlla vhleha hv_t anonti falamvt hault ia cha, Baalim a iakaiya cha, Baal-belilh naholbv_t toba ya aiokpv_ehi tok.

34. Mich_a Israel im vlla vhleha hv_t Chihowa in Chito-

kaka yummak osh in tñvvp vt apakfoyupa tuk ibbak a abla-kofichit kohonchi tuk a ik ithaiyano tok.

35. Micha Chelub-baal, yummvt Kiteon in chuka achvfa ya, yummvt Israhel a i kana tuk a chiyuhmit okla i kana tok keyu hoke.

CHAPTA IX.

YUMOHMI ma Abimilech Chelub-baal ushi vt Shechem onvt, ishki itibapishi vhleha ha im ona cha, itim anumpulit, micha ishki ya iki in chuka achvfa moma ka itim anumpulit yak ahanchi tok.

2. Shechem hatak moma ka im anumpulit hvsh haklo-chashke, hvchim asilhha lishke, Chelub-baal ushi vhleha pokoli untuklo kak osh hvchi pehlichi kvv hvchim vhpiesak-má, ak cho? achvfa hosh hvchi pehlichi kak oh cho? hvsh im achashke, micha vno chi foni, micha chi nipi ak inli sia ka, hvsh ithaiyanashke, achi tok.

3. Mihma ishki itibapishi vhleha hvv anumpa ilvppa puta ka Shechem hatak moma ka isht im anumpuli tok: mihma chvkvvsh vt Abimilech a iakaiya kak o nukfoyuka tok: Piti-bapishi hoka, achi hatuk osh.

4. Micha tvli hvta tushahli pokoli untuklo ho Baal-belilh in chuka ya a kohchit okla ima na yummak o Abimilech vt hatak makali, micha hatak ilefenvchi ya ishit tohno na iakaiya tok.

5. Micha iki in chuka Oflah talaia ka ona cha, itibapishi vhleha Chelub-baal a ushi vhleha hatak pokoli untuklo ho tvli achvfa ho onochit vbi tok: yohmi kia Chohlam Chelub-baal ushi ishtaiyopi vto hlakofi, luma hatuk osh.

6. Mihma Shechem hatak moma kvv iti hoyot itvnaha, micha Millo in chuka moma aiena kvv ivt, holihta Shechem talaia baiyi ya bilika kak o Abimilech a miko ai ikbi tok.

7. Atuk o Chohlam a im anoli ma, ivt Kelisim nvnih paknaka ont hikia cha, chitolit pahayvt, Hvs sa haponak-lashke, Shechem hatak vhleha hvchia ma! yvmohmi ho Chitokaka vvt hvchi haponaklashke.

8. Pehlicha chi ka iti puta kt himonna ma nan ahvmmiit miko ikba chi hosh kohchvt ia tok: micha Alif vpi ya, Ish pi mikashke, im achi tok.

9. Yohmi kia Alif vpi vt, Sa nia yvmmak o Chitokaka, micha hatak aiena ka ishit holitoblichi chatuk a issa lish, vt iti puta kak o pehliechit o wakayvt hikia la hinla cho? im achi tok.

10. Mihma iti puta kt fik vpi ya, Ish la cha, ish pi mikashke, im achi tok.

11. Yohmi kia fik vpi vt, Sa champuli tuk, micha vni achukma ho vni li tuk vt kanchi lish, iti puta kak o pehliechit o wakayvt hikia la pinla cho? im achi tok.

12. Yvmohmi ma iti puta kt paki vpi ya, Ish la cha, ish pi mikashke, im achi tok.

13. Mihma paki vpi vt, Um oka paki ya yvmvvt Chitokaka, micha hatak a chukvsh yukpali chatuk a issa lish, vt iti puta kak o pehliechit o wakayvt hikia la hinla cho? im achi tok.

14. Yvmohmi ma iti puta kt shumo ya, Ish la cha, ish pi mikashke, im achi tok.

15. Mihma shumo vt iti puta ka, Ahli mak osh hvchi pehlichi miko hvs sakbi hokmvvt, vvt a hoshontika nutaka ya hvsh atukkashke: keyukma luak vt shumo ya akohcha cha, Lebanon chuahla ya hukmit tahlashke.

16. Yvmohmi ka himak a Abimilech a miko hvsh ikbi kt, chukvsh ai ahli apissanli tuk okma, micha Chelub-baal, micha in chuka achvfa ya ai vlvpiesa, micha ibbak asitvbi tuk vlvpesa kak o hvsh i yvmohmi tuk okma,

17. (Aki vt hvchim itibit, im ilhfopak a ishkvnapvchi fehvvt, Mitian ibbak a ahlakofichit hvchi kohchichi tok.

18. Yvmohmi tok a himak nitak a aki in chuka achvfa ya i sanalit hvsh wakaya cha, ushi vhleha hatak pokoli untuklo ho tvli achvfa onochit hvsh bi cha, in tishu ohoyo ushi Abimilech a hvch itibapishi hoka, Shechem hatak vhleha ha i miko hvsh ikbishke.)

19. Yvmohmi ka chukvsh ai ahli hosh himak nitak a Chelub-baal, micha in chuka achvfa ya hvsh i yvmohmi kt

ghlikmvt, yohmikmvt Abimilech a hvsh a yukpakma, Abimilech vt hvchi a yukpashke.

20. Amba keyukma, luak vt Abimilech a akohcha hosh Shechem hatak vhleha, micha Millo in chuka ya hukmit tablashke: micha luak vt Shechem hatak vhleha, micha Millo in chuka ya akohcha hosh Abimilech a hukmit tahlashke, im achi tok.

21. Mihmvt Chohlam vt malelit kvnvt, Bee ak o ona cha, itibapishi Abimilech a i nukshopa kak osh yvmmak o vta tok.

22. Abimilech vt Israel a i miko tok afvmmi tuchina ma,

23. Yohmi ma Chitokaka yvt shilombish okpulo ya Abimilech, micha Shechem hatak vhleha ha itintakla ya pila tok; mihma Shechem hatak vhleha hv ai vhpiesa keyu ho Abimilech a i yvmohmi tok.

24. Yvmohmi ho Chelub-baal ushi pokoli untuklo ka ilbvshali tok vt micha im issish vt itibapishi Abimilech yvmmak osh vbi tok a, micha Shechem hatak vhleha, yvmvt itibapishi vhleha vbi ka apelvchi tok aiena ka ant onvtoyula chi hatok.

25. Mihma Shechem hatak vhleha hv im aiehchi hatak a nvnih paknaka ashachi na yvmma pilla ka kvna hosh ayakma, moma okla wehpuli tok: atuk o Abimilech vt im annoa tok.

26. Mihma Kaal Ebet ushi vt mintit itibapishi vhleha itapihvt Shechem a ona tok: mihma Shechem hatak vhleha hv anukchieto tok.

27. Atuk osh kohchvt osapa ona cha, paki ya vmot tahli mvt, ahvhlchi cha, chepullit nayukpvt aiasha tok: mihmvt i naholbvt toba im aboha chukowa cha, impvt, nan ishkot aiasha mvt, Abimilech a kalakshichit mihachi tok.

28. Mihma Kaal Ebet ushi vt, Abimilech vt kvta ho? micha Shechem vt kvta hatuk o il im antia hinla ho? Chelub-baal ushi keyu? Sebul ak osh im anumpeshi keyu ho? Hamo hatak vhleha Shechem iki ak o hvsh im antiashke: nanta katiohmi ho yvmma il im antia hinla cho?

29. Mich a okla ilvppa sabbak a i nutakvchi tuk okbano,

yohmikma Abimilech a kuvllichi la hinla, achi tok: mihmvt Abimilech a, Chin tvshka chipota ya ish lauachi cha, ish koehashke, im achi tok.

30. Atuk o Sebul tvmaha holihta pehlichi vt, Kaal Ebet ushi im anumpa ha haklo mvt, im ai i nukkilli vt libbi tok.

31. Mihmvt Abimilech a anumpa shali vhleha ha lumvt i pilot, Yakeh! Kaal Ebet ushi vt, micha itibapishi aiena kv Shechem a vlvshke; micha yakeh! chi sanalit tvmaha holihta ya ai yimilichishke.

32. Yohmi ka inta! ninak a wakaya cha, chishno, micha okla chi apehvt aiasha aiena kv, micha osapa yak o hvsh im aiehchashke.

33. Atukma yakohma chi hoke, onnahinli hvshi kohcha mak inli ho onnahinli fehna ho wakayvt, tvmaha holihta ya akanvllit ish fahamashke, micha yakeh! yvmma, micha okla apehvt aiasha kv kohchvt chitibikma, kaniohmi na ish pisakmvt, nana ho kaniohmichi chi bvnnakmvt, ish yvmohmashke, achi tok.

34. Mihma Abimilech vt, micha okla apehvt aya tuk aiena kv ninak o wakaya, aya ushta hosh Shechem a im aiehchit aiasha tok.

35. Mihma Ebet ushi Kaal vt kohchvt tvmaha holihta a chukowa holihta okhissa ya hikia tok: mihma Abimilech, micha okla apehvt aya tuk moma kv im aiehchit aiasha tuk vt wakaya tok.

36. Mihma okla ha Kaal vt pisa mvt, Sebul a, Yakeh! okla hv nvnih ha akowvt mintishke, im achi tok. Mihma Sebul vt, Nvnih hv hoshontika kak osh hatak ahoba ho ish pisa hoke, im achi tok.

37. Mihma anonti Kaal vt anumpulit, Pisá, okla hv bcha i shahli ha minti ma, aya inla kv baiyi Meonenim pilla ho mintishke, achi tok.

38. Yvmohmi ma Sebul vt, Chitih isht anumpulit, Abimilech ak osh kvta hatuk o il im antia hinla cho? ish ahanchi tuk mvt? okla ilvppak o ish shitilema tuk mak keyu? inta! himak a ish kohcha cha, ish itibashke, im achi tok.

39. Mihma Kaal vt Shechem hatak vhleha ha itikba ia cha, Abimilech a itibi tok.

40. Mihma Abimilech vt hlioli na i maleli ma; laua kv̄t akakohvt, micha nv̄hvt mahayvt holihta okhissa a chukowa ya ona tok.

41. Mihma Abimilech vt Alumah yak o vtta tok: mihma Sebul vt Kaal, micha itibapishi v̄hleha ha kohchichi na Shechem a vtta he keyu tok.

42. Atuk o yakohmi tok, onna ma okla hv̄t kohchvt osapa ona tok: mihma Abimilech a im anoli tok.

43. Mihma okla ishit ap ehlich i tuchina ho ita kv̄shkoli mvt, im aiehchit hoyot osapa ya aiasha ma, yakeh! okla hv̄t tmaha holihta ya kohcha tuk o pisa tok: mihma wakayvt itibi cha, issot kanchi tok.

44. Mihma Abimilech, micha aya achvfa apeha tuk vt yihlept tikba ivt, tmaha holihta okhissa achukowa ya hieli tok: mihma aya tuklo kv̄to okla moma osapa aiasha ka o yihlepa cha, vbit tahli tok.

45. Mihma Abimilech vt tmaha holihta ya itibi na nitak ymmvt shohbi tok: micha tmaha holihta ya ishi cha, okla aiasha ka vbit tahli mvt, tmaha holihta ya tivblit tahli cha, hv̄pi o fimmit tahli tok.

46. Mihma Shechem chuka chaha ai atoni hatak aiasha tuk vt ymma haklo mvt, naholvt toba Belilh in chuka holihta chaha nahalupa aiasha ya okla chukowa tok.

47. Mihma Shechem chuka chaha ai atoni hatak moma kv̄t iti hoyot itvnahvt aiasha ka, Abimilech a im anoli tok.

48. Mihma Abimilech vt ivt nv̄nih Salmon a oiyvt, ilap, micha okla apehvt aya tuk moma kv̄t ona tok; mikma Abimilech vt iskifa ishi cha, iti naksish chanlit tv̄blit ishi cha, tahchi onochi mvt, okla apehvt aya tuk a, Nana kaniohmi li ka hv̄s sa pisa kv̄t, tushpt nana kaniohmi li ka hv̄sh yv̄mihchashke, im achi tok.

49. Mihma okla moma kv̄t iti naksish tv̄bli ak inli bieka cha, Abimilech a iakaiya mvt, holihta chaha nahalupa aiasha ya ai itvnahli cha, holihta chaha nahalupa aiasha ya luak on tikelichi tok: yohmi na Shechem chuka chaha ai atoni hatak aiasha tuk moma kv̄t ymmak kia hatak, micha ohoyo tahlepa sipokni achvfa foka hosh illit taba tok.

50. Yvmohmi ma Abimilech vt Hlebes a ona cha, Hlebes a abinachit itibi cha, ishi tok.

51. Yohmi kia tmaha holihta ya chuka chaha ai atoni kullo hosh talaia tuk o yvmmak o hatak, micha ohoyo moma, micha tmaha holihta aiasha tuk moma kvv yihleptv chukowa cha, il on okhishta mvt, chuka chaha ai atoni paknaka ya ona tok.

52. Mihma Abimilech vt chuka chaha ai atoni ya ona cha, itibi mvt, luak ishit hukma chi hosh chuka chaha ai atoni okhissa ya bilika ona tok.

53. Mihma ohoyo achufa hosh tanchi afotoha teli tushafa yo Abimilech noshkobo ha ishit kahlaha chi hosh et pila tok.

54. Yohmi ma tushpa hosh in tishu hatak himita i nahalupa sholi ya i howvt, Chi bvshpo falaia ya ish shufi cha, is svbashke, yohmi na hatak vt, Ohoyo hosh vbi tuk ik si acho kashke, im achi tok. Mihma hatak himita ash osh ishit bahlit hlopulichi na illi tok.

55. Yvmohmi ma Israel hatak vhleha hvv Abimilech vt illi na pisa mvt, ivt aivtta aiyukali ona tok.

56. Yakohmi hosh Chitokaka yvt Abimilech nan ashvchit iki ya nana kaniohmichit itibapishi pokoli untuklo vbi tok a onochi tok.

57. Michā Shechem hatak vhleha nana ik achukmo yvmohmi tuk puta ka Chitokaka yvt ilap noshkobo hak o onochi tok: mihma Chelub-baal ushi Chohlam vt nana ik achukmo ka he anumpa anumpuli tok mak osh onvtola hatok.

CHAPTA X.

YUMOHMI ma Abimilech a iakaiyvt Israel a apela chi kvv Toto ushi, Puah ushi yosh Tola Issaka hatak osh hikia tok: micha Shami Eflaim nvnih ak o vtta tok.

2. Michā Israel a afvmmi pokoli tuklo akucha tuchina ho nana im apesa mvt, illi cha, Shami yak o a hollopi tok.

3. Mihma iakaiya kvv Chai Kileat hatak osh hikia cha, Israel a afvmmi pokoli tuklo akucha tuklo ho nana im apesa tok.

4. Mihma yummvt ushi vt pokoli tuchina hosh issuba haksobish falaia ushi vt i pokoli tuchina om binohli; micha tmaha holihta yvt pokoli tuchina himak nitak a Hafolh Chai hohchifo hosh Kileat yakni talaia yummak osh im aia-sha tok.

5. Mihma Chai vt illi cha, Kamon ak o a hollopi tok.

6. Mihma Israel im vlla vhleha hvt Chihowa itikba ya nana ik achukmo ka yvmohmit Baalim, micha Ashtaloh, micha Silia i naholbvt toba puta, micha Siton i naholbvt toba puta, micha Moab i naholbvt toba puta, micha Ammon in chipota i naholbvt toba puta, micha Filistin vhleha i naholbvt toba puta aiena kak o aiokpuchi cha, Chihowa ya issa cha, ik im antio tok.

7. Mihma Chihowa im ai i nukkilli vt libbit Israel a i saneli cha, kanchit Filistin okla ibbak a fohki mvt, Ammon in chipota aiena ka ibbak a fohki tok.

8. Mihma afvmmi yvmma Israel im vlla vhleha ha afvmmi auah untuchina ho apistikelit ilbvshali tok, Israel im vlla vhleha moma Chatan mish tvnnvp Amolait vhleha i yakni Kileat aiasha kak atok.

9. Michā Ammon in chipota hvt Chatan a vbanvblit Chutah, micha Benchamin, micha Eflaim in chuka achvfa ya itibi tok: yvmohmi ho Israel vt ilbvsha fehna tok.

10. Mihma Israel im vlla vhleha hvt Chihowa ya i pahayvt, Pin Chitokaka ya il issa cha, Baalim a il aiokpuchi kak osh pi yoshuhumba tuk oke, achi tok.

11. Mihma Chihowa yvt Israel im vlla vhleha ha, Uno ak osh Echip okla, micha Amolait vhleha, micha Ammon in chipota, micha Filistin vhleha aiena ka a hvchi hlakofichi li tok keyu?

12. Sitionian vhleha ak kia, micha Amalekait vhleha, micha Maonait vhleha aiena kvv hvch ilbvshali tok; mihma hvs sa pahaya ma, ibbak a ai i mokofit hvchi hlakofichi li tok oke.

13. Yohmi kia hvs sa kanchi cha, okla inla i naholbvt toba puta ka hvsh aiokpahanchi tuk oke: yvmohmi ka himakma hvchi hlakofichi la he keyu hoke.

14. Oh ia cha, naholbvt toba vhleha hvsh ahni tuk ak osh hvsh i pahayashke.

15. Mihma Israel im vlla vhleha hvt Chihowa ya, Pi yoshuhumba tuk oke: nana ho vhpesa ish ahnikmvt, ish pi yvmihchashke; peh himak nitak a ish pi hlakofichashke, e chim asilhhvshke, im achi tok.

16. Mihmvt okla inla i naholbvt toba puta kvv im ai itintakla aiasha ka kanchi cha, Chihowa yak o im antia tok: mihma Israel vt ilbvsha kak o imi shilombish vt nukhaklo tok.

17. Mihma Ammon in chipota vhleha hvt itvnahvt, Kileat ak o abinachi tok. Mihma Israel im vlla vhleha hvt itiho-yot itvnaha cha, Mispeh yak o abinachi tok.

18. Mihma Kileat okla, micha pehlichy vhleha aiena kvv, Hatak kvta hosh Ammon in chipota ha itibit ishit wakaya chi cho? kvna hosh yohmikmvt, Kileat okla moma ka i noshkoboka ya chi hoke, im achi tok.

CHAPTA XI.

YOHMI ma Chefhlah Kileat hatak hlampko chilita nukwia iksho hosh ohoyo havi ushi atok; mihma Kileat vt Chefhlah ya tobachi tok.

2. Mihma Kileat tekchi vt ushi vhleha im eshi tok; atuk osh tekchi ushi vhleha hvt hofantit taha mvt, Chefhlah ya kocha pit tobli cha, Piki in chuka achvfa ya ish ahalaia he keyu, ohoyo inla ushi chia hokvt, im achi tok.

3. Yvmohmi ma Chefhlah vt itibapishi vhleha ha i maleli cha, Tob yakni ak o ont ai vtta tok: mihma hatak makali puta kvv Chefhlah ya im itvnaha cha, awant kohchvt ia tok.

4. Atuk o nitak inla ma yakohmi tok, Ammon in chipota hvt Israel a in tanampi tok.

5. Atuk ash o Ammon in chipota hvt Israel a in tanampi ma, Kileat hatak asvnonchi vhleha hvt Chefhlah ya Tob yakni ya ont ai isht vla chi hosh ia tok:

6. Micha Chefhlah ya, Ish minti cha, pi kvpitvni ish toba na Ammon in chipota ha il itibashke, im achi tok.

7. Mihma Chefhlah vt hatak asvnonchi vhleha hash, Hvs sa nukkilli cha, aki in chuka ya kocha pit hvs san tobli tok keyu? micha nanta katiohmi ho hvch ilbvsha mvto himak a hvs svn vla cho? im achi tok.

8. Yvmohmi ma Kileat hatak asvnonchi vhleha hash osh Chefhlah ya, Yvmohmi kak o pi awant ish ia cha, Ammon in chipota ha ish itibi cha, pi noshkoboka tobt Kileat okla moma ish i shahla chi ho, himak a anonti filemvt e chi pi-hivshke, im achi tok.

9. Mihma Chefhlah vt Kileat hatak asvnonchi vhleha hash, Ammon in chipota ha itibi la chi ka an chuka hvs svst ona tuk o, Chihowa hvv yvma vma hokma, hvchi noshkoboka sia ha chi cho? im achi tok.

10. Mihma Kileat hatak asvnonchi vhleha hash ot, Chihowa ak osh pim atokolashke, chim anumpa ha ke yvmohmokma, im achi tok.

11. Mihma Chefhlah vt Kileat hatak asvnonchi vhleha awant ia ma, okla hvv i noshkoboka, micha kvpitvni ikbi tok: mihma Chefhlah vt Mispah ya ilap im anumpa moma Chihowa itikba ya ai anumpuli tok.

12. Mihma Chefhlah vt Ammon in chipota i miko ya anumpa shali vhleha i pila mvv, Nanta isht hvs si ahalaia hosh a yakni satibit ish la cho? achi tok.

13. Mihma Ammon in chipota i miko vt Chefhlah im anumpa shali vhleha ha afalamichit, Israel vt Echip a kohchvt aya kvv, a yakni ya vm ai ishi tok, Anon a vtvv ivv Chabbok, micha Chatan ona ai vli ka yvmohmi tok: yvmohmi ka himak a it i kanvt yakni yvma puta ka anonti hvsh falvmmichashke, im achi tok.

14. Mihma Chefhlah vt anonti anumpa shali vhleha ha Ammon in chipota i miko ya i pila tok.

15. Michah, Ilvppak o Chefhlah vt achishke, Israel vt Moab a yakni im ishi tok keyu, Ammon in chipota ha yakni ak kia im ishi tok keyu hoke.

16. Amba Israel vt Echip a kohchvt yakni haiaka nowvt aya mvv, Okhvta hvvma hlopullit Katesh a vla tok.

17. Yohmi mvv Israel vt Etom i miko ya anumpa shali

vhleha h_a i pila mvt, Ch_i yakni ya hlopulli lashke, chim asilhha lishke, achi tok: yohmi kia Etom i m_iko vt i haponakla he keyu tok. Micha Moab i m_iko ma yvmmak inli chohmi h_o i pila tok; yohmi kia vhpesa ahna he keyu tok. Mihma Israel vt Katesh ak o aiasha tok.

18. Yvmohmi mvt yakni haiaka hlopullit ivt Etom yakni, micha Moab yakni aiena ka apakfopa cha, Moab i hvshi a kochaka imma yo minti hosh Anon mish tnnvp a abinachi tok; yohmi kv_t Moab ai vhli fullota ka ont chukowa tok keyu: Anon yvmmak okvt Moab yakni ai vhli atuk oka.

19. Mihma Israel vt Sihon Amolait okla i m_iko, yvmvt Heshbon i m_iko anumpa shali vhleha h_a i pila tok; micha Israel vt, Ch_i yakni ya hlopullit p_i yakni ya il onashke, e chim asilhhvshke, im achi tok.

20. Yohmi kia Sihon vt Israel a ik i yimmo hosh i yakni ya ik hlopulli, ik ahno tok: amba Sihon vt im okla moma ka hoyot itvnahli cha, Chahas a abinachi cha, Israel a itibi tok.

21. Mihma Israel Chihowa in Chitokaka yvt, Sihon, micha im okla moyuma ka Israel ibbak a fohki na okla issot kanchi tok: yohmi h_o Israel vt yakni yvma okla Amolait vhleha i yakni moma ka ishit a binili tok.

22. Micha Amolait vhleha i yakni Anon vttvt ia kv_t Chabbok ont ai vhli, micha yakni haiaka vttvt ia kv_t Chatan ont ai vhli aiena ka okla ishit abinili tok.

23. Yvmohmi ka himak a Israel Chihowa in Chitokaka ak osh Amolait vhleha yakni ya im ishit im okla Israel a i kanvllichi tok a, chishno vt ish isha he vhpesa cho?

24. Ch_i naholvt toba Chemosh vt chima tuk ak o ish iesha he vhpesa keyu? Yvmohmi ka kvna h_o Chihowa pin Chitokaka yvt p_i tikba a tihlelit kocha wehlikma yvmak oka il iesha ch_i hoke.

25, 26. Yohmi ka himak a chishno vt Sippo ushi Balak Moab i m_iko ya i shahli nanta chia hoh cho? Israel vt Heshbon, micha in tmahushi puta, micha Aloe, micha in tmahushi puta, micha tmaha holihta moma, yvmvt Anon afullota ka talohvt aya ka afvmmi tahlepa tuchina h_o aiasha

ka, Balak vt himonna kia Israel a itibit, keyukmut himonna kia in tanampi tok o? yvmohmi ka nanta katiohmi ho yvma ititakla ka falvminchit hvch ik esho chatuk oh cho?

27. Yvmohmi hoka chi sai yoshuba tuk keyu hoke, amba is san tanampi kvv chishno ak osh ai vhpiesa keyu ka is si yvmihchi hoke: Chihowa Nanapesa yak osh himak nitak a Israel im vlla vhleha, micha Ammon in chipota vhleha aiena ka ilvppa fehna ka nan im apesa yashke, im achi tok.

28. Yohmi kia Ammon in chipota i miko vt Chefhlah vt anumpa i pila tuk a i haponakla he keyu tok.

29. Yvmohmi ma Chihowa imi Shilombish vt Chefhlan ya onvtola na Kileat, micha Manasseh ya hlopullit, micha Mispheh Kileat a talaia ya hlopulli cha, Mispheh Kileat a talaia ya vttvt ia mut, hlopullit Ammon in chipota ha im ona tok.

30. Mihma Chefhlah vt ilap im anukfila hosh Chihowa nan im issa he ahnit anumpa il onochit, Ammon in chipota ha svbbak a fohkit is svma kvv ahlikma,

31. Yvmohmikma yakohma he, Ammon in chipota i yakni ya si achukmakvt falamvt vla likmut, nana hosh an chuka okhissa ya kohchvt si afama chi hosh mintikmut, Chihowa immi pulla chi hoke, mikma Chihowa ya im issvt hukmit isht aiokpvchi la hi oke, achi tok.

32. Yvmohmi hosh Chefhla vt Ammon in chipota ha itiba chi hosh hlopullit im ona tok: mihma Chihowa yvt ibbak a fohki tok.

33. Mihmut issot kanchi kvv Aloe ya vttvt isht ia kvv Minnilh ish ona ka ont vlichit, tmaha holihta pokoli tuklo ho issot kanchi hosh paki ahollokchi yakni patali ya ont vlichich na illi kvv laua fehna tok. Yakohmi hosh Ammon in chipota hvv Israel im vlla vhleha ha i nutaka tok.

34. Mihma Chefhlah vt in chuka Mispheh ya a talaia ka ona tok; mihma yakeh! ushetik vt timblel ieshit, hihihlvv kohchvt afama chi hosh minti tok; yvmmut im vlla yvmmak bieka hatok; inla yvt ushi, pev ushetik nana kia iksho tok.

35. Atuk o yakohmi tok, pisa mut, im anchi ya ita hlilvffi cha, Ikikkeh! svso tek ma! akanlosi is svstht onvshke, sa

nukhaklochi ya ish ibai achvfa hoke: svtih ha wakvmmit Chihowa ya im anumpuli li tuk osh, falama la he keyu hokvt, achi tok.

36. Mihma, Aki ma! chiteh wakvmmit Chihowa ish anumpuli tuk okmvt, nana hosh chitih ha a kohcha tuk mvt is si yvmihchashke; Chihowa yvt chin tvnvp Ammon in chipota pulla ka chim il aiokha tuk oka, im achi tok.

37. Mihmvt iki ya, Ilvppak osh a yvmohmashke: Hvshi tuklo ho ik anta is svn ahnashke; yohmi ho nvnih chaha oiyvt, micha akovvt itafullokahanchit hatak ak halelo kvv isht ile yayvt aya lashke, vno, micha ohoyo sa bika iti kana li aiena kvv, im achi tok.

38. Mihma, Ia, im achi tok. Mihmvt hvshi tuklo ho kavnima pila tok: mihma ohoyo bika iti kana aiena kvv ia chavnih chaha paknaka yak o hatak ik halelo kvv isht ile yayvt aya tok.

39. Atuk o yakohmi tok, hvshi tuklo kvv ont taha ma, falamvt iki ya im ona na yvmmvt ilap im anukfila hosh Chihowa nan im issa he ahnit anumpa il onochi tuk mak osh yvmihchi tok: mihma hatak a ik ithano tok.

40. Atuk o Israel a ai yvmohmi vt, Israel ushetik vhleha hvv afvmmikma ivt, Kileatait Chefhlah ushetik a afvmmi achvfakma nitak ushta ho ishit yahaya tok.

CHAPTA XII.

YUMOHHI ma Eflaim hatak vhleha hvv iti hoyot itvnaha cha, falvmmi pilla ivt, Chefhlah ya, Nanta katiohmi ho Ammon in chipota ha itibit ia hosh hlopullit ish aya hokak osh, chi awant il ia chi ka chik pi hoyo tuk o? chin chuka ya e chi a hukmicha chi hoke, im achi tok.

2. Mihma Chefhlah vt, Vno, micha vm okla hvv Ammon in chipota ha il itin tanampi fehna, mihma hvchi paya li ka, ibbak a kohchit is sa hlakofichi tuk keyu hoke.

3. Mihma hvv sa hlakofichi keyu ho pisa li mvt, vm ilhfiopak a svbbak fokhit ieshit, hlopullit Ammon in chipota ha

itibi li ma, Chihowa yvt svbbak a fohki tuk oke: yvmohmi ka nanta katiohmi hō himak nitak a hvs svtiba chi hosh hvs svv vla cho? im achi tok.

4. Mihmvt Chefhlah vt Kileat hatak moma ka hoyot itv-nahli cha, Eflaim a itibi tok: mihma Kileat hatak vhleha hvt Eflaim a issot kanchi tok: Kileatait hvchia hvt Eflaim i filvmmitt tihlaya hvchia hosh Eflaimait vhleha, micha Manas-sait vhleha aiena ka itintakla hvsh ai asha hoke, achi kak atok.

5. Mihma Kileatait vhleha hvt Chatan okhina akocha wiha Eflaimait vhleha itikba ai ishi tok: atuk o Eflaimait vhleha hvt yvmvvt hlakofi tuk vt, Ak kohchá, achikma, Kileat hatak vhleha hash osh, Eflaimait chia hoh cho? im achi tok. Mihma, Keyú, achikma,

6. Yohmi hokma, Himak a Shibbolelh achi, im achi tok: mihma ai vhpiesa ka miha he keyu hatuk osh Sibbolelh achi beka tok. Yohmikma ishi cha, Chatan okhina akocha taloha ka ai vbi beka tok. Mihma nitak yvmma Eflaim hatak vhleha hvt tahlepa sipokni pokoli ushta akucha tuklo hosh illit akakoha tok.

7. Mihma Chefhlah vt afvmmi hannali hō Israel a nan im apesa tok: mihmvt Chefhlah Kileatait vt illi cha, Kileat tvmaha holihta puta achvfa ka a hollopi tok.

8. Mihma yvmma iakaiya kvv Belh-lehem ai vttta Ibsam vt Israel a nan im apesa tok.

9. Michā yvmvvt ushi vt pokoli tuchina cha, ushetik vt pokoli tuchina tok: ushetik vhleha hā tvmaha inla pila mvt, tvmaha inla ohoyo pokoli tuchina hō ushi vhleha hā ai i hoyo tok: micha afvmmi untuklo hō Israel a nan im apesa tok.

10. Yohmi ma Ibsam vt illi cha, Belh-lehem ak o a hollopi tok.

11. Mihma yvmma iakaiya kvv Elon Sebulonait osh Israel a nan im apesa cha, afvmmi pokoli hō Israel a nan im apesa tok.

12. Mihmvt Elon Sebulonait vt illi cha, Aichalon Sebulun i yakni talaia kak o a hollopi tok.

13. Mihma yvmma iakaiya kv̄t, Hillel ushi Abton Pilahlonait osh Israēl a nan im apesa tok.

14. Mihmvt yvmmvt ushi vt pokoli ushta, micha ibaiyi hv̄t pokoli tuchina aiena hosh issuba haksobish falaia ushi pokoli untuklo hō on chieya tok atok: micha yvmmvt afv̄m-mi untuchina hō Israēl a nan im apesa tok.

15. Mihmvt Hillel ushi Abton Pilahlonait vt illi cha, Pilahlon Eflaim i yakni Amalekait nvnih hak o a hollopi tok.

CHAPTA XIII.

YUMOHMI ma Israēl im vlla vhleha hv̄t anonti nana ik achukmo ka Chihowa itikba a yvmohmi tok: mihma Chihowa yvt afv̄m-mi pokoli ushta hō Filistin okla hā ibbak fobki tok.

2. Mihma Tan ai in chuka achvfa Solah hatak achvfa hosh ahanta hosh hoehchifo kv̄t Manoah atok; mikma yvma tekehi vt vlla ik im iksho yatuk osh ik esho tok.

3. Mihma ohoyo hash Chihowa im enchil vt i haiaka cha, Yakeh! vlla ik im iksho chia yatuk osh chik esboshke: yohmi kia vlla ish shali cha, vlla nakni yo ish esha chī hoke,

4. Yvmohmi ka himak a ahah! ish ahni cha, oka paki, micha nan ishko kv̄llo nana kia chik ishko kashke, micha nana ik kashofo nana kia chik po kashke, chim asilhha lishke.

5. Yakeh! vlla ish shali cha, vlla nakni yo ish esha chī hoka: mikma nutakhish ishit shafi nana kia noshkobo hā onvtoyula he keyu hoke: vlla yvmmvt im oshvto foka mo-ma hosh Chitokaka i Nasalait ya chī hoke: micha Israēl a Filistin okla ibbak a a hlakofichit isht ia chī hoke, im achi tok.

6. Yvmohmi ma ohoyo hash osh i hatak a ont im anolit, Chitokaka a minti hosh hatak vt v̄m v̄la kv̄t i nashuka yvt Chitokaka im enchil nashuka chiyuhmi, holitopa fehna tuk: yohmi kia a minti tuk a ak i ponaklo, hoehchifo hak kia ik sv̄m anolo tuk oke.

7. Yohmi kia, Yakeh! vlla ish shali cha, vlla nakni yo ish esha chi hoke; yohmi ka himak a oka paki, micha nan ishko kvllo nana kia chik ishko kashke, micha nana ik kashofo nana kia chik po kashke: vlla yvmvt im oshvto foka moma hosh Chitokaka i Nasalait osh ayvt illa hi oke, vm achi tuk oke, achi tok.

8. Yvmohmi ma Manoah vt Chihowa ya im asilhhvt, An Chitokaka ma! Chitokaka a minti hatak et ish pila tuk vt anonti pim vla cha, vlla vta chi ka e kaniohmicha chi ka pim avrchashke, achi tok.

9. Mihma Chitokaka yvt Manoah vt anumpuli ka i hapo-naklo tok; atuk o anonti ohoyo hash osh osapa binili ma, Chitokaka im enchel vt im ona tok: yohmi kia i hatak Manoah vto iksho tok.

10. Mihma ohoyo hash osh tushpvt ivt malelit, i hatak a ont im anoli cha, Yakeh! hatak vt nitak inla kash vm vla kash osh a haiakvshke, im achi tok.

11. Mihma Manoah vt wakaya mvt, tekchi ya awant ia cha, hatak ash im ona cha, Hatak chishno ak osh ohoyo ha im anumpuli tuk chia hoh cho? im achi ma, Mih sia hoke, achi tok.

12. Mihma Manoah vt, Yohmi ka himak a chim anumpa hvv ont ai ahlashke. Katiohmi hosh vlla nana il im apesa chi cho? micha nanta ho il i katiohmicha chi cho? achi tok.

13. Mihma Chihowa im enchel vt Manoah ya, Nana moma ohoyo ha im achi li tuk a ithaiyanashke.

14. Paki vpi nana atoba imma ka vpa he keyu, oka paki, micha nan ishko kvllo nana kia ik ishko kashke, micha nana ik kashofo nana kia ik po kashke: nana moma im apesa li tuk a ithaiyanashke, im achi tok.

15. Mihma Manoah vt Chihowa im enchel a, Chi ataklvmmmit issi kosoma ushi ya e chim atahli hayashke, chim asilhha lishke, im achi tok.

16. Mihma Chihowa im enchel vt Manoah ya, Chik si ataklvmmi hoh kia, chi vska ya vpa la he keyu: yohmi ka nahukmit isht aiokpuchi ish im issa hokmvt, Chihowa hak

o isht ish aiokpvehashke, im achi tok. Chihowa im enchel oka, Manoah vt ik ithano hatuk oka.

17. Mihma Manoah vt Chihowa im enchel a, Chi hohchifo hvt nanta hoh cho? yohmi tukma nana ish achi tuk puta kv̄t ont ai ahlikma, e chi holioblashke, im achi tok.

18. Mihma Chihowa im enchel vt, Nanta katiohmi ho sa hohchifo ha ish a ponaklo cho? na fehna yoka, im achi tok.

19. Yvmohmi ma Manoah vt issi kosoma ushi, micha nan il impa isht aiokpvechi aiena ka ishi cha, tvli ai onochit Chihowa im issa tok: mihma enchel ash osh nana a fehna ka yvmihchi na Manoah, micha tekchi itatuklo kv̄t pisvt hieli tok.

20. Yakohmi tok oka, luak vt libbit alta takalit vba pilla maya ma, Chihowa im enchel vt vba ivt alta luak libbi ka itibafoyukt ia tok; mihma Manoah, micha tekchi vt pisa tok, mihmvt nashuka ya aka ishit hlipkvechi tok.

21. Yohmi kia Chihowa im enchel vt i himmakma Manoah, micha tekchi itatuklo ka ik i haiako tok. Yohmi ma Chihowa im enchel atuk a Manoah vt ithana tok.

22. Mihma Manoah vt tekchi ya, Pilli pulla chi hoke, Chitokaka ya e pisa hokvt, im achi tok.

23. Yohmi kia tekchi vt, Chihowa yvt pilla he ak o vllh-pesa ahni hokmvt, nahukmit isht aiokpvechi, micha nan il impa isht aiokpvechi aiena ka pibbak a ai ishit pim aiokpvecha he tuk keyu; micha nana ilvppa puta ka pi haiakvecha he tuk keyu, micha himak ak kia nana ilvppa puta ka pim anola he tuk keyu, im achi tok.

24. Atuk o ohoyo hash osh vlla eshi cha, hohchifo ha Samson hochifo tok. Mihma vlla yvt hofantit isht ia ma, Chihowa yvt yukpali tok.

25. Mihma yvmvt Solah, micha Eshtaol ititakla Tan binah ha ahanta ma, nitak kanimikma Chihowa imi Shilombish vt ilhkolichit isht ia beka tok.

CHAPTA XIV.

MIHMA Samson vt Timnalh a ona cha, Filistin okla ushetik vhleha ha ai achvfa ohoyo ho Timnalh a a pisa tok.

2. Atuk osh falamvt vla mvt, iki, micha ishki itatuklo ka im anoli mvt, Filistin okla ushetik vhleha ha ai achvfa ohoyo ho Timnalh a a pisa li tuk: yvmohmi hoka himak a sa tekchi yachi ho ishit hvs sv mashke, achi tok.

3. Yvmohmi ma iki, micha ishki itatuklo kvv, Chitibapishi vhleha, keyukmvt vm okla moma ka ushetik vhleha ha ohoyo hvv iksho nanta ho, ivv hakshup ik tapo Filistin okla ha ohoyo ish ai isha chi cho? im achi tok. Mihma Samson vt iki ya, Isht is sv mashke, ahninchii li fehna hoka, im achi tok.

4. Yohmi kia Chihowa yak atuk mak o Filistin vhleha ha nan isht mihvt i sanali anukfilli ka iki, micha ishki itatuklo kvv ik akostinincho tok; nitak yvmmak oka Filistin okla hvv Israel a i shahli tok.

5. Yvmohmi ma Samson, micha iki, micha ishki aiena kvv Timnalh a ivv ona tok, micha Timnalh paki ahollokchi ya ona tok: mihma yakeh! koi chito himita yvt kilihivv afama tok.

6. Mihma Chihowa imi Shilombish vt onvtola fehna ma, issi kosoma ushi yokma yvmihcha he tuk vt chohmichit hli-levvi tok, yohmi kvv ibbak a nana foka tok keyu: yohmi kia nana kaniohmichi tuk vt iki, micha ishki itatuklo ka im anoli tok keyu hoke.

7. Mihma ia cha, ohoyo hash ont it im anumpuli tok: mihmvt Samson vt ahninchii fehna tok.

8. Atuk osh nitak inla ma ohoyo hash isha chi hosh ia tuk osh koi chito illi yash pisa chi hosh fullota tok; micha yakeh! foishki, micha foi bila aiena kvv koi chito illi yash anukaka ya aiasha tok.

9. Mihma ibbak isht ishi cha, ahampvt ia tuk osh, iki micha ishki itatuklo ai ashwa ka ona mvt, ima na vpvv okla tok: yohmi kia foi bila ya koi chito illi yash anukaka ya ai ishi tuk vt ik im anolo tok.

10. Yohmi ma iki vt ohoyo ai vttta ka ona tok: mihma Samson vt ipetvchi ikbi tok: hatak himithoa yvmmak o yohmi beka tok oka.

11. Atuk o yakohmi tok, okla pisa mvt, itapeha chi ka it i kana pokoli tuchina ho okla isht vla tok.

12. Mihma Samson vt Inta! himak a nana it im ithana

hvehin takalichi lashke: hvsh yvmohma hinlakmut, nitak untuklo ipetvchi itintakla ka hvsh ithana cha, hvs svm anoli pullakma, ilefoka lumbo pokoli tuchina, micha nafohka fohka pokoli tuchina hō hvch ima lashke:

13. Amba hvs svm anola he keyukmut, hvchishno ak osh ilefoka lumbo pokoli tuchina, micha nafohka fohka pokoli tuchina hō hvs svmashke, im achi tok. Mihma, Nan it im ithana ya ish takalichikma, e haklashke, im achi tok.

14. Mihma yvmmak ash osh, Nan vpa ya ilhpak osh a kohecha tuk, micha kvilo ya na champuli yosh akohecha tuk oke, im achi tok. Mihma nitak tuchina ka nan it im ithana ya otvninchit anola he keyu tok.

15. Atuk osh nitak ont isht untuklo ma Samson tekchi ya, Chi hatak a ish haksichi na pim anolashke, keyukma chishno, micha chiki in chuka achvfa ya luak isht e chi hukma chi hoke: nana il ieshi tuk a hvsh pim ai isha chi kv hvsh pi hoyo tuk o? yvmmak keyu? im achi tok.

16. Mihma Samson tekchi ash osh yayvt, Is sa nukkilli kak bano cha, is sa hullo keyu hoke: vm okla in chipota ha nan it im ithana ish in takalichi ho kak osh chik svm anoloshke, achi tok. Mihma, Yakeh! aki, micha hvshki okma, ak im anolo kv, chishno ya chim anoli la hinla? im achi tok.

17. Mihma nitak untuklo ipetvchi isht asha itintakla ka yahaya tok: atuk o yakohmi tok, nitak ont isht untuklo ma anumpulichi fehna hatuk o im anoli tok: mihma im okla in chipota ha nan it im ithana ya im anoli tok.

18. Mihma nitak ont isht untuklo kv hvshi vt ik okatulo kisha hō tmaha holihta hatak vhleha hv, Nanta hak osh champuli kv foi bila ya i shabli cho? micha nanta hak osh kullo kv koi chito ya i shabli cho? im achi tok. Mihma, A wak-tek himita ishit hvsh patoffi keyu tuk mv, a nan it im ithana ya hvsh ithana he tuk keyu, im achi tok.

19. Mihma Chihowa imi Shilombish vt onvtola ma, ivt Ashkelon a hatak pokoli tuchina hō vbi cha, wehpulit, nan it im ithana yash ithanvt okla hv otvninchi tuk a nafohka fohka kanohmi ka ima tok. Michu chukvsh libbi mv, iki in chuka ia tok.

20. Amba Samson tekchi ano ai itapeha ymma i kana chohmichi kash o ima tok.

CHAPTER XV.

YOHMI tuk kia yakohmi tok, nitak i himmak foka ma onush vmo yo, Samson vt issi kosoma ushi ishi cha, tekchi ya i nowvt ona tok; micha, Aboha ya chukowvt, sa tekchi ya iba chukowa lashke, achi tok. Yohmi kia iki vt ik chukowá, ik im ahno ki tok.

2. Mihma iki vt, Ish shitilemvt vmohmi ahni li kv̄t ahli tuk; yvmohmi hatuk osh ish ai itapeha ya ima li tuk: nakfish vt aiokli kv̄t i shahli keyu? atobbichit ymmak o ish ishaskhe, chim asilhha lishke, achi tok.

3. Mihma Samson vt ymma isht anumpuli mvt, Himak a nan ik im achukmo ka ak yvmihchi hoh kia, anumpa onvtola keyu kv̄t Filistin vhleha ha i shahli la chi hoke, achi tok.

4. Mihma Samson vt ivt, chula tahlepa tuchina ho hokli cha, hasimbish bika ititikelichi cha, hasimbish tuklo ka itintakla pva ha takalichi tok.

5. Micha pva ha luak lapalichi cha, Filistin vhleha im onush hikia ka, pit tihleli na onush talakchi, micha hikia aiena, micha paki ahollokchi, micha alif aiena ka hukmit tahli tok.

6. Yvmohmi ma Filistin vhleha hv̄t, Kv̄ta hosh yakohmichi cho? achi tok. Mihma afalamichit, Samson Timnait iyup ak oke, tekchi yatuk a im ishi cha, ai itapeha ya ima kak o yvmihchi hoke, achi tok. Mihma Filistin vhleha hv̄t vlv̄t ymma, micha iki aiena ka luak ishit hukmi tok.

7. Mihma Samson vt, Ilvppak okvno hv̄sh yvmihchi ak inli kia, hv̄chishno ya il aiokha la chi hoke, micha i himmakma issa la chi hoke, im achi tok.

8. Mihmvt lauachit vbi na iyubi achoshuli, micha iyubi aiena kv̄t iti onvtola tok. Mihmvt Etam tv̄li chiluk ona cha, ai v̄tta tok.

9. Yvmohmi ma Filistin vhleha hvt ivt, Chutah ya a bi-nachi cha, Lehi ak o pataiyvt aya tok.

10. Mihma Chutah hatak vhleha hvt, Nanta katiohmi h_o pitibit hvsh la cho? achi tok. Mihma afalamichi mv_t, Samson ak o e takchi cha, nana pi kaniohmichi tuk a ilap ma e yvmihcha ch_i hosh e la hoke, achi tok.

11. Yvmohmi ma Chutah hatak tahlepa sipokni tuchina hosh Etam tvli paknaka ona cha, Samson a, Filistin okla hvt p_i shahli ya chik ithano ke tuk oh cho? ilvppvt nanta h_o ish pi yvmihchi cho? im achi tok. Mihma, okla si yvmihchi tuk mak o yvmihchi li tuk oke, im achi tok.

12. Mihma, E chi takchi cha, Filistin okla ibbak e fohka ch_i hosh e la hoke, im achi tok. Mihma Samson vt, Anumpa kullo il onochit hv_s svba he keyu kv_t hv_s sa mihashke, im achi tok.

13. Mihma im anumpulit, Keyu, amba kullochit e chi takchi cha, yvma ibbak a e chi fohka ch_i hoke; amba e chiba he keyu kv_t ahli hoke, achi tok. Mihmv_t aseta himona tuklo h_o tvli ya ont ishit takchi cha, ai isht vla tok.

14. Atuk o Lehi ya vla ma, Filistin vhleha hvt i shakapa tuk: mihma Chihowa imi Shilombish vt onvtola fehna ma, aseta ishit talakchi kash osh nuchi yosh luak o ishit lua tuk chohmi tok: mihma ibbak ishit talakchi tuk vt mokohli tok.

15. Mihma issuba haksobish falaia nutakfa foni himona yo ahayuechi cha, ibbak a pit weli cha, ishi mv_t, hatak tahlepa sipokni achvfa h_o isht vbi tok.

16. Mihma Samson vt, Issuba haksobish falaia nutakfa foni yo itvnahahchi vt itontvllhkvechi ka, issuba haksobish falaia nutakfa ya hatak tahlepa sipokni achvfa h_o isht vbi lishke, achi tok.

17. Atuk osh yakohmi tok, anumpulit issa mv_t, nutakfa foni ya kanchi cha, yvma Lamalh-lehi hochifo tok.

18. Mihmv_t itukshila fehna mv_t, Chihowa ya i pahayvt, A hlakofi chinto ilvppa chin tishu ha ibbak ish fohkishke: mihma himak a itukshila hosh svlli cha, hakshup ik tapo ibbak fohka la ch_i cho? achi tok.

19. Yohmi kia Chitokaka yvt nutakfa kulukbi ya pahlvli

na oka vut kohcha tok: mihma ishko mut, im ilhfiopak vt anonti i falama cha, nipi okcha tok. Yumohmi ho yumma hochifot Enhakkoli achi tok o, himak nitak a Lehi ya talaia lroke.

20. Micha Filistin okla i nitak a afummi pokoli tuklo ho yummak ash osh Israel a nan im apesa tok.

CHAPTER XVI.

ATUK osh Samson vt Kasa ya ona cha, yumma ohoyo haui pisa cha, iba chukowa tok.

2. Atuk o Kasait vhleha ha im anolit, Samson vt ilvppa vlshke, achi tok. Mihma afulloblit holihta okhissa im aiechit aiasha na ninak achvfa tok: mihmut, Onnahinli onnut tahak mak o e bashke, achi mut, nuktaiyavt ai asha na ona tok.

3. Mihma Samson vt itonla na ninak iklna tuk osh ninak iklna ma wakaya cha, holihta okhissa isht okshilita, micha iti hieli tuklo, micha iti okhowata aiena ka ishi cha, isht iabanali cha, isht ivt, nunih Heblon itikba hikia ka paknaka isht ona tok.

4. Atuk osh yakohmi tok, i himmakma Solek okfa ohoyo yumma hochifo kut Telilah ya anushkunna tok.

5. Mihma Filistin okla i hochitoka vhleha hut im vla cha, Ish haksichi cha, isht im ai i hlampko chito kut kanima yak o itola ka, micha kaniohmi kak osh il imaiya hinla aiena ka ish im akostininchi na e takchi cha, il ilbvshalashke; mikma e moyuma kut teli hvta tushahli tahlepa auah achvfa ho e chimashke, im achi tok.

6. Mihma Telilah vt, Samson a, Isht chim i hlampko chinto kut kanima yak o itoyula hokma, micha nana ho isht chi talakchi na chilbvshala hinlakma is sum anolashke, chim asilhha lishke, im achi tok.

7. Mihma Samson vt fuli okchaki untuklo shileli tok keyu ho ishit sa takchi hokma, sa kotvt, hatak inla kak inli chohmi la hinla hoke, im achi tok.

8. Mihma Filistin okla i hochitoka yvt fuli okchaki untuklo shileli tok keyu ho isht im ona na ishit takehi tok.

9. (Atuk o hatak vt im aiehechi kvt aboha anukaka apehvt asha tok.) Mihma, Filistin vhleha hvt chishishke; Samson ma! achi tok. Mihma fuli okchaki tvptuli kvt nuchi ponola hosh luak haleli cha, tvptua ka chohmichi tok. Yohmi ho a hlampko ka ik akostinincho tok.

10. Mihma Telilah vt Samson a, Yakeh! peh is sa yimmichi cha, is sa holabishke; himakvno nana ho ishit chi talakcha hinla ka is svm anolashke, chim asilhha lishke, im achi tok.

11. Mihma, Aseta himona nana ishit talakchi tok keyu ho kvllochit ishit sa takehi hokma, sa kotvt, hatak inla kak inli chohmi la hinla hoke, im achi tok.

12. Yohmi ma Telilah vt aseta himona ishi cha, ishit takchi mvt, Filistin vhleha hvt chishishke, Samson ma! im achi tok. (Mihma im aiehechi vt aboha anukaka asha tok.) Mihma ponola nana chohmichit shakba ishit talakchi tuk vt tvblit kanchi tok.

13. Mihma Telilah vt Samson a, Himak a ant vhli is sa yimmichit is sa holabi bekvshke, nana ho ishit chi talakcha hinla kvt vm anoli, im achi tok. Mihma, Sa noshkobo pashi tvnna untuklo ka ponola vpi ish a tvnvechi hokmvno, im achi tok.

14. Mihma chofak ash isht a nvhlichit kvllochi mvt, Filistin vhleha hvt chishishke, Samson ma! im achi tok. Mihma nusit itonla tuk vt nana atvna iti okhovata chofak ash, micha ponola vpi aiena ka ishit ia tok.

15. Mihma, Katiohmi kak osh, Chi hullo li, ish acha hinla? chi chukvsh vt svbafoka keyu kvt, im achi tok. Ilvpvt ont isht atuchina mak o is sa yimmichi cha, chim i hlampko chito vt ai itola ka chik svm anoloshke, im achi tok.

16. Atuk o yakohmi tok, onna hosh onnakma im anumpa ha isht im achivt atushpalechi fehna tok; yohmi ho imi shilombish vt im okpulot illa he chiyuhmi tok:

17. Yohmi na chukvsh nana anukfohka tuk vt moma im anolit, Nutakhish ishit shafi vt sa noshkobo ha onvtoyula

tok keyu chatuk oke: hvshki im oshvto fohka li moma hosh Chitokaka i Nasalait sia hatok okvt: sa shafa hokma, im i hlampko vt a kvnia cha, sa kotvt, hatak inla kak inli chohmi la hinla hoke, im achi tok.

18. Mihma chukvsh nana anukfoyuka hatuk vt moma im anoli na Telilah vt pisa mvt, Filistin okla i hochitoka vhleha ha i howvt hoyo cha, Himonna ilvppa hvsh lashke, chukvsh nana anukfoyuka kvt moma vm anoli hoka, achi tok. Yvmohmi ma Filistin okla i hochitoka vhleha hvv tvi holisso ya ibbak isht ishit im vla tok.

19. Mihma iyikvlaha paknaka a nusichi tok; mihmvt hatuk o hoyo cha, noshkobo pashi tvnna untuklo kash shafichechi tok: micha hotopalit isht ia ma, im i hlampko vt i kvnia tok.

20. Mihma, Filistin vhleha hvv chishishke, Samson ma! achi tok. Mihma nusi tuk vt okcha mvt, Tikba yohmi li beka tuk vt chohmi lish, kohchvt ile tahtoli lashke, achi tok. Micha Chihowa yvt issvt ia tuk a ik ithano tok.

21. Amba Filistin vhleha hvv ishi cha, nishkin a fotohlt kocha wehli mvt, Kasa ya isht ona cha, asonak lakna ibbak a abehlit takchi tok; mihma aboha kvllo ya afotohli tok.

22. Yvmohmi kia noshkobo pashi vt shafa hayvt anonti offot isht ia tok.

23. Yvmohmi ma Filistin okla i hochitoka vhleha hvv nan vbit isht aiokpvechi chinto ho i naholbvt toba Takon a im issvt na yukpvt ai asha chi hosh iti hoyot itvnaha tok: mihmvt, Pi naholbvt toba yak osh Samson pin tvnvp a pibbak a fohki tuk oke, okla achi hatuk okvt,

24. Mihmvt okla pisa mvt, i naholbvt toba ya ahninchit isht anumpuli tok: Pi naholbvt toba yak osh pin tvnvp, micha pi yakni okpvi, lava ka pibi tuk a pibbak a fohki tuk oke, okla achi hatuk okvt.

25. Atuk o yakohmi tok, okla chukvsh yukpa mvt, Samson a ho hoyo na pim itukhlakavvt pi yukpvechashke, achi tok. Mihma Samson a aboha kvllo kohchit hoyo tok: mihma im itukhlakavvt yukpvechi tok: mihma tonik tuklo ho ititakla hilechi tok.

26. Mihma Samson vt vlla ibbak halvli tuk a, Uhpesa is svn ahni na tonik chuka vt onvtoyula ka potoli lish, ataya lashke, im achi tok.

27. Chuka yoka hatak, micha ohoyo aiena kv̄t alotowa tok: mihma Filistin okla ī hochitoka moma kv̄t yv̄mma āsha tok: mikma hatak, micha ohoyo tahlepa sipokni tuchina foka hosh Samson vt im itukhlakafvt yukpv̄chi ka pisa kv̄t, aboha ishit holmo paknaka aiasha tok.

28. Mihma Samson vt Chihowa yā ī paya cha, Chihowa Chitokaka ma! is svthaiyanashke, chim asilhha lishke, micha is sa hlampkochashke, chim asilhha lishke, yohmi na himonna ilv̄ppak bano h̄o sa nishkin tuklo tuk ā Filistin v̄hleha h̄a il aiokha lashke, Chitokaka ma! achi tok.

29. Mihmvt Samson vt tonik tuklo iklv̄na hieli chuka yvt on talavt v̄ba takali tuk ā ibbak isht impakimma achv̄fa ka isht ishi mvt, achv̄fa yā ibbak v̄lhfv̄bekimma isht ishi tok.

30. Mihmvt Samson vt, Filistin v̄hleha h̄a awant svllashke, achi tok. Mihmvt alushummit il akachunolechi tok: mihma chuka vt hochitoka v̄hleha, micha okla moma aiena anuka āsha tuk ā ō kinafa tok. Yohmi h̄o ambit illi na illi kak osh laua kv̄t okchaya mvt, v̄bi tuk ak kia ī shahli tok.

31. Mihma itibapishi v̄hleha hv̄t, micha īki in chuka moma kv̄t ona cha, ishit īki Manoah im ahollopi Solah, micha Eshtaol itintakla yak ō isht onvt a hohpi tok. Mihma Israel ā afv̄m̄mi pokoli tuklo h̄o nan im apesa tok.

CHAPTA XVII.

MIHMA Eflaim nvnih hatak osh anta yv̄mma hohchifo kv̄t Mikah atok.

2. Mihma yv̄mmak ash osh ishki yā, Tuli hv̄ta shekel tahlepa auah achv̄fa chim ishi na sa haksobish vt a h̄aklo h̄o nana ik achukmo im ahnit ish mihachi chash yakeh! an tonla hoke; vno ak osh ishi li tok, im achi tok. Mihma ishki vt, Chihowa ī holitopa chia hashke, sv̄so ma! achi tok.

3. Atuk o tvi hvta auah achvfa kash falvminchit ishki ya ima ma, ishki vt, Tvi hvta svbbak foyuka tuk vt Chihowa ya i hullochi li mak osh i hullochi li tuk o, svso hv tvhlt naholvt toba, micha bilelit naholvt toba itatuklo ka ikba chin tuk atuk oke : yohmi hoka himak a chi falvmmichi lashke, achi tok.

4. Yohmi kia tvi holisso yash ishki ya i falvmmichi tok ; mihma ishki vt tvi hvta shekel tahlepa tuklo ho ishi cha, tvi hvta ikbi ya ima na yvmmak ash osh tvhlt naholvt toba, micha bilelit naholvt toba itatuklo ka ikbi tok : mihma Mikah in chuka yak o hielit tok.

5. Mihma hatak Mikah yash osh, naholvt toba puta in chuka yvt i hikia cha, efot, micha telafim aiena ka ikbi mv, ushi vhleba ha achvfa ho hullochi na yvmmak ash osh naholitompa isht vtta in toba tok.

6. Nitak yvmma foka ka Isael a miko vt iksho tok ; amba hatak puta kv ilap nishkin ai im vhpiesa aiyukali hosh yvmohmi beka tok.

7. Mihma hatak himita yosh Behlehem-chutah minti, Chutah in chuka achvfa, yvmmvt Lefait osh yvmma ahanta tok.

8. Mihmvvt hatak yvmmak ash osh in tvamaha holihta Behlehem-chutah ya kohevvt kanima ai vtta ahayuchikmv, vtta chi hosh ia tok : atuk osh nowvt aya mv, Eflaim nvnih Mikah in chuka ya ona tok.

9. Mihma Mikah vt, Katima ish minti cho ? im achi tok. Mihma Lefait sia hosh Behlehem-chutah minti li hosh ai vtta kanima ahayuchi likmv, vtta la chi hosh aya li hoke, im achi tok.

10. Mihma Mikah vt, Sa takla ish vtta cha, aki, micha naholitompa isht vtta is san tobashke ; mikma afvmmikma tvi hvta shekel pokoli ho chima likmv, nafohka fohka achvfa, micha il impa aiena ka chima lashke, im achi tok. Yohmi ho Lefait ash osh chukowa tok.

11. Mihmvvt Lefait vt hatak ash takla ahanta kv im achukma tok ; mihma hatak himita yash osh yvmma ushi vhleba achvfa kak inli in chohmi tok.

12. Mihma Mikah vt Lefait ash hullochi tok; mihma hatak himita yash osh na holitompa isht vtta in toba cha, Mikah in chuka ya ahanta tok.

13. Yohmi ma Mikah vt, Chihowa yvt nana achukma an yumiheha chi ka himak ano ithana lishke, na holitompa isht vtta vt Lefait osh vm anta hokvt, achi tok.

CHAPTA XVIII.

NITAK ymma foka ka Isael a miko vt iksho tok: micha nitak ymma foka ka Tan aiunchololi hvvt yakni ai isha he vhpesa aiasha chi kvv hoyo tok; nitak ymma ont vhli ka ai isha he vhpesa moma kvv Isael ai unchololi puta ka iba takvt, ik im vhpiso kisha hatuk okvt.

2. Mihma Tan im vlla vhleha hvv in chuka achvfa ak inli ka aiasha ai vhli Solah, micha Eshtaol a hatak tahlapi, hatak chilita nukwia iksho yo yakni hoyot pisvt tahla chi ho a tiheli tok; micha, Oh ia cha, yakni hvsh hoyashke, im achi tok: atuk o ymmak ash osh Eflaim nvnih Mikah in chuka ona mvt, okla a nusi tok.

3. Mikah in chuka ya ona mvt, Lefait hatak himita yash anumpuli ka ithana tok: mihmvt ymmak o iba chukowa cha, Kvta hosh chisht vla tuk o? ilvppa nanta ho isht ish vtta ho? micha nanta hosh ilvppa chim a sha cho? im achi tok.

4. Mihma, Yakohmi, micha yakohmi aiena kak o Mikah vt an yumihehi cha, sa tohno ho naholitompa isht im vtta sia hoke, im achi tok.

5. Mihma, Il atia ymma il ia kvv pim aihla chi hokma nana ka Chitokaka ya ish im a ponaklashke, im achi tok.

6. Mihma naholitompa isht vtta yash osh, Achukmakvt hvsh ayashke, hvch i hina ymma hvsh ia kvv Chihowa itikba yoke, im achi tok.

7. Yohmi ma hatak tahlapi kash osh ia mvt, Laish a ona cha, okla ymma aiasha kvv abah! ahni iksho, Sitionian vhleha a yvmohmi chatuk ak inli holba hosh nuktaiyalvt, nuk-

tahla keyu hosh aiasha hō pisa tok; micha miko im a_usha tuk osh im alv_umma hinla kv̄t iksho tok; Sitionian okla hō i hopaki cha, hatak nana kia nana it i kaniohmi keyu tok.

8. Mihma itibapishi vhleha hv̄t Solah, micha Eshtaol aiasha ka im v̄la tok; mihma itibapishi vhleha hv̄t, Nanta hō hv̄sh achi cho? im achi tok.

9. Mihma, Hv̄sh wakaya na iv̄t ont iloh itibashke: yakni ya ont e pisa ka yakeh! achukma fehna: mihma lumv̄t hv̄sh aiasha cho? iv̄t ont hv̄sh chukowa cha, yakni ya ishi ka hv̄sh sv̄laha ná.

10. Hv̄sh iakmvt, okla nuktahla keyu yosh aiasha, micha yakni chito hō hv̄sh ona ch̄i hoke: Chitokaka yv̄t hv̄ch ibbak a fohki tuk oka; yv̄mma nana hosh yakni moma aiasha kv̄t iksho keyushke, achi tok.

11. Mihma Tanait in chuka achv̄fa vt yv̄mma asht Solah, micha Eshtaol a a kohchvt ia kv̄t hatak tahlepa hannali hosh tv̄nvp̄ aya nahalupa il apakshv̄nnit in taiyaha hosh ia tok.

12. Micha ia cha, Chutah yakni Kichalh-chealim a abinachi tok: yohmi hosh yv̄mma Mahaneh-Tan hochifo tok a himak nitak a moma hoke; yakeh! Kichalh-chealim im ashaka ya talaia hoke.

13. Micha yv̄mma asht ia mvt, Eflaim nv̄nih onvt, Mikah in chuka ya ona tok.

14. Yv̄mohmi ma hatak tahlapi Laish yakni pisvt aya tuk ash osh itibapishi vhleha hā, Chuka ilv̄ppa talohmaya ka efot, micha telafim, mikmvt tv̄hlt naholbvt toba, micha bilvt naholbvt toba aiena kv̄t a_usha ka hv̄sh ithana cho? yv̄mohmi ka himak a nana hv̄sh kaniohma ch̄i kv̄t hv̄sh anukfillashke, im achi tok.

15. Micha yv̄mma pilla hō iv̄t, Lefait hatak himita yash in chuka, Micha in chuka ya ona cha, aiokpv̄chi tok.

16. Mihma hatak tahlepa hannali hosh tv̄nvp̄ aya, nahalupa il apakshv̄nnit in taiyaha, Tan im v̄lla vhleha hash osh achukowa holihta okhissa yak o hieli tok.

17. Mihma hatak tahlapi yakni pisvt aya tuk ash osh iv̄t, ont chukowa cha, tv̄hlt naholbvt toba, micha efot, mikmvt

telafim, micha bilvt naholbvt toba aiena kash ishi tok: mihma naholitompa isht vtta yvt achukowa holihta okhissa hatak tahlepa hannali hosh t̄vnp̄ aya nahalupa il apakshvnnit in taiyaha kash takla hikia tok.

18. Mihma ilvppak osh Mikah in chuka ya ont chukowa cha, tvhlvt naholbvt toba, micha efot, micha telafim, micha bilvt naholbvt toba aiena kash ont isht kocha tok. Yohmi na naholitompa isht vtta yash osh, Katiohmi h̄ hvsh yvmihchi cho? im achi tok.

19. Mihma, Ish anumpuli kv̄t issá, chibbak ā chiteh h̄a isht ish akamolashke, micha pi awant ish ia cha, p̄iki, micha naholitompa isht pim vtta ish tobashke: hatak achvfa in chuka yo naholitompa isht vtta ak okmá, ak cho? Israel ā chuka achvfa yvmmvt Israel ā apelihchika achvfa naholitompa isht im vtta ak okmá, katimampo kak osh achukma kv̄t chim ī shahli cho? im achi tok.

20. Mihma naholitompa isht vtta yash osh chukvsh yukpa mv̄t, efot, micha telafim, micha tvhlvt naholbvt toba aiena kash ishi cha, okla iklvna hikivt ia tok.

21. Yohmi mv̄t okla filema cha, ia mv̄t, wak, micha vlla micha na-weki aiena ka tikba hilechi tok.

22. Atuk osh Mikah in chuka ya hopakichit tahli ma, hatak Mikah in chuka bilika chuka taloha aiasha tuk vt iti hoyot itvnaha cha, Tan im vlla vhleha h̄a ont sakki tok.

23. Mihma Tan im vlla vhleha h̄a ī paya tok. Mihma okla et filema cha, Nanta ch̄i katiohmi hosh okla yohmi h̄o pehlichit ish la cho? im achi tok.

24. Mihma, naholbvt toba puta ikbi li tok, micha naholitompa isht vm vtta ya hvsh ishi cha, hvsh tvmoa tuk: yohmi ka himmakma nanta hosh vm āsha cho? micha nanta katiohmi h̄o Ch̄i katiohmi cho? ilvppa is sv̄m achi kv̄t nanta hoh cho? achi tok.

25. Mihma Tan im vlla vhleha hv̄t, Chim anumpa h̄a pititakla ik a haklashke, hatak chukvsh homi vhleha hv̄t chi o maleli na chishno, micha chin chuka achvfa aiena kv̄t illi yoba ná, im achi tok.

26. Mihma Tan im vlla vhleha hv̄t ai ia hetuk vt ilhkoli

tok: mihma kullo kv̄t ilap ā ī shahli na Mikah vt pisa mv̄t, falamv̄t in chuka yā ona tok.

27. Mihma nana Mikah vt ikbi tuk, micha naholitompa isht im vtta aiena im vtta tuk ā im ishi cha, Laish ckla nuktaiyalvt nuktaḥla keyu hosh aiasha ka ona tok: micha bv̄shpo falaia halupa isht issot kanchi cha, tmaha holihta yash luak ishit hukmi tok.

28. Mihma hlakofichi vt iksho tok: Siton ā ī hopaki, micha hatak inla yā nana it ī kaniohmi keyu; micha okfa yosh Belh-lehob bilika bachaya kak ō talaiia hatuk oka. Mihma tmaha holihta ikbi cha, yvmmak ō okla aiasha tok.

29. Mihmv̄t tmaha holihta yā iki Tan Islael im vtta tok ak ō a hochifochit Tan achi tok: yohmi kia tmaha holihta hohchifo vt vmmona ka Laish atok.

30. Mihma Tan im vlla vhleha hv̄t tv̄hvt naholbv̄t toba yā hilechi tok; mihma Manasseh ushi Keshom ushi Chonahlan yvmma, micha ushi vhleha aiena kak osh Tan ai unchololi yā naholitompa isht im ahashwa na nitak yakni vt yuka ka ont vhli tok.

31. Mihma tv̄hvt naholbv̄t toba Mikah vt ikbi tok ā okla hilechi na, Chitokaka im aboha hv̄t Shiloh yā hikia moma ka hikia tok.

CHAPTA XIX.

A TUK ō yakohmi tok; nitak yvmma Islael ā miko vt iksho kisha ma, Lefait osh Eflaim nv̄nih chvkpatali yo vtta hosh yvmmv̄t im it aiena Belhlehem-chutah yā ai ishi tok.

2. Mihma im it aiena vt havi in toba cha, ī kv̄nivt iki in chuka Belhlehem-chutah yā ona cha, ahanta na hv̄shi ushta kv̄t hlopulli tok.

3. Mihma ī hatak ash osh wakaya mv̄t, ī kanv̄t im anum-pulit falv̄mminchit isht vla chī hosh in tishu, micha issuba haksobish falaia tuklo aiena hq̄ ishi cha, hoyot ia tok: mihma ohoyo hv̄t ilaelit iki in chuka isht ona tok: mihma ohoyo iki yash osh pisa mv̄t, itafama kv̄t nayukpa fehna tok.

4. Mihma ipochi, ohoyo himita iki vt halvli na nitak tuchina hō takla ahanta tok: yohmi hō impvt, micha ishkot, a nusi tok.

5. Atuk o yakohmi tok, nitak ont ai ushta onnahinli tani ma, ia chi hosh wakaya tok: mihma ohoyo himita iki yash osh iyup a, Pvska iskitini kia chi chukvsh isht ish hlampkochi hayak osh ish ayashke, im achi tok.

6. Mihma itatuklot impvt, micha ishkot chieya tok: ohoyo himita iki vt hatak a, Chim vlpesa cha, ish anta na ont onnashke, micha chi chukvsh vt yukpashke, im achi tok.

7. Mihma hatak ash osh ia chi hosh wakaya ma, ipochi vt im achiba tok; yohmi na anonti a nusi tok.

8. Mihma nitak ont isht tahlapi ma ia chi hosh onnahinli fehna wakaya tok; mihma ohoyo himita iki vt, Chi chukvsh a ish hlampkochashke, chim asilhha lishke, achi tok. Mihma itatuklo kv impvt oklv ahashwa na tabokoli ont ia tok.

9. Atuk o hatak ash osh ia chi hosh ilap, micha im it aiena, micha in tishu aiena kv wakaya ma, ipochi, ohoyo himita iki vt, Yakeh! himak a nitak vt opvt isht ivshke; ish anta na ont onnashke, chim asilhha lishke: yakeh! nitak vt tahlvt isht ivshke: ilvppa a chi nusi cha, chi chukvsh vt yukpashke: micha onna haya onnahinli chi hina folkvvt ish ia cha, chin chuka ya ish onashke, im achi tok.

10. Yohmi kia hatak ash osh ninak ymmvno anta he keyu hosh, amba wakaya cha ia mv, Chebus, ymmvt Chelusalem a ona tok: mihma issuba haksobish falaia i potvlhpo tuklo hō, isht aya hō im it aiena takla aya tok.

11. Atuk osh Chebus a bilika ona ma, nitak vt taha fehna tok: mihma in tishu hv, Himiak a fullotvt Chebus okla in tmaha holihta yak o il ona cha, a pi nusashke, im achi tok.

12. Mihma i shahli ash osh, Okla inla Israel im vlla vhleha keyu ka fullotvt ivt, il iba chukowa he keyu; ont ivt Kibeah ya il onashke, im achi tok.

13. Mihmv in tishu ha, Inta! Kibeah, keyukmv Lamah ilvppa kanimampo kak o fullotvt il ona cha, a pi nusashke, im achi tok.

14. Micha ont ia tok; atuk osh Kibeah yummvt Benjamin immi hō ona ma, hvshi vt pit kvnia tok.

15. Mihma Kibeah ak o chukowvt a nusa chī hosh pit fullota tok: atuk osh chukowa mvt, tmaha holihta ai itvnowa hina binili tok: hatak nana kia in chuka ishit chukowvt a nusecha hinla kvt iksho hatuk o.

16. Mihma yakeh! hatak sipokni, yummak kia Eflaim nvnih a minti ak inli hosh Kibeah vta yosh osapa toksvlit vta tuk osh opivt taha ma vta tok; yohmi kia tmaha holihta a sha kvt Benchamait vhleha atok.

17. Atuk osh akachakalit hatak nowvt aya yvt tmaha holihta ai itvnowa hina ya binili hō pisa tok: mihmvt hatak sipokni yash osh, Katima ish ia cho? micha katima ish minti cho? achi tok.

18. Mihma, Belhlehem-chutah ashvt Eflaim nvnih chvk-patali yak o ia hosh il aya, yummak o minti li yosh: Belhlehem-chutah yak o ia li tuk osh, amba himak ano Chihowa im aboha ia hosh aya li hoke: atuk o hatak nana kia in chuka ik chukowá, ik svn ahno hoke.

19. Yohmi kia hishunluk, micha issuba haksobish falaia vpa chī ka a sha; mikma pvska, micha oka paki aiena kvvno, micha chin tishu ohoyo, micha hatak himita chin tishu takla ahanta aiena hokvto im a sha, nana bvna hinla kvv iksho keyu hoke, im achi tok.

20. Mihma hatak sipokni vt, Chi nuktaiyalashke; yohmi kia nana chi bvna kvv vno ak o si onvtoyulashke: peh ai itvnowa hina ya ik chi nuso kashke, achi tok.

21. Yohmi mvt ilap in chuka ishit chukowa cha, issuba haksobish falaia ipeta tok: mihma iyi ya achifa cha, imput, micha nan ishko tok.

22. Atuk osh chukvsh yukpalit chihya ma, yakeh! tmaha holihta hatak vhleha Belial ushi vhleha yosh chuka ya a folubli cha, okhissa ya boli mvt, chuka pehlichī hatak sipokni ya im anumpulit, Hatak vt vlvv, chin chuka ant chukowa tuk a isht ish kohcha na il ithanashke, achi tok.

23. Mihma hatak chuka achvfa pehlichī yash osh kohchvt im ona cha, Keyú, itibapishi li vhleha ma! keyú, hvchim

asilhha lishke, nan ashvchi yakohmi ka hvsh yvmohmi ná : hatak ilvppvt an chuka ant chukowa hatuk oka, im anukfila iksho ilvppa hvchik yvmohmo kashke.

24. Yakeh ! svstok ohoyo himita, micha im it aiena yoke : yvmak o himak a ishit hvchi kohcha likma, hvsh hofahyalit, nana hosh hvchim achukmakmvt, hvsh yvmihchashke ; amba hatak ilvppak okvno nana ik achukmo yakohmi ka hvsh yvmihchi ná, im achi tok.

25. Yohmi kia hatak vhleha hv̄t i haponakla he keyu tok : yohmi ma hatak ash osh im it aiena ishit kohchvt isht im ona tok : mihma okla ithana cha, im ahlia na ont onna tok : atuk osh ont onvt mihinti ma ik iá, im ahni tok.

26. Mihma ohoyo hash osh onvt mihinti ma, vla cha, hatak ash in chuka i shahli hv̄t ai itola kash okhissa ant itula cha, itonla na tohwikelit taha tok.

27. Atuk o i shahli hv̄t onnahinli ma wakaya cha, chuka ash okhissa yā tiwi mvt, i hina yā ia chi hosh kohcha tok : mihma yakeh ! im it aiena ohoyo hash osh chuka okhissa yash ont itula tuk osh okhissa intola yā ibbak isht umbitepa hosh itoyula tok.

28. Mihma, Wakayá, mikma il ayashke, im achi tok. Yohmi kia afalamichit nana ik acho tok. Yohmi ma hatak ash osh ishi cha, issuba haksobish falaia onochi cha, hatak ash osh wakaya mvt, ai vta yā isht ona tok.

29. Atuk osh in chuka ont chukowa mvt, bvshpo ishi cha, im it aiena yā foni moma na tvptua auah tuklo h̄o tvptuli cha, Islael aiasha moma ka i pila tok.

30. Atuk o yakohmi tok, moma kv̄t pisa mvt, Islael vt Echip yakni yā kohchvt vla tok nitak ilvppa ant ai vhli ka yakohmi ka yvmihchi tok keyu, micha pisa tok keyu hoke : anukfibilnit it im anumpulit hvchim anukfila hā hvsh anum-pulashke, achi tok.

CHAPTA XX.

YVMOHMI ma Islael im vlla vhleha moma kv̄t kohchvt ia tok ; micha okla moma kv̄t hatak achvfa chiyuhmit

iti hoyot Tan vttvt ia kv̄t Beesheba ont v̄hli, Kileat aiena hosh Misp̄eh yā Chihowa im ai itv̄naha tok.

2. Mihma okla moma, Israel ap̄ehlich̄i moma ka noshko-boka puta tahlepa sipokni tahlepa ushta, hatak aka aya bv̄shpo falaia ieshi hosh Chitokaka im okla hosh itv̄nahvt chieya tok.

3. (Mihma Benchamin im v̄lla v̄hleha hv̄t Israel im v̄lla v̄hleha hv̄t Misp̄eh yā ona ka haklo tok.) Yvmohmi ma Israel im v̄lla v̄hleha hv̄t, Nan ashv̄chi ilv̄ppvt katiohmi hatuk 0? pim anol̄i, achi tok.

4. Mihma ohoyo illi tuk ī hatak Lefait ash osh afalami-chit, Uno micha vm it aiena aiena kv̄t a pi nusa ch̄i hosh Kibeah, yvm̄mvt Benchamin immi ak 0 e chukowa tok.

5. Atuk ak 0 Kibeah hatak v̄hleha hv̄t wakayvt a sanali cha, ninak 0 chuka yā afulloblit si apakfoyupa cha, sv̄bi bv̄nna tok: micha vm it aiena yā im ahlīa na illi tuk oke.

6. Mihma vm it aiena yā ishi lish, bv̄shlit tv̄ptulit tahli li mvt, Israel ai isha he v̄hpesa yakni moma ka hlopullichit pila li tuk oke: haui toba, micha im anukfila iksho aiena h̄o Israel ā a yvmohmi hoka.

7. Yakeh! Israel im v̄lla v̄hleha hv̄chia hokvt, ilv̄ppak oka hv̄chim anukfila, micha anumpa h̄a hv̄sh bohlashke, achi tok.

8. Mihma okla moma kv̄t hatak achv̄fa chiyuhmit wakaya cha, Pishno vt achv̄fa kia im v̄lbina h̄a il ona he keyu, micha achv̄fa kia fullotvt in chuka yā e chukowa he keyu:

9. Amba himak ā Kibeah yā ilv̄ppak 0 e yvmihchashke: na shoeli hosh ont il itibashke.

10. Mich̄a Israel ap̄ehlich̄i puta moma ka tahlepa achv̄fakma, hatak pokoli, micha tahlepa sipoknikma, tahlepa achv̄fa, micha tahlepa sipokni pokolikma, tahlepa sipokni achv̄fa il ai ishikma, okla pinak isht ayashke; yohmi h̄o Kibeah Benchamin ā onakmvt, nana ik achukmo Israel ā a yvmihchi tuk moma pulla mak 0 yvmihchashke.

11. Yohmi ma Israel hatak moma kv̄t tv̄maha holihta yā ī sanalit itv̄naha tuk vt hatak achv̄fa chiyuhmit iti halv̄lli tok.

12. Mihma Israel ap̄ehlich̄i puta kv̄t Benchamin ap̄ehlich̄i

moma ka hlopullichit hatak pilvt, Nan ashvchi ilvppvt nanta mak osh hvch itintakla a yvmohmi cho?

13. Yvmohmi hoka himak a hatak, Belial in chipota yvmmvt Kibeah a₂sha ka, pibbak hvsh fohki na e bi cha, nana ik achukmo ya₂ Israel a ai isht e kanchashke, achi tok. Yohmi kia Benchamin im vlla vhleha hv₂t itibapishi vhleha Israel im vlla vhleha im anumpa ha₂ i haponakla he keyu tok.

14. Amba Benchamin im vlla vhleha hv₂t iti hoyot, in tv₂maha holihta puta ka akohchvt Israel im vlla vhleha ha₂ itibit ia chi₂ hosh Kibeah ya₂ ona tok.

15. Nitak yvmma Benchamin im vlla vhleha hv₂t in tv₂maha holihta puta a holhtina kv₂t tahlepa sipokni pokoli tuklo cha hannali tok; Kibeah vt ik iba holhtino ka, yvm₂mak okvto holhtina kv₂t hatak aiyua vt tahlepa untuklo tok.

16. Okla moma ilvppa hatak aiyua tahlepa untuklo kv₂t afabi yosh tvli pila kv₂t, p₂ashi achvfa kia ashvcha he keyu bieka tok.

17. Mihma Israel im vlla vhleha hv₂t, Benchamin vt ik iba holhtino ka, bvshpo falai₂ ieshi kv₂t holhtina kv₂t tahlepa sipokni tahlepa ushta tok: ilvppa moma kv₂t hatak tv₂vp aya bieka tok.

18. Mihma Israel im vlla vhleha hv₂t Chitokaka im aboha ona cha, Chitokaka im anukfila im asihhv₂t, Pi katima kak osh t₂ikba ivt Benchamin im vlla vhleha ha₂ il itiba₂ chi₂ cho? achi tok. Mihma Chihowa yvt, Chutah yak ashke, achi tok.

19. Mihma Israel im vlla vhleha hv₂t onnahinli wakaya cha, Kibeah ya₂ i sanalit binachi tok.

20. Mihma Israel hatak vhleha hv₂t Benchamin a itiba chi₂ hosh kohchvt ia tok: micha Israel im vlla vhleha hv₂t Kibeah aiasha ka itiba chi₂ hosh achukmv₂t hiohli₂t taha tok.

21. Mihma Benchamin im vlla vhleha hv₂t Kibeah kohcha cha, nitak yvmma Israel okla ha₂ hatak tahlepa sipokni pokoli tuklo akucha tuklo h₂o vbit akakohli tok.

22. Mihma okla, Israel hatak vhleha hash osh ilai yimi₂tachi mv₂t, v₂mmona nitak a achukmv₂t a hiohli₂t tuk ak inli h₂o itiba chi₂ kv₂t achukmv₂t hiohli₂t tok.

23. (Mihma Israel im vlla vĥleha hvĥ Chihowa itikba ona cha, yahaya na ont opia mvĥ, Chihowa im anukfila im asilĥvt, Anonti ia lish, itibapishi li Benchamin im vlla vĥleha ĥa itibi la ĥi cho? achi tok. Mihma Chihowa yvt, Itibit hvsh iashke, achi tok.)

24. Mihma nitak atukla ma, Israel im vlla vĥleha hvĥ Benchamin im vlla vĥleha ĥa itiba ĥi kvĥ bilika ona tok.

25. Mihma Benchamin vt nitak atukla ma Kibeah ya kohĥvt ia cha, itibi tok; micha hatak tahlepa sipokni auah untuchina ĥo Israel im vlla vĥleha ĥa vbit akakohli tok: ilvppa moma kvĥ bvshpo falaia ieshi atok.

26. Yohmi ma Israel im vlla vĥleha, micha okla moma kvĥ ivĥ Chitokaka im aboha ona cha, Chihowa itikba chieyvĥ yahaya tok: micha nitak yvmma nahulloĥit aiasha na opia mvĥ, Chihowa itikba ya na hukmit isht aiokpvĥi, micha it i nanaiyvĥi isht aiokpvĥi aiena ka ai imihisa tok.

27. Mihma Israel im vlla vĥleha hvĥ Chihowa ya im a ponaklot, (Chitokaka it im apesa afoĥka itombi holiĥpa vt nitak yvmma yvmak o talaia hatok.

28. Mikma Alon ushi Eleasa ushi Finehas ak osh nitak yvmma itikba hikia tok oka,) Anonti ia lish, itibapishi li Benchamin im vlla vĥleha ĥa itibi la ĥi cho? ak cho? issa la ĥi cho? achi tok. Mihma Chihowa yvt, Hvsh iashke, onakma hvĥ ibbak a foĥki la ĥi hoke, achi tok.

29. Mihma Israel vt im aiehĥi ya Kibeah apakfoblit ashachi tok.

30. Mihma Israel im vlla vĥleha hvĥ Benchamin im vlla vĥleha ĥa itiba ĥi hosh tikba tuk ak inli choĥmit nitak ont atuchina ma achukmvĥ hiohli cha, Kibeah ya itibi tok.

31. Mihma Benchamin im vlla vĥleha hvĥ kohĥvt okla ĥa itibi mvĥ, tvmaha holiĥta ya issvĥ ia tok; hina takla achvfa kvĥ Chitokaka im aboha ia, achvfa kvĥ Kibeah osapa ia itatuklo ka foyukvĥ tikba tuk ak inli choĥmit issot, micha vbit isht ia kvĥ hatak pokoli tuchina foka ĥo vbi tok.

32. Mihma Benchamin im vlla vĥleha hvĥ, Tikba tuk a choĥmit pi tikba akakohvshke, achi tok. Yohmi kia Israel im vlla vĥleha hvĥ achi kvĥ, Kiloh i yihlepa cha, tvmaha

holihta ya akohchit isht ivt hina takla isht il onashke, achi tok.

33. Mihma Israel hatak moma kv̄t aiasha tuk vt wakayvt ia mvt, Baal-tama yak o achukmvt hiohlit, mikma im aiehchi Israel Kibeah oktak aiasha tuk vt akohcha tok.

34. Mihma Kibeah itibi kv̄t hatak tahlepa sipokni pokoli aiya yosh Israel moma a kohcha hosh itibi na palv̄m̄mi fehna tok: yohmi kia nana ik achukmo kv̄t i bilika kv̄t ik ithano tok.

35. Mihma Chihowa yvt Israel itikba ya Benchamin a issot kanchi tok: mihma Israel im vlla vhleha hvt nitak yv̄mma Benchamin a hatak tahlepa sipokni pokoli tuklo cha, akucha tahlapi, micha tahlepa achvfa ho vbi tuk ilv̄ppa moma bv̄shpo falaia ieshi atok.

36. Yohmi ma Benchamin im vlla vhleha hvt ilap ak o imaiya ka pisa tok: Israel hatak vhleha hvt im aiehchi Kibeah bilika okla ashachi tuk ak osh anukchieto hatuk osh Benchamin a i kanv̄lli tok oke.

37. Mihma im aiehchi vt tushpa hosh Kibeah ya o yihlepa tok; mihmvt im aiehchi yash osh auatvt maya mvt, tmaha holihta ya bv̄shpo falaia halupa ya isht issot kanchi tok.

38. Mihma Israel hatak vhleha, micha im aiehchi vhleha nan it im apesa kv̄t luak libbi chito ho ikbi na shobullit tmaha holihta akochvt vba ia he it im apesa tuk atok.

39. Mihma Israel hatak vhleha hvt itibi ka i kanv̄llit isht ia ma, Benchamin vt issot vbit isht ia kv̄t Israel hatak pokoli tuchina foka tok: Ummona tuk ak inli chohmit pi tikba ya illit akakoha hoka, achi hatok okvt.

40. Yohmi tuk kia tmaha holihta ya luak libbi, micha shobohli chito aiena hosh vba maya na Benchamait vhleha hvt ashaka pit filema ma, yakeh! tmaha holihta lua kv̄t vba ivt shutik a ona ho pisa tok.

41. Mihma Israel hatak vhleha hvt anonti falama ma, Benchamin hatak vhleha hvt nukhlakancha tok: nana ik achukmo kv̄t onvtola ka pisa hatuk osh.

42. Yvmohmi ma Israel hatak vhleha ha itikba ya i sha-

naiyvt, yakni haiaka pilla hō ia tok: yohmi kia in tanampi kv̄t sakki tok; mikma tmaha holihta yā koheha ka ai ititakla vbit tahli tok.

43. Yakohmi hosh Benchamait vhleha hā apakfopa cha, hliolit nana ik ahobo hō Kibeah ichapaka i hushi akocha imma yō ai ahv̄hlichī tok.

44. Mihma Benchamin vt hatak tahlepa sipokni auah untuchina hosh akakoha tok; ilv̄ppa moma kv̄t hatak chilita nukwia iksho bieka tok.

45. Okla filema cha, maleli mvt, yakni haiaka imma ivt Limmon tv̄li yā ona tok: mihma hina takla yā v̄lbulit isht aya kv̄t hatak tahlepa sipokni tahlapi tok; micha ahliovt atikonovt isht ayvt Kitom a isht onvt, hatak tahlepa sipokni tuklo vbi tok.

46. Yvmohmi hō nitak yv̄mma Benchamin vt akakoha moma kv̄t bv̄shpo falaia ieshi vt hatak tahlepa sipokni pokoli tuklo akucha tahlapi tok: ilv̄ppa moma kv̄t hatak chilita nukwia iksho bieka tok.

47. Yohmi kia hatak tahlepa hannali kv̄to falamvt malelit yakni haiaka Limmon tv̄li yak o ona tok; micha Limmon tv̄li yak o aiasha na hv̄shi ushta tok.

48. Mihma Israel hatak vhleha hv̄t falamvt, Benchamin im vlla vhleha hā tmaha holihta puta hatak ak kia, nana v̄lhpoa ai itilauechit, micha nana hō ibbak a fohkakma, bv̄shpo falaia halupa isht issot kanchi tok: micha tmaha holihta puta onakmvt, okla luak tikelichi tok.

CHAPTA XXI.

MIHMA Israel hatak vhleha hv̄t Mispēh aṣha mvt, anumpa kv̄llo il onochi mvt, Il achv̄fa kia Benchamin a tekchi ya chī ka pim ushetik il ima he keyu, ai achi tuk atok.

2. Mihmvt okla hv̄t Chitokaka im aboha ona cha, Chitokaka itikba aiasha na opia tok: micha itih hā v̄ba takalechit vahaya fehna tok.

3. Mihmvt, Israel in Chitokaka Chihowa ma! nanta ka-

tiohmi hō Israēl a ant a yakohmi na himak nitak a Israēl a apelihchi achvfa kv̄t iksho cho? achi tok.

4. Atuk osh onna ma yakohmi tok, okla hv̄t onnahinli wakaya cha, alta ikbi cha, na hukmit isht aiokpv̄chi, micha isht it̄i nanaiyv̄chi isht aiokpv̄chi aiena ka im issa tok.

5. Mihma Israēl im v̄lla vhleha hv̄t, Kv̄ta hosh Israēl apelihchi puta moma ka Chihowa im it̄vnaha ka takla kv̄t ik lo cho? achi tok. Anumpa kv̄llo fehna ile onochit, Kv̄na kia Mispeh ȳa Chihowa ȳa im ai it̄vnaha ka ik ayokmvt, illi pullashke, achi tuk atok okvt.

6. Mihma Israēl im v̄lla vhleha hv̄t it̄ibapishi Benchamin ak o ishit nukh̄aklo tok: micha, Israēl a apelihchi achvfa kv̄t himak nitak a mosholishke.

7. Hieli moma ka tekchi ya ch̄i kv̄no il ī katiohmicha ch̄i cho? Chihowa pulla anumpa kv̄llo il onochit tekchi ȳa ch̄i ka piso tek a il ima he keyu, il achi tuk okvt, achi tok.

8. Michā anonti, Kv̄ta achvfa hosh Israēl apelihchi moma ka Mispeh ȳa Chihowa ȳa ik im ai v̄lo tuk oh cho? achi tok: mihma yakeh! achvfa kia Chabesh-kileat minti kv̄t abinanchit ai it̄vnaha ȳa ik lo tok.

9. Okla h̄a hotihna ma, yakeh! Chabesh-kileat okla hv̄t achvfa kia yv̄mma iksho tok.

10. Mihma okla it̄vnaha yash osh yv̄mma hatak tahlepa sipokni auah tuklo chilita nukwia iksho moma ī shahli ka pila cha, im apesa mvt, Hv̄sh ia cha, Chabesh-kileat okla ohoyo, micha v̄lla aiena ka bv̄shpo falaia halupa isht v̄bit hv̄sh tahlashke.

11. Michā nana ilv̄ppak o hv̄sh yv̄mihcha ch̄i hoke, Nani, micha ohoyo puta hatak apota tok puta ka v̄bit tahlit hv̄sh vmohmichashke, achi tok.

12. Atuk o Chabesh-kileat okla h̄a ohoyo himita tahlepa ushta hosh nakni nana kia iba tv̄shkit ithana tok keyu yo okla ahayuchi tok: mihmvt Shiloh vlhtipo holitopa ȳa yv̄mvt Kenan yakni talaia ka isht ona tok.

13. Mihma it̄vnahv̄t aiasha tuk moma kv̄t Benchamin im v̄lla vhleha, yv̄mmvt Limmon tv̄li aiasha ka ont im anumpu- lit, ī kanvt ī howa ch̄i hō pila tok.

14. Mihma Benchamin vt nitak yvmma anonti vlla tok: mihma Chabesh-kileat ohoyo apovvt okchalnchi tuk vt tekchi okla ima tok: yohmi kia yvmmvt okla ik im ono tok.

15. Mihma Benchamin a okla ishit nukhaklo tok; Chihowa yvt Isael afehlichy puta ai ititakla ya ashahbichi hatuk o.

16. Yvmohmi ma itvnaha aiasha tuk im asvnonchi vhleha hvt, Hieli moma ka tekchi ya chi ka il i katiohmicha chi cho? Benchamin a ohoyo hvt illit taha hoka, achi tok.

17. Micha anonti, Ai isha he vhpesa vt Benchamin hla-kofi in talaiya he vhpesa, yohmi ho afehlichy achvfa kv Isael a illit ik taho kashke, achi tok.

18. Ik yohmi kia tekchi ya chi ka piso tek a il ima he keyu; Isael im vlla vhleha hvt anumpa kvllo il onochit, Kvna hosh Benchamin a tekchi imakmvt, okpulot tahvshke, achi tok.

19. Mihmvt, Yakeh! Shiloh ya yvmmvt Behlel a i falvmmi in tvnvp hina Behlel a vttvt vt Shechem ona ka hvshi akochaka imma in tvnvp, micha Lebonah im oka mahli imma ya afvmmikma Chihowa impvchi hovitopa isht aiasha chatuk oke.

20. Yvmohmi ma Benchamin im vlla vhleha ha okla im apesvt, Hvsh ia cha, paki ahollokchi ya ont im aiehchit hvsh aiashashke.

21. Micha hvsh hopokoyashke, micha yakeh! Shiloh ushetik vhleha hvt kohchvt talovt hihla ya hihlvvt ayakma; yohmikma paki ahollokchi yo hvsh kohcha, hatak hvsh moma kv hvchi tekchi ya chi aiyukali ka Shiloh ushetik vhleha ha hvsh hokli cha, Benchamin i yakni ya hvsh onashke.

22. Atuk o yakohmikma iki vhleha, keyukmvt, itibapishi vhleha hvt nana achit pim vlakma, Pishno ak atuk mak o hvsh i kanaske: il it in tanampi ka hatak tekchi aiyukali ka kil im il atombo tuk oka; himak a hvsh ashvcha chi hosh hvsh ima tuk keyu hokvt, il im acha hi oke, achi tok.

23. Mihma Benchamin im vlla vhleha hvt yvmohmi cha, holhtina ka vhpisa ho tekchi ya chi ka hihlvvt aya yvmmak oka hoklit ai ishi tok: micha falamvt ia cha, ai isha he vhl-

pesa yakni yash ona cha, in tumaha holihta puta ka apoksi-
achi cha, aiasha tok.

24. Mihma Israel im vlla vhleha hvt nitak yvmma ashvt
tisheli mvt, hatak puta kv̄t im avehlich̄i ka, micha in chuka
achvfa aiyukali kv̄t ona tok: micha yvmma ashvt okla ia
mvt, ai isha he vllhpesa aiyukali kv̄t ona tok.

25. Nitak yvmma foka hoka Israel a miko vt iksho tok:
hatak puta kv̄t ilap nishkin ai im vllhpesa aiyukali hosh
yvmoimi beka tok.

LULH A

ISHT ANUMPA HOKE.

CHAPTA I.

ATUK o yakohmi tok, nan apesa vhleha hvt pehlichit maya nitak ma, yakni ymma hohchvfo chito tok. Mihma Belh-lehem chutah hatak osh ymma, micha tekchi, micha ushi tuklo aiena kv̄t ivt, Moab yakni yā ont ahashwa tok.

2. Michā hatak ymma hohchifo kv̄t Elimelech okma, micha tekchi hohchifo kv̄t Naomi, micha ushi tuklo hohchifo kv̄t Mahlon, micha Chilion, Eflahlait okla Belh-lehem-chutah asha; ymohmi mvt Moab yakni ymmak o ona cha, ahashwa tok.

3. Atuk o Naomi ī hatak Elimelech ash osh illi tok; yohmi na Naomi, micha ushi tuklo aiena ak illa hosh ahashwa tok.

4. Atuk o Moab ohoyo hā ishit itauwayvt okla tok; achvfa hohchifo kv̄t Opah yokma, anonti achvfa hohchifo kv̄t Lulh atok: micha ymma ahashwa na afv̄m̄mi pokoli foka tok.

5. Atuk osh Mahlon, micha Chilion ita tuklot illi ak inli tok; mihma ohoyo hash osh ushi tuklo, micha ī hatak aiena kv̄t illi na ilap bano hosh ahanta tok.

6. Ymohmi mvt ipok tuklo ka awant Moab yakni yā issvt falamvt ia chī hosh wakaya tok: Moab yakni anta mōma kv̄t Chihowa yvt im okla hā ī nowa cha, puska ima tuk ā haklo hatok.

7. Ymohmi hosh ai v̄tta tuk vt ipok tuklo ka awant̄ kecha tok; mihmvt Chutah yakni falamvt ona chī hosh hina yā okla itv̄nohōwa tok.

8. Mihma Naomi vt ipok tuklo kash, Oh ia cha, falamvt hvch ishki bika in chuka ya hvsh onashke: illi chash, micha vno aiena ka hvs sa kana tuk a chiyuhmit Chihowa yvt hvchi kanashke.

9. Chihowa yvt vlhpesa ahnit hvch ima na afoha ahayuchit, hatak in chuka ya im achukmvt hvsh chieya bikashke, im achi tok. Mihmvt i suksowa ma, chitolit yaiyvt okla tok.

10. Mihmvt, Falamvt chim okla achvfa i yakni ish ia ka chi takla il ia pulla chi hoke, achit okla tok.

11. Mihma Naomi vt, Svso tek vhleha ma! hvsh falamashke; nanta katiohmi ho si awant hvsh ia hinla ho? himakma ushi vt vm oshvto ya vlhto tuk osh hvchi hatak toba hinla cho?

12. Falamvt hvsh iashke, svso tek vhleha ma! sa sipokni fehna hokvt hatak vm asha he keyu hoke. Yohma chi ahni li, micha himak ninak ak kia hatak vm asha cha, ushi vm asha chi achi li kia;

13. Hvsh im ashwa na hofantitaha hinla cho? hvsh im ashwa na hatak hvch ik auwayo ka hinla cho? Keyu, svso tek vhleha ma! hvchishno pulla kak o sa nukhaklo fehvshke, Chihowa ibbak vt si asanalit si onvtola hoka, im achi tok.

14. Mihma anonti chitolit yaiyvt okla tok. Mihmvt Opah hv ipokni ya i suksowa tok; amba Lulh vto heh ahnit asitia tok.

15. Mihma Naomi vt Yakeh! ish ita tuklo tuk vt falamvt im okla, micha i na holvvt toba puta ka im ivshke: ish ita tuklo ka falamvt iakaiyvt ish iashke, achi tok.

16. Mihma Lulh vt, Chissa la he, micha chiakaiya li kvv falama la he a chik svm asihhlo kashke: kanima ish ayakma, aya la chi; kanima ish ai vttakma, ahanta la chi; chim okla hak osh vm okla cha, chin Chitokaka ak osh an Chitokaka ha chi hoke.

17. Kanima a chillikma, a svlla chi, micha yvmmak o sa hollopa chi hoke: illi ak illa hosh chishno, micha vno pit i filvmmichi keyukma, Chihowa yvt yakohmi, micha i shakli kia si yvmihchashke.

18. Mihma ia pulla kak o kvllot im anukfila na pisa mvt, im anumpuli kvt issa tok.

19. Yvmohmi ma itatuklot itiachi tuk osh Belh-lehem a ona tok. Atuk o yakohmi tok, Belh-lehem a itonachi ma, tomaha moma kvt a kvvllit, Ilvppvt Naomi o ? okla achi tok.

20. Mihma *Naomi hvs si achi ná, †Mala hvs si achashke: Nana moma i shahli hvv homi ho si yvmihchi tuk oka.

21. Si alota hosh kohevvt ia li tok kia, iksho ho anonti an chuka Chihowa yvt svst vlvshke: yohmi ka nanta kati-ohmi ho Naomi hvs si achi ho ? Chihowa yvt si atokolit a sanali, micha Nana moma i shahli hvv svlvshali tuk oka.

22. Yvmohmit Naomi, micha ipok Lulh Moab ohoyo ita tuklot falamvt Moab yakni ya a kohevvt ona tok: micha bali ya bvshlit isht ia ho Belh-lehem a it onachi tok.

CHAPTA II.

MIHMA Naomi vt i hatak i kanomi yosh hatak holitompa im il a yak chito fehna Elimelech in chuka achvfa yosh anta tok; micha hohevvt kvv Boas atok.

2. Mihma Lulh Moab ohoyo hash osh Naomi ya, Himak a osapa ak ia chá, kvna ho i holhponayo hanta ai ahayuchi likmvt, onush noshkoba ya vlvllit iakaiya lashke, im achi ma, Iá, svstek ma! im achi tok.

3. Mihma ia tuk osh ona cha, onush bvshli vhleha ha iakaiyvt osapa ya ai vlvlli tok: micha Boas Elimelech i kanomi im osapa kashapa yoba ho ona tok.

4. Yohmi ma yakeh! Boas vt Belh-lehem a minti hosh vla cha, onush bvshli vhleha ha, Chihowa yvt hvch ibafo-yukashke, im achi ma, afalamichit, Chihowa yvt chi yukpalashke, okla im achi tok.

5. Yvmohmi ma Boas vt in tishu onush bvshli vhleha pehlichy ya, Ilvppvt kvta ushetik o ? im achi tok.

6. Mihma tishu onush bvshli vhleha pehlichy yash osh

* Achukma.

† Homi.

afalamichit, Moab ohoyo himita, Naomi vt Moab yakni koh-chvt falamvt vla ma, takla vla tok mak oke.

7. Yohmi hosh, Onush bvshli vhleha ha iakaiyvt onush talakchi ai asha ka ak vlbulli, achi tuk; atuk osh vla cha, ahanta na onnahinli yatuk vt himakvshke, peh ik hopako ho chuka ya ont ashvt foha tuk oke, achi tok.

8. Yvmohmi ma Boas vt Lulh a, Chik haklo? susotek ma! osapa inla ya vlbullit chik aiyo, micha ilvppa issvt chik aiyo hosh amba ohoyo himita vhleha ilvppa vm asha ka apotvt ish ahantashke:

9. A bvshli ka osapa ya chi nishkin a onochit ish pisa cha, ish iakaiyashke: hatak himita vhleha ha chi potola he keyu ka i miha li tuk keyu cho? micha chitukshilakmvt, oka ai vlhto puta ka ishit hatak himita vhleha oka ochi tuk a ont ish ai ishkashke, im achi tok.

10. Yvmohmi ma akachunolit aka hlipvt, Nanta katiohmi ho chi holhponayo hanta a chi ahayuchi li, ithanvt is sa pisa cho? ohoyo ik ithano sia hoka, im achi tok.

11. Mihma Boas vt afalamichit, Chi hatak vt illi tok ititakla haya chipokni ya ish kaniohmihinchi tuk a, moma kvv atokovvt vm annoa tuk oke: yohmi kvv chiki, micha chishki, micha yakni ish ai vta yatok a issvt okla chashpo ish ithana chatuk keyu kvv ant ish ibafohkvshke.

12. Nana ish a kaniohmi tuk a Chihowa yvt chim atobashke, micha Israel in Chitokaka Chihowa, yvma sanahchi a nutakvt ish a nukchieta chi hosh ish la tuk a vlhtoba ai ona achukma ho chimashke, im achi tok.

13. Yvmohmi ma A shahli ma! chi holhponayo hanta ak chi ai ahayuchi, ohoyo himita vhleha chim aiasha ka achvfa ka chohmi li keyu kia, is sa hopohlvi hoka, micha chin tishu ohoyo ha i kanvt ish im anumpuli hoka, achi tok.

14. Mihma Boas vt, Impa ai ona ish la cha, pinak a vpvvt, chi pvaska tushafa winaka ibai okvchit ish pashke, im achi tok. Mihma onush bvshli vhleha bilika binili tok: mihma yvmmak ash osh onush vlvvsha pit ima na impvt fihopa ma, asha moma tok.

15. Mihma vlvlla chi hosh wakaya ma, Boas vt hatak

himita vhleha h₂ i mihvt, Onush talakchi ai asha kak kia ik vlbvllí, micha hvsh hofahyali ná ;

16. Michá ibbak alolua kanimi kia ik chilofá, ahnit asha-chit isht hvsh aya na vlbvlla chike ; micha hvsh im olvbi ná, im achi tok.

17. Yohmi na osapa ya vlbvllit ahanta na opivt taha ma, vlbvlli tuk vt bolit nihechit tahli ma, bali vt efah achvfa foka tok.

18. Mihma ishi mvt, tmaha holihta yash ont chukowa tok : mihma ipokni vt vlbvlli tuk a pisa tok ; mihma fihopa mvt ilatomba tuk vt isht vlvv ima tok :

19. Mihma ipokni vt, Katima yak o himak nitak a ish ai vlbvlli tuk oh cho ? mikmvt katima yak o ish a toksvli tuk o ? kva hosh yohmi, chi ahni tuk vt holitopashke, im achi tok. Mihma kva ho iba toksvli tuk vt ipokni ya im anolit, Himak nitak a iba toksvli li tuk hohchifo kvv Boas oke, achi tok.

20. Mihma Naomi vt ipok a, Hatak yummvt okchaya, micha illi tok aiena kash i kana kvv Chihowa im aholitopashke, im achi tok. Michá Naomi vt, Hatak yummvt p₁ kanomi fehna, p₁ kanomi i shahli moma hoke, im achi tok.

21. Mihma Lulh Moab ohoyo hvv, Ohoyo himita vhleha vm a₂sha ka apotovt ish ahanta na onush a bvshlit tahla chi hoke, vm achi tuk oke, achi tok.

22. Mihma Naomi vt ipok Lulh a, Ilvppak osh achukma, svvotek ma ! ohoyo himita vhleha im ai asha kak o takla ish aya na osapa inla kanima ik chi ai itafamo kashke.

23. Yvmohmi na Boas ohoyo himita vhleha im ai asha kak o apotovt vlbvllit ahanta na bali bvshli ; micha onush bvshli aiena kvv ont taha tok ; mihma ipokni takla ahanta tok.

CHAPTA III.

MIHMA ipokni Naomi vt, Svsvotek ma ! nana chim ai achukma hi a afoha chi hoyo la he keyu cho ?

2. Yohmi ka himak a Boas yvmma ohoyo himita vhleha

im aiasha kak o takla ish aya tuk vt pi kanomi keyu? yakeh! himak ninak a a nihechi ya bali mvslchit isht anta hoke.

3. Yvmohmi hoka yupit pashi ahama il ai ahvmmi na-fohka ish fohka cha, a nihechi ya ish onashke; yohmi kia hatak vt impvt ishkot ik isso kisha ka ish im ile haiakvchi ná.

4. Yvmohmi tuk o tvshkikma, ai itola ka achukmalit ish pisa tuk osh, ish chukowa cha, iyi ompoholmo ka ish wkvmmi cha, ish tvshka chike; yohmikma ish kaniohma chi ka chim anola chi hoke, im achi tok.

5. Mihma, Nana is svm achi tuk a moma ka yvmihchi la chi hoke, im achi tok.

6. Mihmvt a nihechi ya ona cha, ipokni vt nana i miha tuk moma ka yvmihchi tok.

7. Yvmohmi tuk o Boas vt impvt nan ishkot, chukvsh yukpvt taha mvt, ivt onush nihi itvnahachi vhli ont tvstki tok: mihma lumvt ivt iyi ompoholmo ya wkvmmi cha, tvshki tok.

8. Atuk o yakohmi tok, ninak iklvna ma hatak ash osh nukshopa cha, filema tok: mihma yakeh! ohoyo hvv iyi ya itoyula tok.

9. Mihma, Kvta chia hoh cho? achi ma, afalamichit, Chin tishu ohoyo Lulh sia hoke: yvmohmi hoka chin tishu ohoyo ha ish anchi vhli ka et si onochi; a kanomi fehna chia hokvt.

10. Mihma Chihowa i holiropa chia hashke, svvotek ma! hatak himita ilbvsha yokmá, nana in laua yokmá nana kia chik iakaiyo hosh, vmmona tuk ak kia i shahlichit ishtaiyopi ka is sa kana hokvt.

11. Yvmohmi ka inta! svvotek ma! chi nukshopa ná; nana is svm ahni tuk a moma chi yvmihchi lashke: ohoyo kostini chia ka vm okla moma tvmaha holihta ai asha kvv ithana hoka.

12. Yohmi ka chi kanomi fehna sia kvv ahli: yohmi kia chi kanomi a shahli kvv anta hoke.

13. Himak ninak a ish anta tuk o onnahinlikma, i kanomi

nana a kaniohmichi chatuk a chi yohmikma vlhpesa chi: i kanomi nana akaniohmichi chatuk a yohmashke: amba i kanomi nana akaniohmichi chatuk a chi yohma he keyukma, vno ak osh i kanomi nana akaniohmichi chatuk a, Chihowa yvt okchaya pulla ka, chi yohmi la chi hoke; ish itonla na onnashke, achi tok.

14. Mihma iyi ya itoyula na onna tok: mihmvt achufa kvv inla ya ithana he keyu moma hō wakaya tok. Mihma a nihechi ya ohoyo hvv vla tuk a, kvna kia ik akostinincho kashke, achi tok.

15. Micha, Anchi ish anchi kvv isht vla cha hahanli, achi tok. Mihma halanli ma, bali vlhpisa hannali hō apesa cha, shalichi tok: mihma tmaha holihta yash ont chukowa tok.

16. Mihma ipokni ya im ona ma, Kvta chia hoh cho? svvotek ma! achi tok. Mihma hatak ash osh nana akaniohmi tuk a moma im anoli tok.

17. Micha Bali vlhpisa hannali ilvppa vma tuk oke: nana iksho hō chipokni ya chik im ono kashke, vm achi hatuk okvt.

18. Yohmi ma Svsvotek ma! lumvt asha cha, nana kvv kaniohmi na ish pisashke; hatak yvmmvt nana ka himak nitak a ik tablo kvv achukmvt binila chi keyu hoka.

CHAPTA IV.

YOHMI ma Boas vt ivt holihta okhissa yvmmak o ont binili tok: mihma yakeh! i kanomi Boas vt anoli tuk ash osh ant ia tok; yvmmak ash o, Yakeh! chishuo ya; fullotvt ilvppa ant binili, im achi ma, fullotvt binili tok.

2. Yohmi ma tmaha holihta yash hatak im asvnonchi pokoli hō hoyo cha, ilvppa ho binohli, achi ma, okla binohli tok.

3. Mihma i kanomi yash, Naomi, yvmmvt Moab yakni kohchvt falamvt vla kash osh, yakni kashapa pitibapishi Elimelech immi atok a, kanchi mak oke.

4. Yvmohmi hō atokolit chim anolit, okla itikba, micha vm okla im asvnonchi vhleha itikba a chumpá, achi la he ahni li tuk oke. Falaminchit chumpa lashke, ish ahnikmvt, falaminchit ish chumpashke; amba falaminchit ish chumpa he keyukmvt vm anoli, yohmi na haklo lashke: falaminchit chumpa inla kv̄t iksho, chishno ak illa hoka; mikma vno ak osh chiakaiya li hoke, im achi tok. Mihma falaminchit chumpa lashke, achi tok.

5. Mihma Boas vt, Nitak kaniohmi hō osapa yash Naomi ish in chumpakmvt, Moab ohoyo Lulh illi tok tekchi ak kia ish in chumpa cha, illi tok hohchifo hā im ikbit ī yakni yā ish ai o hilechi pullashke, achi tok.

6. Mihma ī kanomi yash osh yakni ieshi li vlhpesa kash okp̄vni la hinla hatuk osh, vno yak inli hokvto falaminchit chumpa la he keyu; vmmi vlhpesa tuk ā chishno yak osh falaminchit chumpvt ish ishashke; falaminchit chumpa la he keyu hoka, achi tok.

7. Yohmi ka Israel ā nitak chashpo ka na falaminchit chumpa, micha nan itatoba puta aiena ka ai ḡhlichā chī kv̄t yakohmi beka tok, hatak vt ī shulvsh ā shufi cha, in chuka a bilika hatak ā ima beka tok: mihma ilvppak o Israel okla hv̄t ai yvmohmi beka tok.

8. Yvmohmi hō ī kanomi hash osh Boas ā, Chimmi ha chī hosh ish chumpashke, im achi tok. Yohmi mvt ī shulush ā shufi tok.

9. Mihma Boas vt hatak asvnonchi puta, micha okla moma aiena ka, Himak nitak fehna ka hvsh p̄isa hō, nana Elimelech immi hatok moma, micha Chilion immi hatok moma, micha Mablon immi hatok moma aiena ka Naomi yā in chumpa lishke.

10. Michā illi tok hohchifo hā im ikbit ī yakni yā ai o hilechi la chī hosh Lulh Moab ohoyo, Mahlon tekchi atok ā, sa tekchi ya chī hosh chumpa lishke; yohmi hō illi tok hohchifo hv̄t itibapishi vhleha ai ititakla, micha ai vtta tok holihta okhissa yā ik kv̄nio kashke; himak nitak ā p̄isa hv̄chia hoke, im achi tok;

11. Mihma okla moma holihta okhissa hieli tuk, micha

asunonchi aiena kv̄t, P̄isa pia hoke. Ohoyo chin chuka chukowa ka Chihowa yvt Lechel, micha Leah, tuklo yummak osh Israēl chuka achv̄fa ȳa ikbi tok oka yummak o chohmichashke : mikma Eflatah ȳa ish a holitopashke, micha Belh-lehem a chi hohchifo kv̄t ai annohowashke :

12. Michā chin chuka yvt chim ishtatiaka Chihowa yvt ohoyo himita ilvppa ai isht chima ch̄i kv̄t Tama yvt Chutah ȳa im eshi tok Fales in chuka yak o chohmashke, okla achi tok.

13. Yvmohmi ma Boas vt Lulh a ishi na tekchi tok : atuk osh iba chukowa ma, Chihowa yvt v̄lhpesa ahni na v̄lla shali tuk osh, v̄lla nakni yo eshi tok.

14. Mihma ohoyo v̄hleha hv̄t Naomi ȳa, Chihowa yvt holitopashke ; yvmvt himak nitak fehna ka i kanomi iksho ik chi kancho h̄o, Israēl okla h̄a hohchifo kv̄t holitopvt ai annohowa ch̄i hoke.

15. Michā falaminchit okchalinchi chin chiyuhma ch̄i hoke, micha chi sipoknit taiyaha ka chi shoyuli ya ch̄i hoke : heh chi ahni kv̄t ushi untuklo chim i shahli chipok vt chim eshi tuk okvt, im achi tok.

16. Mihma Naomi vt v̄lla yash ishi cha, ikkishi h̄a onochi cha, v̄lla ȳa shoyulit hofantichi tok.

17. Michā chuka abilika ohoyo v̄hleha hash osh, Naomi vt ushi ashvshke, mihvt hochifot Obet achi tok : yummak osh Chesse Lewi īki ȳa īki yoke.

18. Yohmi ka Fales ishtatiaka yvt ilvppak oke : Fales vt Heslon a tobachi tok,

19. Mihma Heslon vt Lam a tobachi tok, mihma Lam vt Amminatab a tobahchi tok,

20. Mihma Amminatab vt Nahshon a tobachi tok, mihma Nahshon vt Salmon a tobachi tok,

21. Mihma Salmon vt Boas a tobachi tok, mihma Boas vt Obet a tobachi tok,

22. Mihma Obet vt Chesse ȳa tobachi tok, mihma Chesse vt Lewi ȳa tobachi tok oke.

THE
FIRST AND SECOND BOOKS OF SAMUEL,

AND THE
FIRST BOOK OF KINGS,

TRANSLATED INTO
THE CHOCTAW LANGUAGE.

SAMUEL I HOLISSO
UMMONA, ATUKLA ITATUKLO,

MICHA

MIKO UHLEHA,
ISHT ANUMPA UMMONA

AIENA KOT TOSHOWOT

CHAHTA ANUMPA TOBA HOKE.

NEW YORK:
AMERICAN BIBLE SOCIETY,
INSTITUTED IN THE YEAR MDCCCXVI.

1913.

SAMUEL

I HOLISSO UMMONA HOKE.

SAMUEL

I HOLISSO UMMONA HOKE.

CHAPTA I.

MIHMA hatak achvfa kv̄t Lamahlaim-sofim Eflaim nvnih minti hosh hohchifo kv̄t, Elkanah Eflahlait hatak osh ahanta tok, yummvt Cheloham ushi, yummvt Elihu ushi, yummvt Tohu ushi, yummvt Suf ushi atok.

2. Micha ymma tekchi vt in tuklo tok; achvfa hohchifo kv̄t Hannah yokma, achvfa vto hohchifo kv̄t Peninnah atok: mihma Peninnah vt vlla im ashakma, amba Hannah vto vlla ik im iksho ki tok.

3. Mihma hatak ilvppvt afvmmikma in tomaha holihta ya kohchvt Shiloh ya onvt, vba nan okluha il ai eshi Chihowa aiokpv̄chit nan vbit isht aiokpv̄chi beka tok. Mihma Hofni, micha Finehas Eli ushi tuklo Chihowa nan isht im ashwa vt ymma ashwa tok.

4. Atuk o Elkanah vt nan vbit isht ai aiokpv̄chi nitak vt vla ma, tekchi Peninnah, micha ushi vhleha moma, micha ushetik vhleha aiena ka i hopela tok.

5. Amba Hannah ano, holhpela tuklo ho ima tok: Hannah ya i hullo hatuk okvt; yohmi kia Chihowa vt im oshvto ya im okhishta tok.

6. Mihma ichapa yvt Chihowa vt im oshvto im okhishta kak o chukvsh okpulochi fehnvt nokov̄chi tok.

7. Mihma afvmmi hosh afvmmikma Elkanah vt yvmohmi hatuk o, Chihowa im aboha ya onakmvt, yvmohmit chukvsh okpulohonchi beka tok; yvmohmi ma yaiya cha, impa he keyu tok.

8. Mihma i hatak Elkanah vt, Hannah ma! nanta katiohmi ho ish yaiya cha, ish impa he keyu cho? micha nanta katiohmi ho chi chukvsh vt nukhaklo cho? ushi pokoli kak kia chim i shahli li keyu cho? im achi tok.

9. Yvmohmi ma Shiloh ya nan ai impvt, micha nan ish-kot issa ma, Hannah vt wakaya tok: (mihma Eli na holi-tompa isht vtta yvt Chihowa in tempel tonik bilika ai om binili hikia ho om binili tok.)

10. Mihma Hannah ash osh chukvsh nukhahvmmi cha, Chihowa im asihihvt yahaya fehna tok.

11. Mihmvt ilap im anukfila hosh Chihowa im ai ablichah he anumpa il onochit, Uba nan okluha il aieshi Chihowa ma! chin tishu ohoyo ilbvsha ka ish pisa pulla mvhli, micha is svthaiyana cha, chin tishu ohoyo ha ik chim ahakso hosh, amba chin tishu ohoyo ha vlla nakni yo ish ima pullakma, yvmohmikma okchayvt ahanta nitak moma ka Chihowa ya ima la hi oke; mikma nutakhish ishit shafa yvt noshkobo onvtoyula hi keyu hoke, achi tok.

12. Atuk o yakohmi tok, Chihowa itikba ya anumpa ilbvsha anumpohonli imoma ma, Eli vt itih ha atokolit pisa tok.

13. Mihma Hannah vt chukvsh ak inli anumpohonli tok; itivlbi ak illa hosh ilhkoli ma, amba im anumpa hano ik haklo tok: yohmi hatuk osh Eli vt haksi ho im ahoba tok.

14. Mihma Eli vt, Chi haksi na hopaki kvv katiohma chi cho? chim oka paki ya ish kanvlichashke, im achi tok.

15. Mihma Hannah vt afalamichit, Keyu, a shahli ma! ohoyo chukvsh nukhaklo sia hoke: oka paki, micha nan ishko kvllo nana kia ishko li tuk keyu hoke, amba Chihowa itikba ya sa chukvsh a kocha pit fohobli li hoke.

16. Chin tishu ohoyo ha Belial ushetik chik si apeso kashke: nana a nukhaklo, micha isht a svlvsha kvv laua kak osh anohonlit anumpohonli li himakvshke, achi tok.

17. Mihma Eli vt afalamichit, Chi nuktaiyavt ish ayashke: mikma Israel in Chitokaka vt nan asilhha ish im asilhha tuk a chimashke, achi tok.

18. Mihma, Chin tishu ohoyo hvv chi tikba ya isht i kana

ya ai ahayuchashke, achi tok. Yvmohmi mvt ohoyo hash osh ia cha, impa mvt, himmakma nashuka ik il apisso tok.

19. Mihma onna ha onnahnli moma ho okla wakaya cha, Chihowa itikba ai aiokpuchi mvt, falamvt in chuka Lamah ha ona tok: mihma Elkanah vt tekchi Hannah ya ithana tok; mihma Chihowa vt ithaiyana tok.

20. Yvmohmi ho ont yakohmi tok, Hannah vt vlla shali havt nitak ont ai vhpiesa ma, vlla nakni yo eshi cha, Samuel hochifo tok; Chihowa ya im asilhha li tuk okvt, achi tok.

21. Mihma hatak Elkanah ash osh, micha in chuka achvfa aiena kvf afvmmikma, nan vbit isht aiokpuchi im issa chi, micha ilap im anukfila hosh Chihowa nan im issa he anumpa il onochit ai ahlichia chi hosh ia tok.

22. Yohmi kia Hannah vt ik aiyo tok: i hatak a, Ulla vt pishit ik isso kisha ka ia la he keyu; yohmi ka yohmik mvno, Chihowa itikba hikia he, micha yvmmak o ahanta na bilia hi o isht ona la hi oke, im achi tok.

23. Mihma i hatak Elkanah vt, Nana chim vhpesa kak osh ish yvmihchashke; ish antvt vlla pishi ka ish issvchi ha yashke; peh Chihowa yak osh im anumpa ha ai ahlichashke: im achi tok. Yohmi ho ohoyo hash osh ahantvt vlla ya pishechi tuk osh issvchi tok.

24. Atuk osh pishechi tuk vt issvchi mvt, ishi cha, wak hobvk himita tuchina, micha bota tohbi efah achvfa, micha okapaki kotoba achvfa aiena ka ishi cha, Chihowa in chuka Shiloh ya isht ona tok: mihma vlla yash osh himita tok.

25. Mihma wak hobvk himita achvfa ho okla vbi cha, vlla yash Eli ya isht im ona tok.

26. Mihma Hannah ash osh, A shahli ma! chimi shilombish vt okchaya pulla ka a shahli ma! vno ak osh ohoyo hvv chi bilika ilvppa Chihowa ya im asilhvvt hikia tok mih sia mak oke.

27. Ulla ilvppak o asilhha li tok oke: atuk o Chihowa vt nan asilhha im asilhha li tok a vma tok oke.

28. Yvmohmi hoka Chihowa ya im pota li ak inli hoke: okchaya ititakla ka Chihowa ya im pota li hoke. Mihma yvmmak o Chihowa ya ai aiokpuchi tok.

CHAPTER II.

MIHMA Hannah vt anumpa ilbvsha anumpulit, Sa chukvsh vt Chihowa ya ai yukpvshke, an lapish okvt Chihowa ya a chahvshke; sutih hvv wakamvt an tunvp vhleha ha o walvpli hoke; is si apelvchi tuk a sai yukpa hokvt.

2. Nan ashvchi iksho Chihowa ohmi kvv iksho hoke: inla yvt iksho ho, chishno ak bieka hokvt: micha tvli chaha nana kia pin Chitokaka chohmi kvv asha keyu hoke.

3. Himak pilla ka yohmit ile chahvchi atampa fehvt hvsh anumpuli na: ilefehvtvchi anumpa hvv chitih ha ik kohcho kashke: Chihowa vt Chitokaka nan ithana yosh yvmak osh nana kaniohmi puta ka wekichi hoka.

4. Hatak hlampko im iti tanampo puta kvv kobahlishe, mikma hliposhi tuk vt hlampko yo isht vskovchishke.

5. Kaiya tuk vt puska ya asitvba chi hosh inla im ile tohnoshke; mikma hohchvfo tuk vt ik yohmoshke: yvmohmi ho vlla ik im iksho vt untuklo ho eshi ma, vlla in laua tuk vt hliposhit isht ivshke.

6. Chihowa ak osh illichu hoke, mikmvt okchalinchu hoke: akovvchit ahollopi isht ona hoke, mikmvt wakayvchi hoke.

7. Chihowa vt ilbvsha ikbi hoke; mikmvt nan in laua ikbi hoke: akanlosechi hoke, mikmvt wakayvchi hoke.

8. Hatak ilbvsha ya hituk chubbi ya akohchit wakayvchi hoke, micha hatak nan asilhha vt chopilhvsh ititakla binili tuk a wakayvchi cha, hochitoka takla binilichit ai om binili holitempa ieszichu hoke: yakni in tonik puta kvv Chihowa yak o immi hokvt, micha yvmak osh yvma vba puta ya ai on talali hoke. •

9. Yvmvt ilap i holitopa vhleha iyi ya im atona hi oke; mikma nan ashvchi vhleha hvv ai okhlilika aiashvt chulusa hi oke; ilap imi hlampko ak inli kvv kvna hosh imaiya he keyu hoke.

10. Chihowa i sanali vhleha hvv kobahlit taha hi oke: vba shutik o et ai o hiloha hi oke: Chihowa vt yakni ont ai vhli ka nan im apesa hi oke; miko ya atokoli tuk vt hlamp-

ko ima cha, Nan ahamvt im vltoka in lapih a chahvcha hi oke, achi tok.

11. Mihma Elkanah vt in chuka Lamah ya ona tok. Mihma vlla yash osh Eli naholitompa isht vtta itikba ya ahantvt Chihowa nan isht im vtta tok.

12. Mihma Eli ushi tuklo kv̄t Belial ushi atok: micha Chihowa ya ik ithano tok.

13. Mihma naholitompa isht vtta yvt okla ha na kanioh-michi kv̄t, yvmmvt hatak nana hosh nan vbit isht aiokpv̄chi ya im issakma, naholitompa isht vtta in tishu hv̄t nipi vt wahlv̄lli moma na, nipi ishit bihli noti tuchina ibbak foyuka hosh vla beka tok.

14. Mihmvt asonak mahaia, keyukmvt asonak lakna, keyukmvt shuti mahaia chito, keyukmvt shuti iyi asha yokmá, nanakmá bihlikma, nipi ishit bihli vt ishit koehikma, moma naholitompa isht vtta yvt ilap ach̄i hosh ishi beka tok. Yvmohmit Israelait moma kv̄t Shiloh ona ka okla yvmihchi beka tok.

15. Mikmvt nia ya ik hukmo k̄isha h̄o, naholitompa isht vtta in tishu hv̄t vla cha, hatak nan vbit isht aiokpv̄cha ch̄i kash, Naholitompa isht vtta yvt apushla ch̄i ka nipi imá, honni ya chim isha he keyu hoka, amba okch̄aki yá, im achi beka tok.

16. Atuk o hatak nana hosh, Chekosi nia ya ik hukmo ki ná, yohmikm̄vno laua kaniohmi h̄o chi ch̄ukv̄sh vt ahnikmvt, ish ishaskhe im achikma: yvmohmikma afalamichit, Aha himonasi ya issvmashke: keyukma afoa hosh ishi la ch̄i hoke, im achi beka tok.

17. Yvmohmi hosh hatak himita tuklo kash osh nan ashv̄chi kv̄t Chihowa itikba ya chito fehna tok: hatak vhleha hv̄t Chihowa nan im issa ya shitilema tok oka.

18. Amba Samuel vto Chihowa itikba ya vlla yosh linen tv̄nna efot isht vskofaiyachi hosh nan isht ahanta tok.

19. Yohmi ma ishki vt nafohka iskitini afv̄m̄mi hosh afv̄m̄mikma i hatak vt afv̄m̄mi aiyyukali nan vbit isht aiokpv̄chi im issvt ayakma, isht im ona beka tok.

20. Mihma Eli vt Elkanah, micha tekchi ya yukpalit

anumpulit, Chihowa vt ohoyo ilvppa ai unchololi a chumashke, nan im pota yumma Chihowa ya hvsh im pota tuk oka, achi tok. Mihma in chuka akinli itonachi tok.

21. Mihma Chihowa vt Hannah im aya na, vlla shahanli cha, ushi tuchina, micha ushetik tuklo h_o eshi tok. Mihma vlla Samuel vt Chihowa itikba ya hofantit ahanta tok.

22. Mihma Eli vt sipokni fehna tok; micha ushi tuklo kv_t Israel moma ka kaniohmichi moma ka, micha ohoyo hv_t okla moma im v_lhtipo holitopa okhissa ya ai itahoba ka iba tvshkit okla aiena ka haklo tok.

23. Michā, Nanta katiohmi h_o ilvppa chohmi ka hvsh yvmihchi cho? nana ik achukmo hvsh yvmihinchī ka okla ilvppa moma ka a hahaklo li hoka.

24. Keyú, svso vhleha ma! nan annoa achukma keyu h_o haklo li hoka; Chihowa im okla h_a hvsh yoshublishke.

25. Hatak achvfa hosh inla ya nan im ashvchi hokma, nan apesa yosh nan im apesa hi oke; amba hatak vt Chihowa ak o i yoshuba hokmvo, kv_ta hosh isht anumpula hinla cho? im achi tok. Yohmi kia i_ki im anumpa h_a haponakla he keyu tok, Chihowa vt vba ch_i kv_t ai ahni tuk oka.

26. Mihma vlla Samuel vt hofantit mahaya mv_t, Chihowa, micha hatak vhleha aiena ka i holitopa tok.

27. Mihma hatak Chitokaka im antia yosh im v_la cha, Chihowa vt yak ahanchishke, Ch_iki in chuka achvfa ya Echip Feleo in chuka ahanta ma i haiaka li tuk mv_hli keyu cho?

28. Michā Israel apelhichi puta ka naholitompa isht vm ahanta yosh, vm alta ya ai onochit vm issvt, na balama hukmit, efot foyukv_t sa tikba hikia ch_i h_o ai atokoli li tok keyu cho? micha ch_iki in chuka achvfa ya Israel im vlla vhleha hv_t i na hukmit isht aiokpv_hi moma ka ima li tok keyu cho?

29. Yohmi ka nanta katiohmi h_o nan vbit ishit si aiokpv_hi, micha nan vm issa an chuka ai apihisa li tuk a ish habli cha, chiso vhleha hak o ish holitobli kv_t is s_a shahlichī cha, vm okla Israel vt nan vm issa ya achukma moma i shahli kak o isht hvsh ile niachi cho?

30. Yvmohmi hoka Islael in Chitokaka Chihowa vt yak achishke, Chin chuka achvfa, micha chiki in chuka achvfa vt sa tikba a nohova na bilia hi oke, achi li mvhli tok: yohmi tok kia himak ano Chihowa vt achi kvf, Ak yohmo kashke; sa holitoblikma, yvmmak oka holitobli la he, micha kvna hosh sa shitlemakmvt, ik ahobo ka hi oke.

31. Yakeh! chin chuka achvfa ya hatak sipokni vt iksho ka hi o, chi shakba ya tvbli likmvt, chin chuka achvfa shakba ya a tvbli la he nitak vt mintishke.

32. Mikma nana hochukma puta Chihowa vt Islael a ima he tuk kia ai vta li ya tvrvp osh aiasha na ish pisa hi oke: yohmikma chin chuka achvfa ya hatak sipokni vt iksho ho bilia hi oke.

33. Hatak chishno akinli yosh vm alta ya ai ahanta ka fiopa ak in tvblo kvf, yvmmvt chi nishkin illicha he, micha chi chukvsh nukhaklocha he ak achi hoke: chin chuka achvfa ai unchololi vt hatak im ahli moma hosh ihinla hi oke.

34. Mikma ilvppak osh nan isht chim atokowa yosh chiso tuklo Hofni, micha Finehas itatuklo ka onvtola chi hoke: nitak achvfa ho itatuklot illa chi hoke.

35. Mikma naholitompa isht vta ai ahli nana vm anuk-fila, sa chukvsh aiena a sa nukfoyuka kak o a yvmihchi ho il atokolit hilechi la hi oke; mikmvt chuka kvllot hikia ho im ikbi la hi oke: mikma Nan ahamvt vm vlhtoka itikba ya a nohova na bilia hi oke.

36. Atukma yakohma hi oke, chin chuka achvfa kvf a sha tuk puta kvf ont im akachunolit, tvli hvta tushafa, micha pvaska iskitini i bunnvt, Naholitompa isht vta ahikia achvfa ka is sa fohkashke, yohmi na pvaska tushafa vpa lashke, chim asilhha lishke, acha hi oke, im achi tok.

CHAPTA III.

MIHMA vlla Samuel vt Eli itikba ahantvt Chihowa ya nana isht im ahanta tok. Mihma nitak yvmma Chi-

howa im anumpa hvt achafqa tok; Chihowa nana otvninchi vt tiapa tok keyu hoke.

2. Atuk o nitak yvmma yakohmi tok, Eli vt ai itola ya itoyula mvt, nishkin vt kvnvt isht ia na pisa he keyu tok;

3. Mihma Chitokaka i pva hvt Chihowa in tempel Chitokaka im itombi holitopa a talaia ya hikia tuk vt ik mosho' kisha ho, Samuel vt nusa chi hosh tvshki tok.

4. Mihma Chihowa vt Samuel a i howa tok: mihma afalamichit, Yak itonla lishke, achi tok.

5. Mihma malelit Eli ya im ona cha, Yak hikia lishke, is sa howa tuk oka, achi tok. Mihma, Chi howa li tuk keyu, anonti tvshki, achi tok. Mihma ia cha, ont tvshki tok.

6. Mihma himakma anonti Chihowa vt i howvt, Samuel ma! achi tok. Mihma Samuel vt wakayvt, Eli ya im ona cha, Yak hikia lishke, is sa howa tuk oka, achi tok. Mihma afalamichi mvt, Chi howa li tuk keyu, svso ma! anonti tvshki, achi tok.

7. Mihma Samuel vt Chihowa ya ik ithano kisha, mihma Chihowa im anumpa hvt ik im otaiyano kisha hatok.

8. Mihma Chihowa vt ont atuchina ma, Samuel a i howa tok. Mihma wakaya cha, Eli ya im ona mvt, Yak hikia lishke, is sa howa tuk oka, achi tok. Mihma Eli vt Chihowa ak osh vlla ya i howa tuk a akostininchi tok.

9. Yvmohmi hatuk osh Eli vt Samuel a, Ish ia cha, ish tvshkashke: atukma yakohma chi hoke, chi howakma, Anumpuli, Chihowa ma! chin tishu hvt haklo hoka, ish achashke, im achi tok. Yohmi ma Samuel vt ai itola ya ona cha, tvshki tok.

10. Mihma Chihowa vt ont hikivt, tikba tuk a chohmit i howvt, Samuel, Samuel, achi tok. Yohmi ma Samuel vt afalamichit, Anumpuli, chin tishu hvt haklo hoka, achi tok.

11. Mihma Chihowa vt Samuel a, Yakeh! Israel nana a yvmihchi la hi oke; yvmma kvna kia haklokmvt, hakso-bish vt itichampvt chasa hi oke.

12. Nitak yvmma nana moma Eli in chuka pulla ka anumpuli li tuk vt yvmihchit Eli ya onochi la hi oke: micha ishit wakaya likmvt, ont vlichhi la hi oke.

13. Nan ashvchi ithana yvma pulla kak o in chuka achvfa ya nan im apesa li bilia chi kv̄t im anoli li tok: ushi v̄hleha hv̄t ile hofahyali ma, ik im olabo chatuk oka.

14. Mihma yvmohmi kak o Eli in chuka achvfa ya anumpa kv̄llo il onochit, Eli in chuka achvfa nan ashvchi nan v̄bit isht ai okpv̄chi, micha ilhpak isht aiokpv̄chi ya ishit kashofa he keyu bilia hi oke, achi li tuk, im achi tok.

15. Mihma Samuel vt itonla na onna tok; mihmvt Chihowa im aboha okhissa ya tiwi tok: mihmvt Samuel vt Eli ya Chihowa nan otv̄ninchi ash im anoli kv̄t nukshopa tok.

16. Yohmi ma Eli vt Samuel a i howa cha, Samuel, sv̄so ma! achi tok. Mihma afalamichit, Yak hikia lishke, achi tok.

17. Mihma Eli ash osh, Nanta h̄o ЧИHOWA vt chim achi tuk o? is san luhmi ná, chim asilhha lishke: nana chim achi tuk moma ka nana kia is san luhmikma, Chitokaka vt yakohmi, micha i shahli kia chi yvmihchashke, achi tok.

18. Mihma Samuel vt lushummit im anoli cha, nana kia ik in luhmo tok. Mihma yvmmak ash osh, Chihowa yoke, im v̄lhpiesa kak osh yvmihchashke, achi tok.

19. Mihma Samuel vt hofantit ia tok; mihma Chihowa vt ibafoyuka cha, im anumpa hv̄t achvfa kia aka ik itulá, im ahni tok keyu hoke.

20. Mihma Israel moma kv̄t Tan vtvtv̄t iv̄t Bee-sheba ont v̄hli kv̄t, Samuel vt Chihowa i hopaii tobtv̄t ai ahli ka ithaiyana tok.

21. Mihma Chihowa vt Samuel a anonti Shiloh ya ai i haiaka tok: Chihowa vt Shiloh ya ai im ile haiakv̄chit; Chihowa im anumpa isht im ile haiakv̄chi tok oke.

CHAPTA IV.

MIHMA Samuel im anumpa hv̄t Israel moma ka im ona tok. Mihma Israel vt Filistin okla ha itiba chi hosh kohchvt ia cha, Ebenese bilika binachi tok: mihma Filistin okla hv̄t Afek ak o binachi tok.

2. Mihma Filistin okla hv̄t Israel a itiba chi kv̄t im v̄lhta-

hvt hieli tok: mihmvt itibit itafama ma, Israel vt Filistin okla itikba akakoha tok; micha ai itibi yumma tvshka chipota ya tahlepa sipokni ushta foka hō okla vbi tok.

3. Mihma okla hvt falamvt im vlbina hā ona ma, Israel hatak im asvnonchi vhleha hvt, Katiohmi hō Chihowa vt himak nitak a Filistin okla itikba ya issot pi akakohlichi cho? Chihowa nan it im apesa afoyuka itombi holitopa ya Shiloh ya ont ai isht iloh vlashke, yohmi na pititakla vlakmvt, pin tvnvp ibbak a kohchit pi hlakofichashke, achi tok.

4. Yvmohmi mvt vba nan okluha il aieshi Chihowa che-lubim ititakla ahanta i nan it im apesa afoyuka itombi holitopa ya ont ai isht vla chi hō Shiloh ya pila tok: mihma Eli ushi tuklo Hofni, micha Finehas itatuklo kvv Chitokaka nan it im apesa afoyuka itombi holitopa ya takla ashwa tok.

5. Atuk o Chihowa nan it im apesa afoyuka itombi holitopa vt binah hā vla ma, Israel moma kvv shakapa chito shakapa tok; yohmi hō anonti yakni vt winihvchi tok.

6. Mihma Filistin vhleha hvt shakapa ka haklo cha, Heblu vhleha i binah hā shakapa chito ilvppvt nanta hoh cho? achi tok. Mihma Chihowa im itombi holitopa vt binah vla ka akostininchi tok.

7. Mihmvt Filistin vhleha hvt nukshopa tok; Chitokaka hvt binah hā vlvshke, okla achi hatuk osh. Mihmvt, Na palvmmi vt pi onvtolvshke! tikba ka nana ilvppa chohmi kvv yakohmi tok keyu hoka.

8. Na palvmmi vt pi onvtolvshke! Kvta hosh Chitokaka nana moma imaiya vhleha ilvppa ibbak a a kohchit pi hlakoficha chi cho? Chitokaka vhleha ilvppak osh Echip okla hā yakni haiaka ya na palvmmi puta isht issot kanchi tuk mak oke.

9. Hvsh kvllashke, micha nakni hvsh chiyuhmashke, Filistin hvchia ma! Heblu vhleha hvt yvmohmi tuk a chohmit in tishu hā hvch ik tobo kashke: nakni chiyuhmit hvsh itibashke, achi tok.

10. Mihmvt Filistin vhleha hash osh itibi ma, Israel vt akakoha tok: mihmvt okla yihlepa cha, hatak vt i binah ai-yukali ka ona tok: mihma illi kvv laua fehna tok; Israel vt

hatak aka aya vt tahlepa sipokni pokoli tuchina hosh aka-koha tok oke.

11. Mihma Chitokaka im itombi holitopa ya ishi tok: mihma Eli ushi tuklo, Hofni, micha Finehas itatuklo kv̄t illi tok.

12. Mihma Benjamin hatak osh tvshka chipota aiasha ka hikivt maleli mvt, mih nitak akinli h̄ Shiloh ya i nafohka vt hlilafa cha, lukfi vt noshkobo h̄ onvtoyula hosh ona tok.

13. Atuk osh ona ma, yakeh! Eli vt hina apota ka hōpokoyo hosh ai om binili on asha tok; Chitokaka im itombi holitopa pulla kak o chukvsh vt wvnihinchi hatuk osh. Atuk o hatak ash osh tmaha holihta ya ont chukowa cha, anoli na tmaha holihta moma kv̄t chitoli hosh yaiya tok.

14. Mihma yaiyvt shakapa na Eli vt haklo mvt, Nanta katiohmi h̄ shakapa yakohmi kv̄t yohmi cho? achi tok. Mihma hatak ash osh tvshpa hosh chukowa cha, Eli ya im anoli tok.

15. Mihma Eli vt afvmmi pokoli chakkali akucha untuchina tok; micha nishkin vt tohbi cha, nana pisa he keyu tok.

16. Mihma hatak ash osh Eli ya, Ūno ak osli tvshka chipota aiasha ka kohcha li tuk oke, micha himak nitak ak o tvshka chipota aiasha ka kohchvt maleli li tuk oke, im achi tok. Mihma, Nanta h̄ katiohmi cho? sv̄so ma! achi tok.

17. Mihma anumpa shali yash osh afalamichit, Israel vt Filistin vhleha itikba ya yihlevshke; micha illi kv̄t laua fehvshke; mihma chiso tuklo Hofni, micha Finehas itatuklo kak kia illishke; mihma Chitokaka im itombi holitopa ya ishishke, achi tok.

18. Atuk o yakohmi tok, Chitokaka im itombi holitopa ya isht anumpuli ma, holihta okhissa lapali ka ai om binili on asha tuk vt olvvlhpevt ivt ont itula mvt, ikonla vt tilofa cha, illi tok: hatak sipokni yosh weki hatuk okvt. Michā Israel a afvmmi pokoli ushta h̄ nan im apesa tuk atok.

19. Mihma ipok Finehas tekchi vt vlla shali tuk osh eshi ahosi tok: atuk osh Chitokaka im itombi holitopa ya ishi tuk annoa ka haklo, micha imvfo, micha i hatak aiena kv̄t

illi tuk a haklo mvt, aka chunoli cha vlla eshi tok; nukhvni vt ant onvtoyula hatuk okvt.

20. Atuk osh illi fokali ma, ohoyo bilika hieli kash osh, Chi nukshopa ná, vlla nakni yo ish eshi hokvt, im achi tok. Yohmi kia afoalamichi kvv nana ik acho, micha nana yohmi ik ahno tok.

21. Mihmvt, Israel isht a holitopa vt kvnivshke, achi hosh vlla ya Ikabot hochifo tok. (Chitokaka im itombi holitopa ya ishi, micha imvfo, mikmvt i hatak aiena hatuk pulla kak o.)

22. Mihmvt, Israel isht aholitopa vt kvnivshke: Chitokaka im itombi holitopa ya ishi hoka, achi tok.

CHAPTER V.

MIHMA Filistin vhleha hvv Chitokaka im itombi holitopa ya Ebenese ya ai ishi cha, Ashtot a isht ona tok.

2. Filistin vhleha hvv Chitokaka im itombi holitopa ya ishi mvt, Takon im aboha okla isht ona cha, Takon apotolit talali tok.

3. Atuk o Ashtot asha tuk vt onna ma onnahnli fehna wakaya ma, yakeh! Takon vt Chihowa im itombi holitopa itikba ya nashuka ya ishit hlipivv aka itula tuk achini tok. Mihma Takon a okla ishi cha, aiasha ya anonti hilechi tok.

4. Atuk osh onna kvv onnahnli moma na wakaya ma, yakeh! Takon vt Chihowa im itombi holitopa itikba ya nashuka ishit hlipivv aka itula tuk achini tok: mihma Takon noshkobo, micha ibbak pvtha vt iti champa aiena kvv tvptua tuk osh okhissa in tola yak o kahvt maya tok: Takon vt peh haknipp ak bano hosh itonla tok.

5. Yvmohmi tok o Takon i naholitompa isht asha, micha kvna kia Takon im aboha ya chukowakmvt, Takon im aboha Ashtot hikia ka okhissa in tola ya ik a nowo tuk osh himak nitak ak kia yvmohmi momvshke.

6. Yvmohmi kia Chihowa ibbak vt Ashtot ai asha ka i weki fehna tok; micha okpvni cha, Ashtot, mikmvt ai vhlifullota ka isht asha hlachowa onochi tok.

7. Mihma Ashtot hatak vhleha hvt yvmohmi na pisa mvt, Israel in Chitokaka im itombi holitopa vt pi takla talaia he keyu: ibbak vt weki fehna hosh pishno, micha Takon pi na holbvt toba aiena ka pi onvtoyula hoka, achi tok.

8. Yvmohmi hō hoyot Filistin okla i hochitoka puta ka itvnahli cha, Israel in Chitokaka im itombi holitopa ya e katiohmicha chi cho? achi tok. Mihma afalamichit, Israel in Chitokaka im itombi holitopa ya falvmmichit Kalh a isht onashke, achi tok. Mihma Israel in Chitokaka im itombi holitopa ya yvmma isht ona tok.

9. Atuk o yakohmi tok, yvmma isht ona haya, Chihowa ibbak vt tmaha holihta yash im i sanalit nukhlakvshli fehna tok: micha tmaha holihta hatak chipunta, micha hochito moyuma ka isso na isht asha ya okla hlachowa vbi tok.

10. Yvmohmi ma Chitokaka im itombi holitopa ya Eklon ak o pila tok. Atuk o yakohmi tok, Chitokaka im itombi holitopa vt Eklon a vla ma, Eklonait vhleha hash osh payvt, Israel in Chitokaka im itombi holitopa ya pishno ma, micha pim okla aiena ka isht vbit pi tahla chi hosh ishit pim vlvshke, achi tok.

11. Yvmohmi hō pilvt, Filistin okla i hochitoka vhleha puta ka okla hoyot itvnahli cha, Israel in Chitokaka im itombi holitopa ya hvsh pila na atalaia he vlvpesa kvt anonti onashke, yvmohmi hosh pishno, micha pim okla aiena ka ik pe bo kashke; tmaha holihta moma afullota ka ililli okpulo vt ishit nukhlakanichit ihinli tok oka; Chitokaka ibbak vt yvmmak kia weki fehna tok.

12. Mihma hatak vhleha hvt ik illo tuk a isht asha hlachowa isht vbichi tok: mihma tmaha holihta yaiya kvt shutik a ona tok.

CHAPTA VI.

MIHMA Chihowa im itombi holitopa vt Filistin okla i yakni ya aya na hvshi untuklo tok.

2. Mihma Filistin okla hvt naholitompa isht asha vhleha, micha hatak fyppo vhleha ha i howa cha, Chihowa im

itombi holitopa ya e katiohmicha chi cho? pim anoli, katiohmit atalaia he vhpesa ka e pila chi cho? achi tok.

3. Mihma afalamichit, Israel in Chitokaka im itombi holitopa ya hvsh pila hokmvt, nana iksho ka hvch ik pelo kashke: amba ik katiohmi kia nan ashvchi isht vltoba ya hvsh i falvminchi pullashke: yvmohmikma hvchi hlakofa hi oke; micha katiohmi kak o ibbak vt ik hvchi kanvillo tuk a hvsh ithana hi oke, achi tok.

4. Mihma afalamichit, Nanta ho nan ashvchi isht vltoba ya il i falvmincha chi cho? achi tok. Mihma afalamichit, Hlachowa yash tvli holisso lakna yosh holbvt toba tahlapi, micha tvli holisso lakna yosh pinti holbvt toba tahlapi, Filistin okla i hochitoka vhleha holhtina kak inli chohmi ho illi okpulo achvfa hosh hvsh moma, micha hvchi hochitoka aiena ka onvtoyula beka hatuk oka, achi tok.

5. Yvmohmi hoka hvchi hlachowa yash holba ho ikbit, micha hvchi pinti yakni okpvi yash holba ho hvsh ikbashke; micha Israel in Chitokaka ya hvsh holitoblichashke: yohmi na ibbak vt hvchi onvtoyula tuk vt shohvvlachit hvchi ai ishit hvchi naholbvt toba puta ka ai ishit, micha hvchi yakni aiena ka ai ishi yoba na.

6. Yvmohmi hoka nanta katiohmi ho Echip okla, micha Feleo aiena kvv chukvsh kvllochi tok chohmichit hvchi chukvsh a hvsh kvllochi cho? Ai ititakla ya nana afehna ka yvmihinchi ma, ik ia okla im ahni na ia tok keyu cho?

7. Yvmohmi hoka himak a itichanvlli himona ikbi cha, wak tek pishinchi tuklo ikunla abana vt, onvtola tok keyu yo ishit, wak tek ash itichanvlli ya hvsh a takchichashke; micha ushi ya im ai ishit pehlichit i holihta ya isht hvsh lashke.

8. Michi Chihowa im itombi holitopa ya itichanvlli ya hvsh on talali cha, nan ashvchi isht vltoba tvli holisso lakna yash hvsh i falvminchi kvv itombi iskitini yo vltoto ho apotolit hvsh talalashke; micha hvsh pila na iashke.

9. Michi hvsh pisashke; ilap im ai vli Belh-shemesh iakma, yohmikma nan ik achukmo fehna ilvppa pi yvmihchi tuk ach ho; amba keyu hokma, peh yohma he yoba

tuk osh pi yumohmi; yumma ibbak ak osh pisso tok keyu ka il ithaiyanashke, achi tok.

10. Mihma hatak vhleha hut yumihchi tok: micha wak tek pishinchi tuklo ho ishi cha, itichanvlli ya a takchichi cha, ushi ano i holihta apittvt im okshilita tok.

11. Mihmvt Chihowa im itombi holitopa ya, micha itombi iskitini tvli holisso lakna pinti, micha hlachowa holba vt vlhto yash aiena ka itichanvlli ya on talali tok.

12. Mihma wak tek ash osh apissanlit Belh-shemesh pilla ia tok; micha hina takla ya wohohvt aya mvt, isht impakimma, micha vlhfvbekimma kia naksika pit fullota keyu hosh ia ma, Filistin okla i hochitoka vhleha hut iakaiyvt ia mvt, Belh-shemesh ai vhli ka ona tok.

13. Mihma Belh-shemesh asha yvt onush bvshli hosh okfa ha maya tok: atuk osh akachakali cha, itombi holitopa yash pisa mvt, pisa kvv na yukpa tok.

14. Mihma itichanvlli ash osh Choshua Belh-shemait im osapa yo ont chukowa cha, tvli chito ai itola ho yummak o ont hikia tok: mihma itichanvlli iti ya pvhli cha, wak tek ash hukmit isht aiokpvchi yo Chihowa ya im issa tok.

15. Mihma Lefait vhleha hut Chihowa im itombi-holitopa yash, micha itombi iskitini tvli holisso lakna ai vlhto kash aiena ka akvchi cha, tvli chito ya on talali tok: mihma Belh-shemesh hatak vhleha hash osh nitak yummak inli ka na hukmit isht aiokpvchi, micha nan vbit isht aiokpvchi ya Chihowa ya im issa tok.

16. Mihma Filistin okla i hochitoka tahlapi kash osh pisa mvt, mih nitak akinli ho falamvt Eklon a ona tok.

17. Mihma tvli holisso lakna yosh na hlachowa holbvt toba ilvppak o nan ashvchi isht vlhtoba ya Chihowa ya i falvmmnichi tok: Ashtot a achvfa, Kasa ya achvfa, Ashkelon a achvfa, Kalh a achvfa, Eklon a achvfa tok.

18. Michi tvli holisso lakna pinti vt Filistin okla in tmaha holihta moma holhtina ka vlhpisa, hochitoka tahlapi ka immi, tmaha holihta kvllo, micha kocha tmahushi aiena, tvli chito Abel yummak o Chihowa im itombi holitopa on

talali tok ont ai vhli ak atok oke; tvli yvmmvt himak nitak a Choshua Belh-shemait im osapa ya talaia hoke.

19. Mihma Belh-shemesh hatak vhleha ha Chihowa im itombi holitopa anukaka ya pisa tuk pulla mak_o, okla talepa sipokni pokoli tahlapi cha, pokoli untuklo ho vbit tahli tok. Mihma Chihowa vt issot kanchi na illi kvt laua fehna hatuk o, okla hvt yahaya tok.

20. Mihma Belh-shemesh hatak vhleha hvt, Kvta ho^h Chitokaka Chihowa nan ashvchi iksho ilvppa itikba ya hikia hinla cho? micha pissvt kvta hak o im ia chi cho? achi tok.

21. Mihmvt anumpa shali vhleha ha Kichalh-chealim okla ha pit i pila cha, Filistin okla hvt falvmminchit Chihowa im itombi holitopa ya isht vlvshke; ho minti cha, ant ishit hvsh ai asha ka isht hvsh onashke, achi tok.

CHAPTA VII.

MIHMA Kichalh-chealim hatak vhleha hvt vla cha, Chihowa im itombi holitopa ya ant isht ona cha, Abinatab a in chuka nvnih paknaka talaia ya isht ona mvt, ushi Eleasa ak o Chihowa im itombi holitopa ya iesha chi ho hullochi tok.

2. Atuk o yakohmi tok, itombi holitopa yvt Kichalh-chealim talaia na hopaki tok; afvmmi pokoli tuklo tok oka: mihma Israel in chuka achvfa moma kvt i palatvt Chihowa ya im itvnaha tok.

3. Mihma Samuel vt Israel in chuka achvfa moma ka im anumpulit, Hvchi chukvsh isht ai oklvhchit Chihowa ya falamvt hvsh im ona hokmvt, oklushi inla i na holbvt toba, micha Ashtaloh aiena ka hvch ititakla ya hvsh a kanchi cha, hvchi chukvsh a Chihowa ya hvsh im atahli cha, yvmak bano ho hvsh aiokpvchashke; mikma Filistin okla ibbak a akohchit hvchi hlakoficha chi hoke, achi tok.

4. Yvmohmi ma Israel im vlla vhleha hvt Baalim, micha Ashtaloh a kanvllichu cha, Chihowa ak bano ho aiokpvchi tok.

5. Mihma Samuel vt, Israel moma ka Mispah ak o hvsh

ai itvnahlashke, mikmvt ishit hvchi anumpulit Chihowa ya im ilbvsha lashke, achi tok.

6. Mihma iti hoyot Mispēh ak o itvnaha cha, oka ya ochi mvt, Chihowa itikba ya hlatvbli tok; micha nitak yvmma na hullochi cha, Chihowa ya il i yoshuba tuk oke, yvmma ai achi tok. Mihma Samuel vt Islael im vlla vhleha ha Mispēh ya nan im ai apesa tok.

7. Atuk o Islael im vlla vhleha hvv iti hoyot Mispēh a ai itvnaha ka Filistin okla hvv haklo mvt, Filistin okla i hochitoka yak osh Islael itibit ia tok. Atuk o Islael im vlla vhleha hvv haklo mvt, Filistin vhleha ha i nukshopa tok.

8. Mihma Islael im vlla vhleha hvv Samuel a, Isht ish pi anumpohonlit pin Chitokaka Chihowa ya ish i pahaya kvv chik isso kashke, yvmohmi na Filistin vhleha ibbak a akohchit pi hlakofichashke, okla im achi tok.

9. Mihma Samuel vt chukfvhpoa ushi pishi yo ishi cha, hukmit isht aiokpvchit mominchit Chihowa ya im issa tok; mihma Samuel vt Islael a isht anumpulit Chihowa ya i pahaya tok; mihma Chihowa vt i haponaklo tok.

10. Mihma Samuel vt na hukmit isht aiokpvchi yash im issvt isht anta ma, Filistin vhleha hvv Islael a itiba chi hosh akanvllit bilika vla tok; yohmi tuk kia Chihowa vt hilohvchit hiloha chinto ho Filistin vhleha ha et onochi cha, komuntvchit yuhli tok; mihma Islael itikba ya akakoha tok.

11. Mihma Islael hatak vhleha hvv Mispēh ya kohcha cha, Filistin vhleha ha hlioli cha, issot kanchit ishit mayvt Belhka nuta ya ona tok.

12. Yvmohmi ma Samuel vt tvli ishi cha, Mispēh micha Shen ititakla ya hilechi cha, Ebenese hochifot, Ilvppa ant vhli ka Chihowa vt pi apelvshke, achi tok.

13. Yvmohmit Filistin vhleha ha imaiya na himmakma Islael im ai vhli ha ik chukowo tok: mihma Samuel vt ahanta nitak moma ka Chihowa ibbak vt Filistin okla ha i sanali tok.

14. Mihma tvnaha holihta puta Filistin okla hvv Islael a im ishi tok vt Islael a i falvmminechi tok, Eklon vttvt. ivt Kalh ont vhli tok; micha ai vhli ka Islael vt Filistin okla

ibbak a a mokofit im ishi tok. Mihma Israel, micha Amolait okla aiena kv̄t it i nanaiya tok.

15. Mihma Samuel vt okchayvt ahanta nitak moma ka Israel a nan im apesa tok.

16. Mikmvt afv̄mmi hosh afv̄mmikma ivt Behlel, micha Kilkal, micha Misp̄eh aiena ka fullota cha, tv̄maha holihta yv̄mma moma ka Israel a nana im ai apesa beka tok.

17. Michā falamakmvt, Lamah ak o ona beka tok; yv̄mak o in chuka yvt talaiā hatuk cka; micha yv̄mmak o Israel a nan ai im apesa tok; micha yv̄mmak o Chihowa ya alta ya ai im ikbi tok.

CHAPTA VIII.

ATUK o yakohmi tok, Samuel vt sipoknit taiyaha mvt, ushi vhleha ha Israel nan im apesa ikbi tok,

2. Michā tikba im v̄tta yvt Choel hohchifo hokma, im atukla yvt Abiah hohchifo hatok: Bee-sheba ak o nan im ai apesa yatok.

3. Mihma ushi vhleha hash osh a nohōwa tok ik ayō hosh, amba naksika fullotvt nana ahayuchi ai v̄lhpesa keyu asitia, micha habenv̄chi ishi cha, ai v̄lhpesa ka shanaiyv̄chi tok.

4. Yvmohmi ma Israel im asv̄nonchi vhleha hv̄t iti hoyot itv̄naha cha, Samuel ai v̄tta Lamah ya ona tok.

5. Michā, Yakeh! sipoknit chi tahv̄shke; mikma chiso tuklo kv̄t ish ataya ya ik a nowoshke: himak a miko ish pim ikbi na oklushi moma kv̄t a yohmi chatuk chohmit na pim apesashke, im achi tok.

6. Yohmi kia, Miko ish pima na nana pim apesashke, okla achi ma, Samuel vt nana isht ik im v̄lhpeso tok. Mihma Samuel vt Chihowa ya im ilbv̄shvt anumpuli tok.

7. Mihma Chihowa vt Samuel a, Okla im anumpa nana chim ahanchi ka moma ish i haponaklashke: chishno ak o chi kanchi keyu hoka, amba vno ak osh i miko la chi keyu ka ahnit, sa kanchi hoke.

8. Pehlichit Echip a kohcha li tok nitak minti kv̄t himak nitak ant v̄hli ka nana toksv̄li puta yvmihinchit sa kanchi cha, naholbvt toba puta ka aiokpv̄chi chatuk mak osh chishno yak kia chi a yvmihchi akinlishke.

9. Yohmi hoka himak a im anumpa h̄a ish i haponaklashke; yohmi kia atokolit v̄lhpesa keyu ish im achashke, micha m̄iko vt m̄ika ch̄i kv̄t nana akaniohmi ȳa ish im anolashke, im achi tok.

10. Mihma Samuel vt Chihowa im anumpa moma ka okla m̄iko im asilhha kash im anoli tok.

11. Mihmvt, M̄iko hv̄ch̄i m̄iko nana akaniohmi vt ilvppak ahi oke: Chiso v̄hleha h̄a ishi cha, ilap apistikeli, micha im itichanv̄lli apistikeli, micha im issuba om binili ȳa ch̄i aiena ka atokola hi oke; mikma kanimi kv̄t im itichanv̄lli itikba chahafa ȳa hi oke.

12. Micha tahlepa sipokni i kv̄pitv̄ni, micha pokoli tahlapi i kv̄pitv̄ni il atokola hi oke; mikmvt yakni in lapushkichit onush i bv̄shlit, micha tv̄nvp isht itibi, micha tv̄nvp itichanv̄lli isht halv̄lli aiena ka ikba hi o apesa hi oke.

13. Micha hv̄ch iso tek v̄hleha hv̄t ilimpa champuli ikbi, micha hothoni, micha p̄vska ikbi aiena ya ch̄i h̄o isha hi oke.

14. Micha hv̄chim osapa puta ka, micha p̄aki hv̄chim ahollokchi, micha alif hv̄chim ahollokchi aiena achukma i shahli kia ishi cha, in tishu v̄hleha h̄a ima hi oke.

15. Micha nawaya ishit pokoli, micha p̄aki hv̄chim ahollokchi ishit pokoli aiena ka ishi cha, im aboha apistikeli v̄hleha, micha in tishu v̄hleha aiena ka ima hi oke.

16. Micha hatak hv̄chin tishu v̄hleha, micha ohoyo hv̄chin tishu v̄hleha, micha hatak himithoa achukma hv̄chim i shahli, micha hv̄chim issuba haksobish falaia aiena ka ishit ilap nana toksv̄li im atahla ch̄i h̄o hilecha he;

17. Micha hv̄chin chukfv̄lhpoa ishit pokoli ka isha he: mikma in tishu v̄hleha hv̄chia hi oke.

18. Mikma nitak ymma hv̄ch̄i m̄iko hv̄sh il atokoli tuk ash pulla kak o hv̄sh pahaya hi oke; mikma nitak ymma Chihowa vt hv̄ch̄i haponakla he keyu hoke, achi tok.

19. Yohmi kia okla hv̄t Samuel im anumpa h̄a im antia

ik bunno ki tok: micha, Ahá; yohmi kia miko yosh pi peh-
 lichí vt pim asha chí hoke;

20. Yymohmi hō pishno ak kia oklushi inla moma ka e
 chohma hi ak oke; yohmikma pi miko vt na pim apesvt,
 micha pi tikba kohchvt ia cha, pin tnrp a itiba he ak
 oke, achi tok.

21. Mihma Samuel vt okla im anumpa moma ka haklo
 cha, Chihowa haksobish a haklohonchi tok.

22. Mihma Chihowa vt Samuel a, Im anumpa hā ish i
 haponaklo cha, miko ish im ikbashke, im achi tok. Mihma
 Samuel vt Israel hatak vhleha hā, Hatak hvsh puta kv̄t hvsh
 ia cha, hvchin tumaha holihta aiyukali hvsh onashke, im
 achi tok.

CHAPTER IX.

MIHMA Benchamin hatak, Kish hohchifo, hatak holi-
 tom- pa fehna im ilayak chito hosh anta tok; yummvt Abiel
 ushi yokma, yummvt Selo ushi yokma, yummvt Becholah
 ushi yokma, yummvt Benchamait Aphiah ushi atok.

2. Mihma yummvt Sal hohchifo hosh ushi vt im anta
 tok, hatak himita achukma, micha pisa aiokli hatok; Israel
 im vlla vhleha hā hatak aiokli ymma achukma i shahli kv̄t
 iksho tok: tahchi vttvt vba ia kv̄t chaha kv̄t okla moma ka i
 shahli tok.

3. Atuk o Sal iki Kish im issuba haksobish falaia vt ta-
 moa tok: mihma Kish vt ushi Sal a, Himak a tishu vhleha
 hā achvfa ka ish ishi cha, wakayvt, ivt issuba haksobish
 falaia puta kash hoyot hvsh iashke, im achi tok.

4. Mihma Eflaim nv̄nih hā hlopullit, Shalisha yakni ya
 hlopullit aya kia, ik ahayuchot okla tok; yohmi mv̄t Shalim
 yakni ya hlopullit ayvt okla ma, ymma iksho tok; micha
 Benchamait vhleha i yakni ya hlopullit aya kia, ik ahayu-
 chot okla tok.

5. Atuk osh Suf i yakni ya ona ma, Sal vt in tishu awant
 aya tuk a, Inta! e falamashke; aki vt issuba haksobish

falaia puta anukfilli kash osh issa cha, pishno ak o nukhaklot pi anukfilli yoba ná, im achi tok.

6. Mihma, Yakeh! himak a tumaha holihta ilvppa hatak Chitokaka im antia hosh anta kvt hatak holitompa hoke; nana moma ahanchi kvt ont ai ahli pulla chatuk oke: himak a yvmmak o il iashke; hina il atia he vlhpesa pim anola hinla yoba ká, im achi tok.

7. Yohmi ma Sal vt in tishu ha, Yohmi kia yakeh! il iakmvt, hatak a nanta ho isht il im ona chi cho? pvska vt pim ai vlhto ya tahvshke, mikma hatak Chitokaka im antia ya nana kia isht im onvt e habenvcha hi vt ikshoshke; nanta ho il ishi cho? im achi tok.

8. Mihma tishu hash osh afalamichit anonti Sal a, Yakeh! tvli hvta shekel kvshkoa ai ushta kvt ilvppa subbak fohkvshke; yvmmak o hatak Chitokaka im antia hvv hina il atia chi ka pim anola chi ka ima lashke, im achi tok.

9. (Nitak tikba ka hatak vt Chitokaka ya i ponaklot iakmvt, Inta! napisa yak o kil im oná, achi beka tok: himak a hopaii achi vt chashpo hokvno napisa achi beka tok.)

10. Yvmohmi ma Sal vt in tishu ha, Anumpa hvv achukmvshke; inta! kil íá, im achi tok. Yohmi ma itiachit tumaha holihta hatak Chitokaka im antia aivtta ya it onachi tok.

11. Atuk osh nvnih ha oiyvt tumaha holihta ia hosh maya mvt, ohoyo himithoa yosh oka ochit kohchvt aya ho pisa tok; micha, Napisa vto anta cho? im achi tok.

12. Mihma okla afalamichit, Antvshke; yakeh! hvchi tikba anta hoke: himak a hvsh tushpashke, himak nitak ak o tumaha holihta ya vla hoka; okla hvv nan vbit isht aiokpuchi ya himak nitak a achahaka ya isht asha hoka.

13. Tumaha holihta ya ont hvsh chukowa mak inli hosh achahaka ya oiyvt impvt ik aiyo kisha ho hvsh ahayucha chi hoke: ik lo kisha ka okla hvv impa he keyu hoka, nan vbit isht aiokpuchi ya aiokpuchi chatuk oka; mikma i himmak o im annoa tuk vt impa chatuk oke. Yohmi hoka himak a hvsh oiyashke; himak a foka kak o hvsh ahayucha hinla hokvt, im achi tok.

14. Mihma pit oiyvt tmaha holihta ya chukowa tok: micha tmaha holihta ya ont chukowa ma, yakeh! Samuel vt achahaka yash ona chi hosh kohchvt ont afama tok.

15. Nitak achvfa tikbanli Sal vt ik lo kisha ho, Chihowa vt Samuel a haksobish a haklochit,

16. Onnaha himak a chohmi fokakma Benchamin i yakni ya a kohchit hatak a et chi pila la chi hoke; mikma yvma bila avmmit ish atokoli na vm okla Israel a pehliechi cha, vm okla ha Filistin okla ibbak a a mokofit hlakofichashke: pahaya kvv vm ahanla hatuk o, vm okla ha pihisa li hoke, achi tuk atok.

17. Atuk o Samuel vt Sal a pisa ma, Chihowa vt, Yakeh! hatak chim anoli li kash pisá; ilvppa fehna hosh vm okla ha i mika chi hoke, im achi tok.

18. Mihma Samuel vt holihta okhissa hikia na Sal vt i bilika ona cha, Um anoli, chim asilhha lishke, katima yak osh napisa in chuka yoh cho? achi tok.

19. Mihma Samuel vt afalamichit Sal a, Uno ak osh napisa sia hoke: sa tikba ivt achahaka yash ish onashke; himak nitak a is svbai impa chi hoka: atukma onnakma ik ia, chim ahni la chi hoke; micha nana moma chi chukvsh foka ka chim anoli la chi hoke.

20. Ychmi ka chim issuba haksobish falai nitak tuchina kash tamoa tuk ak heno chik anukfillo kashke; haiaka tuk oka. Yohmi ka Israel moma aiahni kvv kvta hak oh cho? Chishno, micha chiki in chuka achvfa kak keyu cho? achi tok.

21. Mihma Sal vt afalamichit, Uno vt Benchamait sia keyu? Israel afehlichit puta ka moma ik lauwo keyu cho? micha Benchamin afehlichit chuka achvfa puta ka an chuka achvfa ak osh moma ik lauwo keyu cho? yohmi ka nanta katiohmi ho yakohmichit is svv anumpuli cho? achi tok.

22. Mihma Samuel vt Sal, micha in tishu pehlichit ai impa aboha isht ona cha, im annoa tuk vt hatak pokoli tuchina foka hosh chieya ka ai ititakla ai ombinili holitopa i shahli kak o binohlichit tok.

23. Mihmvt Samuel vt hoponi ya, Kvshkoa achvfa ka

chima lish, Naksika talali, chim achi li kash isht vlá, im achi tok.

24. Mihma hoponi yash osh fullup a, micha nana onvtola tuk a aiena ka ishi cha, Sal a itikba talali tok. Mihma Samuel vt, Yakeh! yumma il atomba tuk mak oke; chi tikba talali cha, impá: chishno ak o, Okla ha hoyo lishke, achi li tuk itintakla ka chin talaia tuk oke, achi tok. Yohmi ho Sal vt nitak yumma Samuel a ibai impa tok.

25. Atuk osh achahaka ya akowvt tumaha holihta ya chukowa ma, Samuel vt aboha pakna ai itim anumpuli tok.

26. Atuk osh onnahinli fehna ho wakayvt okla tok: atuk o yakohmi tok, nitak vt onvt mihinti foka ma, Samuel vt aboha paknaka Sal a ai i howvt, Wakaya, yohmi na chi pila likma, ish ayashke, achi tok. Mihma Sal vt wakaya ma, itatuklot kohchvt it iachi mvt, yumma, micha Samuel itatuklot yakni haiaka itonachi tok.

27. Atuk osh okvtahvt ivt tumaha holihta ai vhli ka ona ma, Samuel vt Sal a, Tishu ha tikba ia chi ka, i mihá, (mihma ia tok:) amba chishno vto lumvt hikia na Chitokaka im anumpa ha chim anoli lashke, im achi tok.

CHAPTA X.

YUMOHHI ma Samuel vt kotoba bila vlhto ho ishi cha, noshkobo ha on hlatvbli tok; mihmvt i suksowa cha, Ai isha he vlhpesa ya pehlichia chia ha chi ho Chihowa vt bila ishit chi a hvmmi tuk kak keyu cho?

2. Himak nitak a a filvmmi ish iakmvt, hatak tuklo kv Lechel im ahollopi bilika Benhamin im ai vhli Selsah hinli na hvsh ahayucha chi hoke; mikma, Issuba haksobish falaia puta kash hoyot hvsh ia tuk vto haiaka tuk oke: mikma yakeh! chiki vt issuba haksobish falaia puta anukfilli tuk vt issa cha, ishit chi nukhaklot, Svso hano katiohmi la chi cho? ahanchishke.

3. Yohmikma yumma ont hielit ont hvsh iakmvt, Tabo yakni patvssvchi ya hvsh ona chi hoke; mikma hatak tu-

china kv̄t Behlel a Chitokaka im ia kv̄t hv̄chi afama ch̄i hoke; achvfa kv̄t issi kosoma tuchina hō ieshikma, achvfa kv̄t pvska lumbo tuchina hō ieshikma, achvfa kv̄t oka p̄aki kotoba achvfa hō iesha ch̄i hoke.

4. Mikmvt okla chi aiokpv̄chi cha, pvska lumbo tuklo hō chima ch̄i hoke, yv̄mma ibbak a ish im ai isha ch̄i hoke.

5. Yohmi hayokma, Chitokaka i nvnih Filistin holihta atalaia yā hv̄sh ona ch̄i hoke; atukma yakohma ch̄i hoke, tv̄maha holihta yv̄mma ish onakma, hopaii kanohmi kv̄t achahaka ashvt salteli, micha vhlepushi, micha oskula, micha hap aiena tikba isht aya hosh akowvt minti hō ish afama ch̄i hoke; mikma Shilombish anukfoyukvt Chihowa aiokpahancha ch̄i hoke.

6. Mikma Chihowa imi Shilombish vt ant chi onvtolakmvt, takla Chihowa ish aiokpahanchi cha, hatak inla ish toba ch̄i hoke.

7. Atukma nan isht atokowa puta ilvppvt chim v̄lakma, yakohma chiké, nana ish a yvmohma he v̄lhpiesa kv̄t ish pisakmvt, ish yvmohmashke, Chitokaka yvt chiba foyuka hoka.

8. Micha sa tikba Kilkal a ish ona ch̄i hoke; mikma chim ona lish, na hukmit isht aiokpv̄chi, micha isht it i nanaiyv̄chi v̄bit isht aiokpv̄chi yā isht v̄tta la ch̄i hoke: nitak untuklo hō ish ahanta na chim v̄la lish, nana ish akaniohma hi yā chim anoli la ch̄i hoke, achi tok.

9. Atuk o yakohmi tok, filemvt Samuel a i filv̄mmit ia ma, Chitokaka vt ch̄ukv̄sh inla ima tok: atuk o nitak yvmmak inli hō nan isht atokowa yv̄mma puta kv̄t ont ai ahli tok.

10. Atuk o mintit nvnih hā v̄la ma, yakeh! hopaii kanohmi kv̄t afama tok; mihma Chitokaka imi Shilombish vt onvtola ma, ibatakvt Chihowa yā aiokpahanchi tok.

11. Atuk o yakohmi tok, nitak tikba ithana tok moma kv̄t, yakeh! hopaii vhleha takvt Shilombish anukfoyukvt anumpuli na pisa mvt, ilap b̄ika it im achit, Ilvppak osh nanta hosh Kish ushi yash im v̄la cho? Sal ak kia hopaii iba holhtina cho? achi tok.

12. Mihma ai achvfa akinli hosh afalamichit, Amba iki ak osh kvta hō? achi tok. Yvmohmi hō Sal ak kia hopaii vhleha iba holhtina hō? achi anumpa hvt ai imomvt taha tok.

13. Atuk o Shilombish anukfoyukvt anumpulit im vlhta-ha mvt, achahaka ya ona tok.

14. Mihma Sal imoshi vt yvmma, micha in tishu ha, Katima hvsh ia tuk o? im achi tok. Mihma, Issuba haksobish falaia puta kash hoyot il ia tuk; atuk o kanima iksho kvmoimi na e pisa mvt, Samuel ak o il im ona tuk, achi tok.

15. Mihma Sal imoshi vt, Samuel vt nana chim achi tuk a vm anoli, chim asilhha lishke, achi tok.

16. Mihma Sal vt imoshi ya, Issuba haksobish falaia puta kash ot haiaka tuk a atokolit pim anoli tuk oke, im achi tok. Yohmi kia ilap vt miko vlhtoka tuk Samuel vt isht anumpuli tuk ano ik im anolo ki tok.

17. Mihmvt Samuel vt okla ha i howvt, Mispel yak o Chihowa ya im ai itvnahli tok.

18. Mihmvt Israel im vlla vhleha ha, Israel in Chitokaka Chihowa vt yak ahanchishke, Uno ak osh Israel a Echip a akohchi li tok, micha Echip okla ibbak a ai i mokofit hlakofichit oklushi puta, micha hvch ilbvshali ya ibbak a a mokofit hvchi hlakofihinchi li tok oke.

19. Atuk o himak nitak fehna hvchin Chitokaka, yvmmvt ilap akinli hosh nan isht hvch ilbvsha, micha nan isht hvchi palvmmi ya a hvchi kohchi tok a hvsh shitilemvshke; micha, Aha! yohmi kia miko ak o pim ikbi, hvsh im achi tuk oke. Yvmohmi hokvt himak a hvchim apelihika, micha hvchin tahlepa sipokni ai yukali kv, Chihowa itikba ya ont hvsh ile haiakvchashke, im achi tok.

20. Mihma Samuel vt apelihichi moma ka bilika akanvllichi ma, Benchamin apelihika ak osh vlhtoka tok.

21. Mihma Benchamin apelihika ya kvshkoa yak o bilika akanvllichi ma, Matli in chuka achvfa yak osh vlhtoka tok; mihma Sal Kish ushi yak osh vlhtoka tok: atuk o hoyo ma, haiaka he keyu tok.

22. Yvmohmi hoka hatak ash osh vla chi ak inlikma,

nana ka achakalechit Chihowa ya okla i ponaklo tok. Mihma Chihowa vt afalamichit, Yakeh! nan chukushpa a luma tuk oke, achi tok.

23. Mihma okla yihleptv ia cha, ont isht vla tok: mihma okla takla wakayvt hikia mvt, tahchi vttvt vba ia kvv chaha kvv okla moma ka i shahli tok.

24. Mihma Samuel vt okla moma ka Chihowa vt atokoli tuk chiyuhmi kvv okla moma ka iksho ho hvsh pisa hoh cho? im achi tok. Mihma okla moma kvv shakapa cha, Chihowa vt miko ya okchalinchashke, achi tok.

25. Yvmohmi ma Samuel vt miko apehlichika akaniohmi ya im anoli cha, holissochit nolisso afohki mvt, Chihowa itikba bohli tok. Mihmvt Samuel vt okla moma ka in chuka aiyykali pit tihleli tok.

26. Mihma Sal ak kia in chuka Kibiah ya ona tok; mihma hatak kaniohmi kvv Chitokaka yvt chukvsh a anukfohki tuk a awant ia tok.

27. Yohmi kia Belial ushi vhleha hvv, Katiohmi kak osh hatak ilvppvt pi hlakoficha hinla cho? achi tok. Michia okla shitilema mvt, na hvlbina isht ik im ono tok. Yohmi kia nana ik acho tok.

CHAPTER XI.

YOHMI ma Nahash Ammonait vt vla cha, Chabesh Kileat i sanalit ont binanchi tok: mihma Chabesh hatak moma kvv Nahash a, Nana it im vlvpisa ish pit im apesa na e chim antiashke, im achi tok.

2. Mihma Nahash Ammonait ash osh afalamichit, Ilvppak ok mak o Israe'l moma ka ishit hofahya yosh in takala chi ho hvchi nishkin isht impakimma moma ka kocha wehli li hok mak osh nana it im vlvpisa ya hvch itim apesa la chi hoke, im achi tok.

3. Mihma Chabesh im asvnonchi vhleha hvv, Nitak untuklo ho ish pima na Israe'l aiasha fullota anumpa shali vhleha ha e tihlelashke: yvmohmi na hatak pi hlakoficha hinla kvv ikshokmak o e chi kohchashke, im achi tok.

4. Yvmohmi ma anumpa shali vhleha hash osh Kibeah Sal ai vtta ona tok; micha anumpa hash okla a həklo hō anoli tok: mihma okla moma kv̄t chitolit yaiya tok.

5. Mihma yakeh! Sal vt wak a iakaiyvt yakni haiaka ya kohchvt minti tok; mihma Sal vt, Okla hvt nanta i katiohmi hosh yaiya cho? achi ma, Chabesh hatak vhleha hvt anumpa anoli kash im anoli tok.

6. Mihma Sal vt anumpa yvma haklo ma, Chitokaka imi Shilombish vt onvtola tok, mihma nukhobelvt chukvsh libbi fehna tok.

7. Micha wak toksvli yok achvfa hō ishi cha, bvshlit tushahlichit taiyahli cha, anumpa shali vhleha ibbak fohkit, Israel abinili fullota ka pilvt, Krna hosh Sal, micha Samuel itatuklo ka kohchvt ik iakaiyokma, i wak toksvli ya yakohmichashke, achi tok. Mihma Chihowa i nukwia kv̄t okla hā onvtoyula cha, achvfa chiyuhmit okla kohcha tok.

8. Yvmohmi ma Besek a a hotihna ma, Israel im vlla vhleha hvt tahlepa sipokni tahlepa tuchina ma, Chutah hatak vhleha hvt tahlepa sipokni pokoli tuchina tok.

9. Micha anumpa shali vhleha v̄la kash, Chabesh Kileat hatak vhleha hā ilvppak o hvsh im ahashke, Onnahā lvshpvt tahakma hvchi apela vt ona chī hoke, im achi tok. Atuk o anumpa shali vhleha hash osh Chabesh hatak vhleha hā ont im anoli tok: mihma okla na yukpa tok.

10. Yvmohmi ma Chabesh hatak vhleha hvt, Onna ha ya e chī kohchakma, nana hō v̄lhpesa hvsh ahnikmvt, hvsh pi yvmihchashke, achi tok.

11. Atuk o onna ma yakohmi tok, Sal vt okla apehlichit tuchina hō hilechi tok; micha onnahinli atoni yo in tv̄nvp ititakla ka iba chukowa cha, Ammonait vhleha v̄bit isht iv̄t nitak lvshpa taha ka isht ona tok: atuk o yakohmi tok, hla-kōfi tuk vt itafimimpvt taiyaha cha, tuklot itachvnaiyvt aya kv̄t iksho ki tok.

12. Mihma okla hvt Samuel a, Kr̄ta hosh Sal vt pi m̄iko ya chī cho? achi tuk m̄vto? yvma achi tuk hatak vhleha hā isht hvsh la na e bashke, im achi tok.

13. Mihma Sal vt, Himak nitak a hatak nana hosh illa

he keyu ; himak nitak a Chihowa ak osh Israel a hlakofichi hoka, achi tok.

14. Yvmohmi ma Samuel vt okla ha, Inta ! Kilkal ak o kiloh ia cha, miko ya himonvchit il atokolashke, im achi tok.

15. Mihma okla moma kvt Kilkal a ona tok : micha Kilkal yvmmak o Sal a Chihowa itikba ya miko okla ai ikbi tok : micha yvmmak o it i nanaŷvchi isht aiokpvchi ya vbit Chihowa itikba isht ai asha tok ; micha yvmmak o Sal micha Israel hatak vhleha moma kvt na yukpa fehvt aiasha tok.

CHAPTA XII.

MIHMMA Samuel vt Israel moma ka, Yakeh ! nana hvs svn achi tuk chim anumpa moma ka hvchi haponaklo li tuk oke : micha miko hvchi pehlichi ikbi li tuk oke.

2. Yvmohmi ka Yakeh ! himak a miko vt hvchi tikba a nowvshke : mikma sa sipoknit noshkobo tohbit sa taiyahvshke : mikma yakeh ! svso vhleha hvv hvchi takla ahāshvshke : micha vlla sa momvt mihintit himak nitak a ont vli ka hvchi tikba a nohova li tuk oke.

3. Yakeh ! yak hikia lishke : kvna i wak a ishi li tok o ? keyukvvt kvna im issuba haksobish falaia ya ishi li tok o ? kvta hak o haksichi li tok o ? kvta hak o ilbvshali li tok o ? kvta ibbak o nahvrbina ya ai ishi lish, sa nishkin a isht luhmichi li tok oh cho ? Chihowa, micha ahamvt im vlhtoka itikba aiena ka hvs si atokolashke ; mikma hvchi falvmmichilashke, im achi tok.

4. Mihma, Ish pi haksichi tok keyu hoke, micha ish pilbvshali tok keyu hoke, micha nana achvfa kia hatak kvna ibbak o ish ai ishi tok keyu hoke, okla achi tok.

5. Mihma, Nana achvfa kia svbbak a fokka ka hvsh ahayuchi tuk keyu, Chihowa vt hvchi atokoli yoke, micha ahavvt im vlhtoka vt hvchi atokoli yoke, achi tok. Mihma afalamichit, Atokoli yoke, okla achi tok.

6. Mihma Samuel vt okla ha, Chihowa ak osh Moses,

micha Alon a holitoblit hilechi tok oke, micha hvch iki vhleha Echip yakni ya apelihit kohcha tok oke, im achi tok.

7. Yvmohmi hoka himak a lumvt hvsh hieli na Chihowa vt hvchishno, micha hvch iki vhleha ai vlpiesa ho hvchi yvmihinchi tok a Chihowa itikba ya atokolit hvchim anum-pohonli lashke.

8. Chekob vt Echip a ona tok; atuk o hvch iki vhleha hv Chihowa ya i pahaya tok: mihma Chihowa vt Moses, micha Alon itatuklo ho pit pila na, hvch iki vhleha pehlichit Echip a ai ishit kohcha cha, ilvppa binohlichit tok.

9. Atuk o in Chitokaka Chihowa ya im ahahaksi ma, kanchit Sisela Haso tvshka chipota i kvpituni yo ibbak fohki cha, Filistin okla ibbak fohki mv, micha Moab i miko ibbak fohki na itibit in tanahampi tok.

10. Mihma Chihowa ya i pahaya cha, Pi yoshuba tuk oke, Chihowa ya e kanchi cha, Baalim, micha Ashtaloh il aiokpvchi tuk okvt: yohmi kia himak ano pin tvnp ibbak a ish pi ahlakofichikma, e chi aiokpvchashke, achi tok.

11. Mihma Chihowa vt Chelub-baal, micha Betan, micha Chefhlah, micha Samuel aiena ka hvchi pila na hvchin tvnp ibbak hvch ahlakofichit afullochi na achukma ho hvsh aiasha tuk oke.

12. Michā Ammon in chipota i miko Nahash vt ant hvchin tanampi na hvsh pisa mv, hvchin Chitokaka Chihowa vt hvchi miko yokak o, hvchishno vt, Ahā! amba miko yosh pi pehlichā chī hoke, hvsh achi tok.

13. Yvmohmi hoka himak a miko hvsh atokoli tuk, micha hvsh ahni tuk vt hvsh pisashke, micha yakeh! Chihowa vt miko hvchi pehlichit hvchi hilechishke.

14. Chihowa ya hvsh holitobli cha, i nutakvt im anumpa ha im antivt, Chihowa i nan vlpisa hvch ik kobvffo, yvmohmikmv hvchishno, micha miko hvchi pehlichit aiena kv hvchin Chitokaka Chihowa ya iakaiyvt hvsh mahaya chi hoke.

15. Amba Chihowa im anumpa ha hvsh im antia keyu hosh, amba Chihowa i nan vlpisa ha hvsh kobvffikma, hvch

iki vhleha i sanali tok a chohmit Chihowa ibbak vt hvch i sanala hi oke.

16. Yvmohmi ka himak ano hielit nana afehna Chihowa vt hvchi nishkin itikba ya a yvmihcha chi ka hvsh pisashke.

17. Himak nitak vt onush vmo keyu? Chihowa ya i paya likma, hiloha, micha umba aiena ka et pila chi hoke; yvmohmi ho miko hvsh asilhha kv, Chihowa itikba nana hvsh ashvchi kv chinto fehna ka hvsh ithaiyanashke, im achi tok.

18. Yvmohmi ho Samuel vt Chihowa ya i paya tok; mihma Chihowa vt nitak yvma hiloha, micha umba aiena ka et pila tok: mihma okla moma kv Chihowa, micha Samuel aiena ka i nukshopa fehna tok.

19. Mihma okla moma kv Samuel a, Chin tishu vhleha ha isht anumpulit, chin Chitokaka Chihowa ya ish im asilhashke, yohmi na ik p'illo kashke: miko il asilhha kv nan il ashvchi ya il iba fohki tuk okvt, achi tok.

20. Mihma Samuel vt okla moma ka, Hvchi nukshopa na; nan ashvchi ilvpa moma ka hvsh yvmihchi tuk oke: yohmi kia Chihowa ya hvsh iakaiya kv, naksika hvch ik shanaiyo hosh, amba chukvsh ai okluha hosh Chihowa ya hvsh im antiashke.

21. Micha naksika hvch ik shanaiyo kashke: yvma hvsh yvmohmikvt, nana ik ahobo, nana apela he keyu, micha na hlakoficha he keyu aiena ka hvsh asitia hinla hokvt; nana ik ahobo hoka.

22. Chihowa vt ilap hohchifo holutopa ak atuk pulla kak o im okla ha kancha he keyu: Chihowa vt vlpesa ahni pulla cha, im okla hvch ikbi tuk okvt,

23. Micha vno vt anumpa ilbvsha isht hvchi anumpuli li kv issa lish, Chihowa ya i yoshuba la hi a Chitokaka yvt vm olvbashke; amba achukma, micha aivlpiesa hina yak o hvch ithvnanchi la chi hoke.

24. Peh Chihowa ya hvsh i nukwia cha, aahlit chukvsh okluha hosh hvsh im antiashke: nana achinto fehna hvchim atahli tuk a hvsh anukfillashke.

25. Amba nana ik vlpeso hvsh yvmohmi kv imomak-

mut, hvchishno, micha hvchi miko aiena kut illit taha hi oke, im achi tok.

CHAPTER XIII.

SAL vt afvmmi achvfa ho miko tok; mihmut afvmmi tuklo ho Israel a i miko mut,

2. Sal vt Israel a hatak tahlepa sipokni tuchina ho il atokoli tok: yvmma tahlepa sipokni tuklo hosh Sal a apehvt Mikmash, micha Behlel nvnih ha aasha ma, tahlepa sipokni achvfa kut Chonahlan ak o apehvt Benjamin yakni Kibeah yak o aasha tok: micha okla inla kvno im vlbina aiyukali pit tihleli tok.

3. Mihma Chonahlan vt Filistin vhleha i holihta Keba hikia ka issot kanchi tok; mihma Filistin vhleha hut haklo tok. Mihma Sal vt yakni moma afullota ka hlopullichit isht pufa ya olachit, Heblu vhleha hut haklashke, achi tok.

4. Mihma Israel moma kut, Sal vt Filistin vhleha i holihta ya issot kanchi na Filistin vhleha hut Israel a i yuwalvshke, achi ho haklo tok: mihma okla hut im annovt Sal a iakaiyvt Kilkal a ai itvnaha tok.

5. Mihma Filistin okla hut Israel a itiba chi hosh itihoyot, tvnvp itichanvlli tahlepa sipokni pokoli tuchina, micha issuba om binili hatak vt tahlepa sipokni hannali, micha okla hut apakna kut shinuk osh okhuta vhli aiasha kak o chiyuhmi hosh itvnaha tok: micha mintit vla cha, Belh-afen i hvshi akochaka imma Mikmash ak o a binachi tok.

6. Israel hatak vhleha hut ai itikonofa ho hiel kut pisa mut, (okla komunta hokvt,) yohmi mut okla hut hichukbi, micha kohchi foka, micha achahaka, micha yakni chiluk aiena ka a luma tok.

7. Mihma Heblu kaniohmi kut Chatan a hlopullit Kat, micha Kileat a ona tok. Sal vto Kilkal akinli ho anta moma ma; okla moma kut wvnihinchi hosh iakaiya tok.

8. Mihma nitak untuklo ho Samuel vt apesa tuk mak o ahanta tok: yohmi kia Samuel vt Kilkal a ik ono tok. mihma okla hut ita fimimpvt taha tok.

9. Mihma Sal vt, Na hukmit isht aiokpuchi, micha nan isht itinanaiyuchi isht aiokpuchi ishit hvs sv̄m ūlashke, achi tok. Michā na hukmit isht aiokpuchi yā im issa tok.

10. Atuk o yakohmi tok, na hukmit isht aiokpuchit issa mak inli ma, yakeh! Samuel vt v̄la tok: mihma Sal vt aiokpucha ch̄i hosh kohchvt afamvt ia tok.

11. Mihma Samuel vt Sal a, Nanta mak o ish yvmihchi cho? im achi tok. Mihma Sal vt, Okla hvt a filvmmvt ita fimimpvt taha, mihma nitak v̄lh̄pisa tuk ont ai v̄lh̄pesa ma chik lo, mihma Filistin v̄hleha hvt iti hoyot Mikmash a itv-naha ka pisa li hokvt,

12. Yohmi kak o, Himak a Filistin v̄hleha hvt mintit Kilkal a v̄lvt, si onvtola ch̄i hokak o Chihowa yā ak im asilh-hoshke, achi li hosh v̄lh̄pesa keyu ahni li ak inli kia, nabukmit isht aiokpuchi yā im issa li tuk oke, achi tok.

13. Mihma Samuel vt Sal a, Im anukfila iksho chiyuhmi hosh ish yvmihchishke; chin Ch̄ tokaka Chihowa i nan v̄lh̄pisa chim apihisa tuk a chik holitobloshke: himak a Chihowa vt Israēl ish apēhlichika kullochī na hikia kv̄t bilia hetuk oka.

14. Amba himak ano ish apēhlichika vt mahaya he keyushke. Chihowa vt hatak ilap chukv̄sh ak inli iakaiya yō hoyo tuk oke; micha yvmmak osh im ekla i m̄iko tobtv̄t pehliecha ch̄i hō Chihowa vt apesa tuk oke; Chihowa vt nana chim apihisa tuk a chik im antio tuk oke, im achi tok.

15. Mihma Samuel vt wakayvt Kilkal a v̄ttvt Benchamin i yakni Kibeah yā ona tok. Mihma Sal vt okla apēhvt āsha moma ka hotihna ma, hatak tahlepa hannali foka tok.

16. Mihma Sal, micha ushi Chonaʿlan, micha okla apēhvt āsha tuk vt Benchamin yakni Kibeah yak o aiasha tok: amba Filistin v̄hleha hv̄to Mikmash ak o binachit aiasha tok.

17. Mihma na wehpuli vt aya tuchina hosh Filistin v̄hleha i binah h̄a kohchvt minti tok; aya achvfa kv̄t fullotvt Shual yakni Oflah ona hina hak o ia tok.

18. Mikma aya achvfa kv̄t fullotvt Belh-holon pilla hō ia tok: mikma aya achvfa kv̄t fullotvt yakni v̄hli Seboim okfa pit bachaya yakni haiaka pilla hina yak o ia tok.

19. Yvmohmi ma tvli boli vt Islael yakni moma ka iksho tok: (Filistin okla hvt Heblu vhleha hvt bvshpo falaia, micha tvbi tvli halupa on tvla ya ikbi yoba ná, achi hatok oka.)

20. Yohmi kia Islael moma kv̄t ī yakni isht patafa, micha in chahe iskifa, micha im iskifa, micha ī yakni isht patafa tikba hikia aīyukali ka halupala ch̄i hosh Filistin aiasha ka ona beka tok.

21. Yohmi kia yakni isht patafa tikba hikia, micha in chahe iskifa, micha tvli chulakto, micha iskifa, micha ishit bahli ishit halupacha ch̄i kv̄t ishit mihlofa ya ieshi tok.

22. Atuk ō yakohmi tok, itibi nitak ā okla Sal, micha Chonahlan apehvt āsha ka bvshpo falaia kia, micha tvbi tvli halupa on tvla nana kia iksho tok: amba Sal, micha ushi Chonahlan ak illa hosh ishi tok.

23. Mihma Filistin tvshka chipota vt kohchvt ivt Mik-mash ahlopulli ya ona tok.

CHAPTA XIV.

ATUK ō yakohmi tok, nitak kaniohmi ma Chonahlan, Sal ushi vt hatak himita ī na halupa shoyuli ya, Inta! Filistin tvshka chipota aiasha tvnnvp talaia ka kil iá, im achi tok. Yohmi kia īki ya ik im anolo ki tok.

2. Mihma Sal vt Kibeah ont vhli pomeklanat iti Miklon hikia ka nutaka yak ō ahanta tok: mikma okla apehvt āsha kv̄t hatak tahlepa hannali foka tok.

3. Mihma Abiah, Ikabot itibapishi Ahitvb ushi Chihowa ī naholitompa isht vtta efot fohka hosh Shiloh ya ahanta tok: Ahitvb yvmavt Finehas ushi okma, anonti yvmv̄t Eli ya ushi atok. Mihma Chonahlan vt kv̄nia tuk ā okla hvt ik akostinineho tok.

4. Atuk ō ahlopullit ia Chonahlan vt hlopullit Filistin tvshka chipota aiasha ka ona bv̄nna ka in tvnnvp ā tvli halupa vt hikiakma, anonti in tvnnvp ā tvli halupa vt hikia tok: micha achvfa kv̄t hochehifo kv̄t Boses okma, achvfa yv̄t hochehifo kv̄t Seneh atok.

5. Asanali achvfa kv̄t falvmmi imma Mikmash ichapa hosh pit talaiakma, anonti asanali achvfa kv̄t oka mahli imma Kibeah ak o ichapa hosh pit talaiia tok.

6. Mihma Chonahlan vt hatak himita i nahalupa shoyuli ash, Inta! hakshup ik tapo ilvppa i holihta ya il onashke; Chihowa vt pi apela hinla yoba ka: Chihowa vt laua hokma, ik lauo hokma, nana ho isht hlakoficha hi vt im itilauv hokvt, im achi tok.

7. Mihma i nahalupa shoyuli ash osh, Nana ho chi chukvsh foyuka moma kv̄t ish yvmihchashke: ish iashke: yakeh! nana chi chukvsh ai ahni ka chiba foyuka li hoke, im achi tok.

8. Mihma Chonahlan vt, Yakeh! hatak ilvppa aiasha ka il ona cha, il i haiakashke, im achi tok.

9. Mikma, Hvsh hinli na e hvchim onashke, pim achi hokma, yohmikma il a hieli akinli ka lumvt e hinli cha, oiyvt kil im ono kashke.

10. Amba, Oiyvt hvsh pim vlashke, achi hokma, yohmikma oiyvt il iashke: Chihowa vt pibbak a fohki hoka: mikma ilvppak osh nan isht pim vlvpisashke, achi tok.

11. Mihmvt itatuklot Filistin tvshka chipota ya ont im ile haiakvchi tok: mihma Filistin vhleha hv̄t, Yakeh! Heblu vhleha hv̄t chiluk a luma tuk vt kocha wihvshke, achi tok.

12. Micha holihta hatak vhleha hash osh Chonahlan, micha i nahalupa shoyuli itatuklo ka, Oiyvt hvsh pim vla na nana e hvchi pisachashke, achi tok. Mihma Chonahlan vt i nahalupa shoyuli ya, Is siakaiyashke, Chihowa vt Israel ibbak a fohki hoke, im achi tok.

13. Mihmvt Chonahlan vt ibbak, iyi aiena isht oiya hosh ayvt ia ma, i nahalupa shoyuli vt iakaiyvt ia tok: mihma Chonahlan itikba ya akakoha ma, i nahalupa shoyuli vt iakaiyvt vbi tok.

14. Micha Chonahlan, i nahalupa shoyuli itatuklo kv̄t vbi vmmona ka hatak pokoli tuklo foka tok; yakni eka iklvna wak toksvli yok achvfa kv̄t patvffa hinla ohmi ho a yvmihchi tok.

15. Mihma tvshka chipota ash osh, micha bilika aiasha,

micha okla moma kv̄t wv̄nihinchi tok : holihta aiasha, micha wehpuli v̄hleha yv̄mmak kia wv̄nihinchi ma, yakni vt winakahanchi tok ; yv̄mohmi hō wv̄nichī chito fehna tok.

16. Mihma Sal nan im atoni v̄hleha hv̄t Benchamin yakni Kibeah yā asha tuk osh hopokoyo tok ; mihma yakeh ! okla chito vt bilvt iv̄t, bolit itikahanchit ia hō pisa tok.

17. Yv̄mohmi ma Sal vt okla apeha tuk a, Himonāsi yā ho hotihna cha, kv̄na pī filv̄mmit ia tuk okma, ho pisā, im achi tok. Mihma hotihna ma, yakeh ! Chonahlan, micha ī nahalupa shoyuli itatuklo kv̄t yv̄mma iksho tok.

18. Mihma Sal vt Ahiah yā, Chitokaka im itombi holitopa yā isht ish lashke, im achi tok. Nitak yv̄mma Chitokaka im itombi holitopa vt Islael im v̄lla v̄hleha hak o takla talaia tok oka.

19. Atuk o yakohmi tok, Sal vt naholitompa isht vtta yā im anumpuli hosh isht anta moma hō, Filistin tv̄shka chipota vt shakapa ishit mahayvt isht ī shahlit ia tok. Mihma Sal vt naholitompa isht vtta yā, Chibbak a ishī, im achi tok.

20. Mihma Sal, micha okla apehvt asha kash osh itahoba cha, ont itibi tok ; mihma yakeh ! hatak moma ī bv̄shpo falaia aiyukali kv̄t ilap bīka yash ī sanali tok ; mihma nukhlakanchvt komunta fehna tok.

21. Mihma chashpo ka Heblu kaniohmi kv̄t yakni afullota ka ashvt Filistin v̄hleha hā takla iv̄t, ont iba binanchi tuk vt yv̄mmak kia filemvt Islael okla yv̄mmvt Sal, micha Chonahlan apeha tuk a ont ibafohka tok.

22. Mikma Islael hatak v̄hleha moma kv̄t Eflaim nvnih lumboa tuk mvt, Filistin v̄hleha hv̄t yihlepa na haklo mvt, yv̄mmak kia ahliovt sakkīt in tanampī tok.

23. Yv̄mohmi hō Chihowa vt nitak yv̄mma Islael a hla-kofichi tok : mihma itin tanampī kv̄t Belh-afen a isht ona tok.

24. Mihma Islael hatak v̄hleha hv̄t nitak yv̄mma tikambit ilbv̄sha tok ; Sal vt okla hā anumpa kv̄llo il onochichi hosh, Opia itintakla ka nan v̄pa nana kia v̄pakmvt, na palv̄mmit kv̄t onvtolashke ; yv̄mohmi hō an tv̄v̄p a il aiokha lashke, achi

tuk atuk oka. Yumohmi ho okla ha kena kia nan vpa ha vpv_t ik peso ki tok.

25. Mihma yakni yummak inli yatuk moma kv_t kowi ya ona tok; mihma foi bila vt aka ya aiasha tok.

26. Atuk o okla hv_t kowi ya ona ma, yakeh! foi bila vt hohoiya tok; yohmi kia hatak kena kia ishit itih ha isht ik ono tok: okla hv_t anumpa kv_{llo} yatuk a i nukshopa hokv_t.

27. Yohmi kia iki vt okla ha anumpa kv_{llo} il onochichi tuk a Chonahlan vt ik haklo tok: yohmi hatuk osh t_vbi ishi tuk vt welit foi bila okv_{chi} cha, ibbak a itih ha isht ona tok: micha nishkin vt okcha tok.

28. Mihma okla hash achvfa kv_t im afalamichit, Chiki vt atokolit anumpa kv_{llo} il onochichit, Hatak nana hosh nan ilhpak vpakmv_t, na palvmmi kv_t onvtolashke, im achi tuk oke, achi tok. Mihma okla hv_t tikambit ilbvsha tok.

29. Mihma Chonahlan vt, Aki vt yakni ya ilbvshalishke: foi bila ilvppa isktinosi ishit vpa li mv_t, sa nishkin vt okcha ka ho pisa, hvchim asilhha lishke;

30. Okla hv_t himak nitak a in tv_{nv}p imilayak na wehpoa ya vpa fehna tuk ok makheto himak a Filistin vhleha ha vbi kv_t i shahlichy fehna hetuk keyu? achi tok.

31. Mihma nitak yvmma Filistin vhleha ha vbi kv_t Mik-mash vttvt isht ia hosh Aichalon a isht ona tok. Mihma okla tikambi fehna tok.

32. Mihma okla hv_t na wehpoa o yihlepv_t chukv_lhp_oa, micha wak, micha wak ushi aiena ka ishi cha, yvmmak inli ka vbit aka bohli tok: mihma okla hv_t issish a aieninchit vpa tok.

33. Yohmi ma Sal a im anolit, Yakeh! okla hv_t issish a aieninchit vpa hosh Chihowa ya i yoshubvshke, achi tok. Mihma, Hvch ik aiahloshke; himak nitak a tv_{li} chito tonolichit ishit hv_s sv_m vlashke, achi tok.

34. Michi Sal vt, It i filamolit okla ha ibachukovv_t, Hatak puta kv_t i wak, micha hatak puta kv_t in chukv_lhp_oa ya ilvppa isht vm v_la cha, vbit vpashke, micha issish a aieninchit vpa hosh Chihowa ya hvch ik i yoshubo kashke,

achi tok. Mihma okla moma kash hatak vt i wak aiyukali kv̄t ninak yv̄mma isht v̄la cha, yv̄mma ai v̄bi tok.

35. Mihma Sal vt alta ȳa Chihowa ȳa im ikbi tok; yv̄mvt̄ alta v̄mmona mak o Chihowa ȳa im ikbi tok.

36. Mihma Sal vt, Ninak a Filistin v̄hleha h̄a kiloh iakaiya cha, keho wehponli na onnashke, mikma hatak achv̄fa kia ke hlakoficho kashke, achi tok. Mihma, Nana hosh achukma chim ahobakmvt̄, ish yv̄mihchashke, okla achi tok. Yohmi ma naholitopa isht vtta yvt, Chitokaka ak o akanv̄lit il onashke, achi tok.

37. Mihma Sal vt Chitokaka im anukfila h̄a i ponaklot, Filistin v̄hleha h̄a iakaiyvt̄ ia la ch̄i cho? Israēl ibbak a ish fohka hinla cho? achi tok. Yv̄mohmi kia nitak yv̄mma anumpa falama ȳa ik emo ki tok.

38. Mihma Sal vt, Okla pehlich̄i moma kv̄t akanv̄llit bil̄ika hv̄sh lashke; micha himak nitak a nan ashv̄chi kv̄t kanima hatukma pisvt̄ hv̄sh ithaiyanashke.

39. Yv̄mmak osh Israēl a hlakofichi tuk osh Chihowa vt okchaya pulla hoka sv̄so Chonahlan ak atuk oh kia illi pulashke, achi tok. Yohmi kia okla moma itintakla ka hatak achv̄fa kia nana ik acho ki tok.

40. Yohmi ma Israēl moma ka, In tv̄nnvp̄ achv̄fa ka hv̄sh hielikma, vno micha Chonahlan sv̄so itatuklo li kv̄t in tv̄nnvp̄ e hielashke, im achi tok. Mihma okla hv̄t Sal a, Nana ka achukma ish aiahni kak osh ish yv̄mihchashke, im achi tok.

41. Yv̄mohmi ma Sal vt Israēl in Chitokaka Chihowa ȳa, Na shoeli ābli kak o ish imashke, im achi tok. Mihma Sal, micha Chonahlan ak o ishi tok: amba okla hv̄to hlakofi tok.

42. Mihma Sal vt, Vno, micha Chonahlan sv̄so hak o na shoeli ish pi onochashke, achi tok. Mihma Chonahlan ak o onvtola tok.

43. Mihma Sal vt Chonahlan a, Nana ish yv̄mihchi tuk vt v̄m anoli, im achi tok. Mihma Chonahlan vt im anolit, Peh foi bila iskv̄tinosi h̄o tv̄bi sv̄bbak fohka tuk a wishakchi a okv̄chvt̄ isht v̄pa li tuk, atuk osh yakeh! sulla chishke, achi tok.

44. Mihma Sal vt afalamichit, Chitokaka yvt yakohni,

micha i shahli kia yvmihchashke, chilli pulla chi hoke, Chonahlan ma! achi tok.

45. Mihma okla hvt Sal a, Chonahlan, yvmmak osh Israel hlakofichi chito ilvppa atahli tuk vt illa chi cho? ik yohmo pullashke; Chihowa vt okchaya pulla ka noshkobo ha pa-shi o hiel kvt achvfa kia aka itula he keyu hoke; himak nitak a Chitokaka iba toksvli tuk oka, okla im achi tok. Yvmohmi hosh Chonahlan a okla hlakofichi na ik illo ki tok.

46. Yvmohmi ma Sal vt Filistin vhleha iakaiya kvt falama tok: mihma Filistin vhleha hvt ilap aiasha ya ona tok.

47. Yohmi ho Sal vt apehlichika ishit Israel a pehliechi cha, in tvnvp moma afolubli ka itibit, Moab, micha Ammon in chipota, micha Etom, micha Sobah i miko vhleha, micha Filistin okla aiena ka itibi tok; micha kanima yo pit filemakvt, imaiya tok.

48. Michu tvshka chipota itvnahli cha, Amalek okla ha issot kanchi cha, Israel wehpuli tuk vhleha ibbak a hlakofichi tok oke.

49. Yohmi ka Sal ushi vhleha hvt Chonahlan, micha Ishui, micha Melchi-shua: mikma ushetik tuklo hohchifo kvt Melab, mikma nakfish hohchifo kvt Michal atok.

50. Mikma Sal tekchi hohchifo kvt Ahinoam, Ahimaas ushetik atok: mikma tvshka chipota i kvpetvni vt Sal imoshi Ne hak o ushi yosh Abne hohchifo tok.

51. Mikma Kish ak osh Sal a iki atok: mikma Abne iki Ne vt Abiel ushi atok.

52. Mihma Sal i nitak moma ka Filistin okla ha itin tanampi kvt palvmmi fehna tok: mihma Sal vt hatak hlampko, keyukvt hatak chilita nukwia iksho kia pisakvt, il ai ishi beka tok.

CHAPTER XV.

MIHMA Samuel vt Sal a, Nana avmmit miko chi atokoli li, im okla Israel a ish pehliecha chi ho, Chihowa vt sa pila tuk oke: yvmohmi hoka Chihowa im anumpa ola ka ish haklashke, im achi tok.

2. Uba nan okluha il aieshi Chihowa vt, Amalek vt Israeġ a kaniohmichi tok, Echip a kohchvt minti ma, hina takla im aiehchi tok a ithaiyana lishke.

3. Himak a ish ia cha, Amalek a issot ish kanchashke, vmohminchit nana im aŝha moma ka okpunit ish tahlashke: micha ish apoahanchi ná; amba hatak, micha ohoyo, vġosi, micha pishi, wak, micha chukfvlhpoa, kamel, micha issuba haksobish falaia aiena ka vbit ish tahlashke, achi tok.

4. Mihma Sal vt okla ha hoyot itvnahli cha, Telaim a hatak aka hika vt tahlepa sipokni tahlepa tuklo, micha Chutah hatak vt tahlepa sipokni pokoli a hotihna tok.

5. Michā Sal vt Amalek in tmaha holihta ya ona cha, okfa ha im aiehchi tok.

6. Mihma Sal vt Kenait okla ha, Oh iá, kanima hvsh iashke, Amalek okla ai ititakla ya kohehvt i filvmmiit hvsh iashke; keyukma aieninchit vbit hvchi tabli li ná; Israeġ im vlla vhleha hvt Echip a kohehvt aya moma ka hvsh i kana tok oka, im achi tok. Mihma Kenait vhleha hvt Amalek okla ai ititakla ya kohehvt ia tok.

7. Mihma Sal vt Amalek okla ha issot kanchit, Hafilah ai isht ia mvt, Shu ish ona Echip ont ichapaka ya isht ona tok.

8. Michā Amalek okla i miko Akak a okchaya ho ishi cha, vmohminchit okla moma ka bvshpo falaia halupa isht vbit tahli tok.

9. Yohmi kia Sal, micha okla aiena kvv, Akak, micha chukfvlhpoa hochukma i shahli, micha wak, micha wak himithoa, micha chukfvlhpoa ushi aiena achukma i shahli ka ai ishit, micha nana achukma moma ka apoanchi cha, vmohminchit vbit ik tahlo ki tok: amba nana okpulo puta a shitilema yano vmohminchit okpunit okla tahli tok.

10. Yvmohmi ma Chihowa im anumpa hvt Samuel a im vlvv, yak ahanchi tok.

11. Sal a miko ikbit hilechi li tuk vt sa nukhakloshke: siakaiya he tuk vt a filvmmi cha, a nan vlvpisa ya ik yvmihcho hoka. Mihma Samuel vt nukhaklo tok: micha Chihowa ya ilbvshvt i pahaya na ninak achvfa kvv hlopulli tok.

12. Micha onna mvt onnahinli fehna moma h_o Samuel a im anoli kv_t, Sal vt Kamel a v_la cha, yakeh! in t_vnv_p imaiya isht ithana ya hilechi cha, fullotvt, hlopullit ivt, Kilkal a onvshke, achi tok.

13. Mihma Samuel vt Sal a im ona tok; mihma Sal vt, Chihowa i holitopa chia ma! Chihowa i nan v_lhpisa ya yvmihchi lishke, im achi tok.

14. Mihma Samuel vt, Yohmi hokak o katiohmi h_o chukfulhpoa yahaya kv_t sa haksobish a ebukoh_owa cho? micha wak woh_oha ka haklo li cho? achi tok.

15. Mihma Sal vt, Amalek okla h_a ai ishit okla isht v_la tuk oke: chukfulhpoa hochukma i shahli, micha wak hochukma i shahli aiena ka chin Chitokaka Chihowa ya isht aiokpvcha ch_i hosh okla ak osh apoanchi tuk oka; amba inla kvno vmohminchit vbit e taiyahli tuk oke, achi tok.

16. Mihma Samuel vt Sal a, Ish hikiakma, himak nitak a Chihowa vt nana vm achi tuk a chim anoli lashke, im achi tok. Mihma, Anoli, im achi tok.

17. Mihma Samuel vt, Chishno ak j_nli ish ile pisa kv_t chiskitinesi mvt, Israel apelihchi puta ka noshkobo h_a ish toba tok keyu h_o? yohmi ma Chihowa vt nan ahvmm_t Israel i m_iko chi atokoli tok keyu cho?

18. Atuk o Chihowa vt nowvt ish aya ch_i ka chi pila cha, Iá, micha Amalek okla nan ashvchi ya vmohminchit vbit ish tahlashke, micha ish in tanahampi na ont lushumashke, chim achi tok.

19. Yvmohmi hokak o nanta katiohmi h_o Chihowa im anumpa ola ka chik im antio hosh, na wehpoa ya o yihlepv_t hvsh ishi cha, nana ik achukmo ka Chihowa itikba ya hvsh yvmihchi tuk oh cho? im achi tok.

20. Mihma Sal vt Samuel a, Ahli, Chihowa im anumpa h_a im antia li tuk, micha yvmma pilla sa pila tuk mak o ia li tuk oke; micha Amalek i m_iko Akak a isht v_la li tuk; micha Amalek okla h_a vmohminchit vbit tahli li tuk.

21. Yohmi kia okla hak osh na wehpoa kaniohmi, chukfulhpoa, micha wak hochukma i shahli, yvmmvt okpulot tahvt vmohma he atuk ak o, chin Chitokaka Chihowa ya

Kilkal a isht ai aiokpvcha chi hosh ishi tuk oke, im achi tok.

22. Mihma Samuel vt, Chihowa vt na hukmit isht aiokpvchi, micha nan vbit isht aiokpvchi aiena ka aiokpanchi kv, Chihowa im anumpa im antia ka im itilau ho? Yakeh! im antia kak osh nan vbit isht aiokpvchi ya i shahlikma, haponaklo kak osh chukfvhpoa nakni i nia ya i shahli hoke.

23. Chihowa imi sanali kv isht ahullo nan ashvchi yak o chohmikma, chukvsh ilapunla vt nan ik vhpeso yvmihchi, micha nahobvt toba aiokpvchi yak o chohmi hoke. Chihowa im anumpa ha ish kanchi tuk oka, ilap ak kia miko ish hikia tuk a chi kanchishke, achi tok.

24. Mihma Sal vt Samuel a, Sai yoshuba tuk oke: Chihowa i nan vhpisa, micha chim anumpa ha kobvffi li hokvt: okla hak o i sa nukshopa cha, im anumpa ha haklo li hatuk osh.

25. Yvmohmi hoka himak a nan ashvchi li ya is sa kashofi cha, filemvt is svba fohka na Chihowa ya aiokpvchi lashke, chim asilhha lishke, im achi tok.

26. Mihma Samuel vt Sal a, Chi awant falamvt ia la he keyu: Chihowa im anumpa ish kanchi na Chihowa vt Israel i miko yosh ish pehliechi tuk a chi kanchi hoke, im achi tok.

27. Micha Samuel vt ia chi hosh filema ma, im anchi wishakchi ya halvli na hlilafa tok.

28. Mihma Samuel vt, Chihowa vt himak nitak a Israel apehlichika ya chim ai ishi cha, hatak ish ai itilau achukma kv chi shahli ho imvshke,

29. Micha Israel imi Hlampko hv holaba he keyu, micha im anukfila hv inla he keyu: hatak keyu hokvt, im anukfila hv inla he keyu hoke, im achi tok.

30. Yvmohmi ma, Sai yoshubvshke: yohmi kia himak ano vm okla im asvnonchi vhleha itikba, micha Israel itikba ya is sa holitoblit, fullotvt si awant ish ia na chin Chitokaka Chihowa ya aiokpvchi lashke, chim asilhha lishke, achi tok.

31. Yohmi ho Samuel vt fullotvt Sal a awant ia tok; mihma Sal vt Chihowa ya aiokpvchi tok.

32. Yohmi ma Samuel vt, Amalek okla i miko Akak a isht hvs svm vlashke, achi tok. Mihma Akak vt yuppulit mintit im vla tok. Mihmvt Akak vt, Illi homi kvnt ant ia tak pullvshke, achi tok.

33. Mihma Samuel vt, Chi bvshpo falaia vt ohoyo ha vlla ik im iksho ikbi chatuk oka, chishki vt ohoyo takla vlla ik im iksho ya chi hoke, achi tok. Mihmvt Samuel vt Akak a Kilkal ak o Chihowa itikba ya a chanlit tushahlichit taiyahli tok.

34. Yvmohmi mvt Samuel vt Lamah ya ona tok; mikma Sal vto in chuka Sal in tmaha Kibeah ya ona tok.

35. Mihma Samuel vt Sal a i himmak ma pisvt ayvt ik ono hosh illi tok: yohmi kia Samuel vt Sal a ishit yahaya tok: mihma Chihowa vt Sal a Islael i miko ikbi hatuk osh nukhaklo tok.

CHAPTA XVI.

YVMOHMI ma Chihowa vt Samuel a, Katiohmi foka no Sal a isht ish yahaya chi cho? Islael pehliechi tuk a kanchi li tuk oka; chin lapish a bila yo alotuli cha ia; Chesse Behlehemait a pit chi pila la chi hoke: yvmma ushi vhleha hak o miko ai il ahayuchi li tuk oke, im achi tok.

2. Mihma Samuel vt, Katiohmit ia la hinla? Sal vt haklokmt, svba hinla hoke. Mihma Chihowa vt, Wak tek himita ish ishi cha, ish iashke; micha, Nan vbit Chihowa isht aiokpvchit aya li hoke, ish achashke, achi tok.

3. Micha Chesse ya ish hoyo na nan vbit isht aiokpvchi ya onashke; mikma nana ish kaniohma hi a chim anoli la chi hoke: mikmvt kanima ho chi hochifo likma, nan ahvmit is svm atokola chi hoke, achi tok.

4. Mihma Samuel vt Chihowa vt im achi tuk mak o yvmohmi cha, Behlehem a ona tok. Mihma ona ma, tmaha hatak im asvnonchi vhleha hvv vwnihinchi cha, Achukma ahni hosh ish aya cho? achi tok.

5. Mihma, Achukma ahni hosh aya li: nan vbit Chihowa

isht aiokpuchit ya li hoke: hvsh ile hullochi cha, nan vbit isht aiokpuchi ya si awant hvsh onashke, achi tok. Mih-mvt Chesse, micha ushi vhleha ha hullochi cha, nan vbit isht aiokpuchi ya ona chi ka im anoli tok.

6. Atuk o yakohmi tok, okla vla ma, Eliab a atokolit pisa mvt, Nan ahamvt Chihowa im vlhtoka yvt itikba ya hikia pullvshke, achi tok.

7. Yohmi kia Chihowa vt Samuel a, Nashuka, micha chahaka atokolit ish pisa na; ak aiokpacho tuk oka: Chihowa vt nana pisa kvv hatak na pisa ka chohmi keyu hokvt; hatak vto nashuka ya pisa hoke, amba Chihowa vto chkvsh oka atokolit pisa hoke, im achi tok.

8. Yohmi ma Chesse vt Abinatab a i howa cha, Samuel itikba ya ont iachi tuk. Mihma, Ilvppak kia Chihowa vt atokoli tuk keyu hoke, achi tok.

9. Yohmi ma Chesse vt Shammah ya ont iachi tuk. Mihma, Ilvppak kia Chihowa vt atokoli tuk keyu hoke, achi tok.

10. Anonti Chesse vt ushi untuklo ka mominchit Samuel itikba ya ont iachi tuk. Mihma Samuel vt Chesse ya, Ilvppak kia Chihowa hvv atokoli tuk keyu hoke, im achi tok.

11. Mihma Samuel vt Chesse ya, Ilvppa asha kvv chim vlla moma ho? im achi tok. Mihma, Nakfish ishtaiyopi yosh chukfulhpoa apistikeli hosh antvshke, achi tok. Mihma Samuel vt, Pit hoyot isht ish lashke; ilvppa ik lo kisha ka e binila he keyu hoke, im achi tok.

12. Mihma pit hoyo cha, isht vla tok. Mihma nashuka hummvt, nashuka aiokli pisa achukma tok. Mihma Chihowa vt, Wakaya cha, ish ahvmmashke: ilvppak osh mih mak oka, achi tok.

13. Yohmi ho Samuel vt bila lapih vlhto kash ishi cha, itibapishi ai ititakla ahvmmi tok: mihma nitak yvma i himmak ia ka Chihowa imi Shilombish vt Lewi ya onvtoyulvt isht ia tok. Yohmi ho Samuel vt wakaya cha, Lamah ya ona tok.

14. Amba Chihowa imi Shilombish vt Sal a issvt ia na

Chihowa vt ik yohmi ahni na shilombish okpulo yosh nukhlakvshli tok.

15. Mihma Sal in tishu vhleha hv̄t, Yakeh! himak a shilombish okpulo yosh Chitokaka yvt ik yohmi ahni na chi nukhlakvshlvshke.

16. Yohmi ka p̄i shahli hv̄t in tishu vhleha h̄a itikba aia-sha ka ik im apesa na hatak hap olachi imponna ka ik im ahayuchi; atukma yakohma hi oke, shilombish okpulo yosh Chitokaka vt ik yohmi ahni na chi onvtolakma, ibbak a isht olacha hi oke, mikma nuktvla hi oke, im achi tok.

17. Yvmohmi ma Sal vt in tishu vhleha h̄a, Himak a nan olac̄ni imponna ka hvs sv̄m ahayuchi cha, isht hvs sv̄m vlashke, im achi tok.

18. Yvmohmi ma in tishu vhleha h̄a ai achvfa kv̄t afalaminchit, Yakeh! Behlehem hatak Chesse ushi yosh nan olachi kv̄t imponna, micha hatak hlampko, chilita, nukwia iksho, micha hatak tv̄np, micha anumpuli kv̄t imponna, micha hatak pisa achukma hoke, yohmi h̄o Chihowa vt ibafoyuka hoke.

19. Yvmohmi h̄o Sal vt Chesse ya anumpa shali ya pit in tihleli cha, Chiso Lewi chukfv̄lhpoa pehliechit ahanta ka et is sa pilashke, achi tok.

20. Mihma Chesse vt issuba haksobish falaia ya pv̄ska shapolichi mv̄t, oka p̄aki vt kotoba achvfa, micha issi kosoma ushi vt achvfa h̄o ushi Lewi ibbak a fohki cha, Sal a pit i pila tok.

21. Mihma Lewi vt Sal a im ona cha, itikba ya hikia tok; mihma heh ahni fehna tok: mihma na halupa i shoyuli toba tok.

22. Mihma Sal vt Chesse ya pit im anolit, Lewi vt sa tikba ik hikiá, ish im ahnashke, a holhponaya hanta si ai ahayuchi hoka, achi tok.

23. Atuk o yakohmi tok, shilombish okpulo vt Chitokaka vt ik yohmi ahni na Sal a onvtolakma, Lewi vt hap ishi cha, ibbak isht olachi beka tok: yohmi h̄o Sal vt okcha cha, nuktvlakma, shilombish okpulo vt i filv̄mmit kv̄nia beka tok.

CHAPTA XVII.

YUMOHMI ma Filistin okla hut itiba chi hosh tvshka chipota ya hoyot itvnahli tok: micha Ephes-tammim yakni Shochoh, yummvt Chutah immi ho iti hoyot ai itv-naha cha, Shochoh, micha Asekah ititakla yak o binanchi tok.

2. Mihma Sal, micha Israel hatak vhleha hut iti hoyot itv-naha cha, Elah okfa bilika yak o binanchi cha, Filistin vhleha ha itiba chi kvt achukmalit hilechit il atahli tok.

3. Mihma Filistin vhleha hut in tvnvp nvni ho hielikma, Israel vt in tvnvp nvni ho hiel tok: mihma okfa hosh ititakla ya talaia tok.

4. Mihma Filistin vhleha im vlbina ha hatak chito yosh hoehifo kvt Koliah Kalh vta achi hosh, chaha kvt kubit hannali cha, span achvfa aiena hosh kohchvt ia tok.

5. Mich a sonak lakna iahlipa ho iahlipeli mv, tvli kvllc tvnna nafohka isht im vltaha tok; nafohka vt asonak lakna yosh weki kvt shekel tahlepa sipokni tahlapi tok.

6. Mich iyubi hoyolo kvt asonak lakna shulush falaia yokma, telihpa vt asonak lakna yosh shinak ha ititakla ala-taya tok.

7. Mikma in tvbi tvli halupa ontvla vpi vt nan tvnna okho-wata yak o chiyuhmi tok; mikma in tvbi tvli halupa ontvla noshkobo hut tvli yosh shekel tahlepa hannali tok: mihma telihpa i shoyuli kvt itikba ya aya tok.

8. Mich hiki tv Israel tvshka chipota ha chitolit i pahaya cha, Katiohmi ho kohchvt hvsh itiba chi kvt il atahlit hvsh hiel cho? Uno vt Filistin hatak sia keyu? mikma hvchishno vt Sal in tishu hvchia keyu? hatak achvfa ka hvsh il ai atokoli na kohchvt mintit vm vlashke.

9. Satibi cha, svba hinla hokma, yohmikma hvchin tishu e tobashke: amba imaiya lish, vbi likma, pin tishu hvsh to-ba cha, hvsh pi nutaka chi hoke, im achi tok.

10. Mikmv Filistin ash osh, Himak nitak a Israel tvshka

chipota ya pafi lishke; hatak achufa ka is sama na itibi lashke, achi tok.

11. Sal, micha Israel moma kut Filistin ash im anumpa ymma haklo mut, chukvsh ielli cha, nukshopa fehna tok.

12. Yohmi ka Lewi ymmak ash osh Eflahlait Behlemchutah hatak Chesse hohchifo ho ushi atok: micha ymmut ushi vhleha hut untuchina hosh im asha tok: mihma hatak ash osh Sal vt ahanta nitak a hatak sipokni vhpisa hosh hatak takla aya beka tok.

13. Mihma Chesse ushi vhleha akni tuchina kut Sal a iakaiyvt itiba chi hosh ia tok: ushi tuchina itiba chi hosh ia tok hohchifo kut akni vmona vt Eliab okma, pit iakaiya kut Abinatab okma, ont atuchina kut Shammah atok.

14. Mihma Lewi ak osh nakfish ishtaiyopi atok: mikma akni fehna tuchina kak osh Sal a iakaiya tok.

15. Amba Lewi vto ia tuk vt iki in chukvshpoa Belh-lehem asha ho ipeta chi hosh Sal a i filvmmut falamvt ia tok.

16. Mihma Filistin ash osh onnahinli, micha opiakma a kuvvllit bilika ia mut, nitak pokoli ushta ho ile haiakvchi tok.

17. Mihma Chesse vt ushi Lewi ya, Onush vlvvsha ilvpa efah achufa ho, micha pvvka lumbo pokoli ilvpa ishi cha, maleli hosh chitibapishi im vbina ha ish iashke.

18. Michi pishukchi palvka pokoli ilvpa in tahlepa sipokni i kvpitvni ya isht ish im ona cha, chitibapishi hut kaniohmi hosh mayakma ish pisa cha, heh ahni isht akostinichi ish im isha chike, im achi tok.

19. Yohmi ka Sal, micha ymmak ash osh, micha Israel hatak puta moma kut Filistin vhleha ha itibi hosh Elah okfa hak o aiasha tok.

20. Atuk o Lewi vt onna ha onnahinli ho wakaya cha, chukvshpoa ya apistikeli im ashachi mut, iki vt im apesa tuk mak o ishi cha, ia tok: micha itichanvlli aiasha ya ona ma, tvshka chipota vt itiba chi hosh im vltahvt achukmut hiohli hosh itiba chi kut shakapa tok.

21. Israel, micha Filistin vhleha aiena kut itiba chi kut

hiohli il atahli tok; mikma tvshka chipota laua bika hosh itichapvt hiohli tok.

22. Mihma Lewi vt nan isht aya tuk vt nan isht aya apistikeli ibbak a fohki cha, malelit ia hosh, tvshka chipota vt itiba chi hosh im vltahvt achukmvt hiohli ka ont ibachukowa cha, itibapishi vhleha ha aiokpvchi tok.

23. Atuk osh anumpulit hikia ma, yakeh! Filistin hatak Kalh ai vttta Koliah hohchifo kash osh Filistin tvshka chipota laua ya kohchvt minti tok; micha anumpa yvmmak ash inli ho anumpohonli tok: mihma Lewi vt haklo tok.

24. Mihma Israel hatak moma kvv hatak ash pisa mvt, i yihlepa cha, nukshopa fehna tok.

25. Mihma Israel hatak vhleha hvv, Hatak ilvppvt vla ka hvsh pisa cho? Israhel a pafa chi hosh vla pullvshke: atuk o yakohma chi, hatak nana hosh vbikma, miko vt imilayak chito ishit holiobla chi hoke, micha ushetik a imakmvt, iki in chuka achvfa ya noshkobo atobbi ya issvcha hi oke, achi tok.

26. Mihma Lewi vt hatak bilika hielu tuk a im anumpuli mvt, Hatak kvna hosh Filistin ilvppa vbi cha, Israhel ishit hofahya ka ishit kanchikma, i katiohma chi cho? Filistin hatak hakshup ik tapo ilvppvt kvta hatuk osh Chitokaka okchaya in tvshka chipota ya pafa hinla cho? achi tok.

27. Mihma okla hvv afalamichit, Hatak kvna hosh vbikma, ilvppa chohmi kash o yvmihcha chi hoke, im achi tok.

28. Mihma akni fehna, Eliab vt hatak vhleha ha im anumpuli ma, haklo tok; mihmvt Eliab vt Lewi ya i nokowa kvv libbi fehna cha, Nanta katiohmi ho mintit ish la tuk o? micha kvta hak osh apistikela chi ho chukvvhpoa kanomosi kash yakni haiaka ya issvt ish minti tuk o? ish ilefehvvchi, micha chi chukvsh ik achukmo ka ithana li; itibi kak o pisa ka ish ahni hosh ish la hoka, achi tok.

29. Mihma Lewi vt, Himak a nanta ho katiohmi li ho? yvmohma he ai vlvpiesa kvv asha keyu cho? achi tok.

30. Michu filema mvt, inla ho anumpa yvmmak ash inli ho anumpuli tok: mihma okla hvv tikba kash chohmichit anonti afalamichit anumpuli tok.

31. Mihma Lewi vt anumpuli tuk vt annoa ma, okla vlbitelit Sal a im anoli tuk ; mihma Sal vt pit hoyo tok.

32. Mihma Lewi vt Sal a, Yummak o mvhli ho hatak kva kia chukvsh ik iello kashke ; chin tishu hak osh ia cha, Filistin ilvppak ash itibashke, im achi tok.

33. Mihma Sal vt Lewi ya, Filistin ilvppa itibi ka nana ish kaniohma he keyu, peh vlla chia fehnakma, yummvto hatak tvnvp vlla moma isht auehinchi tok oke, im achi tok.

34. Mihma Lewi vt Sal a, Chin tishu hvv iki in chukvshpoa apistikeli hosh anta tuk o, koi chito, micha nita itatuklo kvv alokoli achvfa ka chukvshpoa ushi achvfa ka a kohchit ishi tok oke.

35. Mihmvv kohchvt iakaiyvt vbi lish, itakha foyuka tuk a hlakofichi li tok oke : micha wakayvt si afama ma, nutakhish a hoklit ishi lish, issot vbi li tok oke.

36. Chin tishu hvv koi chito, micha nita ya itaieninchit vbi li tok oke : micha Filistin hakshup ik tapo ilvppvt yvma achvfa ka chohma chv hoke ; Chitokaka okchaya in tvshka chipota ya pafi tuk okvt, im achi tok.

37. Micha Lewi vt achakalinski mvv, Chihowa, yummak osh koi chito ibbak, micha nita ibbak a a sa hlakofichi tuk vt Filistin ilvppa ibbak ak kia a sa hlakoficha chv hoke, achi tok. Mihma Sal vt Lewi ya, Ia, mikma Chihowa vt chiba foyukashke, im achi tok.

38. Micha Sal vt ilap i nahalupa akinli Lewi ya fohkvchi mvv, asonak lakna iahlipa hv noshkobo iahlipelichi mvv, tvli kvllo tvnna nafohka ya fohkvchi tok.

39. Micha Lewi vt tvnvp nafohka paknaka ya bvshpo falaiya ya ilisht vskofvchi mvv, ivv pisa tok ; avvchit ik peso kvsha hatuk okvt. Mihmvv Lewi vt Sal a, Ilvppa ieshi li kvv ia la he keyu, avvchit ak peso kvsha hatuk okvt. Micha Lewi vt shoeli tok.

40. Mihmvv tvbi ya ishi mvv, bokushi tvli halushki tahlapi ho ai aiowa cha, chukvshpoa apistikeli i bahta, bahta ishi tuk mak osh apitta tok : micha ishit pila vt ibbak a fvka tok ; mihmvv Filistin ash bilika ia tok.

41. Mihma Filistin vt minti mut, Lewi ya bilika vla tok; mihma telihpa i sholi yash osh tikba ia tok.

42. Atuk o Filistin ash osh filemovt Lewi ya pisa mut, ik ahobalot shitilema tok: peh himita fehna cha, nashuka humma, micha pisa ha okshauanli hatuk oka.

43. Micha Filistin ash osh, Ofi sia ho tvbi ish ieshi hosh is sum vla cho? im achi tok. Mihmut Filistin vt i nahol-
but toba puta ka hochifot Lewi ya kalakshichit mihachi tok.

44. Micha Filistin vt Lewi ya, A minti, mikma chi nipi ya hushi puta vba itrnova, micha nampoa puta yakni haiaka aiasha ka ipeta lashke, im achi tok.

45. Yohmi ma Lewi vt Filistin a, Bvshpo falaia, micha tvbi tvli halupa ontvla, micha telihpa aiena ho ish ieshi hosh is sum vlshke: amba vno vto vba nan okluha il aieshi Chihowa, micha Israel tvshka chipota in Chitokaka ish pafi tuk mak o hochihifo hosh chim vla lishke.

46. Himak nitak a Chihowa vt chishno ya subbak a chi fohki na issot chi kanchi likmut, chi noshkobo ha tvbli la chi hoke; micha Filistin tvshka chipota nipi illi ya hushi puta vba itrnova, micha nampoa nukshopa puta yakni aiasha ka ipeta la chi hoke; yohmi ho Chitokaka vt Israel i yakni ya ahanta ka yakni moma kut ithaiyanashke.

47. Micha okla ilvppa aiasha kut Chihowa vt bvshpo falaia, micha tvbi tvli halupa ontvla ishit hlakofichi keyu ka ithaiyanashke: itibi kut ont a kaniohma hi a Chihowa immi hokvt, hvchishno ya pibbak a hvchi fohka chi hoke, im achi tok.

48. Atuk o yakohmi tok, Filistin ash osh wakaya mut, Lewi ya afama chi hosh akanvllit minti ma, Lewi vt tushpa hosh malelit tvshka chipota vt itiba chi hosh im vlhtahvt hiohli ka ivt, Filistin ash afama chi hosh ia tok.

49. Micha Lewi vt ibbak a bahta ya pit shamvllichi cha, tvli ya kohchit ishi cha, pila mut, Filistin ash ibitakla isso na tvli vt ibitakla ya chukowvt oka kunia tok: mihma nashuka ishit hlipivt aka itula tok.

50. Yohmi hosh Lewi vt ishit pila, micha tvli yo ieshi hosh Filistin ash imaiya cha, Filistin ash isso cha, vbi tok;

yohmi kia Lewi ibbak a bvshpo falaia vt foka tok keyu hoke.

51. Yvmohmi hosh Lewi vt malelit, Filistin a ont o hikia cha, i bvshpo falaia ya i shukcha ya shufit ishi cha, vbi mvt, ishit chanlit noshkobo ha tvbli tok. Mihma Filistin vhleha hvt hatak in chaha yash osh illi na pisa mvt, yihlepa tok.

52. Mihma Israel hatak vhleha, micha Chutah hatak vhleha aiena kvv wakaya cha, shakampa mvt, hliolit isht ia hosh okfa ish ona ka, micha Eklon holihta okhissa ya isht ona tok. Mihma Filistin vhleha hvt nvhlvt chilofvt maya kvv, Shaalaim pilla mayvt Kalh, micha Eklon a ont vlli tok.

53. Mihma Israel im vlla vhleha hvt Filistin vhleha ha hlioli tuk vt falama cha, im vltipo puta ka wehpuli tok.

54. Mihma Lewi vt Filistin ash noshkobo ya ishi cha, Chelusalem a isht ona tok: amba i nahalupa hano im vltipo yak o ashachi tok.

55. Mihmvt Lewi vt kohchvt Filistin ash itibit ia na Sal vt pisa mvt, tvshka chipota i kvpitvni Abne ya, Abne ma! hatak himita ilvppvt kvta hak o ushi yo? im achi tok. Mihma Abne yvt, Chi shilombish vt okchaya pulla ka anoli la he keyushke, miko ma! achi tok.

56. Mihma miko vt, Hatak himita yash osh kvna ushi yokma ponakló, achi tok.

57. Atuk o Lewi vt Filistin ash vbit falama ma, Abne vt ilaelit Filistin ash noshkobo ya ieshi ho Sal itikba ya isht vla tok.

58. Mihma Sal vt, Hatak himita chia ma! hatak nanta ushi chia ho? im achi tok. Mihma Lewi vt afalamichi mvt, Chin tishu Chesse Behlehemait ushi sia hoke, achi tok.

CHAPTA XVIII.

ATUK o yakohmi tok, Sal a im anumpuli tuk vt ont tahli ma, Chonahlan imi shilombish vt Lewi imi shilom-

bish a abonutvt kenia tok; micha Chonahlan vt heh ahni kv̄t ilap imi shilombish ak inli chiyuhmi tok.

2. Mihma Sal vt nitak yv̄mma ishi cha, himmakma īki in chuka ya ik iá, ik im ahno ki tok.

3. Mihma Chonahlan, micha Lewi itatuklo kv̄t nana it im v̄lhpisa it im apesa tok, ī hullo kv̄t ilap imi shilombish ak inli chiyuhmichi hatuk okvt.

4. Mihma Chonahlan vt anchi holiropa foyuka tuk vt shufi cha, Lewi ya ima tok; micha ī nafohka, micha ī bv̄shpo falaia, im iti tanampo, micha im vskofv̄chi aiena kash kia ima tok.

5. Mihma Lewi vt kanima yo Sal vt pilakma, ihiya hosh ahanta cha, ile hopoyuksv̄li tok: mihma Sal vt hatak tv̄nvp aya ya pehlichikma, Sal in tishu v̄hleha hak kia pisa kv̄t aiokpanchikma, Sal in tishu v̄hleha hak kia pisa kv̄t aiokpanchi tok.

6. Atuk o yakohmi tok, Filistin hatak ash v̄bit aya tuk vt Lewi vt falamvt v̄la ma, ohoyo v̄hleha hv̄t Israēl in tv̄maha holihta puta ka kohchvt talovt, hīhltv̄t, ahlepushi puta, micha nan isht taloa ieshi hosh, nayukpa hosh m̄iko Sal a afama chi hosh minti tok.

7. Mihma ohoyo v̄hleha hash osh nan isht taloa olahanchit, iti falamolichit achi kv̄t, Sal vt tahlepa sipokni ho v̄vikma, Lewi vtō tahlepa sipokni pokoli ho v̄bishke, achi tok.

8. Mihma Sal vt nukhobela fehna cha, nan achi kash ik im v̄lhpeso tok; micha, Lewi ano tahlepa sipokni pokoli ho ī hotihna hokak osh, v̄no ano tahlepa sipokni bano ho a hotihnv̄shke, achi tok: yv̄mma ī shahli ho ishi kv̄t nanta hinla cho? apehlichika yak keyu kv̄t?

9. Michā Sal vt nitak yv̄mma v̄ttvt isht ia ka Lewi ya ī nuktv̄hla tok.

10. Atuk o onna ma yakohmi tok, shilombish okpulo vt, Chitokaka yvt ik yohmi ahni na Sal a ont onv̄tola tok; mihma aboha iklv̄na tasimbot ai anumpuli tok: mihma Lewi vt tikba chatuk akinli chohmit ibbak a isht olachi tok: mihma Sal ibbak a tv̄bi tv̄li halupa ontv̄la vt foka tok.

11. Mihma Sal vt tv̄bi tv̄li halupa ontv̄la ya pila tok;

Lewi ya issot aboha okhowata ya anvhlichi lashke, achi hatuk osh. Mihma Lewi vt hitukla ha i kanvllit kohcha tok.

12. Mihma Sal vt Lewi ya i nukshopa tok; Chihowa vt ibafoyuka cha, Sal ano i filvmmi hatuk o.

13. Yvmohmi kak o Sal vt ilap ai ititakla ya kanvllichi cha, tahlepa sipokni pehlicha chi ho i kvpitvni ikbi tok: micha okla itikba ya akohchit ivt ont chukohowa tok.

14. Mihma Lewi vt nana a kaniohmi puta kvv ile hopoyuksali tok; mihma Chihowa vt ibafoyuka tok.

15. Yvmohmit ile hopoyuksali fehna na Sal vt pisa mvt, i nukshopa tok.

16. Yohmi kia itikba ya akohchvt ivt, ant chukohowa hatuk o, Israel moma, micha Chutah moma aiena kvv Lewi ya holitobli tvk.

17. Mihma Sal vt Lewi ya, Yakeh! svso tek akni Melab yvmvvt chi tekchi ya chi ho chima la chi hoke: peh nukwia ikshot is svv in chilitvt Chihowa im itibi ya ish itibashke, im achi tok. Subbak vt ik onvtolo kashke, amba Filistin okla ibbak ak osh onvtolashke, Sal vt achi hatuk okvt.

18. Mihma Lewi vt Sal a, Kvtv sia hoh cho? Israel ai ititakla ha vvv ilhfiopak, micha aki in chuka achvfa vt nanta hatuk o miko ya iyupi la hinla cho? im achi tok.

19. Atuk oh kia yakohmi tok, Sal ushetik Melab a Lewi ya ima he vvhpesa ak inli kia, Meholahlait hatak Atliel ak o tekchi yachi ho ima tok.

20. Mihma Michal Sal ushetik vt Lewi ya anushkunna tok: mihma Sal a okla im anoli ma, nana ka im vvhpesa tok.

21. Mihma Sal vt, Yvmmak o ima lashke, yohmikma isht ibetvbli na Filistin okla ibbak vt im asanalashke, achi tok. Yvmohmi hosh Sal vt Lewi ya, Himak nitak a tuklo ka achvfallit is svv iyupa chi hoke, achi tok.

22. Mihmvt Sal vt in tishu vvhleha ha im apesvt, Lewi ya lumvt hvsh im anumpulit, Yakeh! miko vt chi ahninchishke, mikma in tishu vvhleha hvv chi holitoblishke: yvmohmi hoka himak ano miko ya ish iyupashke, hvsh achashke, achi tok.

23. Mihma Sal in tishu vhleha hvt anumpa ymma Lewi haksobish a haklochit anumpuli tok. Mihma Lewi vt, Miko iyupi ka nana ik ahobo hvchim ahoba cho? vno vto hatak ilbvsha, holidopa keyu sia hoka, achi tok.

24. Mihma Sal in tishu vhleha hvt im anoli kv, Ilvppak o Lewi vt anumpulishke, achi tok.

25. Mihma Sal vt, Ilvppak o hvsh im achashke, miko vt ohoyo vlhtoba hvna keyu, amba miko vt in tvnp a ilai-okha chi kv, Filistin tikba hakshup tahlepa achvfa ho ahni hoke, achi tok. Yohmi kia Sal vt Filistin okla ibbak ak o isht akvma hi a ahni tok.

26. Atuk o in tishu vhleha hvt Lewi ya anumpa ilvppa im anoli ma, Lewi vt miko iyupi ka im vlhpesa fehna tok: atuk o nitak vlhpisa vt ont ik taho kisha tok.

27. Yvmohmi ma Lewi, micha hatak apeha tuk aiena kv wakayvt ilhkoli cha, Filistin tahlepa tuklo ho vbi tok: micha Lewi vt tikba hakshup isht vla tok; mihma holhtina ont ai vlhpiesa ho miko ya ant okla ima tok, yohmi na miko iyupa chi hatok. Mihma Sal vt tekchi yachi ho ushetik Michal a ima tok.

28. Mihma Chihowa vt Lewi ya ibafoka, micha Sal ushetik Michal vt Lewi ya anushkunna ka pivt ithana tok.

29. Yohmi mv Sal vt isht i shahlit Lewi ya i nukshopa tok: micha Sal vt Lewi ya in tvnp toba kv i shahlit mahaya tok.

30. Yohmi ma Filistin pehlichu vhleha hvt kohchvt ia tok: atuk o yakohmi tok, kohchvt ia haya, Lewi vt ile hopoyuksali kv Sal in tishu vhleha moma ka i shahli tok: yohmi ho hohchifo hvt holidopa fehna tok.

CHAPTA XIX.

YUMOHMI ma Sal vt ushi Chonahlan, micha in tishu vhleha moma ka im anumpulit, Lewi ya vba chi ka i miha tok.

2. Yohmi kia Chonahlan, Sal ushi vt Lewi ya ahninchu

fehna tok: micha Chonahlan vt Lewi ya im anolit, Aki Sal vt chiba chi hosh chi hoyoshke: yohmi hoka himak a ahah! ish il aiahni na onnahinlashke, micha ish luma cha, alumaka ish ahantashke.

3. Micha kohevvt ia lish, ish ai anta osapa ya aki ont apontvt hikia lish, it im anumpuli lashke; micha nana ho pisa likmvt, yummak o chim anoli la chi hoke, achi tok.

4. Mihmvt Chonahlan vt iki Sal a im anumpulit anumpa achukma ho Lewi ya isht anumpuli mvt, Miko vt in tishu Lewi ya na kaniohmichit ik im ashvcho kashke; nana chim ashvchi tuk keyu hoka; micha nana isht ahanta kvv achukma fehna kak o chi ahni tuk oka.

5. Ilap im ilhfiopak a ibbak fohkit ieszhi cha, Filistin ash vbi tuk oka; mihma Chihowa vt Islael moma ka ahlakofi chito ho im atahli tuk oke: chishno vt ish pisa cha, chi yukpa tuk oke: yohmi ka nana kaniohmi keyu ka Lewi ya ish bi cha, nan okpvi keyu issish a hlatvblit chi yoshuba chi cho? im achi tok.

6. Mihma Sal vt Chonahlan a i haponaklo tok: micha Sal vt anumpa kullo il onochit anumpulit, Chihowa vt okchaya pulla ka illa he keyu, achi tok.

7. Mihma Chonahlan vt Lewi ya i howa cha, Chonahlan vt ymma moma ka im anoli tok. Micha Chonahlan vt Lewi ya Sal a isht im ona na tikba chatuk a chohmit takla ahanta tok.

8. Atuk o anonti tvvp vt asha tok: mihma Lewi vt kohevvt ia cha, Filistin okla ha itibi cha, vbit tabli na illi kvv laua fehna tok: mihma okla i yihlepa tok.

9. Mihma Chihowa vt ik yohmi ahni na shilombish okpulo vt, Sal vt tvbi tvli halupa ontvla vt ibbak foyuka hosh im aboha asha ma onvtola tok: mihma Lewi vt ibbak isht olachi tok.

10. Mihma Sal vt Lewi ya tvbi tvli halupa ontvla aboha okhowata ka isht anvhlchi bvna tok: yohmi kia Sal itikba ya i kannakli na aboha okhowata ka tvbi tvli halupa ontvla nvhlit a hilechi tok: mihma Lewi vt maleli cha, ninak ymma hlakofi tok.

11. Micha Lewi in chuka im aiehchi cha, onnahnlikma vba chī hō Sal vt anumpa shali yā pit tihleli tok; micha Michal Lewi tekchi vt im anolit, Himak ninak a chik il ok-chalinchokmvt, onnaha ma chilla chī hoke, achi tok.

12. Yohmi mvt Michal vt Lewi yā okhissushi pit kohchit akowvchi tok: mihma ia cha, malelit hlakofi tok.

13. Mihma Michal vt naholbvt toba yō topa hash bohli cha, issi kosoma hishi vlpishi yō vlpishichichi cha, nantvna isht ompohomo tok.

14. Atuk o Lewi yā isha chī ka Sal vt anumpa shali yā tihleli ma, Abeka hoke, achi tok.

15. Mihma Lewi yā pisa chī hō Sal vt anonti anumpa shali yā tihleli cha, Topa hā on itonla hō ishit hvs svm vla na vbi lashke, achi tok.

16. Atuk o anumpa shali vhleha hvt ont chukowa ma, yakeh! naholbvt toba hvt topa hash issi kosoma hishi vlpishi yō vlpishi hosh itonla tok.

17. Mihma Sal vt Michal a, Nanta katiohmi hō yakohmichit is sa haksichi cha, an tvnvp a ish chvffichi na hlakofi cho? im achi tok. Mihma Michal vt afalamichit Sal a, Ak ia, nanta katiohmi hō chibi la chī cho? vm achi tuk oke, achi tok.

18. Yohmi hō Lewi vt maleli cha, hlakofit, Samuel vt Lamah yā anta tuk o im ona cha, Sal vt katiohmichi tuk a moma im anoli tok. Mihmvt yvmmvt, micha Samuel itatuklo kvv itv Naiolh ak o ont ashwa tok.

19. Mihma Sal a im anolit, Yakeh! Lewi vt Lamah yakni Naiolh ak o antvshke, achi tok.

20. Mihma Lewi yā isha chī hō Sal vt anumpa shali yā tihleli tok: atuk o hopaii katiohmi kvv Shilombish anukfoyukvt anumpuli ma, Samuel vt vlhtoka tuk osh pehliechit hikia na okla pisa ma, Chitokaka imi Shilombish vt Sal im anumpa shali vhleha hā onvtola ma, yvmmak kia Chihowa yā aiokpahanchi tok.

21. Atuk o Sal a im anoli ma, anumpa shali inla yō tihleli ma, Shilombish anukfoyukvt okla anumpuli ak inli tok. Mihma Sal vt anonti ont atuchina ma, anumpa shali yā

tihleli ma, Shilombish anukfoyukvt okla anumpuli akinli tok.

22. Yohmi ma ilap ak kia ivt, Lamah ya ona cha, kvli chito yosh Sechu a hikia hō ona tok: micha ponaklot, Samuel, micha Lewi itatuklo mvto? achi tok. Mihma achvfa hosh, Yakeh! Lamah yakni Naiolh ak o ashwa hoke, achi tok.

23. Mihma Lamah yakni Naiolh ak o ona tok: mihma Chitokaka imi Shilombish vt onvtola akinli tok, micha Shilombish anukfoyukvt anumpulit mahayvt Lamah yakni Naiolh a ona tok.

24. Micha im anchi yak kia shoelit tahli cha, Samuel itikba ya Shilombish anukfoyukvt anumpuli ak inli tok; micha nipi bieka chiyuhmi hosh itoyula na nitak yvmmtv shoyuhbi cha, ninak yvmmtv ont hlopulli tok. Yvmohmi hō achi kvv, Sal ak kia hopaii vhlleha hā ibafoyuka cho? okla achi tok.

CHAPTA XX.

MIHMA Lewi vt Lamah yakni Naiolh a issvt, malelit Chonahlan a, Nanta hō katiohmi li tuk oh cho? nana ashvchi li kvv nanta hō? micha chiki itikba ya nana ik vhpeso yvmohmi li kvv nanta hō vm ilhfiopak a hoyo cho? ont achi tok.

2. Mihma, Ik yvmohmo kashke, chilla he keyushke: yakeh! aki vt nana chito hokmá, keyukmvv iskitini hokmá, nana kia ik svv anolo kvv yvmihcha he keyu hoke: micha nanta katiohmi hō aki vt ilvppa an luhma hinla cho? yohma he keyú, im achi tok.

3. Mihma Lewi vt anumpa kvv il onochit anumpulit, Issa kana ka chiki vt ithana kvv ahli; atuk osh achi kvv, Chonahlan vt ik nukhaklo ka chi kvv ilvppa ik ithano kashke: yohmi kia Chihowa okchaya pulla ka, micha chimi shilombish vt okchaya pulla ka, peh ahbli achvfa ohmi hosh aiilli, micha si ititakla ya takali hoke, achi tok.

4. Yohmi ma Chonahlan vt Lewi ya, Nana ho chimi shilombish vt ahnikma, chi yvmihchi lashke, im achi tok.

5. Mihma Lewi vt Chonahlan a, Yakeh! onna hayvt hvshi talali yoke, yohmi ka miko vt impvt binilikma, takla binili la he vlpesa: yohmi kia, Ak ia cha, yakni haiaka ya ak luma na nitak ont atuchina ik opiá.

6. Chiki vt iksho si ahni yobakma, yohmikma yak ish achashke, Lewi vt malelit Behlehem in tumaha holihta ya ona hi a achunanchit vm asilhha tuk oke: yvma in chuka achufa moma kvf avmmikma nan vbit isht aiokpuchi isht asha hoka.

7. Yakohmikma, Vlpesa, achikma, chin tishu hvv it i kana ha chi hoke: amba nuklibesha fehnakmvt, nana ik achukmo anukfilli ka ish ithaiyanashke.

8. Yvmohmi hoka chin tishu ha ish i kanashke; Chihowa itikba ya chin tishu ha nana it im vlpisa ish it im apihisa tuk okvt: yvmohmi ak inli kia nan ashvchi vt si atakalikma, chishno akinli hosh is svbashke; nanta katiohmi ho chiki ya vsst ish im ona hinla cho? im achi tok.

9. Mihma Chonahlan vt, Ik chi yvmohmo kashke; nana ik achukmo kvf chi onvtola hi a aki vt anukfilli ka ithana li fehnakmvt, ak chim anolo ka hinla cho? achi tok.

10. Yvmohmi ma Lewi vt Chonahlan a, Kva hosh vm anola chi cho? micha chiki vt kullochi hosh chim anumpulik mvno? im achi tok.

11. Mihma Chonahlan vt Lewi ya, Inta! yakni haiaka ya kil ia, im achi tok. Mihma itatuklot kohevvt ivt yakni haiaka ya ona tok.

12. Mihma Chonahlan vt Lewi ya, Israel in Chitokaka Chihowa ma! onna ha foka kanima, keyukmvt nitak ont atuchina ka aki im anukfila ha akostininchi li ka, yakeh! achukma ho Lewi ya im anukfilli hokma, et chi pilvt ak chim anolokma,

13. Chihowa vt yakohmi, micha i shahli fehna kia Chonahlan a yvmihchashke: amba aki vt im vlpesa cha, nana ik achukmo chi yvmihcha he ahni, yohmikma chim anoli lish, chi pila likma, chi achukmakvt ish ayashke: mikma

aki ya ibafoyuka chatuk a chohmit Chihowa vt chibafoyukvshke.

14. Mikma ik svllo ka hi a si okchaya itintakla ka Chihowa itikba ya is sa kana kak illa he keyu,

15. Amba an chuka achufa ak kia ish i kana cha, chik isso ho biliashke: keyu, Chihowa vt Lewi in tenvp vhleha yakni paknaka ai asha ka mominchit vbit taiyahli haya kia, achi tok.

16. Yohmi ho Chonahlan vt Lewi in chuka achufa ya rana it im vhpisa it im apesa kv, Chihowa ak osh Lewi in tenvp vhleha ibbak ak o ai im a hoyashke, achi tok.

17. Mihma Chonahlan vt i hullo hatuk osh, anonti Lewi ya anumpa kvllo ya il onochichi tok; ilap shilombish i hullo kak inli kv i hullo hatuk okvt.

18. Yohmi ma Chonahlan vt Lewi ya, Onna hayvt hvshi talali yoke; mikma iksho hacha, chi ahna chi hoke, ish ai om binili vt peh talaia chi hoke.

19. Atuk o nitak tuchina ho ish ahanta tuk mv, tushpvt ivt, nana isht il ashwa ma ish a luma tuk vt ish ona cha, tvli Esel bilika yak o ish ahantashke.

20. Atuk ma oski naki tuchina ho nana ho husa itilauechit ichapaka pila la chi hoke.

21. Mikma yakeh! hatak himita chvffichi lish, Ia cha, oski naki ont ahayuchi, achi lashke. Atokolit hatak himita ya, Yakeh! oski naki vt ish ahikia ka ola ashvshke, ishi, im achi likma, yohmikma ish mintashke: Chihowa vt okchaya pulla ka chi kana cha, anumpa nana kia chi onocha he keyu hoke.

22. Amba hatak himita yash, Yakeh! oski naki vt ish ahikia ka misha ashvshke, im achi likma, ish iashke: Chihowa vt kanima pit chi chvffichi hoka.

23. Micha nana ka chishno, micha vno il itatuklo kv isht il anumpuli kamo, yakeh! Chihowa vt chishno, micha vno il itatuklo ka pititakla hikia na biliashke, im achi tok.

24. Yohmi ho Lewi vt yakni haiaka ya luma tok: atuk o hvshi talali vt vla ma, miko ash osh impa chi hosh binili tok.

25. Mihmut miko ash osh yohmi chatuk vt im ai-om-binili, yummvt aboha okhowata bilika yak o om binili tok: mihma Chonahlan vt wakaya ma, Abne vt Sal a apontvt binili ma, Lewi ai asha vt peh talaia tok.

26. Yohmi kia nitak ymma Sal vt nana ik acho tok: Nana i kaniohmi tuk, ik kashofu; ik kashofu pullvshke, ahni hatuk osh.

27. Atuk o onna ma yummvt hvshi nitak atukla ho yakohmi tok, Lewi ai asha vt peh talaia tok: mihma Sal vt ushi Chonahlan a, Nanta katiohmi ho pilashash, micha himak nitak aiena ka Chesse ushi vt impvt ik lo cho? im achi tok.

28. Mihma Chonahlan vt afoamichit Sal a, Lewi vt Behlehem a ia hi vt achunanchit vm asilhha tuk oke.

29. Michu, Ak ia, chim asilhha lishke; pin chuka achvfa vt vmaha holihta ya nan vbit isht aiokpvchi isht asha hoka; micha itibapishi li hvv ona la hi a a miha tuk oke: yohmi ka chi holhponayo hanta a chi ahayuchi li tuk okmvt, ak ayá, chim asilhha lishke, micha itibapishi li vhleha ha ont pisa lashke, achi tuk oke. Yvmohmi tuk osh miko im ai impa ya ik lo hoke, im achi tok.

30. Mihma Sal vt Chonahlan a i nokowa kvv libbi fehna cha, Ohoyo isht acheba, micha miko im asanali ushi chia hvv nan ishit chi hofahya he, micha chishki vt nipi banot ishit hofahya hi a Chesse ushi ya ish il ai ishi ka ithana li keyu?

31. Chesse ushi vt yakni paknaka ya okchayvt ai ahanta takla ka, chishno, micha ish apelichika yvt kvllot hikia he keyu koke. Yvmohmi hoka himonasi ya pit hoyot isht vm vla, illi pulla chi hoke, im achi tok.

32. Mihma Chonahlan vt iki Sal a afoamichit, Nanta katiohmi ho illa chi cho? nanta ho yvmihchi tuk o? im achi tok.

33. Mihma Sal vt tvbi tvli halupa ontvla ishit nvhla chi hosh pila tok: yvmak o iki vt Lewi ya vbi pulla kak o ahni ka Chonahlan vt isht ithaiyana tok.

34. Yohmi ho Chonahlan vt nokowa kvv libbi fehna hosh

ai impa ya wakaya cha, hvshi nitak atukla ka ik impo tok : Lewi ak o ishit nukhaklo hatuk osh, iki vt hofahyali kak atok.

35. Atuk o onnabinli ma yakohmi tok, Lewi ya nitak it im apesa tuk a ont ai vlpiesa ma, Chonablan vt vlla nakni ya ilauei cha, kohchvt ivt yakni haiaka ya ona tok.

36. Micha im vlla nakni ya, Malelit ia cha, oski naki ya pila li ka ont ahayuchi, im achi tok. Atuk o vlla nakni yash osh maleli ma, oski naki ya vbanvbliehit pila tok.

37. Atuk o vlla nakni ash osh oski naki Chonahlan vt pit pila tuk a ai ona ma, Chonahlan vt iakaiyachit i payvt, Oski naki vt ish a hikia ka misha keyu? achi tok.

38. Micha Chonahlan vt vlla nakni ya iakaiyachit i payvt, Pvlhki, tushpa, ish hikia na, achi tok. Mihma Chonahlan im vlla nakni vt oski naki yash aiowa cha, i shahli ya im vla tok.

39. Yohmi kia vlla nakni vt nana ik ithano tok : Chonahlan, micha Lewi ak illa hosh nana ka ithana tok.

40. Mihma Chonahlan vt im oski naki yash im vlla nakni ya ima cha, Ia cha, tmaha holihta ya isht ona, im achi tok.

41. Atuk o vlla nakni vt ia mak inli ho Lewi vt oka mahli imma talaiia ho wakayvt kohcha cha, aka itulvt nashuka ishit hlipia cha, hituchina ha akachunoli tok : micha it i suksowa mvt, itiba yahaya ma, Lewi ak osh isht atampa tok.

42. Mihma Chonahlan vt, Chi achukmakvt ish ayashke ; il itatuklo kvv Chihowa hochifot anumpa kullo il onochit, Chihowa vt vno, micha chishno ya pititakla ya, micha vm isht atiaka, micha chim isht atiaka itintakla ya hikia na biliashke, il achi tuk oka, im achi tok. Mihma wakaya cha, ia tok : mihma Chonahlan vt tmaha holihta ya ont chukowa tok.

CHAPTA XXI.

YUMOHHI ma Lewi vt Ahimelech vt Nob a anta tuk o im ona tok : mihma Ahimelech vt Lewi ya itafama mvt,

nukshopa cha, Nanta katiohmi hō chishno ak bano ma, hatak nana kia chi apihvt ik ayo cho? im achi tok.

2. Mihma Lewi vt Ahimelech naholitompa isht vtta ya, Miko vt nana vm apesa cha, Nana a katiohmi hō tohnot chi pila li, micha nana chim apesa li tuk a kvna kia ik ithano kashke: yohmi hosh an tishu vhleha ha ymma, micha ymma achit im apesvt tahli li tuk oke, vm achi tok.

3. Yvmohmi hoka himonasi ya nanta hosh chibbak a foka cho? pvska lumbo tahlapi hō subbak a ish fohkashke, keyukmvt katiohmi hosh chiyakma, im achi tok.

4. Mihma naholitompa isht vtta ash osh afalamichit Lewi ya, Pvska ik hullocho vt subbak a ik foko, amba pvska hullochi yak illa hosh asha hoke; hatak himithoa ak osh ohoyo ik ahalaio tuk okma, im achi tok.

5. Mihma Lewi vt afalamichit naholitompa isht vtta yash, Ahli hoke; nitak tuchina kohchvt minti li tuk itintakla ka pi ahalaia tuk keyu hoke, micha hatak himithoa nan im aivlhto puta kvt kashofa hoke, mikma pvska vt ik hullocho ohmi hosh akinli, ahli himak ak o nan aivlhto foka na hullochi tuk oh kia, im achi tok.

6. Yvmohmi hō naholitompa isht vtta yash osh pvska hullochi ya ima tok: ymma pvska vt iksho hatuk oka; amba pvska otvni Chihowa itikba ya ai ishi tuk, micha pvska lvshpa talali nitak mak inli ymmak illa hosh asha hatuk oka.

7. Yohmi ma Sal in tishu vhleha ha ai achvfa hatak achvfa hosh Chihowa itikba nana isht vtta hosh nitak ymma anta tok; micha hohchifo kvt Toek Etomait atok, nana vhpoa apistikeli Sal vt im aiasha ka i shahli fehna tok.

8. Mihma Lewi vt Ahimelech a, Micha tvbi tvli halupa ontvla, keyukmvt bvshpo falaia vt chibbak a foka cho? miko nana akaniohma he ahni kak osh anukwaya hatuk o, am bvshpo falaia, micha nahalupa nana kia ak esho tuk oka.

9. Mihma naholitompa isht vtta yash osh, Yakeh! Koliyah Filistin hatak a Elah okfa ha isht ish ai vbi tok bvshpo falaia ak osh nantvna abonunta hosh efot ashaka takanlishke: ymmak o ish isha hinlakmvt, ishi: inla yvt iksho, ymmak

illa ilvppa itonla hoka. Mihma Lewi vt yvmma chohmi kv̄t iksho hoka v̄má, achi tok.

10. Mihmvt Lewi vt Sal ā i nukshopa hatuk osh wakaya cha, nitak yvmma malelit, Achish Kalh ī m̄iko yā im ona tok.

11. Mihma Achish in tishu v̄hleha hv̄t, Ilvppvt Lewi yakni yvmma ī m̄iko keyu cho? ishit hihlv̄t, it in talohov̄t Sal vt tahlepa sipokni h̄o v̄bikma, Lewi vt tahlepa sipokni pokoli h̄o v̄bishke, achi tok mak keyu? im achi tok.

12. Mihma Lewi vt anumpa ilvppa chukv̄sh fohkit ieshit aya cha, Kalh ī m̄iko Achish ā ī nukshopa fehna tok.

13. Micha nana akaniohmi chatuk vt itikba yā im il inlv̄chi cha, ibbak f̄oka kv̄t tasimbo im ilahobit, holihta okhissa isht v̄lhkv̄ma yā kv̄llit, itukchi yā yanv̄llich̄i na nutakhish ā o yanv̄lli tok.

14. Yvmohmi ma Achish vt in tishu v̄hleha h̄a, Yakeh! hatak vt tasimbo yoke: yvmohmi hoka nanta katiohmi h̄o isht hv̄s sv̄m v̄la tuk oh cho?

15. Hatak tasimbo sa bv̄nna h̄o ilvppa isht hv̄sh la na sa tikba a ile tasimbochit anta cho? hatak ilvppvt v̄m aboha chukowa ch̄i cho? im achi tok.

CHAPTA XXII.

YUMOHHI h̄o Lewi vt yvmma v̄ttvt ivt, Atullam hichuk-bi ont chukov̄t hlakofi tok: atuk ō itibapishi v̄hleha, micha īki in chuka achv̄fa vt haklo mvt, yvmmak ō ivt im ona tok.

2. Yohmi ma ilbv̄sha puta, aheka in takanli puta, micha chukv̄sh ik im achukmo puta kv̄t im itahoba tok; mihma ī kv̄pitv̄ni toba tok; mihma hatak tahlepa ushta foka hosh apeha tok.

3. Mihma Lewi vt yvmma v̄ttvt ia mvt, Moab yakni Misp̄eh ak ō ona tok: micha Moab ī m̄iko yā, Aki micha hv̄shki vt kohchvt v̄la cha, chi apehvt ah̄ashwa tuk ō Chitokaka yvt nana h̄o ā kaniohmicha ch̄i hatukma akostininchi lashke, chim asilhha lishke, im achi tok.

4. Micha Moab i miko itikba ya isht im ona tok: micha Lewi vt hichukbi foyuka moma ho yummak o apehvt aiasha tok.

5. Mihma hopaii Kat vt Lewi ya, Hichukbi yo chik anto kashhe; ish ia cha, Chutah yakni ya ish onashke, im achi tok. Yvmohmi ma Lewi vt ia cha, Halelh kowi haiaka ya ont chukowa tok.

6. Atuk o Sal vt Lewi, micha hatak apehvt aya tuk vt haiaka ho haklo mut, (mihmut Sal vt tvbi tvli halupa ontvla ibbak a foyuka hosh Lamah yakni Kibeah ak o iti nuta ahanta tok, mihma in tvshka vhleha hvt afolublit hieli tok.)

7. Yvmohmi ma Sal vt in tishu vhleha hvt afolublit hieli tuk a, Himak ano hvsh haiyaklashke, Benchamait vhleha ha hvchia ma! Chesse ushi vt hvsh moma ka osapa, micha pakvpi ahollokchi puta ka hvch ima cha, tahlepa sipokni i kvpitvni, micha tahlepa i kvpitvni hvch ikba hinla ho?

8. Yohmi ho hvsh moyuma kvv im anukfila achvfv hvs svm asanali cha, hvsh achvfa kia svso hvt Chesse ushi ya anumpa it im ai achvfa ka hvs svm anoli keyu, micha hvsh achvfa kia hvs sa nukhaklo cha, svso hvt an tishu ya nukfokkichit vm i sanalichina himak nitak ak kia vm aiehinchi ka hvch ik svm anolo cho? im achi tok.

9. Yohmi ma Etomait hatak Toek, yvmvut Sal in tishu vhleha puta pehlich vlhtoka ash osh afalamichit, Chesse ushi vt Nob a vlvt, Ahitvb ushi Ahimelech a im ona ka pisa li tok.

10. Mihma Chihowa ya im i ponaklo cha, ilbpak a ima mut, Filistin hatak Koliah i bvshpo falai aiena ka ima ho pisa li tok oke, im achi tok.

11. Yohmi ma miko vt naholitompa isht vtta Ahimelech, Ahitvb ushi, micha iki in chuka achvfa, naholitompa isht asha vhleha Nob aiasha tuk vt moyuma ka pit hoyo tok: mihma okla moyuma kvv miko ya im ona tok.

12. Mihma Sal vt, Himonasi ya ish haiyaklashke, Ahitvb ushi chia ma! achi tok. Mihma afalamichi mut, Yak hikia lishke, a shahli ma! achi tok.

13. Mihma Sal vt, Nanta katiohmi hō chishno, micha Chesse ushi hvsh itatuklo kv̄t im anukfila hvsh it im ai achv̄vt hvs sv̄m asanali cho? micha pvska, micha bvshpo falaia aiena ka ish ima cha, Chitokaka ish im ī ponaklo na wakayvt v̄m ī sanali cha, himak nitak ak kia aiehchi cho? im achi tok.

14. Yohmi ma Ahimelech vt afalamichit m̄iko ya, Mikma kv̄ta hosh chin tishu vhleha puta ka chim ai ḡhli kv̄t Lewi chohmi kv̄t anta? yv̄mmak okvt m̄iko iyup, micha, Kanima ish iashke, ish ī miha na ia hoke, micha chin chuka achv̄fa ya holiropa hosh ahanta hoke.

15. Yohmi ka yv̄mmak o Chitokaka ya imī ponaklot isht ia li tuk o? yv̄mmak oka chik si ahno kashke. M̄iko vt in tishu h̄a, micha īki in chuka achv̄fa moyuma ka nana kia ik onochokashke: chin tishu hv̄t ilv̄ppa moma ka akostininchi tuk keyu, ola takla, micha atampa kia, achi tok.

16. Mihma m̄iko vt, Chilli pulla chī hoke, Ahimelech ma! chishno, micha chīki in chuka achv̄fa moma kv̄t, im achi tok.

17. Mihma m̄iko vt hatak aka h̄ika afolubl̄it hieli tuk a, Ho filema cha, Chihowa naholitompa isht asha vhleha h̄a hvsh bashke; yv̄mma ibbak ak kia Lewi yak o ibafoka hoka, micha maleli ka okla ithana ak inli kia, ik sv̄m anolo hatuk oka, im achi tok. Yohmi kia m̄iko in tishu vhleha hv̄t ibbak a pit o weli cha, Chihowa ī naholitompa isht asha vhleha h̄a onvtola he keyu tok.

18. Mihma m̄iko vt Toek a, Chishno ak osh ish filema cha, naholitompa isht asha vhleha h̄a ish onvtolashke, im achi tok. Mihma Toek vt filema cha, naholitompa isht asha vhlehai hash onvtola mvt, nitak yv̄mma hatak pokoli untuchina akucha tahlapi hosh linen efot vlbeha h̄a vbi tok.

19. Mihma naholitompa isht asha in tmaha holihta Nob a bvshpo falaia isht issot kanchi mvt, hatak, micha ohoyo, vlla, micha na p̄ishi puta, micha wak, micha issuba hakso-bish falaia, micha chukfv̄lhpoa aiena ka bvshpo falaia halupa ya isht vbit tahli tok.

20. Mihma Ahitub ushi Ahimelech a ushi vhleha h̄a

achvfa kv̄t Abiahla hohchifo hosh hlakofi cha, malelit, Lewi yā iakaiya tok.

21. Micha Abiahla vt Sal vt Chihowa ī naholitompa isht asha v̄hleha yā vbi tuk ā Lewi yā im anoli tok.

22. Mihma Lewi vt Abiahla yā, Nitak yv̄mma Etomait hatak Toek vt yv̄mma anta tuk vt, Sal ā im anoli pulla ch̄i ka ithana li tok: vno ak ō pulla hō ch̄iki in chuka achvfa puta kv̄t isht illit tahvshke.

23. Sa takla ish ahantashke, chi nukshopa ná: v̄m ilhfiopak ā hoyo kv̄t chim ilhfiopak ā hoyo hoka: yohmi kia is v̄vbafoyukakma, chi atona ch̄i hoke, im achi tok.

CHAPTA XXIII.

YOHMI ma Lewi yā okla im anolit, Yakeh! Filistin okla hvt Keilah yā in tanampi cha, nan-anihechi yā wehpulishke, achi tok.

2. Yohmi hō Lewi vt Chihowa yā ī ponaklot, Ia lish, Filistin v̄hleha ilv̄ppa issot kanchi la ch̄i cho? achi tok. Mihma Chihowa vt Lewi yā, Ia cha, Filistin v̄hleha hā issot ish kanchi cha, Keilah yā ish hlakofichashke, im achi tok.

3. Mihma Lewi in tv̄shka v̄hleha hvt, Yakeh! pi nukshopa hosh Chutah ilv̄ppa il ai asha: yohmi kv̄t Keilah yā onvt Filistin tv̄shka chipota itibi hokak heno il ī nukshopa kv̄t ī shabli fehna v̄lhpesa keyu? im achi tok.

4. Yohmi ma Lewi vt himakma anonti Chihowa yā ī ponaklo tok. Mihma Chihowa vt afalamichit, Wakaya cha, ivt Keilah yā ish onashke; Filistin v̄hleha hā chibbak ā fohki la ch̄i hoke, im achi tok.

5. Yohmi hō Lewi, micha in tv̄shka v̄hleha aiena kv̄t Keilah yā ona cha, Filistin v̄hleha hā itibi mvt, issot kanchi na illi kv̄t laua fehna tok; micha ī wak ā pehlichit ishit minti tok. Yohmi hosh Lewi vt Keilah okla aiasha ka hlakofichi tok.

6. Atuk ō yakohmi tok, Ahimelech ushi Abiahla vt malelit, Lewi vt Keilah yā anta tuk ō im ona mvt, efot vt ibbak ā foyuka hosh ona tok.

7. Mihma Lewi vt Keilah y₂ ona ka Sal a im anoli tok. Mihma Sal vt, Chitokaka yvt subbak a fohki hoke: tumaha holihta okhissa, micha okhowatkvchi isht ashana a₂sha ka chukowa kv₂ im okshilita hoka, achi tok.

8. Mihma Sal vt, Keilah y₂ ona cha, Lewi micha in tvshka vhleha h₂ in tanampit afolubla ch₂ hosh okla moma ka hoyot itvnahli tok.

9. Mihma Sal vt lumvt nana ik achukmo ka yvmihchit i sanali ka Lewi vt ithana tok: micha Abiahla naholitompa isht vtta y₂, Efot a isht ish lashke, im achi tok.

10. Yohmi ma Lewi vt, Israel in Chitokaka Chihowa ma! chin tishu vt Sal vt vno pulla kak o Keilah y₂ vla cha, tv-maha holihta y₂ okpvnit tahli bunna ka haklo tuk pulla hoke.

11. Keilah hatak vhleha hv₂ ibbak a sa fohka ch₂ cho? chin tishu hv₂ haklo tuk a Sal vt vla ch₂ mvhli cho? Israel in Chitokaka Chihowa ma! chin tishu h₂ ish im anolashke, chim asilhha lishke, achi tok. Mihma Chihowa vt, Ula ch₂ hoke, achi tok.

12. Mihma Lewi vt, Keilah hatak vhleha hv₂ vno, micha an tvshka vhleha h₂ Sal ibbak a pi fohka ch₂ cho? achi tok. Mihma Chihowa vt, Chishit ibbak a chi fohka chi hoke, achi tok.

13. Yohmi ma Lewi, micha in tvshka vhleha yvmmvt tahlepa hannali foka hosh wakaya cha, Keilah y₂ kohchvt ia cha, kanima yo ia hinlakmvt, okla ia tok. Atuk o Lewi vt Keilah y₂ kohehvt kvnia ka Sal vt im annoa tok: micha kohchvt ia ch₂ im anukfila tuk vt issa tok.

14. Mihma Lewi vt yakni haiaka ai atuko kvllo ahanta cha, Sif yakni haiaka nvnih foka yak o ahanta tok. Mihma Sal vt nitak moma ka hohoyo kia, Chitokaka vt ibbak a ik fobko tok.

15. Mihma Sal vt im ilhfiopak a hoyo hosh kohchvt minti ka Lewi vt akostininchi tok: micha Lewi vt Sif yakni haiaka kowi ahanta tok.

16. Mihma Sal ushi Chonahlan vt wakaya cha, ivt kowi Lewi ai vtta ka im ona tok; micha Chitokaka pulla ka ibbak a ishit hlampkochi tok.

17. Micha, Chi nukshopa ná: aki Sal ibbak vt chi aha-yucha he keyu: mikma Israhel a ish miko yahi oke, mikma pit chi chapa la hi oke: micha yummak kia aki Sal vt ithana hoke, im achi tok.

18. Micha tuklo kut nan it im vhpisa it im apesvt okla tok: mihma Lewi vt kowi ahanta ma, Chonahlan vt in chuka ia tok.

19. Mihma Sifait vhleha hv, Kibeah Sal ai vta ka ona cha, Lewi vt pi takla kowi Hachilah nvnih, yummvt Cheshimon a im oka mahli yak o nvnih paknaka ai atuko alumvt ahanta keyu?

20. Yumohmi hoka himak ano miko ma! chi chukvsh nana aiahni tuk pulla mak osh chim vhpesvt ish onashke; mikma pishno yokvto miko ibbak a e fohki kak a hi oke, achi tok.

21. Mihma Sal vt, Chihowa ya i hovitopa hvchia hashke; hvs sa nukhaklo hokvt.

22. Oh íá, hvchim asilhha lishke, anonti hvchim vltaha cha, ai vta, aluma aiena, micha kvna hosh ymma anta ka pisa tukma, hvsh akostininchashke; i kostini fehna ho vm annoa hoka.

23. Yumohmi hoka aluma in talohvt aluma chatuk puta ka yakohmi ahnit, pisvt hvsh tahlikvt, anonti atokowa ant hvs svn anolikma, hvchi awant ia lashke: atukma yakni ya ahantakma, Chutah tahlepa sipokni puta ka mominchit a hoyot hlopulli lashke, achi tok.

24. Mihma okla wakaya cha, Sal a tikba yvt, Sif a ona tok: yohmi kia Lewi, micha in tvshka vhleha aiena kut Maon yakni haiaka yakni patali yosh Cheshimon im oka mahli imma yak o aiasha tok.

25. Sal ak kia, micha in tvshka vhleha aiena kut hoyot ilhkoli tok. Mihma Lewi ya im anoli tok: yumohmi ma akovvt hichukbi ont chukowa cha, Maon yakni haiaka yak o ahanta tok. Atuk o Sal vt ymma haklo vt, Lewi ya Maon yakni haiaka ai iakaiya tok.

26. Mihma Sal vt nvnih ha ilvppa in tvnvp a ia ma, Lewi, micha in tvshka vhleha aiena kut ymma in tvnvp a ia tok: mihma Lewi vt Sal a i nukshopa hatuk osh, tvsh-

put i filvmmitt ia tok ; Sal, micha in tvshka vhleha aiena kut Lewi, micha in tvshka vhleha aiena ka isha chi kut afolubli hatuk oka.

27. Yohmi tuk kia anumpa shali vt Sal a im vla mvt, Tvshput ish mintashke, Filistin vhleha hvv yakni ya iba chukowa hoka.

28. Yvmohmi hq Sal vt Lewi ya ahlioia tuk vt falama cha, Filistin vhleha ak o itibit ia tok : yvmohmi hq yvmma Sela-hammah-lekolh okla hohebifo tok.

29. Mihma Lewi vt yvmma vttvt ia mvt, ai atuko kullo En-keti yak o ona cha, ahanta tok.

CHAPTA XXIV.

ATUK o yakohmi tok, Sal vt Filistin vhleha ha iakaiyvt aya tuk vt falama ma, im anolit, Yakeh ! Lewi vt En-keti yakni haiaka yak o antvshke, achi tok.

2. Yohmi ma Sal vt Israel moma ka hatak aiyua tablepa sipokni tuchina hq ai ishi cha, Lewi, micha in tvshka vhleha aiena issi kosoma nukshopa aiasha tvli foka ona cha, a hoyo tok.

3. Atuk osh takla ya chukfelhpoa i holihta vt a taloha ma, yvmma hichukbi vt hikia tok : mihma Sal vt iyi ya ompohoma chi hosh pit chukowa tok : mihma Lewi, micha in tvshka vhleha aiena kut hichukbi anukaka vhli aiasha tok.

4. Mihma Lewi in tvshka vhleha hvv, Yakeh ! himak nitak ak o Chihowa vt, Yakeh ! chin tvnvp a chibbak a fohki likma, nana hq vhpesa ish ahnikmvt, ish yvmihcha hi oke, achi tok mak oke, im achi tok. Yohmi ma Lewi vt wakaya cha, lvmvt Sal im anchi wishakchi ya tvbli tok.

5. Atuk o yakohmi tok, i himmak a Sal im anchi wishakchi ya tvbli tuk ak osh chukvsh vt nvhla tok.

6. Micha yvmmak ash osh in tvshka vhleha ha, A shahli Chihowa nan ahamvt im vlhtoka ya subbak a o welit im i sanali la hi a Chihowa vt vm olvbashke, Chihowa nan ahamvt im vlhtoka yoka, im achi tok.

7. Yohmi hosh Lewi vt anumpa yakohmi kak o in tishu vhleha ha isht im alummi cha, wakayvt Sal a im i sanala hi a ik im ahno tok. Amba Sal vto wakaya cha, kohchvt ia tok.

8. Mihma Lewi ak kia i himmak a hichukbi ya kohchvt ia cha, Sal a iakaiyachit i payvt, A shahli miko ma! achi tok. Atuk o Sal vt filemvt olbul pit pisa ma, Lewi vt aka nashuka ishit hlipia cha, im aka chunoli tok.

9. Micha Lewi vt Sal a, Nanta katiohmi ho hatak im anumpa hvvt, Yakeh! Lewi vt chi hotopali bvnvshke, achi ka ish i haponaklo cho?

10. Yakeh! himak nitak a Chihowa vt hichukbi ya subbak a chi fohki tuk a, himak nitak a chi nishkin vt pisvshke: micha kanimi kvvt chibi la hi a a miha tuk oke; yohmi kia sa nishkin vt chi apovchi tuk oke: micha, Subbak a wieli lish, a shahli ha im i sanali la he keyu, Chihowa nan ahamvt im vltoka yoka, achi li tuk oke.

11. Micha aki ma! pisá, ahli, chim anchi wishakchi vt subbak fokka ka pisá: chim anchi wishakchi yak o tvbli lish, ak chi bo ketuk oka, nan ik achukmo, micha miko i filvmmitt i sanali aiena kvvt subbak a foyuka keyu ka ish pisa cha, ish ithaiyanashke; micha chi yoshuba li tuk keyu hoke; yohmi kia vmi shilombish a ishi chi bvna cha, ish im aiehinchishke.

12. Chihowa yak osh pitititakla ya nana pim apesashke, micha Chihowa ak osh chishno a vm il aiokhashke: amba subbak vt chi onvtola he keyu hoke.

13. Nitak chashpo nan achi vt, Nan ashvchi vt nan ashvchi yak o a minti hoke, achi chatuk oka: amba subbak okvto chi onvtola he keyu hoke.

14. Israel i miko vt kvta ho hoyo hosh kohchvt aya ho? kvta ho iakaiyvt ish hlioli ho? ofi illi yo ish hoyo cho? kvshiti ho ish hoyo cho?

15. Yvmohmi hoka Chihowa ak osh nan apesa yashke, micha vno, mikmvt chishno pititakla nana pim apesa cha, pisashke, micha si apehpoashke, micha chibbak a si a hla-kofichashke, im achi tok.

16. Atuk o yakohmi tok, Lewi vt Sal a anumpa yakohmi im anumpulit ont tahlí ma, Sal vt, Ilvppvt chiteh hoh cho?

svso Lewi ma! achi tok. Micha Sal vt chitoli hosh yaiya tok.

17. Micha Lewi ya, Chi ai vhpiesa kv̄t vno ya is sa shahlishke: achukma hō is sa falvminchi hokvt, ik achukmo hō chī falvminchi li kia.

18. Micha himak nitak a ai vhpiesa hō is si yvmihinchi chatuk vt ish otvninchishke; Chihowa vt chibbak a sa fo-yuki kia, chik sv bo hokvt.

19. Hatak vt in tv̄nvp a ahayuchi kv̄t, achukmakvt ik iá, ahna hinla cho? yvmohmi hoka Chihowa vt achukma hō chī falvminchashke, yvmak o himak nitak a is si yvmih-chi hoka

20. Micha yakeh! miko ish toba pulla chī, mikma Isael apehlichika yvt chibbak ak o kv̄llot afoyuka chī ka ithana li fehnvshke.

21. Yvmohmi hoka Chihowa pulla hō anumpa kv̄llo il onochit, vm ishtatiaka siakaiya ka chik hokofo ka he, micha sa hohchifo hā aki in chuka achvfa ish a mosholicha he keyu ka is sa mihashke, achi tok.

22. Mihma Lewi vt anumpa kv̄llo il onochit Sal a i miha tok. Mihma Sal vt in chuka ia tok: amba Lewi, micha in tv̄shka vhleha hv̄t ai atuko ona tok.

CHAPTA XXV.

ATUK o Samuel vt illi tok: mihma Isaelait moma kv̄t iti hoyot itvnaha cha, ishī yaiyvt, in chuka Lamah ya hohpi tok. Mihma Lewi vt wakaya mv̄t, ivt Palan yakni haiaka ya ona tok.

2. Mihma Maon v̄tta hatak osh imilayak vt Kamel ak o asha tok: micha hatak yvmv̄t imilayak chinto fehna cha, chukfv̄lhpōa vt tahlepa sipokni tuchina, micha issi kosoma tahlepa sipokni achvfa aiena hosh im asha tok: micha Kamel ak o chukfv̄lhpōa hishi vmo hosh anta tok.

3. Micha hatak vt hohchifo kv̄t, Nabal atok; micha tekchi vt hohchifo kv̄t Abikail atok: micha ohoyō im anukfila

achukma cha, pisa aiokli hatok: amba hatak vto bash iksho, micha nana akaniohmi kv̄t ik achukmo hatok; micha Kaleb in chuka achvfa ai achvfa hatok.

4. Mihma Nabal vt chukfv̄lhpōa hishi vmo hō Lewi vt yakni haiaka antvt haklo tok.

5. Mihma Lewi vt hatak himithoa pokoli hō pila cha, Lewi vt hatak himithoa ya, Kamel a oh ona cha, Nabal a im onvt, sa hochifot hvsh aiokp̄vchashke.

6. Michā hatak nan im vltaha achukma hosh ahanta ka, Achukmakvt ish ahantashke, chin chuka achvfa vt achukmakvt aiashashke, micha nana chim aśha moma kv̄t achukmakvt aiashashke, hvsh im achashke.

7. Himak a chukfv̄lhpōa hishi vmo vt chim aśha miha ka haklo lishke: yohmi ka chin chukfv̄lhpōa apistikeli v̄hleha hv̄t pi takla aiasha ma, e hotopali tok keyu; micha Kamel a aiasha moma ma, nana achvfa kia i kv̄nia tok keyu hoke.

8. Hatak himithoa puta chim aśha ka ish i ponaklokma chim anola hinla hoke. Yvmohmi ka nitak achukma hō e la hoka, hatak himithoa vt ch̄i holhponayo a chi ahayuchashke, chim asilhha lishke: nana hosh chibbak ont fokakmvt, hatak himithoa, micha chiso Lewi ya ish imashke, hvsh im achashke, im achi tok.

9. Atuk o hatak himithoa Lewi im aśha tuk vt ona mvt, anumpa ilvppa puta kak o Lewi hochifot anumpulit ont tahli mvt, issa tok.

10. Mihma Nabal vt afalamichit, Lewi in tishu v̄hleha hā, Kv̄ta hosh Lewi yo? micha kv̄ta hosh Chesse ushi yo? nitak himak a fokali ka tishu laua kv̄t i shahli hā i mokofvt kv̄nia hosh aiashvshke.

11. Yohmi ka am p̄ska, micha vm oka, micha a nipi yv̄mma chukfv̄lhpōa hishi vm vmo yak o im vbi li tuk vt ishi lish, hatak kanima minti ya ak ithano kv̄t ima la hinla cho? achi tok.

12. Yohmi hō hatak himithoa Lewi ya im aśha yash osh filema cha, anonti ia tok; micha ona mvt, anumpa ilvppa puta ka im anoli tok.

13. Mihma Lewi vt in tvshka v̄hleha hash, Hatak puta

kv̄t ī bvshpo falaia yā isht il vskofvchashke, im achi tok. Mihma hatak puta kv̄t ī bvshpo falaia aiyukali ka okla isht il vskofvchi tok: mihma Lewi ak kia ī bvshpo falaia ya isht il vskofvchi tok: mihma Lewi yā iakaiyvt ia kv̄t tahlepa ushta foka ma, tahlepa tuklo kv̄to ī nachukushpa yak o aiasha tok.

14. Yohmi kia hatak himithoa ai achvfa kv̄t Nabal tekchi Abikail a im anolit, Yakeh! Lewi vt yakni haiaka vttvt anumpa shali yā pī shahli yā et in tihleli tuk ak o ī noko-vwt hofahyalit namihachi fehna tuk oke, achi tok.

15. Amba hatak vhleha yvmmvt achukma fehna hatuk ak o ik pī hotopalo ketuk; micha yakni haiaka yā il asha moma cha, it apehvt il asha moma kv̄t, nana kia ik pī kv̄nio tok.

16. Chukfv̄lhpoa il apistikeli takla kv̄t il aiasha moma ma, ninak, micha nitak aiena ka holihta pin chiyuhmi tok.

17. Yvmohmi hoka himak a ish anukfilli cha, nana ish kaniohma chī kv̄t ish ithaiyanashke: nana ik achukmo hō pī shahli, micha in chuka achvfa aiena ka im anukfilvt isht ī sanali hoka: Beliāl ushi ak o ohmi ka kv̄na hosh im anum-pula he keyu hoka, achi tok.

18. Mihma Abikail vt tushpvt pvska lumbo tahlepa tuklo, micha oka paki kotoba tuklo, micha chukfv̄lhpoa vt bvshvt vlhtaha vt tahlapi, micha onush vlvvsha vt vlpisa tahlapi, micha paki shila champuli lokoli vt tahlepa achvfa, micha fik palvska tahlepa tuklo aiena ka ishit issuba haksobish falaia shapolichi tok.

19. Michā in tishu vhleha hā, Sa tikba oh iā: yakeh! chiakaiyvt maya la chī hoke, im achi tok. Yohmi kia ī hatak Nabal a ik im anolo tok.

20. Atuk o yakohmi tok, issuba haksobish falaia om binilit aya mvt, nv̄nih ai atuko hō ont apakfopa tok; mihma yakeh! Lewi, micha in tv̄shka aiena kv̄t ichapaka minti ma ont afama tok.

(21. Lewi vt, Peh pilla hō hatak ilvppa nana im asha moma ka yakni haiaka yā ai im apistikeli lī nana kia immi hv̄t ik kv̄nio toshke: micha nana achukma kash ik achukmo hō a falvmminchishke.

22. Yakohmi, micha i shahli kia Chitokaka vt Lewi in twnvp a yvmihchashke, onnahinli tohwikeli itintakla ka nana hosh im aiasha tuk moma nakni kia apoanchilikma, achi hatuk atok.)

23. Mihma Abikail vt Lewi ya pisa mvt, tushpvt issuba haksobish falaia ya akowa cha, Lewi itikba ya nashuka ishit hlipvt, aka pit akachunoli tok;

24. Micha iyi itikba hlipia cha, A shahli ma! nanashvchi ilvppvt vno ak o, vno pulla kak o si onvtolashke: micha ish haklo na chin tishu ohoyo hvt anumpulashke, micha chin tishu ohoyo im anumpa ha ish haklashke, chim asilhha lishke.

25. A shahli hvt Belial hatak ilvppa Nabal fehna ka na yakohmi ik ahno kashke, chim asilhha lishke: hohchifo hvt yvmak okvt im ahli hoka: hohchifo kvv Nabal atuk osh im anukfila iksho hoke: amba chin tishu ohoyo sia hokvto a shahli hvt pit pila tuk hatak himithoa ya ak peso tuk oke.

26. Yvmohmi hoka himak a a shahli ma! Chihowa vt okchaya pulla ka, micha chimi shilombish vt okchaya pulla ka, Chihowa vt chi katvbli na vlvv issish chik hlatvblo, micha chishno chibbak akinli ho ishit chik ilaiokhoshke; yohmi ka chin twnvp puta, micha a shahli ha nana ik achukmo ka im ahni puta kvv Nabal ak o chohmashke.

27. Micha himak a nahvibina chin tishu ohoyo hvt a shahli ha isht im aya tuk a hatak himithoa vhleha a shahli iakaiya tuk ak o imashke.

28. Chin tishu ohoyo nan ashvchi ya ish i kashofashke, chim asilhha lishke: Chihowa vt a shahli ha chuka kvllot hikia ho im ikba chi pulla hoka: a shahli hvt Chihowa ya im itibi cha, chi nitak moma ka nana ik achukmo kvv chi a takalit haiaka tok keyu hoka,

29. Yohmi kia hatak vt wakaya cha, chi hliolit, chimi shilombish a hohoyoshke: yohmi kia a shahli imi shilombish vt chin Chitokaka Chihowa im ai okchaya talakchi ya iba talaiyakcha hi oke; micha chin twnvp imi shilombish okvno ishit pila pilvt kanchi kvv ishit pila iklvna yo fohki cha, pila ka chohmicha hi oke.

30. Atukma yakohma he, Chihowa vt a shahli ha nana achukma puta yvmihcha he miha tok puta kv̄t aiahlich̄i cha, Israēl pehlich̄i chi atokolikma.

31. Nana kaniohmi keyu hō issish hlatvbli tok osh, keyukmvt a shahli hv̄t ilap akinli hosh il aiokha tok osh ilvppa isht ik chi nukhako cha, a shahli hv̄t chukvsh ik nvhlo kashke: amba Chihowa vt achukma hō a shahli ha yvmihchikma, chin tishu ohoyo ha ish ithaiyanashke, achi tok.

32. Yohmi ma Lewi vt Abikail a, Israēl in Chitokaka Chihowa, yvmmak osh et chi pila na himak nitak a is si afama tuk vt holitopashke.

33. Micha chim anumpa is sa miha kv̄t holitopashke, micha chishno vt chi holitopashke, chishno pulla hosh a katvbli na himak nitak a issish ak hlatvblo, micha svbbak akinli hō isht ak il aiokhoshke.

34. Ahli fehna, tushpa hosh issi afama keyu tuk ma, Israēl in Chitokaka Chihowa yvmmak osh chi hotopali la chin tuk a katvbli tuk vt okchaya pulla ka onnahinli tohwikeli itintakla ka nakni kia Nabal a im okchaya hetuk keyushke, im achi tok.

35. Isht im aya tuk a ibbak foyuka ka Lewi vt ishi cha, Chi achukmakvt chin chuka ish iashke: yakeh! chim anumpa ha haklo lish, chi aiokpv̄chi li hoke, im achi tok.

36. Mihma Abikail vt Nabal aivta ka ona tok: mihma yakeh! Nabal vt miko impv̄chi chohmit in chuka ya ai impv̄chi hosh ahanta tok: mihmvt Nabal vt chukvsh im achukma tok haksi fehna hatuk osh: yvmohmi ma nana ola takla, micha atampa kia ik im anolo hō, ont onnvt tohwikeli tok.

37. Atuk oh kia yakohmi tok, onnahinli ak o oka paki vt i kv̄nvt taha ma, tekchi vt ilvppa puta ka im anoli ma, chukvsh vt illi mvt, tvli nana kia chohmi tok.

38. Atuk o yakohmi tok, nitak pokoli foka ma Chihowa vt Nabal a isso na illi tok.

39. Mihma Nabal vt illi na Lewi vt haklo mvt, Nabal ibbak pulla hō ishit sa hofahya tuk a Chihowa vt si apehpoa, micha in tishu nana ik achukmo yvmohma hetuk a i

katvbli kv̄t holitopashke: Chihowa vt Nabal nan ashvchi tuk a ilap noshkobo ak inli hō onochi hoka, achi tok. Mihmvt Lewi vt Abikail a ishit itauwaya chī hosh anumpa piltv̄t it im anumpuli tok.

40. Atuk o Lewi in tishu vhleha hv̄t Abikail ai vtta Kamel a ona mvt, im anumpulit, Lewi vt isht e chi ona na ish auwaya chī hō et chī pi piltv̄shke, achi tok.

41. Mihma wakaya mvt, nashuka ya aka pit isht akachunoli cha, Yakeh! chin tishu ohoyo hv̄t peh tishu hosh a shahli in tishu vhleha ha iyi ya achifa yashke, achi tok.

42. Mihma Abikail vt tushpvt wakayvt, issuba haksobish falaia om binili ma, ohoyo himithoa tahlapi hosh iakaiya tok; mihma Lewi im anumpa shali vhleha ha iakaiyvt ia cha, tekchi toba tok.

43. Mihma Lewi vt Chesleel ohoyo Ahinoam ak kia ishi tok; mihma itatuklot tekchit okla tok.

44. Amba Sal vt ushetik Michal Lewi tekchi yatuk a Laish ushi Falti Kallim vtta yak o i bohli tok.

CHAPTA XXVI.

MIHMA Sifait vhleha hv̄t Sal aivtta Kibeah ya ona cha, Lewi vt Hachilah nv̄nih Cheshimon itikba aluma keyu? achi tok.

2. Yohmi ma Sal vt wakaya cha, Sif yakni haiaka ya ivt, Israel hatak aiyua tahlepa sipokni tuchina hō pehlichī cha, Sif yakni haiaka yak o Lewi ya a hoyo chī hosh ona tok.

3. Mihma Sal vt Hachilah nv̄nih Cheshimon ichapaka hina takla yak o binanchi tok. Amba Lewi vto yakni haiaka ahanta cha, Sal vt hoyot yakni haiaka ya minti ka pisa tok.

4. Yohmi ma Lewi vt napisa ya tihleli tok; atuk osh Sal vt vla kv̄t ahli fehna hō haklo tok.

5. Atuk osh Lewi vt wakaya mvt, Sal vt abinanchi tuk a ona tok: micha Sal, micha Ne ushi Abne tv̄shka chipota i kv̄pitv̄ni aiena kv̄t ai itola ka Lewi vt pisa tok. Mihma

Sal vt itichanvlli hiohlit apakfoyupa h_o anukaka itoyula ma, okla hv_t binanchit apakfoyupa tok.

6. Yohmi ma Lewi vt Ahimelech Hitait a, micha Seluiah ushi Abishai, Choab itibapishi itatuklo ka, Kvta hosh Sal im vlbina h_a si awant ia chi cho? im achi tok. Mihma Abishai vt, Uno ak osh ia lashke, achi tok.

7. Yohmi h_o Lewi, micha Abishai itatuklo kv_t ninak o okla hash itonachi tok: mihma yakeh! Sal vt itichanvlli hiohlit apakfoyupa h_o anukaka itonlv_t nusi ma, micha tvbi tvli halupa ontv_la vt im vlhpishi bilika y_o yakni ishit nvhlit hikia na itoyula tok: mihma Abne, micha okla aiena kv_t kahv_t apakfoyupa tok.

8. Mihma Abishai vt Lewi ya, Chitokaka yvt himak nitak a chin tvnvp a chibbak a fohkishke: yohmi hoka himak a tvbi tvli halupa ontv_la ya himonna achvfa h_o ishit nvhlit yakni pit shamvllichi lashke, chim asilhha lishke, micha hitukla ha isso la he keyu, achi tok.

9. Mihma Lewi vt Abishai ya, Ish bi ná: kvta hosh Chihowa nan ahamvt im vlhtoka ya ibbak a o wielit i sanali kv_t nana ik ashvcho ka he keyu hoka, im achi tok.

10. Michu Lewi vt achakalinchit, Chihowa vt okchaya pulla kv_t Chihowa vt issa hi oke; keyukma illa he nitak vt im v_la hi oke: keyukmv_t tvnvp ia cha, illa hi oke.

11. Chihowa nan ahamvt im vlhtoka ya svbbak a o wielit i sanali la he a Chihowa vt vm olvbashke: yohmi kia tvbi tvli halupa ontv_la vt im vlhpishi bilika hikia kak o ish ishi cha, isht ishko oka vlhto kak o ish ishi na il iashke, achi tok.

12. Yohmi h_o Lewi vt tvbi tvli halupa ontv_la, micha isht ishko oka vlhto im vlhpishi bilika talaiia tuk a ishi tok: yohmi cha ivt okla tuk kia, hatak nana kia ik peso, micha ik akostinincho, micha ik okcho tok: momvt nusit aiasha hatuk osh; Chihowa vt ik yohmi ahi na nusi kullo kv_t onvtola hatok oka.

13. Yohmi ma Lewi vt misha tvnvp ona cha, nvni_h hopaki paknaka h_o o hikia tok, ititakla chito yosh takanli tok.

14. Mihma Lewi vt okla h_a, micha Ne ushi Abne ya pit

ĩ payvt, Abne chia hv̄t anumpa falama ka chik anumpulo cho? im achi tok. Yohmi ma Abne vt afalamichit, K̄vta chia hosh m̄iko ȳa ish ĩ paya cho? achi tok.

15. Mihma Lewi vt Abne ȳa, Nakni chia keyu cho? micha Israel ā k̄vta hosh chishno chohmi kv̄t anta cho? Ȳvmohmi hokak osk nanta katiohmi h̄o ch̄i shahli m̄iko ȳa chik apistikelo tuk oh cho? m̄iko ch̄i shahli h̄a okla hash ai achvfa kv̄t vba ch̄i hosh ona tuk oka.

16. Ilv̄ppa nana ish ȳvmihchi tuk vt vlhpesa keyushke. Chihowa nan ahamvt im vlhtoka hv̄ch̄i shahli h̄a hv̄ch ik apistikelo kv̄t, Chihowa hv̄t okchaya pulla ka hv̄ch illa he vlhpeshvshke. Yohmi ka himak ā pisá, m̄iko in tv̄bi tv̄li halupa ontv̄la, micha im isht ishko oka vlhto im vlhpishi bilika talaia tuk mv̄to? im achi tok.

17. Mihma Sal vt Lewi itih h̄a ithana cha, Sv̄so Lewi ma! ilv̄ppvt chiteh hoh cho? achi tok. Mihma, Sv̄teh hoke, ā shahli m̄iko ma! Lewi vt achi tok.

18. Michá, Nanta katiohmi h̄o ā shahli hv̄t in tishu h̄a hliolit ish aya ch̄o? nanta h̄o katiohmi li tuk oh cho? ak cho? nana ik achukmo nanta hosh sv̄bbak ā foyuka cho?

19. Ȳvmohmi ka himak ā ā shahli m̄iko yvt in tishu im anumpa h̄a haklashke, ch̄im asilhha lishke. Chihowa ak osh is sv̄m asanala ch̄i h̄o chi nukfohki hatuk okma, nan isht aiokpv̄chi ȳa aiokpv̄chashke: amba hatak im vlla vhleha ak atuk okmv̄t, Chihowa itikba ȳa na palv̄m̄mi kv̄t onvtolashke: Chihowa im ai isha he vlhpesa ȳa ahanta la hetuk ā himak nitak ā kohehit sa chv̄ffichi cha, Ivt okla inla ĩ naholbv̄t toba puta yak ō im antiá, v̄m achi hokvt.

20. Ȳvmohmi ka himak a v̄m issish vt Chihowa nashuka itikba ȳa aka ik itolo kashke: Israel ĩ m̄iko vt, achvfa hosh nv̄nih foka kofi hoyot aya chohmit, kv̄shti h̄o hoyá ch̄i hosh kohev̄t aya hoka, achi tok.

21. Yohmi ma Sal vt, Sai yoshubv̄shke: falamá, sv̄sso Lewi ma! himmakma chi hotopali la he keyu hoka, himak nitak ā chi nishkin vt pisa ka v̄mi shilombish vt holitopa tuk oka: yakeh! im anukfila iksho a ȳvmohmi ȳo si ȳvmohmi cha, ashv̄chi li fehv̄shke, achi tok.

22. Mihma Lewi vt a^falamichit, Yakeh! miko in tubi tuli halupa ontula yash, hatak himithoa ai achvfa kv^t ant isht ik oná.

23. Chihowa vt ai v^lhpiesa, micha ai a^hli kak o hatak puta ka im apesashke: himak nitak a Chihowa vt svbbak a chi fohki kia, Chihowa nan ahamvt im v^lhtoka ya svbbak a o wíelit i sanali li tuk keyu hoka.

24. Micha yakeh! himak nitak a chim ilhfiopak a sa nishkin vt holitobli fehna tuk oka, yvmohmit vm ilhfiopak a Chihowa nishkin vt holitobli fehna cha, nana ai ilbvsha moma ka sa hlakofichashke, achi tok.

25. Yohmi ma Sal vt Lewi ya, Chi holitopashke, svso Lewi ma! nana chinto ka ish yvmihchi cha, ish imaiya akinla chi hoke, achi tok. Yohmi ma Lewi vt i hina fohkv^t ia ma, Sal vt falamvt aivtta ya ona tok.

CHAPTA XXVII.

MIHMA Lewi vt chukvsh anukaka anukfillit, Nitak kani-
ma ka Sal ibbak a ishit svlla chi hoke: chekosi malelit Filistin okla i yakni ya ona li kak osh vm v^lhpesa hoke; mikma nantihma wa! Sal vt si ahnikmvt, himmakma Islael aiasha fullota ka ik sa hoyo ka chi hoke: yohmi hosh ibbak a i hlakofi lashke, achi tok.

2. Micha Lewi vt wakaya cha, hatak tahlepa hannali apehvt aiasha tuk a ishit hlopullit ivt, Maoch ushi Achish Kalh i miko ya im ona tok.

3. Micha Lewi vt Achish a takla Kalh a ahanta tok, yvmma, micha in tvshka v^lleha aiena, hatak puta kv^t in chuka achvfa pehlichí bieká hosh, Lewi ak kia tekchi tuklo; Chesleel ohoyo Ahinoam, micha Kamel ohoyo Nabal tekchi atok Abikail aiena pehlichí hosh aiasha tok.

4. Atuk o Lewi vt malelit Kalh a ona ka Sal a im annoa tok: micha himmakma anonti ik hoyo tok.

5. Mihma Lewi vt Achish a, Chi nishkin isht i kana chi ni ahayuchi li tuk okma, yakni haiaka vmaha ya okla vmak-

ma, yvmmak o ai vta lashke: nanta katiohmi ho miko in tvnaha holihta chi takla ahanta la hinla cho? im achi tok.

6. Yohmi ma Achish vt nitak yvmma Siklak ak o ima tok: yvmohmi tok o Siklak vt Chutah i miko vhleha ha im aiena kvv himak nitak a imoma hoke.

7. Mihma Lewi vt Filistin okla i yakni ahanta kvv afvmmi achvfa vvhpiesa cha, hvshi ushta tok.

8. Mihma Lewi, micha in tvshka vhleha aiena kvv ivt Keshulait okla, micha Keslait okla, micha Amalekai okla aiena ka in tanampit ibachukowa tok: oklushi yvmmvt yakni yvmma Shu ya ish ia kvv Echip yakni ont vvhli ka chashpo pilla inli ho aiasha atok.

9. Mihma Lewi vt yakni aiasha ka vbit tahli cha, hatak, micha ohoyo aiena ka ik apoancho tok; micha chukfvhpoa, micha wak, micha issuba haksobish falaia, micha kamel, micha nafohka aiena ka ishi cha, falamvt Achish aivta ya ona tok.

10. Mihma Achish vt, Katima yak o himak nitak a in tanampit ont ish falama cho? achi tok. Mihma Lewi vt, Chutah im oka mahli, micha Chelahmeelait okla im oka mahli, micha Kenait okla im oka mahli ak atuk oke, achi tok.

11. Mihma Lewi vt achi kvv, Pi anolit yak ahanchi yoba na, Lewi vt yakohmichishke yohmi kvv Filistin okla i yakni ahanta takla kvv yvmmak o yohma chi hoke, achi hosh anumpa Kalh a isht ona hi a, hatak, micha ohoyo aiena ka ik okchalincho ki tok.

12. Mihma Achish vt Lewi ya i yimmi cha, im okla Israel a yuwalvchit kaiyanchishke; yohmi hoka an tishu bilia chi hoke, achi tok.

CHAPTA XXVIII.

ATUK o nitak yvmma yakohmi tok, Filistin okla kvv tanampit Israel a itiba chi hosh tvshka chipota laua ya hoyot itvnahli tok. Mihma Achish vt Lewi ya, Chishno,

micha chin tvshka vhleha aiena kv̄t si awant itibit hvsh ia ch̄i kv̄t ish ithaiyana pullashke, im achi tok.

2. Mihma Lewi vt Achish a, Chin tishu hv̄t kaniohmicha hinla ka ish ithana pulla ch̄i hoke, achi tok. Mihma Achish vt, Sa noshkobo atoni bilia chikbi la ch̄i hoke, im achi tok.

3. Mihma Samuel vt illi na Islael moma kv̄t ishit yaiya cha, Lamah in tv̄maha holihta ak inli hohpi tok atok. Mihma Sal vt nana a hulhkunna puta, micha ishtahullo puta aiena ka yakni yash akohchi tuk atok.

4. Mihma Filistin vhleha hv̄t itihoyot itvnaha cha, Shunem ak o ont a binanchi tok; mihma Sal vt Islael moma ka hoyot itvnahli cha, Kilboa yak o abinanchi tok.

5. Mihma Sal vt Filistin tvshka chipota laua ya pisa mv̄t, nukshopa cha, ch̄ukvsh vt w̄n̄ih̄inchi fehna tok.

6. Mihma Sal vt Chihowa ya i ponaklo kia, Chihowa vt afalamichit nana ik acho tok, holhpokna hokma, Ulim okma, hopaii okma, nana kia isht ik im anolo tok.

7. Yohmi ma Sal vt in tishu vhleha ha, Ohoyo nana a hulhkunna ya hv̄s sa hoyashke; mikma im ona lish, i ponaklo lashke, im achi tok. Mihma in tishu vhleha hv̄t, Yakeh! ohoyo nana a hulhkunna vt Ento yak o antvshke, im achi tok.

8. Mihma Sal vt inla ilahobit nafohka inla fohka mv̄t, hatak tuklo ho pehlich̄i cha ia mv̄t, ninak o ohoyo yash ai v̄tta ka ona tok: micha, Ishtahullot, kv̄na ho ch̄i hochifo likma, is san tanichashke, chim asilhha lishke, achi tok.

9. Mihma ohoyo hash osh, Yakeh! Sal vt kaniohmichi tuk a ish ithanvshke, nana a hulhkunna puta, micha hatak ishtahullo puta aiena ka mominchit yakni yash v̄bit tahl̄i tuk oke; yohmi ka nanta katiohmi ho nan ishkanvpa ishit s̄ulla ch̄i ka sa tikba is sa bohli cho? im achi tok.

10. Mihma Sal vt Chihowa hochifot an̄umpa kv̄llo il onochit i miha cha, Chihowa vt okchaya pulla ka nana ilvppak oka na hotopa nana kia ishit chi onvtola he keyu hoke, achi tok.

11. Yohmi ma ohoyo hash osh, Kuta ho chin tanichi la

ch_i cho? achi tok. Mihma yvmak ash osh, Samuel ak o an tanich_i, achi tok.

12. Mihma ohoyo hash osh Samuel a pisa mvt, chitoli hosh paya tok: micha ohoyo hash osh Sal a im anumpulit, Nanta katiohmi h_o is sa haksichi cho? Sal chia hoke, achi tok.

13. Mihma m_iko ash osh, Chi nukshopa ná, nanta ish pisa cho? im achi tok. Mihma ohoyo hash osh Sal a, Chitokaka holba hosh yakni ya a kohcha h_o pisa lishke, im achi tok.

14. Mihma Sal vt, Pisaka katiohmi cho? im achi tok. Mihma, Hatak sipokni yosh kohchvt minti mvt, anchi y_o ai anchishke, achi tok. Mihma Sal vt Samuel atuk o akostinichi mvt, nashuka ak o pit ishit hlipia cha, akachunoli tok.

15. Mihma Samuel vt Sal a, Nanta katiohmi h_o si ataklvmmmit is sa tanichi cho? im achi tok. Mihma Sal vt afa-lamichit mvt, Sa komunta fehna hoke: Filistin okla hvt an tanampi ma, Chitokaka yvt a filvmmi cha, himakma hopaii, keyukmvt holhpokna hoh kia anumpa falama ka isht ik samoshke: yvmohmi kak o nana katiohmi la ch_i ka is svm anola ch_i h_o, chi hoyo li tuk oke, achi tok.

16. Yohmi ma Samuel vt, Chihowa vt ch_i filvmmi cha, chin tvnvp toba hokak o, nanta katiohmi h_o is sam ponaklo cho? achi tok.

17. Micha Chihowa vt sa tohno na anumpuli li tok mak o yvmihinchi hoke: Chihowa vt apehlichika ya mokofit chim ai ishi cha, ish ai itilau Lewi yak o ima tuk oke.

18. Chihowa im anumpa ha chik im antiot, im ai i nukkilli libbi ya aighlichit Amalek a chik onochi tok; yohmi tok ak o himak nitak a Chihowa vt chi yakohmichishke.

19. Micha Chihowa vt Israel, micha chishno aiena ka Filistin vhleha ha ibbak a chi fohka ch_i hoke; micha onakma chishno, micha chiso vhleha hvsh aiena kvv hvs svba fohka ch_i hoke. Chihowa vt Israel tvshka chipota vhleha hak kia Filistin vhleha ibbak a fohka ch_i hoke, achi tok.

20. Yohmi ma Sal vt yakosi ititakla chisemo hosh aka ont itola cha, Samuel vt anumpuli tuk ak o nukshopa fehna

tok : micha imi hlampko vt iksho tok ; nitak achufa ka shoh-bit, micha ninak achufa ka ont hlopullit pvska ik po hatuk okvt.

21. Mihma ohoyo hash osh Sal ai itonla ka ona cha, nukshopvt wvnihinchi fehna ho pisa mvt, Yakeh! chin tishu ohoyo hvt chim anumpa ha im antivt, vm ilhfiopak a subbak a fokkit ieshi lish, ish anumpuli ka haklo li tuk oke.

22. Yvmohmi hoka himak a chin tishu ohoyo anumpuli ka ish haklo ak inlashke, chim asilhha lishke ; mikma pvska tushafa chi tikba talali lashke : mikma ish impa cha, ish ataya hetuk vt chimi hlampko asha hosh ish ayashke, im achi tok.

23. Yohmi kia ik haklo hosh, Impa la he keyu, achi tok. Yohmi kia in tishu vhleha, micha ohoyo hash aiena kvv im achunanchi na im anumpa ha haklo tok. Yohmi mvt aka itoyula tuk vt wakaya cha, topa pakna binili tok.

24. Mihma ohoyo hvt wak ushi nia yosh aboha ya im anta tok ; micha tushpvt vbi tok, micha bota tohbi ishi cha, yamvli mvt, pvska ik shatvmmo yo pvska tok.

25. Mihmvt Sal, micha in tishu vhleha itikba ya ant talali na okla impa tok. Yohmi mvt okla wakaya cha, ninak yvmmak inli ho ilhkoli tok.

CHAPTA XXIX.

MIHMA Filistin okla hvt in tvshka chipota moma ka hoyot Afek ak o ai itvnahli tok : mihma Islaelait vhleha hvto Chesleel kvli hikia ho a binanchi tok.

2. Mihma Filistin hochitoka vhleha hvt tahlepa puta, micha tahlepa sipokni puta chohmi hosh mahaya tok : amba Lewi, micha in tvshka vhleha aiena kvv Achish a apehvt ishtaiyopi ho maya tok.

3. Mihma Filistin pehlichi vhleha hvt, Heblu vhleha ilvppvt nanta katiohmi hosh yak asha ho? achi tok. Mihma Achish vt Filistin pehlichi vhleha ha, Ilvppvt Islael i miko Sal a in tishu hosh sa takla ahanta tok a nitak katiohmi,

micha afummi kaniohmi h_o subbak a foka tok itintakla nana ashvchi na ak ahayucho himak nitak a ant vhli keyu cho? im achi tok.

4. Mihma Filistin pehlichi vhleha hvt i nokowa tok: mihma Filistin pehlichi vhleha hash osh, Hatak ilvppa falvminchi na ai vtta ish im apesa tok ak o anonti, ont ik anta, micha itibit ia kvno pi takla ik aiyo kashke, keyukma itibikma, pin tanampa hinla yoba ka: nanta hak o i shahli ha isht il yukpala hinla? hatak ilvppa puta noshkobo hak a hinla keyu?

5. Ilvppvt Lewi yvmmak o hihla mvt, isht it in talvt, Sal vt tahlepa sipokni h_o vbikma, Lewi vt tablepa sipokni pokoli h_o vbi yoke, it im achi tok mak keyu? im achi tok.

6. Mihma Achish vt Lewi ya i howa cha, Chihowa vt okchaya pulla ka ai vhpiesa bieka hosh ish aya tuk, micha sa tikba tvshka chipota vhleha ha awant kohevvt ish ia, mikmvt ant ish chukowa aiena kvt sa nishkin itikba ya achukma bieka tuk pullvshke; nitak yvmma is svn vla tok ititakla ka nan ik achukmo ka ak chi ahayucho hoke; yohmi kia hochitoka yvt ik chi ahninchoshke.

7. Yvmohmi hoka ish falama cha, it i kanvt ish ayashke, yohmi hosh Filistin hochitoka vhleha ha chik nokovvcho kashke, im achi tok.

8. Mihma Lewi vt Achish a, Nanta h_o yohmi li tuk oh cho? chi takla ahanta li itintakla himak nitak a ant vhli ka chin tishu ha nanta h_o ish ai ahayucho tuk o, a shahli miko in tvnvp a itibit ia la he keyu cho? im achi tok.

9. Mihma Achish vt afalamichit Lewi ya, Sa nishkin itikba ya chi achukma, Chitokaka im enchil ak inli chohmi tuk oke: yohmi akinli kia Filistin pehlichi vhleha hvt, Itibit ia ka pi awant ia he keyu, achi tuk oka, im achi tok.

10. Yvmohmi hoka onna hayvt onnahninli moma na ish wakaya cha, chi shahli in tishu vhleha hvt chitapehvt vla tuk a pehlichit, micha onnahninli moma na hvsh tani cha, hvchin tohwikelikmvt, hvsh iashke, im achi tok.

11. Yohmi h_o Lewi, micha in tvshka vhleha aiena kvt famvvt, Filistin okla i yakni ia chi hosh onna hayvt onna-

hinli moma na wakaya tok. Mihma Filistin vhleha hash osh Chesleel a ona tok.

CHAPTA XXX.

ATUK o yakohmi tok, Lewi, micha in tvshka vhleha aiena kv̄t nitak ont atuchina h̄o Siklak a ona ma, Amalekait vhleha hv̄t oka mahli; micha Siklak a issot kanchi cha, luak ishit hukmit tahli tok.

2. Michā ohoyo yv̄mma aiasha tuk a yukachit ishi; ho-chito, micha chipuntasi kia ik bo hosh, amba ishi cha, i hina fohkv̄t okla ia tok.

3. Yvmohmi tuk o Lewi, micha in tvshka vhleha aiena kv̄t tv̄maha holihta ya ona ma, yakeh! luak ishit hv̄t taha tok: mikma tekchi vhleha, micha ushi vhleha, micha ushetik vhleha aiena ka yukachit ishi tok.

4. Yohmi ma Lewi, micha okla apehv̄t aya tuk aiena kv̄t chitolit yahaya kv̄t, polaka yaiya he keyut taha tok.

5. Mihma Lewi tekchi tuklo Ahinoam, Chesleel ohoyo, micha Abikail Nabal, Kamelait tekchi atok itatuklo ka yukachit isht ia tuk atok.

6. Mihma Lewi vt ilbv̄sha fehna tok: hatak puta kv̄t ushi vhleha, micha ushetik vhleha aiyukali hatuk pulla kak o, okla moma kv̄t chukv̄sh nukh̄aklo hatuk osh, tv̄li ishit boli ka miha tok oka, yohmi kia Lewi vt in Chitokaka Chihowa ya ile hlampkochi tok.

7. Mihma Lewi vt Ahimelech ushi Abiahla naholitompa isht v̄tta ya, Efot a isht v̄m vl̄a, chim asilhha lishke, im achi tok. Mihma Abiahla yvt Lewi ya efot a isht im vl̄a tok.

8. Mihma Lewi vt Chihowa ya im a ponaklot, Tvshka nawehpuli ilv̄ppa hlioli la ch̄i cho? sakki la ch̄i cho? achi tok. Mihma afalaminchi mv̄t, Ish hliolashke; ish sakki pulla cha, ik kaniohmi kia mominchit falv̄minchit ish isha ch̄i hokvt, im achi tok.

9. Yohmi h̄o Lewi, micha hatak tablepa hannali apehv̄t

aya tuk ash aiena kv̄t ia mv̄t, bokushi Beso yā ona ma, yemma olbv̄l āsha chin tuk vt̄ āsha tok.

10. Amba Lewi, micha hatak tahlepa ushta aiena kv̄t hlioli tok: tahlepa tuklo hokv̄to hoyvbli fehna hatuk osh, Beso bokushi yā vbanv̄blit ont ia he keyu hatuk osh olbv̄l āsha tok.

11. Mihma yakni haiaka yā Echip hatak ō ahayuchi cha, Lewi yā isht im ona ma, puska ipeta na vpa tok; micha oka ishkochechi tok.

12. Micha fik palvska tushafa, micha paki shila champuli lokoli tuklo h̄o ima na vpa mv̄t, anonti imī hlampko kv̄t falamv̄t im vla tok: nitak tuchina, micha ninak tuchina h̄o puska vpa tuk keyu, micha oka kia ishko tuk keyu hokv̄t.

13. Mihma Lewi vt, Kv̄ta hak ō immi chia hoh cho? micha katima ish minti cho? im achi tok. Mihma, Echip hatak himita sia, micha Amalekait hatak in tishu sia hoke, atuk ō ā shahli hv̄t nitak tuchina kash si abeka tuk ak ō, sa kanchi tuk oke.

14. Chelehlait okla im oka mahli imma, micha Chutah i yakni ai v̄hli, micha Kaleb im oka mahli imma yak ō il iba chukowa cha, Siklak ā luak ishit hukmit e tahli tuk oke, achi tok.

15. Mihma Lewi vt, Tv̄shka nawehpuli ilv̄ppa isht is si ona hinla cho? im achi tok. Mihma Chitokaka ishit hochifot anumpa kv̄llo il onochit, is sv̄ba he keyu, micha ā shahli ibbak ā is sa fohka he keyu is sā mihakma, tv̄shka nawehpuli ilv̄ppa chisht ona lashke, achi tok.

16. Atuk osh isht ona ma, yakeh! hlahv̄t pataiyv̄t ayv̄t fullota mv̄t, Filistin yakni, micha Chutah yakni aiena kak ō, nawehpoa chinto fehna h̄o ai ishit kohcha tuk okv̄t, imput, nan ishkot, micha hihlv̄t aiasha tok.

17. Mihma Lewi vt okpolusbit taha h̄o issot kanchit isht ia mv̄t, onna kv̄t opia tok: mihma hatak achv̄fa kia ik hla-kofo, amba hatak himithoa tahlepa ushta hosh kamel om binili tuk osh yihlepa kak illa tok.

18. Mihma Amalekait v̄hleha hv̄t isht ia tuk ā mominchit

Lewi vt falvmminchit ishi tok: micha Lewi vt tekchi tuklo ka hlakofichi tok.

19. Mihma nana iskitini hokmá, chito hokmá nana kia, micha ushi vhleha, micha ushetik vhleha, micha nawehpoa, micha nana kia ishi tuk moma hokvt ik im iksho kv̄t iksho tok: Lewi vt moma falvmminchit ishi tok.

20. Mihma Lewi vt chukfv̄lhpoa aya kaniohmi, micha wak aya kanohmi aiena ka wak inla kash, itikba tihlelit isht ia mvt, Ilv̄ppvt Lewi i nawehpoa yoke, achi tok.

21. Mihma Lewi vt hatak tahlepa tuklo hoyv̄bli fehna hatuk osh Lewi ya iakaiya he keyu ma Beso bokushi ya asha ch̄i h̄o ashachi tuk a im vla tok; mihma yvmak ash osh Lewi ya afama ch̄i, micha apehvt aya tuk a afama ch̄i hosh okla ia tok: atuk o Lewi vt okla hash bilika vla mvt, aiokpv̄chi tok.

22. Yohmi ma hatak nan ashv̄chi, Belial hatak vhleha Lewi ya apehvt aya ka takla aya tuk momvt afalamichit, Pi apehvt ia tuk keyu hoka, nawehpoa falvmminchit il ishi tuk vt nana achv̄fa kia il ima he keyu, amba tekchi aiyukali, im vlla aiyukali kak o il imakma, ishi cha, iashke, achi tok.

23. Yohmi ma Lewi vt, Itibapishi li vhleha ma! Chihowa yvmak osh pi hlakofichi cha, okla pin tanampi tuk a pibbak a fohki cha, nana pima tuk oka ishit hv̄sh yvmihcha he keyu pullashke.

24. Kv̄ta hosh ilv̄ppa hv̄ch̄i haponakla hinla hotuma? amba itibit ia tuk ak osh kaniohmikma, na chukushpa apistikelit asha tuk ak kia i yvmohma ch̄i ak inli hoke: itilau hosh okla itakv̄shkoa ch̄i hoke, achi tok.

25. Atuk o nitak yv̄mma i himmak mahaya ka yvmohmi biega h̄o nan vlhpisa bilia Israel im ikbi tok o himak nitak a ant v̄hli hoke.

26. Atuk o Lewi vt Siklak a vla mvt, nawehpoa ash Chutah hatak im asv̄nonchi vhleha it i kana vhleha hash pit i pila cha yak achi tok, Yakeh! nan isht aiokpv̄chi Chihowa in tv̄nv̄p i nawehpoa tuk vt hv̄ch̄ immi hoké;

27. Behlel asha tuk, micha Lamolh im oka mahli asha tuk, micha Chatti asha tuk,

28. Micha Aloe a₂sha tuk, micha Sifmolh a₂sha tuk, micha Eshtemoa a₂sha tuk,

29. Micha Lachel a₂sha tuk, micha Chelahmeelait vhleha in tvmaha holihta puta a₂sha tuk, micha Kenait vhleha in tvmaha holihta puta a₂sha tuk,

30. Micha Holmah a₂sha tuk, micha Cholashan a₂sha tuk, micha Ahlach a₂sha tuk,

31. Micha Heblon a₂sha tuk, micha Lewi vt, micha in tvshka aiena kv₂t ai ashvt a₂ya chatuk puta ka pit pila tok.

CHAPTA XXXI.

YOHMI ma Filistin vhleha hv₂t Islael a itibi tok: mihma Islael hatak vhleha hv₂t Filistin vhleha itikba yihlepa ma, Kilboa nv₂nih ha ai vbi na akakoha tok.

2. Mihma Filistin vhleha hv₂t Sal, micha ushi vhleha hak o hliolit sakki tok: micha Filistin vhleha hv₂t Sal ushi vhleha, Chonahlan, micha Abinatab, mikmvt Malchishua aiena ka vbi tok.

3. Micha itibi kv₂t Sal a i kv₂llo fehna cha, iti tanampo sholi vhleha hv₂t nv₂hli tok: mihma iti tanampo sholi vhleha hv₂t nv₂hli na hotopa fehna tok.

4. Yohmi ma Sal vt i nahalupa sholi ya, Chi bvshpo falaia ya shufi cha, isht is sa bahlashke: keyukma hakshup ik tapo vhleha ilvppvt vla cha, bahlit sus sikkopali na, im achi tok. Yohmi kia i nahalupa sholi vt nukshopa fehna hatuk osh yvmihcha he keyu tok. Yvmohmi ma Sal vt bvshpo falaia ya ishi cha, onvtola tok.

5. Mihma i nahalupa sholi yash osh Sal vt illi na pisa mvt, yvmmak kia i bvshpo falaia ya onvtola cha, awant illi tok.

6. Yohmi hosh Sal, micha ushi tuchina, micha i nahalupa sholi, mikmvt in tvshka vhleha hv₂t nitak yvmmak inli ho moma kv₂t it apihvt illi tok oke.

7. Mihma Islael hatak vhleha okfa in tvnnvp a₂sha tuk, micha Chatan misha tvnnvp a₂sha tuk vt Islael hatak vhleha hv₂t yihlepa, micha Sal, mikmvt ushi vhleha aiena kv₂t illi na

pisa mvt, tumaha holihta puta ka issa cha, yihlepa tok: mihma Filistin okla hvt v̄la cha, ai asha tok.

8. Atuk o yakohmi tok, onna ma Filistin vhleha hvt illi tuk a wehpula chi hosh v̄la mvt, Sal, micha ushi tuchina aiena kv̄t Kilboa nvnih h̄a kaiyaha na ahayuchi tok.

9. Micha noshkobo h̄a tvbli cha, i nahalupa ya shufit ishi mvt, Filistin i yakni pilla fullolechit naholbvt toba puta ai asha chuka puta, micha okla h̄a im anolit isht aya tok.

10. Micha i nahalupa yash Ashtaloh in chuka okla bohli mvt, haknip ash Belh-shan holihta naksika ya apotolit anv-hlichī tok.

11. Atuk o Chabesh-Kileat okla hvt, Filistin vhleha hvt Sal a yvmihchi tuk a haklo mvt,

12. Hatak chilita nukwia iksho moma kv̄t wakaya cha, ninak a aya na onna hosh ivt, Sal haknip ash, micha ushi vhleha haknip ash aiena Belh-shan holihta naksika atakali tuk a ont ishit, Chabesh a isht v̄la cha, yvmmak o a hukmi tok.

13. Mihmvt foni ya okla ishi cha, Chabesh iti hikia h̄o nutaka ya hohpi cha, nitak untuklo h̄o nahullochi tok.

S A M U E L

I H O L I S S O A T U K L A H O K E.

SAMUEL

I HOLISSO ATUKLA HOKE.

CHAPTA I.

ATUK o yakohmi tok, Sal vt illi ha ya, Lewi vt Analek okla vbit aya tuk vt falamvt vla cha, nitak tuklo ho Siklak a ahanta tok.

2. Micha nitak ont atuchina ho yakohmi tok, yakeh! hatak vt Sal im vlbina ha akohchvt minti hosh, i nafohka hvt hlilafa cha, lukfi pushi vt noshkobo onvtoyula hosh vla tok: atuk osh Lewi ya im vla mvt, yakohmi tok, aka pit hilpia cha, aiokpvchi tok.

3. Mihma Lewi vt, Katima ish minti cho? im achi tok. Mihma Sa hlakofi cha, Israel im vlbina hak o akohchvt aya li hoke, im achi tok.

4. Mihma Lewi vt, Nana kv̄t katiohmi tuk oh cho? vm anoli, chim asilhha lishke, im achi tok. Mihma afalami-chi mvt, Okla hvt itibi tuk vt yihlepa cha, okla laua kv̄t akakohvt illi ma; Sal micha ushi Chonahlan itatuklo kak kia illishke, achi tok.

5. Mihma Lewi vt nan im anoli tuk hatak himita yash, Katiohmi kak osh Sal, micha ushi Chonahlan itatuklo kv̄t illi ka ish ithana cho? im achi tok.

6. Mihma hatak himita nan im anoli yash osh, Kilboa nunih ha ona li yoba ho yakeh! Sal vt im tvbi tvli halupa ontvla ya onvtola tuk oke; mihma yakeh! tvnvp itichanvlli puta, micha issuba om binili vhleha aiena kv̄t hliolit sakkı tok.

7. Atuk o im ashaka pilla pit hopokoyo cha, sa pisa mvt,

ḡ howa tuk oke. Mihma afalamichit, Yak hikia lishke, im achi li tuk oke.

8. Mihma, Kṽta chia hoh cho? ṽm achi ma, afalaminchit, Amalekait hatak sia hoke, im achi li tuk oke.

9. Mihma anonti, Is si օ hikia cha, is ṽvbashke, chim asilhha lishke: ṽm ilhfiopak ṽt achukma hosh sa fօka moma hatuk osh, shimoha kṽt si onvtola hoka, ṽm achi tuk oke.

10. Yohmi hօ akama ha yokṽt okchaya heto, ithana li hatuk osh օ hikia lish, ṽbi li tuk oke: micha iachuka noshkobo on talaia tuk, micha shakba abeha tuk aiena ka ishi li tuk osh, ḡ shahli hḡ isht im ṽla lishke, achi tok.

11. Yohmi ma Lewi ṽt i nafohka yḡ halṽllit hlilṽffi tok; mihma hatak apehṽt aiasha tuk kak kia moma kṽt yṽmihchi tok.

12. Mihmṽt Sal, micha ushi Chonahlan, mikma Chihowa im okla ṽhleha, micha Israel in chuka achṽfa aiena ka bṽshpo falaia isht akakoha pulla kak օ ishit nukhḡklot yayiṽt, ik impo hosh okla anta na opia tok.

13. Mihma Lewi ṽt hatak himita im anoli kash, Katima ish minti cho? im achi tok. Mihma afalamichi mṽt, Oklu-shi inla ushi Amalekait sia hoke, achi tok.

14. Mihma Lewi ṽt, Chihowa ahamṽt im ṽlhtoka yḡ chibbak ḡ օ wielit ṽbi ka katiohmi hօ ik chi nukshopo tuk oh cho? im achi tok.

15. Mihmṽt Lewi ṽt hatak himithoa ai achṽfa ka, Bilika ish ona cha, ish onvtolashke, im achi tok. Mihma isso na illi tok.

16. Mihma Lewi ṽt, Chim issish ṽt chi noshkobo ak inli onṽtoyulashke; chishno chitih ak inli hosh chi atokolit, Chihowa ahamṽt im ṽlhtoka yḡ ṽbi li tuk oke, achi hoka, im achi tok.

17. Mihmṽt Lewi ṽt Sal, micha ushi Chonahlan ḡ ishit yayiṽt ilṽppa ahanchi tok.

18. Michā Chutah im ṽlla ṽhlehā hḡ iti tanampo ieshi ka ithṽnancha he im apesa tok: yakeh! Chashe i holisso hḡ a holissot takali hoke.

19. Israel isht aholitopa ṽt chim achahaka ai illishke: ikikkeh! chilita nukwia iksho ṽhleha hṽt akokahṽshke!

20. Kalh a hvsh ai anoli ná, Askelon hina puta ai itvnowa ya ai anolit hvsh yukpvchi ná; yohmi na Filistin ushetik vhleha hvv nan ishit yukpa ná, yohmi na hakshup ik tapo ushetik vhleha hvv ishit hihla ná.

21. Kilboa nvnih vhleha hvchia ma! fichak vt ik hvchi onvtolo kashke, micha umba kvv ik hvchi onvtolo kashke, micha na wayahpi nan im issa ai offo osapa vt ai iksho kashke; yvmmak o hatak chilita nukwia iksho in telihpa, Sal in telihpa, bila ahamvt vlhtoka keyu chohmichit ik ahobalot a kanchi tuk oka.

22. Illi im issish a, micha hatak chilita nukwia iksho vhleha ha nia ya Chonahlan im iti tanampo vt i fullotvt falama tuk keyu hoke; mikma Sal i bvshpo falaia vt iksho ho falama tuk keyu hoke.

23. Sal, micha Chonahlan ita tuklo kvv okchayvt ashwa mvv, holitopa, micha achukma tuk oke, atuk osh illi mvv, ik it i filvmmo tuk oke; shinimpa kvv ossi ya i shahlit okla cha, kvv kvv koi chito ya i shahlit okla tuk oke.

24. Israel ushetik vhleha hvchia ma! Sal ak osh na tishepa hvchi fohkvchit, nan isht aiyukpa inla aiena ka hvchim atahli tuk, yvmmak osh hvchi nafohka ya tvli holisso lakna ya ishit shemvchi tuk oka, ishit hvsh yayiyashke.

25. Ikkikkeh! itibi ai ititakla ya chilita nukwia ashwa tuk vt akakohvshke; Chonahlan ma! chim achahaka ya a chilli tuk oke.

26. Itibapishi li Chonahlan ma! chisht svlvshvshke: is svv achukma fehna tuk oke: is sa hullo kvv atampa fehna kvv, ohoyo na hev ahni ka i shahli tuk oke.

27. Ikkikkeh! chilita nukwia iksho ashwa tuk vt akakohvshke: mikma na halupa isht itibi vt okpulot tahvshke.

CHAPTA II.

ATUK osh ilvppa i himmak a yakohmi tok, Lewi vt Chihowa ya i ponaklot, Chutah in tvmaha holihta kanima ka ona la chi cho? achi tok. Mihma Chihowa vt, Iá, im

achi tok. Mihma Lewi vt, Katima yak o ia la chi cho?
 achi tok. Mihma Heblon a achi tok.

2. Yohmi ho Lewi vt, tekchi tuklo, Chesleel ohoyo Ahi-noam, micha Kamel ohoyo Abikail, Nabal tekchi atok aiena kvv yvmmak o ona tok.

3. Micha in tvshka vhleha apeha tuk vt in chuka achvfa aiyukali ishi ho Lewi vt isht vla na Heblon tvmaha holihta puta yak o aiasha tok.

4. Mihma Chutah hatak vhleha hvv vla cha, yvmmak o Lewi ya nan ahvmmitt Chutah in chuka achvfa ya i miko atokoli tok. Mihma Lewi ya im anolit, Chabesh-kileat hatak vhleha yvmmak osh Sal a hohpi tok, achi tok.

5. Mihma Lewi vt Chabesh-kileat hatak vhleha ha anumpa shali vhleha ha i pila mvv, Chihowa i holiropa hvchia hashke, hvchi shahli Sal fevna ka hvsh i kana cha, hvsh hohpi tuk okvt.

6. Yohmi ka himak a Chihowa vt hvchi kana cha, aiahli ka hvchi yvmihchashke: nana ilvppa hvsh yvmihchi tuk oka, i kana ilvppa vno ak kia hvchim atobbi la chi hoke.

7. Yvmohmi hoka himak a hvch ibbak vt hlampkashke, micha chilitvt nukwia iksho hosh hvsh aiashashke: hvchi shahli Sal vt illi hoka; mikma Chutah in chuka achvfa yvt nan ahvmmitt i miko si atokoli akinlishke, im achi tok.

8. Yohmi kia Ne ushi, Abne Sal in tvshka chipota i kvpitvni vt Sal ushi Ishboshelh a ishi cha, pit hlopullichit Mahanaim a isht ona tok.

9. Micha Kileat, mikmvv Ashulait vhleha, micha Chesleel, micha Eflaim, micha Benchamin, micha Israel moma ka i miko ikbi tok.

10. Sal ushi, Isboshelh vt afvmmi pokoli ushta hosh Israel, i mikot isht ia tuk osh, afvmmi tuklo miko tok: amba Chutah in chuka achvfa yvt Lewi ak o iakaiya tok.

11. Mihma Lewi vt Chutah in chuka achvfa ya i miko hosh Heblon a ahanta kvv afvmmi untuklo cha hvshi han-nali tok.

12. Mihma Ne ushi Abne, micha Sal ushi Ishboshelh in tishu vhleha aiena kvv Mahanaim a akohchvt, Kibeon a ona tok.

13. Mihma Seluiah ushi Choab, micha Lewi in tishu vhleha aiena kut kohchvt ia cha, Kibeon oka talaia h_o bilika ont ai itafama tok: micha achvfa kut oka talaia in tnnvp achvfa ka chieya ma, achvfa kut oka talaia in tnnvp a chieya tok.

14. Mihma Abne vt Choab a, Hatak himithoa vt ik wakaya cha, pi tikba ya ik ai ihlovlli, im achi tok. Mihma Choab vt, Ik wakaya, achi tok.

15. Yohmi ma holhtina hosh Benchamin a ai achvfa kut auah tuklo hosh Sal ushi Ishboshelh a ibafoyuka tuk vt, micha Lewi in tishu vhleha ha ai achvfa kut auah tuklo aiena hosh wakaya cha, ivt ont itafama tok.

16. Michā ilap aiyukali kut noshkobo ha ishi mut, bush-po falaia isht iti babli tok: yohmi hosh itapihvt akakoha tok: yvmohmi h_o ymmvt Helkath-hassulim hohchifo hosh Kibeon a talaia tok.

17. Mihma nitak ymma itibi kvllo fehna tok; mihma Lewi in tishu vhleha hv Abne, micha Israel hatak vhleha ha imaiya tok.

18. Mihma Seluiah ushi tuchina hosh Choab, micha Abishai, micha Asahel vt ymma asha tok: mikma Asahel vt iyi shohhva kut issi nukshopa yak o chohmi tok;

19. Atuk osh Asahel vt Abne ya hlioli tok: micha hlioli kut isht impakimma, micha vlvfbekimma kia pit fullotvt ik aiyo tok.

20. Yohmi ma Abne vt im ashaka pit filema cha, Asahel chia hoh cho? achi tok. Mihma afalamichit, Mihiyo sia hoke, achi tok.

21. Mihma Abne vt, Ishtimpakimma, keyukmut vlvfbekimma ya pit ish fullota cha, hatak himithoa ai achvfa kak o ish halvlli cha, i nahalupa ya ish ishashke, im achi tok. Yohmi kia Asahel vt iakaiya kut naksika pit fullota he keyu tok.

22. Mihma Abne vt Asahel a, Is siakaiya kut naksika ish fullotashke: nanta katiohmi h_o issot chi akvchi li pulla chi cho? yohmikmut katiohmi kak osh chitibapishi Choab a im aka chakali la hinla cho? anonti im achi tok.

23. Yohmi kia naksika pit fullota he keyu tok: yohmi ma Abne vt t_vbi t_vli halupa ont_vla ya wishakchi ashaka ya naksi foni ishit tahlapi nuta ya ishit bahli na hlopullit ashaka ont kohcha tok: mihma y_vmmak o itula cha, y_vmmak inli h_o ai illi tok: atuk o yakohmi tok, Asahel vt ai itulvt illi tuk a laua kaniohmi kv_t ant pisakmvt, hikia beka tok.

24. Mihma Choab, micha Abishai itatuklo kv_t Abne ya hlioli tok: atuk osh Ammah n_vnih y_vmmvt Kiah itikba bachaya Kibeon yakni haiaka hina ya ona ma, hv_shi vt oka tula tok.

25. Mihma Benchamin im v_lla vhleha hv_t iti hoyot itv_naha cha, Abne ya iakaiyvt tv_shka chipota aya achvfa toba cha, n_vnih paknaka ya o hieli tok.

26. Yohmi ma Abne vt Choab a pit i payvt, Bvshpo falaia yvt ambi na bilia ch_i cho? ont ishtaiyopi kv_no homi ha ch_i ka chik ithano cho? yohmi ka katiohmi fokak mak o okla hv_t itibapishi vhleha h_a iakaiya kv_t falama ch_i ka ish im apesa ch_i cho? achi tok.

27. Mihma Choab vt, Chitokaka vt okchaya pulla ka chik anumpulo ke tuk okma, okla puta kv_t onnahinlik mak o itibapishi vhleha h_a iakaiya kv_t falama hetuk pulla hoke, achi tok.

28. Mihma Choab vt isht p_ufa ya olachi ma, okla moma kv_t hieli cha, Israel a himakma ik iakaiyo tok, micha himakma ik itibo tok.

29. Mihma Abne, micha in tv_shka vhleha aiena kv_t ninak y_vmma ayvt onvt yakni patali hlopullit, Chatan a vbanvblit, Bilh-lon moma ka hlopulli cha, Mahanaim a okla ona tok.

30. Mihma Choab vt Abne ya iakaiya tuk vt falama tok: atuk osh okla moma ka hoyot itv_nahli ma, Lewi in tv_shka vhleha h_a hatak auah chakkali cha, Asahel aiena kak osh iksho tok.

31. Amba Lewi in tv_shka vhleha hv_t Benchamin, micha Abne in tv_shka vhleha h_a fahamvt kanchi na hatak tahlepa tuchina cha, pokoli hannali aiena hosh illi tok.

32. Mihma Asahel a okla ishi cha, i_ki ahollopi B_ehlehem

a hikia ka isht onvt hohpi tok. Mihma Choab, micha in tvshka vhleha aiena kv̄t ninak ā aya na hlopulli mvt, onvt mihinti hō Heblon ā ona tok.

CHAPTA III.

YUMOHMI ma Sal in chuka achvfa, micha Lewi in chuka achvfa aiena kv̄t itin tanampi na hopaki tok: yohmi kia Lewi vt kv̄llo kv̄t isht ī shahlit isht ia ma, Sal in chuka achvfa vto ik kv̄llo kv̄t isht ī shahlit isht ia tok.

2. Mihma Lewi vt Heblon ā ushi vhleha im ai asha tok: micha akni fehna vt Chesleel ohoyo Ahinoam vt im eshi tok Annon ak atok.

3. Mihma im atukla kv̄t Kamelait hatak Nabal tekchi atok Abikail vt im eshi tok Chileab ak atok: mikma atuchina kv̄t Keshu ī m̄iko Talmai ushetik Maakah ā ushi Absalom ak atok.

4. Mikma ont ai ushta kv̄t Hakkilh ā ushi Atonichah ak atok; mikma ont ishit tahlapi kv̄t Abital ā ushi Shefatiah ak atok.

5. Mikma ont ishit hannali kv̄t Lewi tekchi Eklah vt im eshi tok Ilhleam ak atok. Ilvppa puta kak osh Lewi vt Heblon ak ō im ai asha tok.

6. Atuk ō yakohmi tok, Sal in chuka achvfa, micha Lewi in chuka achvfa vt itin tanampi moma ma, Abne vt ile kv̄llohonchit Sal in chuka achvfa yā apelvchi tok.

7. Mihma Sal vt im itaiena vt Aiah ushetik osh ymma hohchifo kv̄t Lispah osh im āsha tok: atuk ō Ishboshelh vt Abne yā, Nanta katiohmi hō āki im itaiena yā ish iba nusi tuk oh cho? im achi tok.

8. Mihma Ishboshelh vt im anumpuli tuk pulla kak ō, Abne vt nukhobela kv̄t libbi fehna mvt, Ūno vt ofi noshko-bo sia hoh cho? Chutah yā im asanalit ch̄iki Sal in chuka achvfa, itibapishi puta, micha ī kana puta aiena ka ī kanvt Lewi ibbak ā ak chi fohko hokak ō, ohoyo ilvppa nan ashvchi it̄i ymmohmi li tuk ā is sā miha cho? achi tok.

9. 10. Chihowa vt anumpa kvllo ya il onochit, Lewi ya im achi tok a vno ak kia yvmihchi lashke, yohmi kv̄t Sal in chuka achvfa apchichi ka tosholit, Lewi ak o im ai om binili holutompa hilechit Tan vttvt ia kv̄t, Beesheba ont ai v̄hli Israel, micha Chutah aiena ka pehlichy ikbi lashke; ak yvmihchokma yakohmi, micha i shahli kia Chitokaka yvt Abne ya yvmihchashke, achi tok.

11. Mihma i nukshopa hatuk osh, Abne ya anonti afalamichit anumpa achvfa im acha he keyu tok.

12. Mihma Abne vt ilap ahni kv̄t Lewi ya anumpa shali v̄hleha ha i pila cha, Yakni vt kv̄ta hak o immi hoh cho? anumpa itibai achvfa is sv̄t im apesakma, micha yakeh! sv̄bbak vt chibafoyuka cha, Israel moma ka fullolichit ishit chim v̄la lashke, achi tok.

13. Mihma, Ome; anumpa itibai achvfa chit im apesa lashke: yohmi kia nana achvfa ho ch̄i hoyo lishke, yvmmvt ilvppak oke, sa nashuka ya pisvt ish ayakmvt, Sal ushetik Michal a tikba isht is sv̄m v̄lá, keyukmvt, sa nashuka ya ish pisa he keyushke, achi tok.

14. Mihma Lewi vt Sal ushi Ishboshelh a anumpa shali v̄hleha ha i pila cha, Sa tekchi Michal a Filistin tikba hakshup tahlepa achvfa ho isht il ai apovchi li tok a, sv̄bbak a ish fohkashke, achi tok.

15. Mihma Ishboshelh vt pit hoyot, i hatak Laish ushi Faltiel a im ishi tok.

16. Mihma i hatak vt iakaiyvt olbul a yahayvt ayvt, Bahulim a ona tok. Yohmi ma Abne vt, Falamit iá, im achi tok. Mihma falama tok.

17. Mihma Abne vt Israel im asv̄nonchi v̄hleha ha anumpa it imvt, Chashpo ka Lewi ya hv̄ch̄i miko ya ch̄i ho hv̄sh hoyo tok oke.

18. Yvmohmi tok okvt himak a hv̄sh yvmihchashke: Chihowa vt Lewi ya isht anumpulit, An tishu Lewi ibbak ak o vm okla Israel a Filistin okla ibbak, micha in tv̄nvp moma ibbak a akohchit ishit hlakofichi la hi oke, achi tok oka, achi tok.

19. Mihmvt Abne vt Benchamin ak kia haklochit im

anumpuli tok: micha Abne vt Heblon a ia cha, Lewi ak kia haklochit Israael a kaniohmi kak osh im vlpesa moma ka, micha kaniohmi kak osh Benchamin in chuka achvfa moma kv̄t im vlpesa ka im anumpuli tok.

20. Yohmi hosh Abne, micha hatak pokoli tuklo aiena hosh Lewi vt Heblon a anta tuk o im ona tok: mihma Lewi vt Abne, micha hatak apehvt aya tuk aiena ka impvchi tok.

21. Mihma Abne vt Lewi ya, Wakaya lish, ia likmvt, Israael moma ka a shahli miko ya, im itvnahli lashke; mikma anumpa itibai achvfa okla chit im apesakma, chi chukvsh ahni kv̄t moma ish pehliechashke, im achi tok. Mihma Lewi vt Abne ya pila na iti kanvt aya tok.

22. Mihma yakeh! Lewi in tishu vhleha, micha Choab aiena kv̄t nawehpuli aya achvfa ka hlioli tuk vt falama cha, na wehpoa chinto isht vla tok: yohmi kia Abne vt Lewi Heblon anta ka takla ik anto tok; yvmvvt pila na iti kanvt aya tuk atuk okvt,

23. Atuk o Choab, micha tvshka chipota apehvt aya tuk vt vla ma, Choab a im anolit, Ne ushi Abne vt miko im vla tuk o, pila na iti kanvt ia tuk oke, achi tok.

24. Yohmi ma Choab vt miko ya im vla cha, Nanta mak o ish yvmihchi cho? yakeh! Abne vt chim vla tuk oke; nanta katiohmi ho ish pila na ivt kvnia cho?

25. Ne ushi Abne ya ish im ithanvshke, yvmvvt chi hak-sichit, kohchvt ish ia, micha ant ish chukowa aiena, micha nana ish kaniohmi moma ka akostinincha chi hosh vla tuk oke, achi tok.

26. Atuk osh Choab vt Lewi ya i filvmmmit kohcha mvt, anumpa shali vhleha ha pila na yvmvvt Silah kvli hofobi yak o ont ai ishit, anonti isht vla tok: yohmi kia Lewi vt ik ithano tok.

27. Atuk o Abne vt falamvt Heblon a vla ma, Choab vt lumvt im anumpula chi hosh naksika holihta okhissa ya isht ona cha, itibapishi Asahel im issish atuk pulla mak o naksi foni ont ishit tahlapi nuta ya bahli na illi tok.

28. Atuk o Lewi vt himmak o haklo cha, Chihowa itikba

ya vno, micha vm apelihika aiena kut Ne ushi Abne im issish a a si ahalaia keyu a bilia hoke.

29. Choab noshkobo, micha iki in chuka achvfa moma kak o onvtoyulashke; micha Choab in chuka achvfa ya haiyehchi okchusbut yanvlli, keyukmut leplosi vbi, keyukmut tvbi ieshi, keyukmut bvshpo falaiia onvtola, keyukmut pvska ik im ono aiena kut ik im iksho kut iksho kashke, achi tok.

30. Yvmohmi hosh Choab, micha itibapishi Abishai itatuklo kut Kibeon a ai itibi ma itibapishi Asahel a vbi tok ak o Abne ya vbi tok.

31. Mihma Lewi vt Choab, micha okla moma ka, Hvchi nafohka ya hvsh hlilvffit, nahishi nantvna ishit hvsh vskovchi cha, Abne itikba ya hvsh yaiyashke, im achi tok. Mihmut miko Lewi ak kia nipi illi om bohli isht ia ya iakaiya tok.

32. Mihma Abne ya Heblon ak o okla hohpi tok: mihma miko vt chitolit Abne ahollopi ya a yaiya tok; mihma okla moma kut yaiya tok.

33. Michi miko vt Abne ya ishit yaiyvt, Im anukfla iksho illi hak inli ho chohmit, Abne vt illi keyu cho? achi tok.

34. Chibbak vt talakchi tuk keyu, micha chiyi ak kia tvli vlbeha tuk keyushke: hatak osh hatak haksi yo itikba itula kak inli chohmit chitulvshke, achi tok. Mihma okla moma kut anonti ishit yaiya tok.

35. Mihma okla moma kut Lewi ya nitak talaya moma ho impvcha chi hosh vla ma, Lewi vt anumpa kullo il onochit anumpulit, Yakohmi, micha i shahli kia Chitokaka vt si yvmihchashke, hvshi vt ik okvtulo kisha ho pvska, keyukmut nana hoh kia vpvvt pisa likma, achi tok.

36. Mihma okla moma kut yohmi ahnit pisa mvvt, aiokpanchi tok: yohmit miko vt nana ho yohmikma, okla moma kut aiokpanchi atuk okvt.

37. Miko vt Ne ushi Abne ya vbi ka ahni tuk keyu ka nitak yvmma okla moma, micha Israel moma kut ithaiyana hatuk okvt.

38. Mihma miko vt in tishu vhleha ha, Israel a hatak hohitompaa, micha hatak chito hosh himak nitak a itula ka hvchik ithano cho?

39. Yohmi na himak nitak a nan ahamvt miko si vlhtoka ak inli kia, ik sa kvlloshke : micha Seluiah ushi hatak vhleha ilvppvt a kvllo atvpvshke. Nana ik achukmo yvmihchi nan ashvchi tuk ai it vhpiesa kak o Chihowa vt im atobba hi oke, im achi tok.

CHAPTA IV.

ATUK o Sal ushi vt, Abne vt Heblon a ai illi tuk a haklo mvt, ibbak vt kota tok ; mihma Israel moma kvv komunta tok ;

2. Mihma Sal ushi vt hatak tuklo hosh aya achvfa i kupitvni bika yosh. im ashwa tok : achvfa hohchifo kvv Baanah okma, achvfa hohchifo kvv Lechab Beelohlait hatak Limmon ushi tuklo, Benchamin im vlla vhleha ai achvfa hatok : (Beeloh ak kia Benchamin iba holhtina tuk oka.

3. Atuk osh Beelohlait vhleha hvv yihleptv Kiltaim a ona tuk osh, yvmmak o aiasha na himak nitak a ant ai vhli hoke.)

4. Mihma Sal ushi Chonahlan vt ushi yosh iyi imomokpulo yosh im anta tok : yvmmvv afvmmi tahlapi ho, Sal, micha Chonahlan itatuklo ka annoa kvv Chesleel a minti hosh vla ma, ilauei vt sholi cha, maleli tok : atuk o yakohmi tok, tvshptv maleli ma, ont itula cha, iyi imomokpulo tok. Mich a yvmma hohchifo kvv Mefiboshelh atok.

5. Mihma Beelohlait hatak, Limmon ushi Lechab, micha Baanah itatuklo kvv kohevvt, nitak lvshptv taha foka ho Ishboshelh in chuka itvlachi tok : yvmmvv tvbokoli ho in topa ho itonla tok.

6. Atuk o onush a isht ia chi chohmi hosh aboha yash iklvna ya ant chukowa tok ; atuk osh naksi foni ishit tahlapi nuta ya issot okla tok : micha Lechab, micha itibapishi Baanah itatuklo kvv tihlaya tok.

7. Aboha ya ant chukowa ma, aboha a nusi ya in topa itonla tuk oka issot vbi mvt, noshkobo ha tvbli mvt, noshkobo ha ishi cha, yakni patali ya hlopullit ninak a aya na onna tok.

8. Mich a Lewi vt Heblon a anta tuk o Ishboshelh nosh-

kobo ha isht im ona tok; micha miko ya, Yakeh! chin twnvp chim ilhfiopak hohoyo tuk Sal ushi Ishboshelh noshkobo yoke; mihma Chihowa vt a shahli miko ya himak nitak a im il aiokhvt Sal, micha im ai unehololi ya onochishke, im achi tok.

9. Mihma Lewi vt aalamichit Beelohlait hatak Limmon ushi tuklo Lec̄hab, micha itibapishi Baanah ya, Chihowa vt okchaya pulla ka, yvmmak osh vmi shilombish a ai ilbusha puta ka a sa hlakofichi tok pulla ka,

10. Achvfa kv̄t nana achukma hō vm anoli im ahobvt, Yakeh! Sal vt illishke, achi ma, ishi lish, nana vm anoli ka im atobbi la hi a im ahoba tuk kia, Siklak a ai vbi li tuk oka:

11. Hatak haksi v̄hleha yosh hatak v̄lhpesa ya ilap in chuka, micha in topa itonla hō ai vbi kv̄t i shahli onvtola he v̄lhpesa keyu cho? yvmohmi hoka im issish a hv̄ch ibbak a a hoyo lish, yakni ya a kohchit ishit hv̄chi kanchi la he v̄lhpesa keyu cho? im achi tok.

12. Mihmvt Lewi vt hatak himithoa im asha tuk vt im apesa ma, okla vbi cha, ibbak, micha iyi aiena ka tv̄ptuli cha, Heblon oka talaia ka paknaka takohlich̄i tok: amba Ishboshelh noshkobo hano okla ishi cha, Abne im ahollopi Heblon ak o a hohpi tok.

CHAPTA V.

YOHMI ma Israel apehlich̄i puta moma kv̄t Lewi vt Heblon anta tuk o im ona cha, im anumpulit, Yakeh! chi foni pia, micha chi nipi pia yoke.

2. Mich̄a Sal vt pi miko moma ma, chishno ak osh Israel a pehlich̄it ish kohoncha, micha pehlich̄it ish ahanla tok: mihma Chihowa vt, Ūm okla Israel a is sam pehlich̄a ch̄i hoke, micha Israel a ish i miko ach̄i hoke, achi tok.

3. Yvmohmi hosh Israel im asv̄nonchi v̄hleha hv̄t miko Heblon anta tuk o im ona tok; mihma miko Lewi vt Heblon ak o Chihowa itikba ya anumpa ai itibai achvfa it im apesa tok: mihma Lewi ya nan ahv̄mmit Israel i miko okla atokoli tok.

4. Lewi vt afvmmi pokoli tuchina hosh miko isht ia tuk osh, afvmmi pokoli ushta ho miko tok.

5. Heblon a ahantvt afvmmi untuklo, micha hvshi hannali ho Chutah ya i miko tok; micha Chelusalem a ahantvt afvmmi pokoli tuchina cha, akucha tuchina ho Israel moma, micha Chutah ya i miko tok.

6. Mihma miko, micha in tvshka vhleha aiena kv Chelusalem a onvt yakni yvmma ai oklv aiasha Chebusait vhleha ha im ona tok: yvmmak ash osh Lewi ya im anumpulit, Ik hoponayo, micha imomokpulo aiena kak o ishit ish kanchi keyukmvt, ilvppa ish chukowa he keyu, achi tok: Lewi vt ont chukowa he keyu, im ahoba cha.

7. Yohmi kia Lewi vt Sion holihta kullo ya ishi tok: yvmmak osh Lewi in tvmaha holihta mak oke.

8. Mihma nitak yvmma Lewi vt, Kvna hosh oka ai yannelli ya oiya cha, Chebusait vhleha, micha imomokpulo, micha ik hoponayo aiena Lewi imi shilombish i nukkilli ka issot kanehikmvt, i shahli, micha kvpitvni ya chi hoke, achi tok. Ik hoponayo, micha imomokpulo aiena yvmmak kia chuka yash chukowa he keyu, achi hatuk oke.

9. Mihma Lewi vt holihta yash ai vtta cha, Lewi in tvmaha holihta hochifo tok. Mihmvt Lewi vt chuka ikbit apakfoblit, Millo yak o ai isht ivt anukaka isht ia tok.

10. Mihmvt Lewi vt isht i shahlit chitot ishit mahaya tok; mihma vba nan okluha il aieshi Chitokaka Chihowa vt ibafoyuka tok.

11. Mihma Hilam Taia i miko vt Lewi ya anumpa shali vhleha ha i pila mvt, chuahla iti, micha chuka ikbi, micha tvli toksvli aiena puta ka i pila tok.

12. Mihma Lewi vt, Chihowa vt Israel i miko ikbit kullochit hilechi tuk, micha im okla Israel pulla kak o im apehlichika ya kullochit hilechi ka ithaiyana tok.

13. Mihmvt Lewi vt Heblon a ai vttvt vla ha yvt himakma tekchi, micha im itaiena ka Chelusalem a ai ishi tok: micha Lewi vt ushi vhleha, micha ushetik vhleha aiena kv himakma im asha tok.

14. Chelusalem a ai im asha tok vt hoh hifo kv ilvppak

oke ; Shammah, micha Shobab, micha Nahlan, micha Solomon,

15. Michā Ibha, micha Elishua, micha Nephek, micha Chaphia,

16. Michā Elishama, micha Eliata, micha Eliphalet ak atok.

17. Mihma Lewi ak o nan ahvmm̄it Is̄rael ī m̄iko atokoli tok ā Filistin okla hv̄t haklo mv̄t, Filistin moma kv̄t Lewi yā hoyot v̄la tok ; mihma Lewi vt haklo mv̄t, holihta yash ont chukowa tok.

18. Mihma Filistin v̄hleha hak kia okfa Lefaim ak o ant ile patali tok.

19. Mihma Lewi vt Chihowa yā ī ponaklot, Filistin v̄hleha aiasha ka ia la ch̄i cho ? subbak ā ish fohka ch̄i cho ? achi tok. Mihma Chihowa vt, Ish iashke, chibbak ā fohki li pulla ch̄i hoka, im achi tok.

20. Mihma Lewi vt Baal-pelasim ona cha, ai issot kanchi tok ; micha, Chihowa vt sa tikba yā an tv̄np̄ ā o kinafa kv̄t oka kinafa kak inli chiyuhmishke, achi tok. Yvmohmi hatuk o yv̄mma Baal-pelasim hochifo tok.

21. Mihma yv̄mmak inli ī naholbv̄t toba puta ka kanchi tok ; mihma Lewi micha in tv̄shka v̄hleha hv̄t hukmi tok.

22. Atuk o Filistin v̄hleha hv̄t himakma anonti v̄la cha, okfa Lefaim ak o ile patali tok.

23. Mihma Lewi vt Chihowa yā ī ponaklo ma, Ish ia he keyu : amba apakfopv̄t āsha ka ish ona cha, bihi iti foka ichapaka yak o ish a sakka ch̄i hoke.

24. Atuk o yakohma chiké, ia na bihi iti puta paknaka yā ish a haiyaklokmv̄t, ish ile tv̄shp̄v̄lehashke ; yohmikma Chihowa vt chi tikba kohchv̄t Filistin tv̄shka chipota yā issot kancha ch̄i hosh ia ch̄i hoke, achi tok.

25. Mihma Lewi vt Chihowa vt ī miha tuk mak o yvmohmi tok ; micha Filistin v̄hleha h̄ā issot kanchit, Keba v̄tv̄t isht ia kv̄t Kase ish ona ka isht ona tok.

CHAPTA VI.

ANONTI Lewi vt hatak aiyua hochukma moma tahlepa sipokni pokoli tuchina h̄ō hoyot itv̄nahli tok.

2. Micha Lewi vt wakaya cha, okla apehvt ai asha aiena moma kv̄t Chitokaka im itombi holitopa, yv̄mma hohchifo kv̄t v̄ba nan okluha il ai eshi Chihowa hohchifo ka, a hohchifo hosh chelubim ititakla ai abanta yash, im itombi holitopa ya isht v̄la ch̄i hosh Chutah yakni Baale ya okla minti tok.

3. Mihmvt Chitokaka im itombi holitopa ya Abinatab in chuka Kibeah a talaia ka akohchit itichanv̄lli himona yo on talali cha, ishit minti tok: mihma Abinatab ushi tuklo, Ussah, micha Ahio itatuklo kak osh itichanv̄lli himona ya isht aya tok.

4. Mihmvt Abinatab in chuka Kibeah a talaia ka okla akohchit isht ia cha, Chitokaka im itombi holitopa ya apehvt aya tok: mihma Ahio vt itombi holitopa itikba ya aya tok.

5. Mihma Lewi, micha Israel in chuka achv̄fa moma kv̄t nan isht olachi il aiyukali tiak holba toba, hap puta, micha saltili puta, micha v̄hlepushi puta, micha ishit sv̄mahv̄chi puta, micha simbal puta aiena ka olachi tok.

6. Atuk osh Nachon onush anihechi v̄la ma, wak toksv̄li vt winalichi hatuk o, Ussah vt ibbak a pit weli cha, Chitokaka im itombi holitopa ya hoklit ishi tok.

7. Mihma Chihowa im ai i nukkilli vt Ussah ya i sanalit libbi mvt, ashv̄chi pulla kak o Chitokaka vt yv̄mma ai v̄bi tok; mihma Chitokaka im itombi holitopa bilika yak o ai illi tok.

8. Mihma Lewi vt Ussah ya Chihowa vt o kinafa tuk ak o ik im v̄lhpeso fehna tok: micha Peles-Ussah hochifo tok o himak nitak a moma hoke.

9. Mihma Lewi vt nitak yv̄mma Chihowa ya i nukshopa cha, Katiohmi hosh Chihowa im itombi holitopa vt v̄m v̄la ch̄i cho? achi tok.

10. Yohmi hosh Lewi vt Chihowa im itombi holitopa ya Lewi in tv̄maha holihta ya isht ona ik b̄v̄nno tok: amba Lewi vt naksika isht iv̄t Kittait hatak Obet-etom in chuka yak o isht ona tok.

11. Mihma Chihowa im itombi holitopa yv̄t hv̄shi tuchina ho Kittait hatak Obet-etom in chuka ya talaia tok: mihma Chihowa vt Obet-etom, micha in chuka achv̄fa moma aiena ka yukpali tok.

12. Atuk o Lewi ya im anolit, Chihowa vt Chitokaka im itombi holitopa pulla kak o, Obet-etom in chuka achvfa ya yukpali cha, nana ahalaya moma ka im achukmalishke, achi tok. Yohmi ho Lewi vt ivt na yukpa hosh Chitokaka im itombi holitopa ya Obet-etom in chuka ont ai ishit Lewi in tumaha holihta ya isht vla tok.

13. Atuk o yakohmi tok, Chihowa im itombi holitopa sholi tuk vt a habli hannali ho ona ma, wak, micha vlpitvt nia puta aiena ka vbit hukmit isht aiokpuchi tok.

14. Michal Lewi vt Chihowa itikba ya ai oklvht hihla tok; mihmt Lewi vt linen efot o vskofaiyachi tok.

15. Yohmi hosh Lewi, micha Israel in chuka achvfa moma kvt shakapvt, ishit pufa olachi aiena hosh Chihowa im itombi holitopa ya isht vla tok.

16. Atuk o Chihowa im itombi holitopa vt Lewi in tumaha holihta ya ant chukowa ma, Sal ushetik, Michal vt okhissushi pit a hopokoyo mt, miko Lewi vt Chihowa itikba ya tullit hihla ka pisa tok: mihmt chukvsh a ishit shitilema tok.

17. Mihma Chihowa im itombi holitopa ya ishit chukowa cha, atalaia Lewi vt vlhtipo i hilechi tuk iklvna okla talali tok: micha Lewi vt na hukmit isht aiokpuchi, micha isht it i nanaiyvchi isht aiokpuchi aiena ka Chihowa itikba im issa tok.

18. Atuk osh Lewi vt na hukmit isht aiokpuchi, micha isht i nanaiyvchi isht aiokpuchi aiena ka im issvt ont tahli mt, Chihowa ya hochifot okla ha anumpa yukpali onochi tok.

19. Michal okla moma, Israel okla laua moma ka ohoyo ak kia, nakni yak inli chohmit pvaska lumbo, micha nipi tushafa achukma, micha oka paki kotoba achvfa aiyukali ho i hopela tok. Mihma okla moma kvt in chuka aiyukali ia tok.

20. Yohmi ma Lewi vt in chuka achvfa ya anumpa yukpali onocha chi hosh falamvt ona tok. Mihma Sal ushetik, Michal vt kochevt Lewi ya afama cha, Israel i miko vt himak nitak a holitopa fehna, himak nitak a in tishu vhleha

in tishu ohoyo vhleha itikba ya ile shoelit, hatak makali ak inli chohmit hofahya iksho hosh ile shoeli tok, achi tok.

21. Mihma Lewi vt Michal a, Chihowa itikba, yummak osh chiki ya im i shahli, micha in chuka achvfa moma ka im i shahli cha si atokolit, Chihowa im okla, Israel a pehliechi la chi ho si atokoli tok ak atuk oke: yvmohmi hoka Chihowa itikba ya olachit hihla la hi oke.

22. Michā himak pilla mak o ik ahobo kv̄t i shahli la chi hoke, micha vno ak inli ile pisa li kv̄t akanlosi la chi hoke: micha ohoyo tishu vhleha isht ish anumpuli kash ano, i holi-topa la chi hoke, im achi tok.

23. Yvmohmi hatuk o Sal ushetik, Michal vt vlla ik im iksho hosh nitak ai illi kv̄t ona tok.

CHAPTA VII.

ATUK o yakohmi tok, Chihowa vt in twnp vhleha apak-foyupvt aiasha moma ka im aiyachi cha, fohachi ma, miko yash osh in chuka ya binili mvt,

2. Miko vt hopaii Nahlan a, Yakeh! chuahla chuka yo ahanta lishke; amba Chitokaka im itombi holitopa vt nantvna takali ho anukaka ya talavshke, im achi tok.

3. Mihma Nahlan vt miko ya, Ia cha, chi chukvsh nana chi nukfoyuka kv̄t moma ish yvmihchashke: Chihowa vt chibafoyuka hoka, im achi tok.

4. Atuk o yakohmi tok, yvma ninak a Chihowa im anumpa hv̄t Nahlan a im vlv̄t,

5. Ia cha, an tishu Lewi ya ont im anolit, Chihowa vt yak achishke, Ai ahanta la chi chuka ya is sv̄m ikba chi cho?

6. Yakohmi ik chokvsh osh Israel im vlla vhleha ha Echip isht a kohev̄t minti li tok takla, himak nitak ant v̄hli ka chuka nana ho ai v̄tta li chatuk keyu, amba v̄lhtipo, micha tabenakel o a nohwa li chatuk oke.

7. Kanima moma Israel im vlla vhleha iba nohwa li kv̄t, Israel apiehlihi puta achvfa kia vm okla Israel puta ka pehlichā he im apihisa li kia, Nanta katiohmi ho chuahla chuka

huvh ik sum ikbo cho? achi li tok oh cho? ish achashke, achi tok.

8. Yvmohmi hoka himak a in tishu Lewi ya yakohmichit ish im achashke, Uba nan okluha il aieshi Chihowa vt yak ahanchishke, Um okla Israel a pehliecha chi ho chukfvlhpoa iakaiyvt ish aya tuk a, chukfvlhpoa ai asha ya chi ai ishi li tok oke:

9. Micha kanima yo ish iakma, chibafoyuka li tuk oke, micha chin tenvp moma ka chi tikba ya ai ishit kanchi li tuk, micha yakni hatak hochitoka hohchifo ha chohmichit hohchifo chito chim ikbi lishke.

10. Micha vm okla Israel ai asha yo im apesa lish, hokehi la chi hoke, yohmikma ilap immi aiasa yosh aiasa cha, himakma ik kanullo ka chi hoke; mikma himakma nan ashvchi in chipota vhleha hvv tikba chatuk chohmichit ilbushala he keyu hoke.

11. Micha nanapesa yosh vm okla Israel a pehliecha he apihisa li tok takla ka, chiyuhmichit chin tenvp moma ka imaiyachit chi fohachi li tuk oke. Micha Chihowa vt chuka chim ikba chi kvv chim anolishke.

12. Atuk osh chi nitak vhpisa kvv ont taha na chiki vhleha takla chi nusikma, chi ai unchololi yvt chikfoka a kohcha tuk ak inli hosh chiakaiya ka hilechi likmvt, im apehlichika ya kvvlochit hilechi la hi oke.

13. Yvmmak osh sa hohchifo ishit holitopa he chuka vm ikbikma, im apehlichika ai om binili ya kvvlochit hilechi li bilia hi oke.

14. Iki sia hokma, svso ahi oke. Nana ik vhpeso yvmohmikma, hatak fuli yo ishit hotopali la hi oke, micha hatak im vlla vhleha ishit fvma aiena ho ishit kostininchi la hi oke:

15. Yohmi kia ai isht i nukhaklo li yokvto i filvmmitt kvnia he keyu, Sal a im ai ishi lish, Sal a chi tikba ai ishit kanchi li tok, yvmmak oka chohma he keyu hoke.

16. Micha chi tikba ya chin chuka achvfa, micha ish apehlichika aiena kvv kvvlot hikia na bilia hi oke: micha ish ai om binili vt kvvlot hikia na bilia hi oke, achi tok.

17. Yohmi ho anumpa ilvppa puta, micha nan im otvni

ilvppa moma aiena kak o, Nahlan vt Lewi ya im anumpuli tok.

18. Yvmohmi ma miko Lewi vt chukowa cha, Chihowa itikba ya binili cha, Kvtu sia hoh cho? Chitokaka Chihowa ma! micha an chuka achvfa vt nanta ho himak a ant vhli ka isht is sa mihinti tuk oh cho?

19. Mihma yohmi ak inli kia nana ilvppvt chi tikba ya iskitinishke, Chitokaka Chihowa ma! amba chin tishu in chuka achvfa ak kia nitak hopaki pilla minti ka isht ish anumpulishke, Chitokaka Chihowa ma! hatak vt a yohmi chatuk oh cho?

20. Michu himakma Lewi vt nanta ho chim acha hinla cho? Chitokaka Chihowa ma! chishno vt chin tishu ha ish ithana hoka.

21. Chim anumpa pulla kak o, micha chi chukvsh ai ahni pulla hosh nana afehna ilvppa puta ka ish yvmihchi kvt, chin tishu ha ish ithvnancha chi hatuk oke.

22. Yvmohmi hokvt chi holitovshke, Chitokaka Chihowa ma! pi haksobish vt haiyaklo tuk pulla moma ka chishno chiyuhmi kvt iksho, micha inla kvt Chitokaka vt iksho hoka.

23. Michu okla achvfa nanta hak osh yakni paknaka aia-sha kvt chim okla Israel, yvmmak oka Chitokaka vt falvminchit, im okla ikbit ilai ishit, micha hohchifo ilai ikbit chishno ya, micha chi yakni ya nana chinto, micha nana palvmmi ka chim okla itikba ya a yvmihchit, yvmmak oka falvminchit chumpvt Echip a akohchit, micha okla puta, micha i naholbvt toba aiena puta ka a kohchit, ish ilai ihishi tuk chohmi cho?

24. Israel a chim okla ikbit ish ilai ieshi na bilia chi hoka; micha Chihowa chishno ak osh in Chitokaka ish tobvshke.

25. Michu Chitokaka Chihowa ma! himak a chin tishu ha nana ish achi tuk, micha in chuka ya nana ish achi tuk vt kvlochit ish hilechi na biliashke, micha nana ish ahanchi tuk vt ish yvmihchashke.

26. Michu chi hohchifo kvt holitopa na biliashke, Uba nan okluha il aieshi Chihowa ak osh Israel in Chitokaka

yoke, ahanchashke: mikma chin tishu Lewi in chuka achvfa yvt chi tikba ya kvllot hikia na biliashke.

27. Ūba nan okl_uha il ai eshi Chihowa, Israel in Chitokaka ma! chishno ak osh chin tishu im otv_ninchit, Ūno ak osh chuka ya chim ikbi la ch_i hoke, ish achi tuk oka: yvmohmi hoka chin tishu hvt anumpa ilbvsha ilvppa chukvsh si anukfoyukvt chim asilhha lishke.

28. Yohmi ka himak a Chitokaka Chihowa ma! chishno ak osh Chitokaka yv_mma chia, micha chim anumpa hvt ahli hoke, micha nana achukma ilvppa chin tishu ha ish im ihisa tuk oke.

29. Yvmohmi hokvt himak a chin tishu in chuka achvfa ya ish yukpali na chi tikba ya hikia na biliashke: Chitokaka Chihowa chishno ak osh ish anumpuli tuk okvt: micha chin tishu in chuka achvfa yvt nan isht ish yukpali ya ishit yukpa na biliashke, achi tok.

CHAPTA VIII.

ATUK osh ilvppa i himmakma, yakohmi tok, Lewi vt Filistin v_hleha ha issot kanchi cha, imaiya tok: micha Lewi vt Mehlek-ammah ha Filistin v_hleha ibbak a akolchit im ishi tok.

2. Micha Moab a issot kanchi tok, micha akvchit taiyahli cha, aseta isht apesa tok; aseta tuklo pulla h_o vba ch_i kv_t isht apesa mv_t, aseta achvfa v_hlpiesa kano okchal_incha ch_i hatok. Mihma yohmi h_o Moab okla hvt Lewi ya i nutaka cha, na hvlbina puta ka isht im v_la tok.

3. Lewi vt i yakni ai v_hli Euflates okhina ya falv_mminchit isha ch_i hosh ivt aya mv_t, Lehob ushi Hatatase Sobab i m_iko ya issot kanchi tok.

4. Micha Lewi vt tv_nvp itichanvlli tahlepa sipokni achvfa, micha issuba om binili vt tahlepa untuklo, micha aka aya hatak tahlepa sipokni pokoli tuklo h_o im ishi tok: micha Lewi vt issuba itichanvlli shali ya iyikalakshish a tv_ptuli tok, amba itichanvlli tahlepa achvfa shali y_o apoanchi tok.

5. Atuk o Silian vhleha Tamaskvs minti kv̄t Sobah i miko Hatatese yā apelvt ona ma, Lewi vt Silian vhleha h̄a ai achvfa tahlepa sipokni pokoli tuklo akucha tuklo h̄o vbi tok.

6. Yohmi mvt Lewi vt Silia Tamaskvs a tvshka chipota ai ashachi tok: mihma Silian okla hv̄t Lewi yā i nutaka cha, nahvlbina puta ka isht im ahanla tok. Atuk o Lewi vt kanima iakma, Chihowa vt okchalinski beka tok.

7. Mihma Lewi vt tvli holisso lakna telihpa puta Hatatese in tishu vhleha hv̄t ieshi tuk a ishi cha, Chelusalem a isht vla tok.

8. Micha Betah, micha Belohlai aiena Hatatese in tvma-ha holihta puta ka asonak lakna laua atampa h̄o miko Lewi vt ai ishi tok.

9. Atuk o Hamalh i miko Toi vt, Lewi vt Hatatese in tvshka chipota moma ka issot kanchi tuk o haklo mvt,

10. Hatatese yā itibi cha, issot kanchi tuk ak o, Toi vt aiokpv̄chi cha, anumpa yukpali onocha ch̄i h̄o, ushi Cholam a Lewi miko yā i pila tok: (Hatatese vt Toi yā it in tanampi hatuk oka.) Micha Cholam vt nana ai vlhto tvli hv̄ta, micha nana ai vlhto tvli holisso lakna, micha nana ai vlhto asonak lakna aiena ka ieshi hosh vla tok:

11. Yvmmak kia miko Lewi vt okla inla puta imaiya cha, tvli hv̄ta, micha tvli holisso lakna im ishi cha, hullochi tok ibafokhit Chihowa yā i hullochi tok;

12. Silia, micha Moab, micha Ammon in chipota vhleha, micha Filistin okla, micha Amalek, micha Lehob ushi, Sobah i miko Hatatese i nawehpoa puta im ai ishit Chihowa yā i hullochi tok.

13. Micha Lewi vt hv̄pi okfa yā Silian tahlepa sipokni auah untuchina h̄o vbit ayvt falamvt, hohchifo ilai ishi tok.

14. Micha Etom a tvshka chipota ai ashachi tok: Etom a hlopulli moma ka tvshka chipota ai ashachi na Etom aisha moma kv̄t Lewi yā i nutaka tok. Mihma Chihowa vt Lewi vt kanima iakma, okchalinski beka tok.

15. Mihma Lewi vt Israel moma ka i miko tok: micha Lewi vt nan vlhpisa, micha ai vlhpiesa aiena kak o im okla moma ka im apihisa tok.

16. Mihma Seluiah ushi Choab ak osh tvshka chipota ya pehlichy tok : mikma Ahilut ushi Chehoshafat ak osh holisso takalichy atok.

17. Mikma Ahitub ushi Satok, micha Abiahla ushi Abimelech itatuklo kak osh naholitompa isht ashwa tok : mikma Selaiah ak osh holissochy atok.

18. Mikma Chehoiata ushi Benaiah ak osh Chelehlait vhleha, micha Pelehlait vhleha aiena ka pehlichy atok : mikma Lewi ushi vhleha hut pehlichy vhleha i shahli hatok.

CHAPTER IX.

MIHMA Lewi vt, Sal in chuka achvfa ya ai achvfa kut okchaya tuk o, Chonahlan ak atuk pulla kak o i kana la hinla cho? achi tok.

2. Michā Sal in chuka achvfa ya tishu achvft anta hosh ymmvt hohchifo kut Siba atok. Mihma okla hoyo cha, Lewi ya isht im ona ma, miko vt, Siba chia hoh cho? im achi tok. Mihma, Chin tishu hut mihiyo yoke, achi tok.

3. Mihma miko vt, Sal in chuka achvfa ya ai achvfa kia anta tuk o, Chitokaka im isht i kana ya i ymihchi la hinla cho? achi tok. Mihma Siba vt miko ya, Chonahlan ak osh ushi achvfa kut im anta momvshke, micha ymmvt iyi imomokpulo yoke, achi tok.

4. Mihma miko vt, Katima anta cho? achi tok. Mihma Siba vt miko ya, Yakeh! Loteba yak o Ammiel ushi Machi in chuka ak o anta hoke, achi tok.

5. Mihma Lewi vt hoyo cha, Ammiel ushi Machi in chuka Loteba talaiā ka akohchit isht vla tok.

6. Atuk o Sal ushi Chonahlan a ushi Mefiboshelh vt Lewi ya im vla mvt, nashuka ishit hlipia cha, aiokpvchi tok. Mihma Lewi vt, Mefiboshelh ma! achi tok. Mihma afalaminchit, Yakeh! chin tishu hoke, achi tok.

7. Mihma Lewi vt, Chi nukshopa ná: chiki Chonahlan ak atok pulla kak o, chi kana li pulla chi, micha chiki Sal i vakni atok moma ka chi falvminchi la chi hoka: mikma

vm ai impa ak o ish ai ihimpa na bilia chi hoke, im achi tok.

8. Mihma il aka chunolechi cha, Chin tishu hv̄t nanta ho ofi illi sa chiyuhmi ka chi holhponayo hanta ya ish onocha hinla cho? achi tok.

9. Yohmi ma miko vt Sal in tishu, Siba ya i howa cha, Chi shahli ushi ya Sal, micha in chuka achufa moma nana ahalaya tok moma ka ima lishke.

10. Yohmi hoka chishno, micha chiso vhleha, micha chin tishu vhleha aiena hv̄t yakni yash hv̄sh i pilisa cha, nana awaya ka chi shahli ushi ya ishit hv̄sh la na ilhpak vpa chi hv̄t im ashashke: yohmi kia chi shahli ushi Mefiboshelh vto vm ai impa ak o ai ihimpa na biliashke, im achi tok. Mihma Siba vt ushi vhleha hv̄t im auah tahlapi cha, in tishu vhleha hv̄t i pokoli tuklo tok.

11. Yohmi ma Siba vt miko ya, A shahli miko vt in tishu im apesa tuk mak o, chin tishu hv̄t yemilcha chi hoke. Miko vt Mefiboshelh ak okvto miko ushi vhleha hak inli ho chohmit, vm ai impa ak o ai ihimpa chi hoke.

12. Mihma Mefiboshelh vt ushi vt vlla yosh hohehifo hv̄t Micha yosh im anta tok. Mihma Siba in chuka achufa aia-sha hv̄t moma hv̄t Mefiboshelh in tishu vhleha hatok.

13. Yohmi hosh Mefiboshelh vt Chelusalem ak o vta tok: miko im ai impa ak o ai ihimpa na bilia hatuk okv: micha iyi yvt iti champvt imomokpulo atok.

CHAPTA X.

ATUK o ilvppa i himmakma yakohmi tok, Ammon in chipota vhleha i miko vt illi na ushi Hanun ak osh vlhtobvt miko tok.

2. Yohmi ma Lewi vt, Iki vt a kana tok oka, Nahash ushi Hanun a i kana lashke, achi tok. Micha Lewi vt iki ishit nukhaklo ka hopohlva chi ho in tishu vhleha ha toh-not pila tok. Mihma Lewi in tishu vhleha hv̄t Ammon in chipota i yakni ya ona tok.

3. Mihma Ammon in chipota pehlichi vhleha hvt i shahli Hanun a, Lewi vt chiki ya holitoblichi hosh hopohlvli vhleha et chī pila tuk chim ahoba cho? Lewi vt in tishu vhleha et chī pila kv̄t tmaha holihta ya a hopokoyot lumvt pisvt tahlī cha, imaiya chī keyu cho? im achi tok.

4. Yohmi hō Hanun vt Lewi in tishu vhleha hā ishi cha, nutakhish a iklvna ka shafi cha, i nafohka ya iklvna isht asha vhlīchit in tvptuli cha, falvmminchit pila tok.

5. Lewi ya im anoli ma, hatak vhleha hash osh hofahya fehna hatuk o, afama chī hō pit pila tok. Micha miko vt Cheliko ak inli hō hvsh asha na hvchi nutakhish vt falaivt tahak mak osh hvsh falamashke, achi tok.

6. Mihma Ammon in chipota hvt Lewi ya i shua kv̄t akostininchi mvt, Ammon in chipota hvt Silian vhleha Belhlehob yakni aiasha, micha Sobah yakni Silian vhleha aiasha aiena hatak aka aya tahlepa sipokni pokoli tuklo hō tohnot, micha miko Maakah a hatak tahlepa sipokni achvfa, micha Ishtob a hatak tahlepa sipokni auah tuklo hō im a tohno tok.

7. Atuk o Lewi vt haklo mvt, Choab, micha tvshka chipota hatak hlampko chilita puta ka pit pila tok.

8. Mihma Ammon in chipota vhleha hvt kohev̄t holihta okhissa achukowa ya itiba chī kv̄t achukmalit ile baivlichi tok: mihma Silian vhleha Sobah minti, micha Lehob minti, micha Istob minti, micha Maakah minti aiena kv̄to ila osapa yō ai asha tok.

9. Atuk o itiba chī kv̄t tikba, micha ashaka aiena hō Choab vt pisa mvt, Islael hatak aiyua hochukma moma hō atokoli cha, Silian vhleha hak o itiba chī ka achukmalit baivlichi tok.

10. Micha okla hash inla kano itibapishi Abishai ak o ibbak fohki na Ammon in chipota hak o itiba chī ka achukmalit baivlicha chī hatok.

11. Micha, Silian vhleha hvt a kv̄llo fehnakma, yohmikma is si apela chī hoke: amba Ammon in chipota vhleha hvt chī kv̄llo fehnakma, yohmikma vlv̄t chi apela la chī hoke.

12. Nukwia ikshot hvsh amosholashke, nakni ghli chiyuhmi hosh pim okla, micha pin Chitokaka in tmaha holihta

puta ka il im itibashke: mikma Chihoya vt vhpiesa ahni kak osh yvmihchashke, achi tok.

13. Micha Choab, mikmut okla apehvt aya tuk aiena kv̄t bilika ivt Silian vhleha hā itibi tok: mihma itikba yā okla yihlepa tok.

14. Atuk ō Ammon in chipota vhleha hv̄t, Silian vhleha hv̄t yihlepa na pisa mv̄t, yvmmak kia Abishai itikba yā okla yihlep̄vt, tv̄maha holihta yash chukowa tok. Yohmi ma Choab vt Ammon in chipota vhleha hā ī filv̄mmit ia cha, Chelusalem ā ona tok.

15. Atuk ō Silian vhleha hv̄t Israel itikba akakoha kv̄t pisa mv̄t, iti hoyot itv̄naha tok.

16. Mihma Hatatase vt Silian vhleha okhina mish tv̄nvp aiasha ka pit hoyot isht vla tok: micha Helam ā okla vla tok: mihma Hatatase in tv̄shka chipota vhleha pehlich̄i Shobach vt tikba hikia tok.

17. Atuk ō Lewi yā im anoli ma, Israel moma ka hoyot itv̄nahli cha, Chatan ā vbanv̄blit, Helam ā ona tok. Mihma Silian vhleha hv̄t Lewi yā itiba ch̄i kv̄t achukmalit ile bai-vlich̄i cha, itibi tok.

18. Mihma Silian vhleha hv̄t Israel itikba yā yihlepa tok; mihma Lewi vt Silian vhleha ai achv̄fa hosh tv̄nvp itichanv̄lli tablepa untuklo isht aya hatak, micha issuba om binili vt tablepa sipokni pokoli ushta aiena hō vbit tahli mv̄t, micha in tv̄shka chipota vhleha pehlich̄i Shobach ā isso na yvmmak ō ai illi tok.

19. Atuk ō m̄iko moma Hatatase in tishu vhleha hatuk vt Israel itikba akakoha na pisa mv̄t, Israel ā okla it̄ ī nana-ya cha, ī nutaka tok. Yohmi ma Silian vhleha hv̄t Ammon in chipota hā himakma apela kv̄t nukwia tok.

CHAPTA XI.

ATUK ō yakohmi tok, afv̄mmit vt ont taha ha yā, m̄iko puta kv̄t kohchvt tanampit ia chatuk vt vla ma, Lewi vt Choab ā, micha in tishu vhleha aiena, micha Israel moma

ka pila tok : mihma Ammon in chipota chuk il issvchit isht ayvt Labbah ya ont in tanampit apakfoyupvt a binanchi tok. Amba Lewi vto Chelusalem a anta moma tok.

2. Atuk o yakohmi tok, opivt isht ia ho Lewi vt topa itonla tuk osh tani cha, miko in chuka isht holmo ya a nowa tok : atuk osh chuka isht holmo ya o hikia hosh ohoyo hvv il achifa hosh anta na pit pisa tok ; mihma ohoyo hash osh pisa ka aiokli fehna tok.

3. Mihma Lewi vt pila cha, ohoyo hash a ponaklo tok. Mihma achvfa kvv, Ilvppvt Eliam ushetik Balh-sheba, Hittait hatak Uliah tekchi keyu cho ? achi tok.

4. Mihma Lewi vt anumpa shali vhleha ha pila cha, ishi tok : mihma ant chukovvt im vla na iba tvshki tok : (alitiha i kashofa hatuk oka :) mihma in chuka ya falamvt ona tok.

5. Mihmvt ohoyo hash osh vlla shali cha, Lewi ya anumpa i pivt im anolit, Ulla shali lishke, achi tok.

6. Mihma Lewi vt Choab a anumpa i pivt, Hittait hatak Uliah ya et am pila, achi tok. Mihma Choab vt Uliah ya Lewi ya pit i pila tok.

7. Atuk o Uliah vt im vla ma, Choab vt kaniohmi tuk, micha okla hvv kaniohmi tuk, micha tanampi kvv kaniohmit ishit mahaya aiena ka Lewi vt i ponaklo tok.

8. Mihma Lewi vt Uliah ya, Chin chuka ya ia cha, chiyi ya achifa, im achi tok. Mihma Uliah vt miko in chuka ya kohvvt ia ma, ilimpa ai vpa achvfa ho miko vt ima na iakayvt isht im ona tok.

9. Yohmi kia Uliah vt miko in chuka okhissa yak o i shahli in tishu vhleha takla a nusi cha, in chuka ya ik ono tok.

10. Mihma Lewi ya im anolit, Uliah vt in chuka ya ik aiyoshke, achi ma, Lewi vt Uliah ya, Nowvt ayvt ish la tuk keyu ? hokak osh nanta katiohmi ho chin chuka ya chik ono cho ? im achi tok.

11. Mihma Uliah vt, Itombi holitopa, micha Israel, micha Chutah aiena kvv vhtipo puta ka aiashvshke ; micha a shahli Choab, micha a shahli ha in tishu vhleha aiena kvv yakni ashahbika yo binanchit aiashvshke : yohmi ka an

chuka ona lish, impvt, micha nan ishkot ahantvt, sa tekchi ya iba tvshki la hinla cho? chi okchaya pulla ka, micha chimi shilombish vt okchaya pulla ka nana ilvppa yvmihchi la he keyu hoke, im achi tok.

12. Mihma Lewi vt Uliah ya, Himak nitak ak kia ish anta tuk o, onnakma ik ia chim ahni li ish iashke, im achi tok. Yohmi ho Uliah vt nitak yvmma, micha onna aiena ka Chelusalem ak o anta tok.

13. Atuk o Lewi vt hoyo ma, itikba ya impvt, oka ishkot ahanta tok: mihma oka haksichi tok; atuk o opia ma, i shahli in tishu vhleha takla in topa tvshka chi hosh kohchvt ia tok, amba in chuka ano ik aiyo tok.

14. Atuk o yakohmi tok, onnahinli ma Lewi vt Choab a holisso i holissochi cha, Uliah ibbak a fohkit i pila tok.

15. Michā holisso ha a fohkit holissochit, Uliah ya ai itibi kvllo i shahli kak o itikba hvsh hilechi cha, hvsh i kanvlashke, yohmikma isso na illashke, achi tok.

16. Atuk o yakohmi tok, Choab vt tmaha holihta ya pisvt tahli mvt, hatak chilita, nukwia iksho aiasha ka ithana kak osh yvmmak o Uliah ya hilechi tok.

17. Mihma tmaha holihta hatak vhleha hvv kohchvt ivt Choab a itibi tok: mihma Lewi in tishu vhleha okla kaniohmi kvv akakoha tok: mihma Hittait hatak Uliah ak kia illi tok.

18. Yohmi ma Choab vt Lewi ya pit i pilvt, it in tanampi kvv kaniohmi hosh aiasha kvv moma im anoli tok.

19. Michā anumpa shali ya atokolit, It in tanampi kvv kaniohmi ka anolit ont ish taiyahlikma,

20. Atuk o yakohmikma, miko vt im ai i nukkilli vt libbi cha, Nanta katiohmi ho hvsh itibi mvt, tmaha holihta ya bilika fehna hvsh ona tuk o? holihta paknaka o hiohlit okla et husa hinla ka hvch ik ithano ke tuk o?

21. Kvta hosh Chelub-beshelh ushi Abimelech a vbi tok o? ohoyo hosh holihta paknaka o hikivt tanchi abotoli tvli tushafa yo om pila na, Hlebes a ai illi tok keyu cho? nanta katiohmi ho holihta bilika ya hvsh ona tuk o? chim achikma, yohmikma, Chin tishu Hittait hatak Uliah ak kia illishke, ish achashke, achi tok.

22. Yohmi h_o anumpa shali ash osh mintit vla cha, Choab vt nana tohno tuk moma ka Lewi ya im anoli tok.

23. Micha anumpa shali ash osh Lewi ya, Hatak vhleha hvt p_i kvllo pulla cha, kohchvt yakni ashahbika ya pim vla ma, o kanvllit il ia mvt, holihta okhissa achukowa ya il ona tuk oke.

24. Mihma h_usa vhleha hvt holihta paknaka o hiohlit, chin tishu vhleha h_a et h_usa tuk oke: yohmi na m_iko in tishu vhleha h_a a kaniohmi kvt illishke, mikma chin tishu Hittait hatak Uliah vt illishke, im achi tok.

25. Yohmi ma Lewi vt anumpa shali yash, Ilvppak o Choab a ish im anolashke, Nana ilvppa isht ik chim achukmo kashke; b_ushpo falaia yokvto vbit tahli kvt achvfa, micha inla yak kia itilauechi chatuk oka: ish itibi kv_t i shahlichit tmaha holihta ya ish i sanalichit yuhlit aka ish patalashke; micha ish aiyimilichichashke, im achi tok.

26. Atuk o Uliah tekchi atuk ash osh i hatak Uliah vt illi tuk o haklo mvt, ishit yahaya tok.

27. Atuk osh yaiya kv_t issa ma, Lewi vt pit hoyot in chuka isht vla na tekehi toba tok; atuk osh vlla nakni yo im eshi tok. Yohmi kia Lewi vt nana kaniohmi tuk a Chihowa vt ik im vlhpeso tok.

CHAPTA XII.

MICHA Chihowa vt Nahlan a Lewi ya i pila tok. Mihma im vla tok; micha, Hatak tuklo hosh tmaha holihta achvfa ka ashwa tok: achvfa kv_t nan in laua yokma, achvfa vto ilbvsha tok.

2. Hatak nan in laua vt nan vlhpoa chipunta, micha nan vlhpoa hochito aiena kv_t im apakna atampa tok.

3. Amba hatak ilbvsha vto nana ik im iksho, chukfvhpoa ushi tek iskitini achvfa, yvmmak oka chumpa cha, ipetvt hofantibinchi ak illa tok: takla ahantvt, im vlla vhleha h_a ibahofanti tok; ilap im ilhpak ak inli h_o ai vpakmvt, ilap im isht ishko ak inli h_o ai ishkokmvt, shakba foyukvt itoyula beka cha, ushetik ak inli in chiyuhmi tok.

4. Atuk o hatak nowvt aya vt hatak nan in laua yash im ona tok; mihma i hullo cha, ilap i nan v^hlpoa chipunta ak inli, micha ilap i nan v^hlpoa hochito aiena ak inli ka ai ishit hatak nowvt aya im v^la tuk a, ik im atahlo hosh, amba hatak ilv^hsha in chukv^hlpoa ushi ak o ishi cha, hatak im v^la kash im atahli tok, im achi tok.

5. Mihma Lewi vt hatak ash i sanalit nukhobela kut libbi fehna tok; micha Nahlan a, Chihowa vt okchaya pulla ka, nana ilv^hppa yvmihchi tok hatak yvmvt illi pulla chⁱ hoke.

6. Michā chukv^hlpoa ushi vt inlohmi ushta h^o falv^m-mincha chⁱ hoke, nana ilv^hppa yvmihchi tuk okvt, micha ik i nukh^haklo tok okvt, im achi tok.

7. Mihma Nahlan vt Lewi ya, Hatak yvmvt chishno ak oke. Israel in Chitokaka Chihowa vt yak achishke, Nan ahv^mmit Israel i mⁱko chi atokoli li tok, micha Sal ibbak a a chi hlakofihinchi li tok oke.

8. Michā chⁱ shahli in chuka ya chima li tok, micha chⁱ shahli tekchi v^hleha chi shakba ya fohkit chima li tok, micha Israel in chuka achv^fa, micha Chutah in chuka achv^fa aiena ka chima li tok; atuk o yvmvt chim iskitini fehna hatuk okma, himakma nana yakohmi, micha nana yakohmi aiena ka chima la hi atok.

9. Yohmi ka katlohmi h^o Chihowa i nan v^hlpisa ya ish shitilema cha, itikba ya nana ik achukmo ish yvmihchi tuk oh cho? Hittait hatak Uliah ya bvshpo falaia isht ish bishke, micha Ammon in chipota i bvshpo falaia y^o isht ish bi cha, tekchi yatuk a chi tekchi ya chⁱ h^o ish ishi tuk oke.

10. Yohmi hoka himak a bvshpo falaia vt chin chuka ya i filv^mma he keyu; is sa shitilema cha, Hittait hatak Uliah tekchi yatuk a chi tekchi ya chⁱ h^o ish ishi hokvt.

11. Chihowa vt yak achishke, Yakeh! chin chuka achv^fa yash ak inli nana ik achukmo ka, chⁱ sanalichit hilechi la chⁱ hoke; micha chi tikba fehna chi tekchi v^hleha h^a chim ai ishi lish, ish ai itilau i y^o ima likma, hv^hshi ilv^hppa itikba ya chi tekchi v^hleha h^a iba tv^hshka hi oke.

12. Luma hosh ish yvmihchi tuk oka, amba vno vto nana

ilvppa Islael moma itikba, micha hvshi itikba ya a yvmihchi la hi oke, im achi tok.

13. Mihma Lewi vt Nahlan a, Chihowa ya i sai yoshubvshke, im achi tok. Mihma Nahlan vt Lewi ya, Chihowa ak kia nan ish ashvchi ya ishit chi kanchishke; chillha he keyu, im achi tok.

14. Yohmi kia ilvppa yakohmit, Chihowa im i sanali vhleha hvv nana isht a mihvt kalakshicha hi a ish takalichi hoka, vlla chim vtta tuk ash kia illi pulla chi hoke, im achi tok.

15. Mihma Nahlan vt in chuka ia tok. Mihma Chihowa vt vlla yash Uliah tekchi atuk vt Lewi ya im eshi tok a isso na abeka fehna tok.

16. Yvmohmi hatuk o Lewi vt vlla ya Chitokaka isht im asilhha tok: micha Lewi vt ik impo hosh ont chukowvt aka itoyula na ninak vt ont onna tok.

17. Mihma in chuka achvfa im asvnonchi vhleha hvv aka itoyula ka tanicha chi hosh im ona tok: yohmi kia yohma he keyu, micha pvska yak kia ibai vpa he keyu tok.

18. Atuk o yakohmi tok, nitak ont isht untuklo ma vlla ash osh illi tok. Mihma Lewi in tishu vhleha hvv vlla vt illi ka im anoli kvv nukwia tok: Yakeh! vlla vt okchaya moma ka il im anumpuli ma, pi haponakla he keyu tuk vt, vlla vt illi ka il im anoli kak heno il ilbvshali fehna chi hoke, achi tok.

19. Yohmi kia in tishu vhleha hvv lumvt it im anumpuli ka Lewi vt pisa mvv, vlla vt illi ka Lewi vt akostininchi tok: atuk osh Lewi vt in tishu vhleha ha, Ulla ash osh illi cho? im achi tok. Mihma, Illishke, okla achi tok.

20. Yohmi ma Lewi vt aka itoyula tuk vt wakaya cha, okami mvv, nan il ahvmmi, nafohka inla ishit fohka cha, Chihowa im aboha ont chukowa cha, aiokpvchi tok: yohmi mvv ilap in chuka yak inli ant chukowa tok: micha hoyo ma, pvska ya itikba in talali ma, impa tok.

21. Yohmi ma in tishu vhleha hash osh, Nana ilvppa nanta mak o ish yvmihchi cho? okchaya moma kano chik impot vlla ya isht ish yahaya kash osh, amba vlla vt illi ma, ish wakaya cha, ish impvshke, okla im achi tok.

22. Mihma, Ulla ash osh okchaya moma kano ak impo hosh yahaya li tuk: Chitokaka vt a nukhaklo yoba na vlla vt okchaya hi a, kvta hosh ithana hinla cho? achi li hatuk okvt,

23. Yohmi tuk kia himak ano illi ka nanta katiohmi ho ak impo ka hinla cho? anonti falvminchit isht vla la hinla cho? vno ak osh im ona la chi, amba yvmmak okvto vm vla he keyu hoke, achi tok.

24. Mihma Lewi vt tekchi Balh-sheba ya hopohlvi tok; micha iba chukowa cha, iba tvshki tok: mihma vlla nakni yo eshi ma, Solomon hochifo tok: mihma Chihowa vt i hullo tok.

25. Michi Nahlan hopaii ya tohnot pila tok; micha Chihowa ak atuk pulla kak o Chetitiah hochifo tok.

26. Mihma Choab vt Ammon in chipota Labbah ya itibi cha, miko in tmaha holihta ya ishi tok.

27. Mihma Choab vt Lewi ya ankmpa shali vhleha ha i pila cha, Labbah ya itibi lish, tmaha holihta oka ya im ishi lishke.

28. Yvmohmi hoka okla a sha tuk a hoyot itvnahli cha, tmaha holihta ya ant in tanampit binanchit ish ishashke; keyukma tmaha holihta ya vno ak osh ishi likma, si a hochifocha hinla hoke, achi tok.

29. Mihma Lewi vt okla moma ka hoyot itvnahli cha, Labbah ya ona tok: micha itibi cha, ishi tok.

30. Michi i miko im iachuka noshkobo iachukoli tuk a ishi tok; (mihma weki kvv tvli holisso lakna talent achvfakma, tvli holiropa puta kvv ontvla tok:) micha Lewi noshkobo ha on talaia tok. Mihmvt tmaha holihta ya nawehpoa laua fehna ho ishit kohcha tok.

31. Michi okla yvmma aiasha tuk a ishit kohcha mvt, iti ishit bvsha, micha iti tvli noti halupa, micha tvli iskifa nutaka ashachi mvt, lukfi nuna atoba aiena ka hlopullichi tok: yakohmichi hosh Ammon in chipota vhleha in tmaha holihta moma ka yvmihchi tok. Yohmi mvt Lewi, micha okla moma kvv falamvt Chelusalem a ona tok.

CHAPTER XIII.

ATUK o ilvppa i himmakma yakohmi tok, Lewi ushi Absalom vt in tek vt pisa aiokli hosh im anta cha, yvmma hohchifo kv̄t Tama atok: mihma Lewi ushi Amnon vt anushkunna tok.

2. Micha Amnon vt in tek Tama ya anushkunna fehna kak osh il abekvchi tok; ohoyo himita hatak ik halelo hatuk oka: micha Amnon vt nana i kaniohmichi ka nana i kulla hinla ahni tok.

3. Yohmi kia Amnon vt i kana anta hosh Lewi itibapishi Shimeah a ushi yosh, yvmmvt hohchifo kv̄t Chonatab atok: micha Chonatab vt hatak nan i kostini fehna atok.

4. Micha yvmmak ash osh, Nanta katiohmi ho miko ushi chia hokak osh, onna hosh onnakma chunnvt isht ish ia cho? is sv̄m anola he keyu cho? im achi tok. Mihma Amnon vt, Itibapishi li Absalom in tek Tama yak o anushkunna li hoke, im achi tok.

5. Mihma Chonatab vt, Chin topa ha ish onvtonla cha, ish il abekvchashke; atuk o chiki vt chi pisvt vlakma, Chim asilhha lishke, an tek Tama vt ik la cha, ilhpak ik sa petá, micha sa tikba ilhpak a ant ik atahli na pisa lish, ibbak a ai ishi lish, vpa lashke, ish im achashke, im achi tok.

6. Yohmi ma Amnon vt itoyula cha, il abekvchi tok; atuk o miko vt pisvt vla ma, Amnon vt miko ya, Chim asilhha lishke, an tek Tama vt ik la cha, pvska lumbo tuklo ka, pisa li ho, vm ikbi na ibbak a ai ishi lish, vpa lashke, im achi tok.

7. Yohmi ma Lewi vt chuka ya Tama ya pit hoyo cha, Chi nakfi Amnon in chuka ia cha, ilhpak a ish im atahlashke, im achi tok.

8. Yohmi ma Tama vt i nakfi Amnon in chuka ya ona tok; mihma itonla tok. Mihma yvmmvska ishi cha, yvmmvs-lit, pisa ho, lumbochi cha, lumbo ash nunachi tok.

9. Mihma ampo mahaia ai vlvvsha ya ishi cha, itikba ya tosholi tok: yohmi kia vpa ik bunno tok. Mihma Amnon

vt, Hatak moma ka a filmmichit kocha ho wehli, achi tok. Mihma hatak puta kv̄t issvt kocha wiha tok.

10. Mihma Amnon vt Tama ya, Ilhpak a aboha a nusi yak o isht ish la na chibbak a ai ishi lish, vpa lashke, im achi tok. Mihma Tama vt pvska lumbo ikbi tuk vt aboha anusi i nakfi Amnon a isht im ona tok.

11. Atuk osh vpa chi ho ishit chukowa cha, im vla ma, halvli mvt, Minti cha, is svba tvshkashke, an tek ma! im achi tok.

12. Mihma afalamichit, Ahá a nakfi ma! is sa hoklit is si ai issa ná: Israel a nana chohmi kv̄t a yvmohma he vlhpesa keyu hoka: nana ik achukmo ilvppa ish yvmohmi ná.

13. Mikma vno vto nan ishit sa hofahya ya katima pit kanchi la hinla cho? mikma chishno yokvto Israel a im anukfila iksho ak inli ish chohma chi hoke. Yvmohmi hoka himak a miko yak o im anumpuli; vno ya chim i hulla he keyu hoka, im achi tok.

14. Yohmi kia im anumpa ha hakla he keyu tok; amba kv̄llo kv̄t i shahli hatuk osh hoklit ai issa cha, iba tvshki tok.

15. Yohmi mvt Amnon vt i nukkilli kv̄t atampa tok; yohmi hosh nukkilli isht i nukkilli kv̄t anushkunna isht anushkunna kash i shahli fehna tok. Mihma Amnon vt, Wakaya cha, ía, im achi tok.

16. Mihma, Nana kaniohmi keyu: kanima pit is sa chvf-fichi ilvppak osh ik achukmo kv̄t, inla nana is si yvmih-chi kash kia i shabli shke, im achi tok. Yohmi kia i hapo-nakla he keyu tok.

17. Yohmi ma in tishu nana isht im vtta beka tuk a hoyo cha, Ohoyo ilvppa a falvminchit kohchi cha, okhissa isht vlhkrma iakaiyachit ashvnnichi, im achi tok.

18. Mihma i nafohka vt pisa ilaiyukali yo fohka tok: miko ushetik hatak haleli keyu kv̄t nafohka yohmi kak o vlbeha chatuk oka. Yohmi ma in tishu hv̄t kohchi cha, okhissa isht vlhkrma ya iakaiyachit ashvnnichi tok.

19. Mihma Tama vt hituk chubbi ya noshkobo ha o asha-chi cha, i nafohka pisa ilaiyukali fohka tuk vt hlilvffi mvt, ibbak a noshkobo onochi cha, yahayvt ia tok.

20. Mihma i nakfi Absalom vt, Chi nakfi Amnon vt chibai anta tuk o? yohmi kia nana ish achi ná, an tek ma! chi nakfi yoke; nana ilvppa yohmi ish ahni ná, im achi tok. Yohmi ma Tama vt vlhtakla hosh i nakfi Absalom in chuka ahanta tok.

21. Yohmi kia miko, Lewi vt nana ilvppa puta ka haklomvt, nukhobela kvv libbi fehna tok.

22. Mihma Absalom vt itibapishi Amnon a achukma hokmá, ik achukmo hokmá, nana kia ik im anumpulo tok: in tek Tama ya hoklit ai issa tuk ak o i nukkilli hatuk okvt.

23. Atuk o i himmak afvmmi tuklo vlhpiesa ma yakohmi tok, Absalom vt Baal-haso yvmmvt Eflaim bilika ya chukfi hishi vmo hosh im asha tok: micha Absalom vt miko ushi vhleha moma ka im anoli tok.

24. Michá Absalom vt miko ya im vla cha, Yakeh! chin tishu hvv chukfi hishi vmo hosh im ashvshke: miko, micha in tishu vhleha aiena kvv chin tishu ha apehvt iashke, chim asilhha lishke, achi tok.

25. Mihma miko vt Absalom a, Ahá! svso ma! himak a momvt kil aiyo kashke, yohmi cha nana e chi tahli ná, im achi tok. Mihma im achunanchi tok; yohmi kia ia he keyu hosh, amba anumpa yukpali onochi tok.

26. Yohmi ma Absalom vt, Yohma he keyukma, itibapishi li Amnon vt pi awant iashke, chim asilhha lishke, achi tok. Mihma miko vt, Nanta katiohmi ho yvmmak osh chi awant ia hinla ho? im achi tok.

27. Yohmi kia Absalom vt im achunanchi na Amnon, micha miko ushi vhleha moma ka ik iá, ahni tok.

28. Mihma Absalom vt in tishu vhleha ha, yakohmi hvsh ahni cha, Amnon chukvsh vt oka paki isht im achukmvt tahakma, Amnon a oh vbi, hvchim achi likma; yohmikma hvsh bashke; hvchi nukshopa ná, hvchim apesa li tuk keyu cho? nukwia ikshot amosholit hvsh chilitashke, im achi tok.

29. Mihma Absalom in tishu vhleha hvv, Absalom vt im apesa tuk mak o Amnon a yvmihchi tok. Mihma miko ushi vhleha moma kvv wakaya cha, im issuba haksobish falaia aiyukali oiyvt om binili cha, yihlepa tok.

30. Atuk o yakohmi tok, hina takla aya moma ho annoa kv̄t Lewi ya im vla cha, Absalom vt miko ushi vhleha moma ka vbit tahli na achvfa kia ik hlakofoshke, achi tok.

31. Mihma miko vt wakaya cha, i nafohka ya hlilvffi mv̄t, aka itoyula tok: mihma in tishu vhleha moma kv̄t i nafohka hlilafa yosh afolubl̄it hiel̄i tok.

32. Mihma Lewi itibapishi Shimeah a ushi Chonatab vt afalamichit, A shahli hv̄t miko ushi hatak himithoa moma ka vbit tahli ka ik im ahobo kashke; Amnon ak illa hosh illi hoka: Absalom ak osh apesa ho, in tek Tama ya hoklit ai issa tok, yvm̄mak atuk nitak takla ka ilv̄ppvt yvmohma he aiahni tok oka, achi tok.

33. Yvmohmi hoka himak a a shahli miko vt miko ushi vhleha hv̄t illit taha ka ahnit, chukvsh anukfoykvt isht ik ilbv̄sho kashke: Amnon ak illa hosh illi hoka.

34. Amba Absalom vto malelit kv̄nia tok. Mihma hatak himita nan atoni vt akachakalit hopokoyo ma, yakeh! okla laua hosh nv̄nih abaksacheka hina im ashaka ya minti tok.

35. Mihma Chonatab vt miko ya, Yakeh! miko ushi vhleha hv̄t vl̄vshke: chin tishu achi tuk mak o, yvmohmishke, im achi tok.

36. Atuk o yakohmi tok, anumpuli kv̄t ont tahli mak inli ho yakeh! miko ushi vhleha hv̄t vla mv̄t, chitoli hosh yaiya tok: mihma miko ak kia, micha in tishu vhleha moma aiena kv̄t yaiya fehna tok.

37. Amba Absalom vt malelit, Ammihut Keshu i miko ushi Talmai yak o im ona tok. Mihma Lewi vt nitak moma ka ushi ya ishit yahaya tok.

38. Yohmi ma Absalom vt malelit, Keshu ya ona cha, ahanta na av̄v̄m̄mi tuchina tok.

39. Mihma miko Lewi vt ushi Absalom a i palata fehna tok: Amnon vt illi tuk ano hopohlv̄t taha hokvt.

CHAPTA XIV.

YOHMI ma miko chukvsh vt Absalom ak o pit takali fehna ka Seluah ushi Choab vt akostininchi tok.

2. Mihma Choab vt Tekoa ya pit hoyot, ohoyo kostini ho ai isht v_la cha, Tv_vbashi ish ilahobi cha, tv_vbashi i nafohka isht ish fohka cha, bila isht chik il abamo hosh, amba illi tok ishit yahaya tok hopaki yo, ish chohmashke;

3. Micha m_iko ya im v_lvt, ilvppa chohmi kak o ish im anumpulashke, im achi tok. Yohmi hosh Choab vt itih ha anumpa i fohki tok.

4. Mihma Tekoa ohoyo hash osh m_iko ya im anumpuli mv_t, nashuka ya aka pit isht hlipia cha, aiokpvchi mv_t, Apelá, m_iko ma! achi tok.

5. Mihma m_iko vt, Nanta chi katiohmi cho? im achi tok. Mihma afalamichi mv_t, A hatak vt illi tuk o, ohoyo vlhtakla nukhaklo sia hoke.

6. Micha chin tishu ohoyo hv_t ushi vt tuklo hosh im ashwa tok; atuk osh tuklo yvmmv_t osapa ashwa tuk osh itafena tok; yohmi ma it i filvmmicha hi vt iksho hatuk o, achvfa kv_t achvfa ya isso cha, vbi tok.

7. Mihma yakeh! chuka ai achvfa kv_t moma hosh waka-yv_t chin tishu ohoyo ha i sanali cha, Itibapishi vbi tuk a ish pimakma, itibapishi im ilhfiopak ishi tuk a atobbichit e bashke; micha ai isha he vlhpesa yash kia e bashke, achishke: yohmi hosh an tobaksi achvfa hosh itonla tuk a mosholichi cha, a hatak a hohchifo, micha im isht atiaka aiena ka yakni paknaka ya ik apoancho ka chishke, achi tok.

8. Mihma m_iko vt ohoyo hash, Chin chuka ish iashke, mikma chishno pulla ka nana apesa lashke, im achi tok.

9. Mihma Tekoa ohoyo hash osh m_iko ya, A shahli, m_iko ma! nan ashvchi kv_t vno, micha aki in chuka achvfa yak o onvtoyulashke: mikma m_iko, micha im ai om binili holi-tompa yv_to ik ahalaio kashke, im achi tok.

10. Mihma m_iko vt, K_vna hosh nana chim achikma, vno ak o isht is sv_m vlashke, mikma himakma chi potola he keyu hoke, achi tok.

11. Yohmi ma, Chim asilhha lishke, m_iko vt chin Chitokaka Chihowa ya ish ithaiyana cha, issish it ai illichi v_lheha ha himakma vbashke, chik im ai ahno kashke; keyukma sv_so ha vba hinla hoke, achi tok. Mihma, Chihowa vt

okchaya pulla ka chiso pashi achvfa kv̄t aka itula ch̄i keyu hoke, achi tok.

12. Yohmi ma ohoyo hash osh, Chin tishu ohoyo hv̄t anumpa achvfa h̄o a shahli m̄iko ya ak im anumpulí, chim asilhha lishke, achi tok. Mihma, Anumpulí, achi tok.

13. Mihma ohoyo hash osh, Yohmi hokak osh nanta katiohmi h̄o yvmihchit Chitokaka im okla h̄a ish anukfilli cho? m̄iko vt nana ilvppa anumpulí kv̄t achvfa hosh ik ai ahlo yo chohmishke: m̄iko vt i kv̄nia ya anonti in chuka ya isht ik lo hokvt.

14. Pilli pulla ch̄i hoka, micha oka yosh aka hlatapa na falvmminchit aiowa he keyu kak inli h̄o e chohmi hoke; micha Chitokaka vt hatak a yohmi hoka ahni keyu hoke: yohmi kia i kv̄nia ya ik chvfficho ka ch̄i ka nana apesa hoke.

15. Yvmohmi hoka himak a okla hv̄t sa nukshobli kak o, vla lish, nana ilvppa a shahli m̄iko ya isht im anumpulí lishke: micha chin tishu ohoyo hv̄t, Himak a m̄iko ya im anumpulí lashke: in tishu ohoyo hv̄t nana asilhha ka m̄iko vt yvmihcha hinla yoba ká,

16. M̄iko vt haklokmvt, in tishu ohoyo vno, micha svso itatuklo li ka Chitokaka i yakni ya kohehit pi a mosholicha hinla hatak ibbak a sa hlakoficha hinla hoka, achi tuk oke.

17. Yohmi mv̄t chin tishu ohoyo hv̄t, A shahli m̄iko im anumpa hv̄t achukma ch̄i hoke: Chitokaka im enchel chohmit a shahli m̄iko vt nana achukma, micha nana ik achukmo akostininchi hokvt: yvmohmi hoka chin Chitokaka Chihowa vt chiba foyuka ch̄i hoke, achi tuk oke, achi tok.

18. Yvmohmi ma m̄iko vt afalamichit ohoyo hash o, Nana chim asilhha la ch̄i ka is san luhmi ná, chim asilhha lishke, im achi tok. Mihma ohoyo hash osh, A shahli m̄iko vt himak a ik anumpulí, achi tok.

19. Mihma m̄iko vt, Nana ilvppa moma Choab ibbak vt chiba foyuka keyu cho? achi tok. Mihma ohoyo hash osh afalamichit, A shahli m̄iko ma! chimi shilombish vt okchaya pulla ka nana achvfa kia a shahli m̄iko vt anumpulí ka i filvmm̄it isht impakimma pit fullota, keyukmv̄t vlvfbek imma pit fullota he keyushke: chin tishu Choab yvmmak

osh anumpa ilvppa puta ka chin tishu ohoyo itih h₂ fohkit a miha tuk oke.

20. Anumpa ilvppa chohmi kv̄t a yvmohma ch₁ ka chin tishu Choab vt nana ilvppa yvmihchi tuk oke: micha a shahli hv̄t nan imponnvshke, Chitokaka im enchel nan ithana kak inli h₂ chiyuhmit, nana moma yakni aiasha ka ithanvshke, achi tok.

21. Mihma m₁ko vt Choab a, Yakeh! nana ilvppa yvmihchi lishke: yvmohmi hoka ia cha, hatak himita Absalom a anonti ont isht vl₁, im achi tok.

22. Mihma Choab vt nashuka ya aka ishit hlipia cha, m₁ko ya aiokpvehit, yak oke im ai ahni tok: micha Choab vt, Himak nitak a chin tishu hv̄t chim isht i kana chi tikba ya ahayuchi li kv̄t ithana lishke, a shahli, m₁ko ma! in tishu hv̄t nana asilhha tuk a m₁ko vt ahlichy hoka, achi tok.

23. Yohmi mv̄t Choab vt wakayvt ia mv̄t, Keshu ya ona cha, Absalom a Chelusalem isht vla tok.

24. Mihma m₁ko vt, Fullotvt ilap in chuka ak inli h₂ ik on₁, micha sa nashuka ya ik peso kashke, achi tok. Yohmi h₂ Absalom vt falamvt ilap in chuka ak inli h₂ ona cha, m₁ko nashuka ya ik peso ki tok.

25. Yohmi kia Israel moma ka pisa aiokli na ahninchit isht anumpuli kv̄t, Absalom a chohmichi kv̄t iksho tok: iyi pv̄tha vttvt iv̄t noshkobo tv̄bokaka ont vhli kv̄t, nana ik ai ono kv̄t iksho ki tok.

26. Michā p₁shi ya vmokmv̄t, (afvmmi ont taha putakma vmo beka tok, p₁shi vt weki fehna hatuk o vmo beka tok okvt;) wekichikma, m₁ko isht im aweki ya shekel tahlepa tuklo beka tok.

27. Mihma Absalom a ushi vt tuchina, micha ushetik vt achvfa hosh im a₁sha cha, yvmma hohchifo kv̄t Tama atok: ohoyo pisa aiokli hatok.

28. Yohmi ma Absalom vt afvmmi tuklo v₁hpiessa h₂ Chelusalem a ahanta kv̄t, m₁ko nashuka ya ik peso ki tok.

29. Yvmohmi h₂ Absalom vt Choab a m₁ko yash i pila bv̄nna hosh pit hoyo tok; yohmi kia im ona he keyu tok: atuk osh atukla ma anonti pit hoyo kia, ik im ono tok.

30. Yohmi h_o in tishu v_hleha h_a, Yakeh! Choab im osapa vt v_mmi h_a bilik_vshke, micha bali vt y_mmma im ashvshke; oh ia cha, luak hvsh atekilashke, im achi tok. Mihma Absalom in tishu v_hleha hv_t luak atekili tok.

31. Yohmi ma Choab vt wakaya mv_t, Absalom in chuka anta tuk o im v_la cha, Nanta katiohmi h_o chin tishu v_hleha hv_t v_m osapa y_a luak atekili tuk oh cho? im achi tok.

32. Mihma Absalom vt afalamichit Choab a, Yakeh! pit chi hoyo lish, Ilvppa ish la na m_iko aiasha ka pit ch_i pila li, Nanta katiohmi h_o Keshu y_a issvt ilvppa v_la li tuk oh cho? y_mmmak inli anta li moma tuk ok mv_to, v_m achukma hetuk: yohmi hoka himak a m_iko nashuka y_a pisa lashke: yohmi cha nan ashvchi vt si atakali hokma, ik svb_i, ish acha ch_i h_o chim achi la ch_i hatuk oka, achi tuk.

33. Yvmohmi h_o Choab vt m_iko y_a im ona cha, im anoli tok: mihma Absalom a i howa ma, m_iko y_a im v_la cha, m_iko itikba y_a nashuka y_a aka pit isht im akachunoli tok: mihma m_iko vt Absalom a i suk_sowa tok.

CHAPTA XV.

ATUK o ilvppa i himmakma yakohmi tok, Absalom vt tv_nvp itichanvlli puta, micha issuba puta, micha hatak pokoli tahlapi hosh itikba a tihlahaya hi a il atahli tok.

2. Micha Absalom vt onnahnli fehna wakaya cha, holihta okhissa hina bilika hikia beka tok: atuk o hatak nana kia nan it i kaniohmi na m_iko vt nana im apesa ch_i h_o vlakma, Absalom vt pit i howa cha, Tvmaha holihta nanta chia h_o? achikma, Chin tishu hv_t Islael apelhichi achvfa ka sia hoke, achi beka tok.

3. Mihma Absalom vt, Yakeh! chishno ak osh nana kv_t achukma, micha v_hpesa hoke; yohmi kia m_iko vt hatak nana h_o ik atokolo hatuk o, isht vtta hi vt iksho hoke, im achi beka tok.

4. Micha Absalom vt, Yakni y_a nanapesa tobtv ahanta likbano; yohmi na hatak nana kia nana it i kaniohmi, ke-

yukmvt nana im a kaniohmi kv̄t vno ak օ vm v̄la na ai v̄lh-
piesa kak օ i yvmihchi lashke, achi tok.

5. Atuk osh yakohmi beka tok, hatak nana kia im aka-
chunola ch̄i hosh bilika v̄lakma, ibbak a pit welit, halv̄lli
cha, i suksowa beka tok.

6. Micha ilv̄ppa puta kak օ Israēl moma kv̄t nana im
v̄lhpisa b̄vnnvt m̄iko ya im onakma, Absalom vt i yvmihchi
beke tok: yohmi hosh Absalom vt Israēl hatak v̄hleha chu-
kvsh a ishi tok.

7. Atuk օ i himmak afv̄m̄mi pokoli ushta ma yakohmi
tok, Absalom vt m̄iko ya, Chim asilhha lishke, ak ia cha,
anumpa il onochi Chihowa ya im il onochi li tok vt, Heblon
a ont ai ahl̄ichi lashke,

8. Chin tishu hv̄t Silia yakni Keshu ya ahanta li moma
mvt, anumpa il onochi il onochit, Chihowa vt anonti Che-
lusalem a vs̄sht ona mv̄hlikma, yohmikma Chihowa ya im
antia lashke, achi li tok, im achi tok.

9. Mihma m̄iko vt, Achukmakvt ish ayashke, im achi
tok. Yohmi h̄o wakaya cha, Heblon a ona tok.

10. Yohmi tuk kia Absalom vt Israēl apehlich̄i moma ka
ibatakla v̄hleha h̄a p̄lv̄t h̄lopullichit, Ishit p̄ufa vt ohonla
na hv̄sh haklo makinli hosh, Absalom vt Heblon a a m̄ikosh-
ke, hv̄sh achashke, ahanchi tok.

11. Mihma hatak tahlepa tuklo hosh im annoa tuk vt,
Chelusalem a a kohchvt Absalom a ap̄ihvt ia tok; micha
nana ik achukmo ik ahno hosh ia cha, nana ka mominchit
ik ithano tok.

12. Mihma Absalom vt Kilonait hatak Ahihlofel Lewi
ya nana i miha yosh in tvmaha holihta Kiloh ya anta tuk օ,
nan v̄bit isht aiokpv̄chi im issa hosh anta hosh, pit hoyo
tok. Micha anumpa luma it im apesa ash osh kv̄llo tok;
Absalom a okla ibafohka kv̄t isht i shahlit mah̄aya hatuk
oka.

13. Mihma anumpa shali vt Lewi ya im v̄la cha, Israēl
hatak v̄hleha ch̄ukvsh vt Absalom ak օ iakaiyv̄shke, achi
tok.

14. Mihma Lewi vt in tishu v̄hleha moma apehvt Chelu-

salem a a₂sha tuk a, Hvsh wakaya na e yihlepashke ; keyukmvt Absalom a il i hlakofa he keyu hokvt : tushpvt hvsh iashke, yakosi itin takla kia ant pi sakkit, nan ik achukmo ka pi onochi cha, tmaha holihta ya bvshpo falaia halupa isht issot kanchi ná, im achi tok.

15. Mihma miko in tishu vhleha hvt miko ya, Yakeh ! chin tishu vhleha hvt a shahli miko vt nana ho apesakma, e yvmihcha chi kv₂t pim vltahvshke, im achi tok.

16. Mihma miko vt kochevt ia ma, in chuka achvfa moma kv₂t iakaiya tok. Mihma miko vt ohoyo pokoli im itaiena vhleha hatuk o, chuka apistikela chi ka ashachi cha, ia tok.

17. Mihmvt miko vt kochevt ia ma, okla moma kv₂t iakaiya mvt, hopaki ho ona cha, aiasha tok.

18. Mihma in tishu vhleha hvt tahlalaka ichapvt aya tok ; mihma Chelehlait moma, micha Pelehlait moma, micha Kittait moma, hatak tahlepa hannali hosh Kalh ashvt iakaiyvt ia tuk vt miko ya tikba aya tok.

19. Yohmi ma miko vt Kittait hatak Ittai ya, Nanta kati-ohmi ho chishno ak kia pi awant ish ia cho ? falamvt ish ai vta ya ish ona cha, miko ya takla ish antashke : okla inla chia, micha i yakni vta chia keyu hokvt.

20. Pilashash vla tuk ish chohmi kv₂t, pi apehvt himak nitak a ish aya na ishit chi fullolihinci la hinla cho ? kanima yo ia la hinlakmvt, ia li hoka ; ish falama cha, chitibapishi vhleha ha isht ish iashke : isht i nukhaklo, micha ai ahli vt chiba foyukashke, im achi tok.

21. Mihma Ittai vt miko ya a₂falamichit, Chihowa vt okchaya pulla ka, micha a shahli miko vt okchaya pulla ka, kanima fehna ho a shahli miko vt ahantakma, okchaya hokma, illi hokma, nanakma, yvmmak inli fehna chin tishu ak kia ahanta chi hoke, achi tok.

22. Mihma Lewi vt Ittai ya, Ivt ish vbanvblashke, im achi tok. Mihma Kittait hatak Ittai, micha in tvshka vhleha, micha chipunta moma apehvt aya tuk vt momvt vbanvblit ont ia tok.

23. Mihma yakni moma kv₂t chitoli hosh yaiya tok ; mihma okla moma kv₂t vbanvblit ont ia tok ; miko ak kia boku-

shi Kitlon a vbanvblit ia ma, okla moma kvv vbanvblit yakni haiaka hina yo ia tok.

24. Mihma yakeh! Satok ak kia, micha Lefait puta kvv apeha hosh Chitokaka nan it im apesa itombi holitopa ya shoyulit aya tok: atuk osh Chitokaka im itombi holitopa ya aka talali tok; mihma Abiahla vt oiyvt mahaya na, okla moma kvv tmaha holihta ya kohchvt taiyaha ma, hikia tok.

25. Mihma miko vt Satok a, Chitokaka im itombi holitopa ya falmminchit tmaha holihta ya isht ish onashke: Chihowa i holhponayo itikba ya isht i kana ai ahayuchi likma, anonti vsht ona cha, yvmma micha ai ahanta aiena ka svpi-sacha hi oke.

26. Amba, Chi ahninci li keyu, achi hokma; yakeh! yak hikia lishke, kaniohmi kak o vhpesa ahnikmvt, si yvmih-chashke, im achi tok.

27. Michu miko vt naholitompa isht vtta Satok a, Napisa chia keyu cho? tmaha holihta ya falamvt chiso tuklo, chiso Ahimaas, micha Abiahla ushi Chonahlan hvsh aiena kvv hvchi achukmakvt hvsh onashke.

28. Yakeh! yakni haiaka yakni patali ak o anta li tuk o, nana vm anoli kvv chim anumpa hvv vm vlashke, im achi tok.

29. Yvmohmi ho Satok, micha Abiahla vt Chitokaka im itombi holitopa ya anonti Chelusalem a isht ona tok: micha yvmmak o ashwa tok.

30. Michu Lewi vt Alifet nvniha ai oiyvt ia yak o ia mvt, noshkobo hvv ompoholmo cha, iyi bicka hosh yahayvt ia tok: mihma okla moma apchvt aya tuk vt noshkobo ha ompohomo bicka cha, oiyvt ia mvt, yahaya hosh oiya tok.

31. Mihma achvfa kvv Lewi ya im anolit, Ahihlofel vt anumpa luma it im apesa vhleha ha ibataklvt Absalom a iba fohkvshke, achi tok. Mihma Lewi vt, Chihowa ma! Ahihlofel im anumpa ha chik ahobalo kashke, chim asilhha lishke, achi tok.

32. Atuk o yakohmi tok, Lewi vt nvniha paknaka yvmma ona cha, Chitokaka ya ai aiokpvchi ma, yakeh! Hushai Achait hatak vt nafohka vt i hlilafa, micha lukfi pushi vt noshkobo ha on asha hosh vla tok.

33. Yumma Lewi vt, Si awant ish ayakmvt, is si atak-
lumma chī hoke.

34. Amba falamvt tumaha holihta ya ish ona cha, Absa-
lom a, Chin tishu sia hachī hoke, mīko ma! chashpo ka
chīki in tishu sia hatuk okvt, chishno ak kia himak a chin
tishu sia hachī hoke, ish achikmvt, yohmikmvt Ahihlofel im
anumpa ha is sa kobuffa hinlashke.

35. Micha Satok, micha Abiahla naholitompa isht ashwa
vt yumma chibafohka keyu cho? yohmi hoka yakohma
hi oke, nana hoh kia mīko in chuka ya ish a haiyaklokmvt,
Satok, micha Abiahla, naholitompa isht ashwa yak o ish im
anolashke.

36. Yakeh! ushi tuklo kvt yumma im ashwa hoke, Satok
ushi Ahimaas, micha Abiahla ushi Chonahlan, yummak o
tohnnot nana ka ish haklo moma et hvs sam pila chī hoke,
im achi tok.

37. Yohmi hō Hushai Lewi i kana vt tumaha holihta ya
ant chukowa ma, Absalom vt Chelusalem a ant chukowa tok.

CHAPTA XVI.

ATUK o Lewi vt nunih paknaka ya ont ia chohmi ma,
yakeh! Mefiboshelh in tishu Siba vt issuba haksobish
falaia tuklo hosh umpotvlhpo yo pvska lumbo tablepa tuk-
lo, paki shila champuli lokussa tablepa achvfa, micha toffa
nan vni tablepa achvfa, micha oka paki kotoba achvfa aieua
hosh vbanaiya hō ishi cha, ont afama tok.

2. Mihma mīko vt Siba ya, Ilvppa nanta isht ish ahni
cho? im achi tok. Mihma Siba vt, Issuba haksobish falaia
ano mīko in chuka achvfa yak osh om binila chī hoke; mik-
ma pvska, micha toffa nan vni ano hatak himithoa vt vpa
chī hoke; mikma oka paki ano yakni haiaka ayvt hoyvbli
kvv ishka chī hoke, achi tok.

3. Mihma mīko vt, Chī shahli ushi mvto? achi tok.
Mihma Siba vt mīko ya, Yakeh! Chelusalem ak o antvsh-
ke: Himak nitak a Israeel in chuka achvfa vt aki im apehli-
chika ya a falvmincha chī hoke, achi hatuk okvt, achi tok.

4. Yohmi ma miko vt Siba ya, Yakeh! Mefiboshelh immi hatuk moma kv̄t chimmi hoke, im achi tok. Mihma Siba vt, Chukv̄sh akanlosi hosh chi holhponayo itikba isht ish i kana chi ai ahayuchi likbano, ahnit chim asilhha lishke, a shabli, miko ma! achi tok.

5. Atuk o miko Lewi vt Bahulim a ona ma, yakeh! yv̄mma Sal in chuka achv̄fa ai achv̄fa vt a kohcha hosh, hatak yv̄mma hohchifo kv̄t Shimei yosh Kela ushi vt minti mv̄t, anumpa kalakshichi onohonchi hosh kohchvt minti tok.

6. Mihma Lewi ya, micha miko Lewi in tishu v̄hleha moma ka tv̄li ishit boli tok: mihma okla moma, micha hatak hlampko chilita moma kv̄t im ishtimpak imma, micha v̄lhfv̄bek imma aiena ka aya tok.

7. Mihma Shimei vt anumpa kalakshichi onochi kv̄t yak achit, Kohchá, kohchá, issish hatak chia, micha Belial hatak chia ma!

8. Sal in chuka achv̄fa yv̄mmak o v̄lhtobvt ish miko hoka, Chihowa vt im issish moma ka falammichit chi onochishke; micha Chihowa vt ish apelihika ya chiso Absalom ak o ibbak fohkishke: micha yakeh! nana okpv̄nit isht ish anta moma ho chishishke, issish hatak chia hoka, achi tok.

9. Yohmi ma Seluiah ushi Abishai vt miko ya, Nanta katiohmi ho ofi illi ilv̄ppvt a shahli miko ya anumpa kalakshichi onocha hinla cho? ak v̄banv̄bli cha, noshkobo ha ont ak tv̄bli, achi tok.

10. Mihma miko vt, Nanta ishit hv̄chi ahalaia li cho? Seluiah ushi v̄hleha hv̄chia ma! yohmit anumpa kalakshichi ik onochi, Chihowa ak osh Lewi ya anumpa kalakshichi ik onochi, im achi hatuk oka. Yohmi ka kv̄ta hosh, Nanta katiohmi ho ish yv̄mihchi cho? acha hinla? achi tok.

11. Mihmvt Lewi vt Abishai, micha in tishu v̄hleha moma ka, Yakeh! sv̄so hv̄t sakfohka a kohcha tuk vt v̄m ilhfiopak a hoyoshke: yohmi ka himak a Benchamait ilv̄ppak okak heto yohma he v̄lhpesa keyu? ik ashá, anumpa kalakshichi ik onochi, Chihowa vt im achi tuk oka.

12. Chihowa vt nan ashv̄chi li tuk osh sv̄lv̄sha ka pisa

cha, Chihowa vt himak nitak a anumpa kalakshichit isht si onochi ka achukma ho a falvmincha hinla yoba ka, im achi tok.

13. Atuk o Lewi, micha in tishu vhleha aiena kv̄t ia hosh aya ma, Shimei vt nvnih abaksacheka ichapvt aya mvt, kalakshichit anumpohonlit aya mvt, tvli ya ishit boli mvt, lukfi pushi ya pila tok.

14. Mihma miko, micha okla moma apehvt aya tuk vt hoyv̄bli hatuk osh yvm̄mak o ont ai ile fohv̄chi tok.

15. Mihma Absalom, micha okla moma, Israel hatak vhleha aiena kv̄t Chelusalem a vla ma, Ahihlofel vt iba foka tok.

16. Atuk o yakohmi tok; Achait hatak Hushai Lewi i kana vt Absalom a im vla mvt, Chitokaka vt miko ya okchalinchashke, Chitokaka vt miko ya okchalinchashke, ahanchi tok.

17. Mihma Absalom vt Hushai ya, Chi kana ha ilvppak o isht ish i kana mak oh cho? nanta katiohmi ho chi kana ya awant chik aiyo tuk oh cho? im achi tok.

18. Mihma Hushai vt Absalom a, Ah! amba kuna ho Chihowa, micha okla ilvppa, micha Israel hatak vhleha moma kak osh atokolikma, yvm̄mak o immi sia ha chi hoke, micha takla ahanta la chi hoke.

19. Michā anonti kv̄ta hak o im antia la hinla cho? ushi itikba ahantvt im antia la he v̄lhpesa keyu cho? chiki itikba ahantvt im antia li chatuk vt, yohmi hosh chi tikba ahanta la chi hoke, im achi tok.

20. Mihma Absalom vt Ahihlofel a, Nana e kaniohma chi ka hv̄chishno ak osh anumpa hv̄sh it im apesashke, im achi tok.

21. Mihma Ahihlofel vt Absalom a, Chiki im itaiena vhleha chuka apistikela chi ho ashachi cha ia tuk o, ish iba chukowashke; mikma Israel vhleha moma kv̄t, chiki vt chi yuwala ka hakla hi oke; yohmikma chi apehvt asha kv̄t momvt ibbak vt kv̄lla hi oke, im achi tok.

22. Mihma Absalom a aboha paknaka v̄lhtipo okla in takalichi tok; mihma Israel moma kv̄t pisa ho, Absalom vt iki im itaiena vhleha ha iba chukowa tok.

23. Mihma Ahihlofel im anumpa anumponhli kv̄t, nitak yv̄mma foka ka hatak osh Chitokaka i ponaklo tuk ak o chiyuhmi beka tok: yohmi hosh Ahihlofel vt Lewi, micha Absalom ita tuklo ka nana i mih̄iha beka tok.

CHAPTA XVII.

MICHA Ahihlofel vt Absalom a, Himak a hatak tahlepa sipokni auah tuklo h̄o aiowvt ak ishi cha, wakaya lish, himak ninak a Lewi ya iakaiyvt hlioli lashke:

2. Mikmvt hoyvblit ibbak vt ik kullo k̄isha kak o sakki likmvt, nukshobli lashke: mikma okla apehvt aya tuk moma kv̄t yihlepakma, m̄iko ak bano h̄o fahamvt kancki lashke.

3. Micha okla moma ka falvminchit ishit chim v̄la lashke: hatak ish hoyo kash momvt falamvt v̄la ka itilauishke: yohmi h̄o okla moma kv̄t achukmakvt aiashashke.

4. Mihma nana achi ka Absalom, micha Israel im asnonchi v̄hleha moma aiena kv̄t im v̄lhpesa fehna tok.

5. Mihma Absalom vt, Himak a Achait hatak Hushai ak kia ho hoyo, nana h̄o ik achi na yv̄mmak kia keho hakl̄o, achi tok.

6. Mihma Hushai vt Absalom a im v̄la ma, Absalom vt, Ahihlofel vt ilvppak o achit anumpulishke: nana achi kak o e yv̄mihcha ch̄i cho? keyukma ish anumpulashke, im achi tok.

7. Mihma Hushai vt Absalom a, Anumpa Ahihlofel vt anumpuli kv̄t himak okvno achukma keyu hoke, im achi tok.

8. Hushai vt, Ch̄iki, micha in tv̄shka v̄hleha hv̄t hatak hlampko chilita v̄hleha hosh chukvsh okpulot, nita yo kowi ya ushi im a wehpuli na aya kak inli chiyuhmi ka ish ithavnshke: micha ch̄iki hatak tv̄nvp okvt okla h̄a takla nusa he keyu hoke.

9. Yakeh! himak a hichukbi kanima lumvt fohka hoke, keyukmvt inla kanima lumvt anta hoke: atuk o yakohma hi oke, v̄mmona ka kaniohmi kv̄t akakoha hokma, kv̄na hosh haklokmvt, okla Absalom apeha tuk a, Ubit isht ahantvshke, acha ch̄i hoke.

10. Mikma hatak chilita nukwia iksho chukvsh vt koi chito itilau kash kia bilvt kunia hi oke : chiki vt hatak chilita, micha apehvt okla aiasha kvh hatak chilita nukwia iksho ka Israel moma kvh ithana hokvt.

11. Yvmohmi hoka Israel moma chohmit Tan a aivttvt ivt Bee-sheba ont vhli ka itvnahli na, laua kvh shinuk osh okhvta lapalika aiasha ka chohmashke ; micha chishno ak inli hosh pehlichit itibi ka ish ia he ak o miha lishke.

12. Yohmi hosh kanima asha tukma sakkil il ahayuchikmvt, il o fohopa kvh fichak osh yakni onvtula kak o e chiyuhmashke : mikma yvma, micha hatak moma apehvt aya tuk vt achvfa kia ik hlakofo kashke.

13. Micha tmaha holihta yo chukowakma, yohmikma Israel moma kvh tmaha yvma aseta ho isht onakma, e takchikmvt, halvllit isht ivt okhina ont il okvchikma, tvli iskitini achvfa kia yvma ai ahayucha he keyu kashke, achi tok.

14. Mihma Absalom, micha Israel hatak vhleha moma kvh, Achait hatak Hushai nana miha kak osh achukma kvh Ahihlofel nana miha tuk a i shalishke, okla achi tok. Chihowa vt Absalom a nana ik achukmo ka onocha he ak osh, Ahihlofel vt anumpa achukma miha tuk vt kobafa hi a, Chihowa vt apesa tok oka.

15. Yohmi ma Hushai vt Satok, micha Abiahla naholitompas isht ashwa ya, Yakohmi, micha yakohmi achi hosh Ahihlofel vt Absalom, micha Israel im asvnonchi vhleha aiena ka i mihvshke ; mikma yakohmi, micha yakohmi achi hosh i miha lishke.

16. Yohmi hoka himak a tushpa hosh Lewi ya anumpa i pilvt, ish im anoli cha, yak ish achashke, Yakni haiaka patvsvchi ya chi nusi na, amba tushpa hosh vbanvblit ont ish iashke : keyukmvt miko, micha okla apehvt asha moma kvh illit taha yoba na, im achi tok.

17. Mihma Chonahlan, micha Ahimaas itatuklo kvh tmaha holihta ya ant chukowa na pisa he vhpesa keyu hatuk osh, En-lochel ak o ashwa tok : mihma ohoyo himita tishu hosh ivt ont im anoli na itiachi cha, miko Lewi ya ont im anoli tok.

18. Yohmi kia vlla nakni yosh pisa cha, Absalom a im anoli tok: yohmi kia tushpa hosh itiachit Bahulim hatak in chuka ona ma, yummvt i wanvta ya kvli hofobi vt i hikia tuk o, yummak o pit chukowvt okla tok.

19. Mihma ohoyo hvv kvli hofobi paknaka ya isht ompoholmo ompatali cha, onush bota o ashachi tok; mihma nana ka ik ithano tok.

20. Atuk o Absalom in tishu vhleha hvv ohoyo hash chuka yash ona mvv, Ahimaas, micha Chonahlan itatuklo mvto? okla achi tok. Mihma ohoyo hvv, Bok ushi oka ya vbanvblit ia tuk oke, im achi tok. Mihma hoyo tuk ak osh ik ahayucho mvv, falamvt Chelusalem a ona tok.

21. Atuk o yakohmi tok, okla ia hayak o, kvli hofobi ya kohcha cha, hvv miko Lewi ya ont im anoli cha, Lewi ya, Wakaya cha, tushpa hosh oka ya vbanvblit ont ish ia chiké: Ahihlofel vt yakohmichi hosh chi sanalit nana miha hoka, im achit okla tok.

22. Yohmi ma Lewi, micha okla apehvt aya tuk moma kvv wakaya cha, Chatan a vbanvblit ont ia tok: onnvv tohwikeli itintakla ma, achvfa kia Chatan a vbanvblit ont ik aiyo kisha kvv iksho tok.

23. Atuk o Ahihlofel vt nana i miha tuk a ik iakaiyo ho pisa mvv, im issuba haksobish falaia i patali cha, wakaya mvv, in chuka, micha in tmaha holihta ya ona mvv, in chuka achvfa ya achukmalit apesvt tahli mvv, ile nuksiteli cha, illi tok, micha iki im ahollopi yak o hollopi tok.

24. Yohmi ma Lewi vt Mahanaim a ona tok: mihma Absalom, micha Israel hatak apehvt aya tuk moma kvv Chatan a hlopullit ont ia tok.

25. Mihma Absalom vt Choab atuk ak o atobbichit Amasa yak o tvshka chipota ya i kvpitvni ikbi tok: Amasa yummak okvt Israel hatak, hohchifo kvv Ihla achi, yummvt Nahash ushetik Abikail, Seluah in tek, Choab ishki ya iba chukowa tok, yummak o ushi atok.

26. Mihma Israel, micha Absalom aiena kvv Kileat yakni yak o binachi tok.

27. Atuk o yakohmi tok, Lewi vt Mahanaim a ona ma,

Ammon im vlla vhleha ai achvfa Nahash ushi Shobi, Labbah vtta, micha Lo-teba hatak Ammiel a ushi Machi, micha Lochelim yakni Kileat hatak Basillai aiena kv̄t im v̄la mvt,

28. Topa puta, ampo mahaia puta, micha lukfampo puta, micha onush, mikmvt bali, micha bota tohbi, micha onush vlvvsha, micha tubi, micha tubi hullo, micha tubi hullo vlvvsha,

29. Michā foi bila, micha pishukchi nia, micha chukfulhpoa, micha wak i pishukchi nia palvska aiena ka Lewi, micha okla apehvt aya tuk aiena kv̄t vpa ch̄i h̄o isht im v̄la tok: Okla hvt yakni haiaka aya kv̄t hohchv̄fot, hoyvblit, itukshila hoke, okla achi hatuk okvt.

CHAPTA XVIII.

MIHMA Lewi vt okla hvt apehvt aya tuk a hotihna cha, tahlepa sipokni puta i kv̄pitvni vhleha, micha tahlepa puta i kv̄pitvni vhleha hvt pehlichā ch̄i ka hilechi tok.

2. Mihma Lewi vt okla isht atuchina kashapa ka Choab ak o ibbak fohki mvt, isht atuchina kashapa ka Seluah ushi, Choab itibapishi Abishai ak o ibbak fohki mvt, isht atuchina kashapa ka Kittait hatak Ittai ak o ibbak fohkit pila tok. Michā m̄iko vt okla h̄a, Uno ak kia hv̄chi awant kohchvt ia li pulla ch̄i hoke, im achi tok.

3. Yohmi kia okla hvt afalamichit, Kohchvt ish ia he keyu hoke: e yihlepa kia pishno ya nana isht im ahoba he keyu; iklvna kak osh ik pilli hok mak o nana isht im ahoba he keyu hoke: amba tahlepa sipokni e pokoli hoh kia ish itilau: yvmohmi hoka tvmaha holihta ya ish anta tuk osh, ish pi apela kak osh achukma kv̄t i shahli hoke, achi tok.

4. Mihma m̄iko vt, Kaniohmi kak osh vlvhpesa ka hv̄chim ahobakma, yvmihchi lashke, im achi tok. Mihma m̄iko vt holihta okhissa bilika hikia ma, okla moma kv̄t tahlepa yosh, micha tahlepa sipokni yosh kocha wiha tok.

5. Mihma m̄iko vt Choab, micha Abishai, micha Ittai aiena ka im apesvt, Hatak himita Absalom a vno ak atuk

pulla kak o hvsh i kanashke, achi tok. Atuk o miko vt kvpitvni vhleha moma ka Absalom a nana achi ka okla moma kv_t h_aklo tok.

6. Yohmi h_o okla hv_t Is_lael a itiba ch_i hosh kohchvt yakni haiaka y_a ia tok: mihma ai itibi kv_t Eflaim kowi ak atok.

7. Yvmmak o Is_lael okla hv_t Lewi in tishu vhleha itikba y_a ai akakoha tok; mihma yvmma ai ahambi na hatak tahlepa sipokni pokoli tuklo akucha tuklo hosh illi tok.

8. Itibi kv_t yakni moma ka fimimpvt isht aya hatuk oka: mihma kowi yak osh nitak yvmma okla tahli kv_t, bvshpo falaia vt tahli ka i shahlich_i tok.

9. Mihma Absalom vt Lewi in tishu vhleha h_a afama tok. Micha Absalom vt issuba haksobish falaia om binili tuk o, issuba haksobish falaia yash osh nosvpi chito naksish sukko hikia yatuk o nutaka ont ia ma, noshkobo hv_t nosvpi ash isht ashekonowa cha, shutik, micha yakni ititakla takali tok: mihma issuba haksobish falaia om binili kamo ont ia tok.

10. Mihma hatak achvfa hosh pisa tuk osh, Choab a im anolit, Yakeh! Absalom vt nosvpi a takanli h_o p_isa li tuk oke, achi tok.

11. Mihma Choab vt im anoli tuk hatak ash, Mihma yakeh! ish p_isa hokak osh, nanta katiohmi h_o issot chik akvcho ke tuk oh cho? atukma tvli hvta shekel pokoli, micha vskofvchi achvfa chima la he tuk oke, im achi tok.

12. Mihma hatak ash osh Choab a, Tvli hvta shekel tahlepa sipokni hosh svbbak a ik foka ch_i hoh kia, miko ushi y_a svbbak a o wielit i sanali la he keyu hoke: e h_aklo h_o, miko vt chishno, micha Abishai, micha Ittai aiena ka atokolit hvch_i mihvt, Ahah! hvsh aiahni cha, hatak himita Absalom a hvch ik potolo kashke, achi tuk oka.

13. Keyukmvt vno vm ilhfiopak ak inli kash ak im ahlo ka hinla tuk oke: miko y_a nana kia in luma he keyu hoka, micha chishno ak oh kia is s_a sanalit ish hikia he tuk oke, im achi tok.

14. Yohmi ma Choab vt, Yakohmit chi takla hikia la he vhpesa keyu hoke, achi tok. Mihmvt tvbi tvli halupa on-

tela tuchina h_o ishi cha, ia mvt, okch_aki moma hosh nosvpi iklvna atakali ma Absalom a chukvsh fehna ishit nvhlit hlo-pullichitok.

15. Mihma hatak himithoa pokoli hosh Choab i nahalupa shoyuli atuk vt afolubli cha, Absalom a nvhlit vbi tok.

16. Mihma Choab vt ishit pufa olachi ma, okla hv_t Israel a iakaiyvt hlioli tuk vt falama tok: Choab vt okla ha im alvmmi hatuk oka.

17. Mihma Absalom a okla ishi cha, hichukbi chito vt kowi anukaka hikia tuk o, pit pila cha tvli itvnaha chito fehna h_o o ashachi tok: mihma Israel moma kv_t im vlhtipo aiyukali yihlepvt ona tok.

18. Absalom vt okchaya moma mvt, miko im okfa ha tvli tonik a ishit a hilechi tok: achi kv_t, Sa hohchifo ha isht ithaiyana hi a svso hv_t iksho hokvt, achi hatok: micha tvli tonik a ilap ak inli h_o il ai a hochifochi tok: yvmohmi tok o himak nitak ak kia Absalom ibbak achi hoke.

19. Yohmi ma Satok ushi Ahimaas vt, Himak a vno ak osh ak maleli cha, miko ya anumpa isht ak im ia cha, Chihowa vt in tvnvp puta ka im il aiokha ka ont anoli lashke, achi tok.

20. Mihma Choab vt, Himak nitak a anumpa isht ish ia he keyu, amba nitak inlak mak o anumpa isht ish ia hi oke: amba himak nitak okvno anumpa isht ish ia he keyu, miko ushi vt illi hoka, im achi tok.

21. Yohmi mvt Choab vt Kushi ya, Ia cha, nana ish pisa tuk vt miko ya ont im anoli, im achi tok. Mihma Kushi vt Choab a il im akachunolichi mvt, maleli tok.

22. Mihma Satok ushi Ahimaas vt anonti Choab a, Ik yohmi kia chim asilhha lishke, vno ak kia Kushi ya iakaiyvt ak maleli, im achi tok. Mihma Choab vt, Nanta katiohmi h_o ish malela hinla cho? svso ma! anumpa isht ish ia he vt ik vlhtaho kisha hoka, achi tok.

23. Mihma, Ik yohmi kia ak maleli, achi tok. Mihma, Maleli, im achi tok. Yohmi ma Ahimaas vt yakni patvsuchi hina yak o pit maleli cha, Kushi ya ont imaiya tok.

24. Mihma Lewi vt holihta okhissa tuklo ititakla binili

ma, hatak hopokoyo vt holihta okhissa paknaka ishit holmo ya oiyvt holihta chaha ya ona cha, akachakalit hopokoyo ma, yakeh! hatak achvfa ilap bano hosh chahafa tok.

25. Mihma hatak hopokoyo yash osh paya mvt, miko ya im anoli tok. Mihma miko vt, ilap banokmvt, itih ha anumpa hvt foyukvshke, achi tok. Atuk osh pulhkit mi-hinti mvt, bilika vla tok.

26. Mihma hatak hopokoyo yash osh hatak inla yosh chahafa na pisa tok: micha hatak hopokoyo yash osh okhissa apistikeli ya pit i howa mvt, Yakeh! hatak inla yosh ilap bano hosh chahavshke, achi tok. Mihma miko vt, Yvmmak kia anumpa isht aya hoke, achi tok.

27. Mihma hatak hopokoyo yash osh, Tikba chvfa hokvto Satok ushi Ahimaas chvfa kak o holba, vm ahobvshke, achi tok. Mihma miko vt, Hatak achukma hoke, micha anumpa achukma ho isht aya hoke, achi tok.

28. Mihma Ahimaas vt paya mvt, miko ya, Achukma banoshke, im achi tok. Michu miko itikba ya hvchukbihle-ptv nashuka ya aka ishit hlipia cha, Yvmmak osh a shahli miko ya ibbak a vba wielit i sanali tuk a ibbak foyuki tuk okvt chin Chitokaka Chihowa vt holi-topashke, achi tok.

29. Mihma miko vt, Hatak himita Absalom vt okchaya cho? achi tok. Mihma Ahimaas vt afalamichi mvt, Choab vt miko in tishu ha, micha chin tishu vno ya et pi pila ma, shakapa chito fehna ho pisa li kia, nana kaniohmi ho yohmi ka ak ithano tuk oke, achi tok.

30. Mihma miko vt, Naksika fullota cha, ilvppak o hikiá, im achi tok. Mihma naksika fullota cha, lumvt hikia tok.

31. Mihma yakeh! Kushi vt vla tok: mihma Kushi vt, Anumpa hoke, a shahli miko ma! wakayvt chim i sanali tuk puta ka, Chihowa vt himak nitak a chim il aiokhvshke, achi tok.

32. Mihma miko vt Kushi ya, Hatak himita Absalom vt okchaya cho? im achi tok. Mihma Kushi vt afalamichi mvt, A shahli miko ya in tvnvp puta, micha kena hosh chi hotopala chi hosh wakayvt chi sanali moma kvv, hatak himita yvmmak o chiyuhmashke, im achi tok.

33. Mihma miko vt nukh_aklot wvnihinchi fehna mvt, aboha holihta okhissa paknaka talaia ka oiya cha, yahaya tok: micha ia hosh aya mvt, yak achi tok, Svso Absalom ma! svso ma! svso Absalom ma! Chitokaka vt ahni na vno ak osh chi vltobvt svlli tuk bano! Absalom ma! svso ma! svso ma! ahanchi tok.

CHAPTA XIX.

MIHMA Choab a im anolit, Yakeh! miko vt Absalom a ishit yahayvt tvbashit isht ivshke, achi tok.

2. Mihma imaiya kash osh nitak yvmma okla moma ka yaiya in toba tok: nitak yvmma miko vt ushi ya ishit nukh_aklo fehvshke, achi na okla hvt haklo hokvt.

3. Yohmi ma nitak yvmma okla hvt luma hosh tvnaha holihta ya chukowa kv_t, okla hosh tvnvp ayvt yihlepa tuk osh hofahyvt lumboa kak inli h_o chohmi tok.

4. Yohmi kia miko vt nashuka ya ompohomo tok, micha miko vt chitolit yahayvt, Svso Absalom ma! Absalom svso ma! svso ma! ahanchi tok.

5. Mihma Choab vt aboha yash ont chukowa cha, miko ya im ona cha, Himak nitak a chin tishu vhleha puta moma, yvmmak osh chishno, micha chiso vhleha, micha chisotek vhleha, micha chin tekchi vhleha, micha chim itaiena vhleha puta ka hlakofichi tuk a nashuka ya ish hofahyalishke.

6. Yohmi hosh chin tvnvp vhleha hak o ish holitobli cha, ch_i kana vhleha ish i nukkillishke: himak nitak a okla pehlich_i vhleha, micha tishu vhleha aiena nana ishit chim ahoba keyu ish otvninchi hokvt; Absalom ak osh okchaya na himak nitak a e moma kv_t pilli hatuk okma, chim vhpesa fehna hetuk a himak nitak a ithaiyana li hoka.

7. Yvmohmi hoka, Himak a wakaya cha, kohchvt ivt chin tishu vhleha ha im anumpa hopohl_vli im anumpul_i; kohchvt chik aiyokma, himak ninak a achvfa kia chi takla asha ch_i keyu ka, Chihowa pulla anumpa kullo ishit miha lishke: yohmikma yvmmak osh ik chim achukmo kv_t nana

ik achukmo puta kv̄t vlla chia moma ma, chi onvtolvt mihintit himak ā ant v̄hli chatuk ā ī shahla ch̄i hoke, achi tok.

8. Yohmi ma m̄iko vt wakaya cha, holihta okhissa yā binili tok. Mihma okla moma ka im anolit, Yakeh! m̄iko vt holihta okhissa yā binili hoke, achi tok. Mihma okla moma kv̄t m̄iko itikba yā v̄la tok: Israēl vt yihlepvt im v̄lhtipo aiyukali onvt taha tuk okvt.

9. Mihma okla moma Israēl apehlich̄i puta hlopulli moma ka it achowvt, M̄iko vt pin t̄vn̄vp puta ibbak ā pi hlakofichi tok; micha Filistin okla ibbak ā pi hlakofichi tok; atuk ak osh himak a Absalom okvno ī malelit yakni yā kohehvshke.

10. Mihma Absalom vt pī m̄ika ch̄i h̄o nan ahv̄mmit il atokoli kash osh t̄vn̄vp ai illishke. Yvmohmi hoka himak a nanta katiohmi h̄o m̄iko yā falv̄mminchit isht v̄la ka anumpa achvfa kia hv̄ch ik anumpulo cho? achi tok.

11. Mihma m̄iko Lewi vt Satok, micha Abiahla naholitomp̄a isht ashwa yā anumpa ī pilvt, Chutah im asv̄nonchi v̄hleha h̄a im anumpulit, Nanta katiohmi h̄o m̄iko yā falv̄mminchit in chuka isht v̄la ka hv̄sh ishtaiyopi cho? Israēl moma im anumpa hv̄t m̄iko yā in chuka fehna ka im v̄la hoka.

12. Sv̄tibapishi hv̄chia hoke, sa foni, micha sa nipi hv̄chia hoke: yohmi ka nanta katiohmi h̄o m̄iko yā in chuka isht v̄la ka hv̄sh ishtaiyopi cho? hv̄sh achashke,

13. Mich̄a Amasa yā, Sa foni, micha sa nipi chia keyu cho? Chitokaka vt yakohmi, micha ī shahli kia si yvmihchashke, Choab ā v̄lhtobvt sa tikba yā tv̄shka chipota ī kv̄pitv̄ni yosh ish ahanta na ik biliokma, hv̄sh im achashke, achi tok.

14. Mihmvt Chutah hatak v̄hleha moma chukv̄sh ā fullochit hatak achvfa chukv̄sh chiyuhmichi tok: yohmi h̄o m̄iko yā anumpa ilv̄ppa okla pit ī pilvt, Chishno, micha chin tishu v̄hleha aiena kv̄t hv̄sh falamashke, im achi tok.

15. Yohmi h̄o m̄iko vt falamvt, Chatan ā v̄la tok. Mihma Chutah vt m̄iko yā afama cha, m̄iko yā ishit hlopullich̄a ch̄i hosh Kilkal ā ona tok.

16. Mihma Kela ushi Shimei, Benchamait hatak, Bahu-

lim minti vt miko Lewi ya afama chi hosh tushput, Chutah hatak vhleha ha awant ona tok.

17. Mihma Benchamin a ai achvfa yvt hatak tablepa sipokni achvfa hosh apihakma, Sal in chuka achvfa in tishu Siba, micha ushi auah tahlapi, micha in tishu pokoli tuklo aiena kvt apiha tok; micha miko itikba ivt Chatan a hlopulli tok.

18. Mihma miko in chuka achvfa ya hlopullicha chi, micha nana ho achukma aiahnikma yvmihcha chi hosh peni putha ya pit ishit kohcha tok. Atuk o miko vt Chatan a ant kohcha ma, Kela ushi Shimei vt itikba ont itula tok.

19. Mich a miko ya, A shahli hv t nana ai vlhpesa keyu yvmihchi li tuk a ik si onoch o kashke, micha a shahli miko vt Chelusalem a kohcha nitak yvma chin tishu hv t nan ashvchi tuk a ithaiyanvt chukvsh isht ik nukfoyuko kashke.

20. Chin tishu hv t nan ashvchi tuk vt ithana fehna hokvt: yvmohmi hatuk osh himak nitak a Chosef in chuka achvfa ai achvfa moma ka tikba a shahli miko ya afama la chi hosh vla lishke, im achi tok.

21. Yohmi kia Seluah ushi Abishai vt afalamichit, Ilvpa pulla ka Shimei vt illa he vlhpesa keyu cho? Chihowa nan ahamvt im vlhtoka ya anumpa kalakshichi onochi tuk okvt, achi tok.

22. Mihma Lewi vt, Seluah ushi vhleha hvchia ma! nanta ishit hvchi ahalaia li tuk o himak nitak a hv s sa sana-la hinla cho? Israel a hatak nana kia himak nitak a illa chi cho? himak nitak a Israel i miko sia hv t ithaiyana li keyu cho? achi tok.

23. Yvmohmi ho miko vt Shimei ya, Chilla he keyu, im achi tok: micha miko vt anumpa kv llo im il onochit i miha tok.

24. Mihma Sal ushi Mefiboshelh vt miko ya afama chi hosh ona tok; micha miko vt kohev t ia tok nitak a vttvt ia hosh achukmakvt anonti falamvt vla tuk nitak a ant vhli ka, iyi ya nan ik i kaniohmicho, micha nutakhish a ik aiskiacho, micha i nafohka ya ik achifo tok.

25. Atuk osh miko ya afama chi hosh Chelusalem a vla

ma, yakohmi tok: miko vt, Mefiboshelh ma! nanta katiohmi ho si awant chik aiyo tuk oh cho? im achi tok.

26. Mihma afalamichi mvt, A shahli miko ma! an tishu hvt sa haksichi tuk oke: chin tishu hvt, Issuba haksobish falaia om patali likmvt, om binili lish, miko ya im ona lashke, achi tuk okvt, chin tishu hvt imomokpulo atuk okvt.

27. Micha chin tishu ha nana mihachit a shahli miko ya im anoli tuk oke; yohmi kia a shahli miko vt Chitokaka im enchel ak inli ho chiyuhmi hoke: yohmi hokvt chi holhpoyonayo isht ish pisa kvt achukma ish aiahni kak osh ish yvmohmashke.

28. Aki in chuka achvfa moma kvt a shahli miko itikba ya hatak illi vhleha chiyuhmi tuk oke: yohmi ak inli kia chin tishu ha chim ai impa binilit ai impa ka takla is sa binilechi tuk oke. Yvmohmi hoka katiohmi kak o himak a miko ya im ilbvsha la he vhpesa hoh cho? im achi tok.

29. Mihma miko vt, Nanta katiohmi ho nana chi kaniohmi kvt himak a isht ish anumpuli cho? Chishno, micha Siba vt yakni ya hvsh itakashapashke, achi li tuk oke, im achi tok.

30. Mihma Mefiboshelh vt miko ya, Ome, mominchi hosh ik ishi, a shahli miko vt achukmakvt anonti in chuka vla hoka, im achi tok.

31. Mihma Kileatait hatak Basillai vt Lochelim mintit vla cha, miko ya ilauelet Chatan a hlopullicha chi hosh awant Chatan a hlopulli tok.

32. Micha Basillai vt hatak sipokni fehna hosh afvmmi pokoli untuchina tok: atuk osh miko vt Mahanaim anta moma ma, ilhpak a im ahayuchi tok; hatak nan in laua fehna hatuk okvt.

33. Mihma miko vt Basillai ya, Si awant hlopullit ish onakma, Chelusalem a a chimpvchi lashke, im achi tok.

34. Mihma Basillai vt miko ya, Si okchaya na hopaka he yatuk osh miko ya awant Chelusalem a ona la hinla cho?

35. Himak nitak a afvmmi pokoli untuchina li hoke: nana achukma, micha nana ik achukmo ka akostininchi la hinla cho? chin tishu hvt nana impa li, micha nana ishko li

kv̄t yakohmi ahna hinla cho? himak pilla ma hatak taloa v̄hleha, micha ohoyo taloa v̄hleha aiena ka haklo la hinla cho? yvmohmi kv̄t katiohmi hō chin tishu hv̄t a shahli m̄iko ya ataklv̄m̄mi kv̄t moyuma la hinla cho?

36. Chin tishu hv̄t m̄iko ya awant Chatan a hlopullit olanli hō ona lashke: mikma nanta katiohmi hō m̄iko vt nan vlhtoba yohmi ka a falv̄m̄mincha hinla cho?

37. Chin tishu hv̄t anonti falama lish, an tv̄maha holihta yak inli a sv̄llikm̄vt, aki micha hv̄shki itatuklo im ahollopi ya apotort sa hollopashke, chim asilhha lishke: amba yakeh! chin tishu Chimham oke; yvm̄mak osh a shahli m̄iko ya awant iashke: mikma vlhpesa ish ahni kak osh ish yvm̄ih-chashke, im achi tok.

38. Mihma m̄iko vt afalamichi m̄vt, Chimham vt si awant ia ch̄i hoke, mikma nana achukma ish ai ahni kak osh i yvm̄ihchi la ch̄i hoke: micha nana hō yvm̄ihchi la he is sv̄m ahnikma, ch̄i yvm̄ihchi la ch̄i hoke, im achi tok.

39. Mihma okla moma kv̄t Chatan a hlopulli tok. Atuk o m̄iko vt ont kohcha m̄vt, m̄iko vt Basillai ya i suksowa cha, anumpa yukpali onochi tok: mihma falam̄vt ilap ai v̄tta ya ona tok.

40. Mihma m̄iko vt iv̄t Kilkal a ona ma, Chimham vt awant ia tok: mihma Chutah okla moma, micha Israel okla iklv̄na ak kia aiena kv̄t m̄iko ya ilaueleit isht aya tok.

41. Mihma yakeh! Israel hatak v̄hleha moma kv̄t m̄iko ya im vla m̄vt, m̄iko ya. Nanta katiohmi hō il itibapishi Chutah hatak v̄hleha hv̄t p̄i h̄ukopvt ishit chi kenia cha, m̄iko, micha in chuka achv̄fa, micha Lewi in tv̄shka v̄hleha apehv̄t aya tuk aiena ka Chatan a hlopullichit isht vla cho? im achi tok.

42. Mihma Chutah hatak v̄hleha moyuma kv̄t Israel hatak v̄hleha h̄a afalamichi m̄vt, M̄iko vt p̄i kanomi fehna yoka; yohmi ka nanta katiohmi hō nana ilv̄ppa ishit hv̄sh nokowa cho? m̄iko nana i kenia hō il impa tuk oh cho? keyukm̄vt na hv̄lbina nana kia pima tuk oh cho? achi tok.

43. Mihma Israel hatak v̄hleha hv̄t Chutah hatak v̄hleha h̄a, M̄iko ya kv̄shkoa pokoli hō il ahalanli cha, Lewi vt

pimmi vhpesa kv̄t hvchishno yā i shahli hoke: yohmi ka nanta katiohmi hō hvsh pi shitilema cha, mīko yā falvminchit isht v̄la ka tikba hvsh pī ponaklo haya tuk keyu cho? achi tok. Mihma Chutah hatak v̄hleha im anumpa hv̄t kv̄llo kv̄t Isael hatak v̄hleha hā i shahli tok.

CHAPTA XX.

MIHMA yv̄mma Belial hatak, Bichli ushi Benchamait hatak, hohchifo kv̄t Sheba yosh anta yoba tok: atuk osh ishit pufa yā olachit, Lewi yā il ahalaia keyu, micha Chesse ushi yā il ai isha he v̄lhpesa vt iksho hoke: hatak puta kv̄t im v̄lhtipo aiyukali onashke, achi tok.

2. Yohmi hō Isael hatak puta kv̄t Lewi yā iakaiya tuk vt falama cha, Bichli ushi Sheba yak ō iakaiya tok: amba Chutah hatak v̄hleha hokv̄to i mīko yā asitiv̄t Chatan ā ashvt Chelusalem ā ona tok.

3. Mihma Lewi vt in chuka Chelusalem ā v̄la tok; micha mīko vt ohoyo pokoli im itaiena chuka yash apistikela chī hō ashachi cha, ia kash osh ishi cha, ai atoni ashachi cha, ipihintā kia, ik iba chukowo tok. Yohmi hō im okshilitv̄t, ohoyo v̄lhtakla yosh ai ashvt nitak ai illi ka ona tok.

4. Yohmi ma mīko vt Amasa yā, Chutah hatak v̄hleha hā nitak tuchina itintakla yā is sv̄m itv̄nahlashke, micha chishno mv̄t ilv̄ppa ish anta chike, im achi tok.

5. Yohmi hō Amasa vt Chutah hatak v̄hleha hā itv̄nahlit ia tok: yohmi tuk kia nitak v̄lhpisa im apesa tuk ā atv̄pa hō anta tok.

6. Mihma Lewi vt Abishai yā, Bichli ushi Sheba vt himak ā nana pim okp̄vni kv̄t Absalom hatuk ak kia i shahla chī hoke: chī shahli in tishu v̄hleha hā ishi cha, iakaiyv̄t hliolī, tv̄maha holihta kv̄llo chukowa cha, pī hlakofi ná, im achi tok.

7. Mihma Choab in tv̄shka v̄hleha, micha Cheleh̄lait v̄hleha, micha Peleh̄lait v̄hleha, micha hatak hlampko chilita moma kv̄t kohchvt iakaiya tok: micha Chelusalem ā a kohchvt Bichli ushi Sheba yā iakaiyv̄t hliolit ia tok.

8. Atuk osh tuli chito vt Kibeon hikia ka ona ma, Amasa vt tikba hikia tok. Micha Choab i nafohka ishit fohka tuk vt vskofvchi isht ashihahchit taiyaha mv̄t, alataiya ka vskofvchi isht vskofaiyachi ma, bv̄shpo falaia vt i shukeha foyuka hosh a takali tok: atuk osh aya ma, shufvt ont itula tok.

9. Mihma Choab vt Amasa ya, Itibapishi li ma! chi achukmaka cho? im achi tok. Micha Choab vt i suksowa chi hosh ibbak isht impak imma ya Amasa nutakhish a isht ishi tok.

10. Yohmi kia Amasa vt Choab ibbak a bv̄shpo falaia vt foka ka yohmi ik ahno tok: yohmi ho naksi foni ont ishit tahlapik fehna ishit bahli na ikfoka vt kohchvt aka ont itula ma, himakma ik isso ki tok; mihma illi tok. Yohmi ho Choab, micha itibapishi Abishai ita tuklo kv̄t Bichli ushi Sheba ya iakaiyvt hlioli tok.

11. Mihma Choab in tv̄shka v̄hleha ha ai achvfa kv̄t a hikivt, Kv̄na hosh Choab a i kana cha, Lewi yak o apelakmv̄t, Choab a ik iakaiyá, achi beka tok.

12. Mihma Amasa vt hina iklv̄na fehna issish a oka shalali tok. Atuk o okla moma kv̄t lumvt hieli na hatak ash osh pisa mv̄t, Amasa ya hina ya kanv̄lichit osapa ya isht ona cha, nantv̄nna isht ompohomo tok; bilika vlakmv̄t, lumvt hikia na pisa mv̄t, yvmihchi tok.

13. Atuk osh hina ya kanv̄lichi ma, okla moma kv̄t Choab ak o iakaiyvt Bichli ushi Sheba ya hlioli tok.

14. Atuk o Islrael ap ehlichi moma ka hlopullit Abel, micha Belh-maachah, micha Belait moma ka isht ona tok: mihma okla ita hoyot itv̄naha cha, iakaiyvt ia ak inli tok.

15. Micha okla onvt Abel Belh-maachah ak o in tanampit afolubli mv̄t, sakti ikbit, tv̄maha holihta ya apakfobli na yakni kula anukaka hikia tok: mihma okla moma Choab a apchvt aya tuk vt akv̄cha chi hosh, holihta chaha ya nana ishit komoha tok.

16. Mihma ohoyo hopoyuksa yosh tv̄maha holihta ya et a payvt, Ho hakló, ho hakló; Choab a oh im achi, hv̄chim asilhha lishke, Bilika ish la na ak chim anumpuli, achi tok.

17. Atuk o bilika vla ma, ohoyo hash osh, Choab chia

hoh cho? achi tok. Mihma afalamichit, Mihiyo sia hoke, achi tok. Yohmi ma, Chin tishu ohoyo im anumpa ha ish haklashke, im achi tok. Mihma afalamichit, Haklo lishke, achi tok.

18. Mihma anumpulit yak achi tok, Chashpo ka anumpulikmvt, yak achi beka tok; Abel ak o okla a ponaklo pulashke: micha yakohmichit nana ka issvchi beka tok.

19. Ūno vt Islael a it i kanvt ahli achukma vhleha ha ai achvfa sia hoke: tmaha holihta ya okpvnit tahli; micha hatak ishki yosh Islael yakni ahanta ka vbi chi bvna hosh ish hoyoshke: nanta katiohmi ho Chihowa im ai isha he vhpesa ka isht ish nanvblit ish kancha chi cho? achi tok.

20. Mihma Choab vt afalamichit, Ishit nanvbli, keyukmvt vbit tahli ka yohmi la he vt olanli iksho kashke, olanli iksho kashke, achi tok.

21. Nana kvv yvmak keyu, amba Eflaim nvnih hatak Bichli ushi Sheba hohchifo hosh ibbak a wielit miko ya im a sanalit, Lewi fehna ka im a sanali hoke: yvmak illa ho hvs sumakma, tmaha holihta ya i filvmit ia lashke, achi tok. Mihma ohoyo hash osh Choab a, Yakeh! noshkobo ha tmaha holihta vbanvblichit et chi pila chi hoke, im achi tok.

22. Yohmi ma ohoyo hash osh hopoyuksa hosh okla moma ka im ona tok. Mihma Bichli ushi Sheba noshkobo ha okla tvbli cha, Choab a okla kocho pit i pila tok. Mihma ishit pufa olachi ma, tmaha holihta yash okla i filvmit, tiapvt, im vlhtipo aiyukali ona tok. Mihma Choab vt falamvt Chelusalem a vlvv, miko ya im vla tok.

23. Mihma Choab vt Islael tvshka chipota moma ka pehliechi tok: mihma Chehoita ushi Benaiah vt Chehlelait vhleha, micha Pehlelait vhleha aiena ka pehliechi tok:

24. Mikma Atolam vt noshkobo atobbi yak o isht vtta tok; mikma Ahilut ushi Chehoshafat vt holisso takalichi atok:

25. Mikma Shefa ak osh holissochi atok: mikma Satok, micha Abiahla ak osh naholitompa isht ashwa atok.

26. Mikma Chailait hatak Ila ak osh pehliche i shahli osh Lewi im ahanta beka tok.

CHAPTA XXI.

YOHMI ma Lewi vt ahanta nitak a afvmmi hosh afvmmikma, hohchahafo kvv afvmmi tuchina tok: mihma Lewi vt Chihowa nashuka ya hoyo tok. Mihma Chihowa vt afalaminchi mut, Sal ak atok, micha in chuka achvfa issish hlatvbli tok ak oke, Kibeonait vhleha ha vbit tahli tok oka, achi tok.

2. Mihma miko vt Kibeonait vhleha ha i howa cha, im achi tok; (mihma Kibeonait vhleha hvv Israel im vlla vhleha ha ai achvfa keyu, amba Amolait okla ha ai unchololi a tok; mihma Israel im vlla vhleha hvv anumpa kvv il onochit i miha tok atok: mihma Sal vt Israel, micha Chutah aiena ka i hullot amohsholi hosh vbi bvna tok.)

3. Yvmohmi ho Lewi vt Kibeonait vhleha ha, Nanta ho hvchi katiomichi la chi cho? micha nanta ho isht atobbi li, Chihowa im ai isha he vhpesa ya anumpa yukpali hvsh onocha chi cho? im achi tok.

4. Mihma Kibeonait vhleha hvv, Sal immi hatuk a tvli hvta, micha tvli holisso lakna, keyukmut in chuka achvfa immi hatuk ak oh kia pi ahalaia he keyu, micha pishno ak atuk mak o hatak nana kia Israel yakni ya ish ai vba he keyu hoke, im achi tok. Mihma, Nana ho hvsh achikma, yvmak o hvchi yvmihchi la chi hoke, im achi tok.

5. Mihma miko ya okia afalaminchit, Hatak pi tahli tuk, micha mosholit pi taha cha, Israel aiasha fullota ka kanima il asha he keyu ka chi ho, nana anukfillit pi sanali tuk ak o,

6. Ushi vhleha hatak untuklo hosh pibbak a fohka cha, Chihowa vt atokoli tok Sal yvmvvt ai vta tok Kibeah ak o, Chihowa ya il im a takohlichashke, im achi tok. Mihma miko vt, Chima lashke, achi tok.

7. Yohmi kia miko vt Sal ushi Chonahlan a ushi Mefiboshelh ano apoanchi tok: anumpa kvv Chihowa ya im ikbit it ima tok takali hatuk oka, Lewi, micha Sal ushi Chonahlan it in takanli hatok.

8. Amba miko vt Aiah ushetik Lispah ushi tuklo Sal a

im eshi tok, Almoni, micha Mefiboshelh, micha Sal ushetik Michal ushi tahlapi yummvt Meholahlait hatak Basillai ushi Atliel a i hofantichi tok aiena kak o ishi tok.

9. Micha Kibeonait vhleha ibbak a fohki na nvnih pak-naka Chihowa itikba takohlichi tok: nana vmo nitak bali vmot isht ia vmona fehna ho vbi na untuklo kvv moma hosh it apihvt akakoha tok.

10. Mihma Aiah ushetik Lispah vt nahishi nantvna ishi. cha, tvi ya ai anta chi kvv ompatali mvv, nan vmot isht ia ak atuk vt oka vt vba minti kvv onvtula ont vhi ka, nitak a vba hushi puta kvv ik om binili ik ahno, micha ninak a kovi nampoa puta kvv ik yvmohmi, ik ahno beka tok.

11. Atuk o Aiah ushetik Lispah Sal im itaiena yvv nana yvmihchi tuk a Lewi ya im anoli tok.

12. Mihma Lewi vt ivv Sal foni, micha ushi Chonahlan foni ya Chabesh-kileat hatak vhleha, yvmak osh Filistin vhleha hvv Sal a Kilboa ya ai vbi mvv, Filistin vhleha hvv Belh-shan ai itvnowa hina a takohlichi tuk o ont hvkopa tok a, ont im ishi tok.

13. Michā yvma Sal foni, micha ushi Chonahlan foni ya ont ai isht vla tok: micha vba takohlichi tuk ash foni ya okla aiowa tok.

14. Mihmvv Sal, micha ushi Chonahlan foni ya Benjamin i yakni Selah iki Kish im ahollopi ak o okla hohpi tok: micha miko vt nana im apihisa tuk ak o moma yvmihchi tok. Micha yvmohmi kak o Chitokaka vt yakni yash isht asilhha ma, vhpesa im ahni tok.

15. Atuk o anonti Filistin vhleha hvv Israel a it in tanampi tok: mihma Lewi, micha in tishu vhleha aiena kvv ia cha, Filistin vhleha ha itibi tok: mihma Lewi vt hoyvblit isht ia tok.

16. Mihma Ishbi-benob, yummvt hatak chaha ushi vbleha ha ai achvfa yosh in tvi tvi halupa ontvla noshkobo asonak lakna yosh weki kvv shekel tahlepa tuchina tok; micha bshpo falaia himona yo vskofaiyachi tuk osh Lewi ya vbi ka ahni tok.

17. Yohmi tuk kia Seluah ushi Abishai vt apela cha,

Filistin ash fahama mvt, vbi tok. Yohmi ma Lewi in tvshka vhleha hvt anumpa kvllo i mihvt, Himakma pi awant itibit ish ia he keyu, yvmohmi hosh Israel i pvla ka chik mosholecho kashke, im achi tok.

18. Atuk o ilvppa i himmakma yakohmi tok, anonti Kob a Filistin vhleha ha ai itibi tok: yohmi ma Hushahlait hatak Sibbechai vt Saf a vbi tok, yvmvt hatak chaha ushi vhleha ha ai achvfa hatok.

19. Atuk osh anonti Filistin vhleha ha Kob a ai itibi tok, yvmak o Chaale-olechim ushi Elhanan Behlehem hatak vt Kittait hatak Koliah itibapishi ha ai vbi tok; yvma in tvbi tvli halupa ontvla vpi vt nantvna im iti okhowata ak o chohmi tok.

20. Atuk osh himakma Kalh a ai itibi tok; yvma hatak chaha fehna yosh ibbak achvfa ka ibbak ushi hannali, micha iyi achvfa ka iyi ushi hannali, holhtina kvv pokoli tuklo cha, akucha ushta tok; micha yvmak kia hatak chaha im vta atok.

21. Atuk osh Israel a pafi ma, Lewi itibapishi Shimeah ushi Chonahlan vt vbi tok.

22. Ushta ilvppvt hatak chaha yash im asha tuk osh Lewi ibbak, micha in tishu vhleha ibbak ak o isht akakoha tok.

CHAPTA XXII.

MIHMA Chihowa vt Lewi ya in tvnvp moma ibbak, micha Sal ibbak aiena ka a hlakofichit taiyahli nitak yvma taloa anumpa ilvppa Chihowa ya im anumpuli tok.

2. Michā, Chihowa vt an tvli chito, a holihta kvllo, micha sa hlakofichi yoke.

3. Chitokaka an tvli chito, yvmak o anukhieto la chi hoke: yvmak osh an telihpa, micha vm ai okchaya lapish, a holihta chaha, micha vm ahlakofi, sai okchalnchi yoke: chishno ak osh sa hotopala hinla ka is sa hlakoficha chi hoke.

4. Holitopvt isht anumpa he vlpesa Chihowa ya i pa

haya la chī hoke : yohmi li hosh an tūvup puta ka ī hlakofi la chī hoke.

5. Nan illi banvtha kv̄t si afolubli tuk ; hatak haksi puta oka chito yanvllit pulhki chohmi kv̄t sa nukshobli tuk ;

6. Aiokpuloka nukhv̄m̄mi vt si apakfoyubli tuk ; nan illi isht hokli vt si afama tuk ;

7. Yvmohmit sa komunta mv̄t, Chihowa yak o ī pahaya li tuk, micha an Chitokaka yak o ilbv̄sha li tuk oke ; mihma v̄m anumpa ha im aholitopa et v̄m a haponaklo tok ; v̄m anumpa ilbv̄sha yv̄t haksobish a chukowa tok oke.

8. Yohmi ma yakni vt winakv̄chi cha, wv̄nihinchi tok ; anukhobela hatuk o, v̄ba ai ontalaia puta kv̄t kanv̄lli cha, winakv̄chi tok.

9. Mihma nukhobela ma, shobulli kv̄t kohchvt v̄ba maya ma, luak vt itakha ya kohcha kv̄t okpv̄nit tahli tok : tobaksi vt ishit libbi tok oke.

10. Ūba shutik ak kia bichulli cha akowa tok ; mihma iyi nutaka ya hoshonti okhlili hosh talaiia tok.

11. Micha chelub om binili cha, hikvt aya tok : micha mahli sanaḥchi om binili cha aya hosh haiaka tok.

12. Micha okhlilika, hoshonti umba lusa, micha v̄ba hoshonti sukko ka isht im ompoholmo ikbit il afolubli cha aya tok.

13. Itikba libbi kv̄t tobaksi luak vt ishit libbi tok.

14. Chihowa vt v̄ba ya hiloha tok, micha Chaha ī shahli hv̄t et olachi tok.

15. Micha ī naki puta ka pila cha, fimmi tok : hv̄shukm̄v̄lli ya pila cha, komuntv̄chit yuhli tok.

16. Micha Chihowa vt im av̄m̄mi ma, im ai ī nukkilli fiopa kv̄t mahli ma, okhv̄ta ataya puta kv̄t haiaka, yakni ai ontalaia puta kv̄t haiaka tok.

17. Ūba ya et piv̄t sv̄shi tok, oka laua ya halv̄llit a sa kohchi tok.

18. An tūvup kv̄llo, micha a nukkilli tuk v̄hleha ha a sa hlakofichishke ; an kv̄llo fehna tuk oke.

19. A sulbv̄sha nitak a okla si afama tok oke ; yohmi kia Chihowa ak osh sa halv̄lli yatuk oke.

20. Micha kohchit achito ka susht vla tok: si ahninchī hatuk osh, sa hlakofichī tok oke.

21. Ai vlhpiesa si yvmohmi tuk mak o Chihowa vt si yvmihchi tok; svbbak vt kashofa tuk mak o vm atobbi tok oke.

22. Chihowa i hina foyukvt aya lish, micha shitilemvt an Chitokaka ya ak i filvmmo tok oka.

23. Nan apesvt yvmihinchī moyuma kv̄t sa tikba takali chatuk; micha i nan vlhpisa puta ka i filvmmi li chatuk keyu hoka.

24. Micha itikba ya ai ahli biekā hosh aya lish, nana ai ashvchi li ya ak il ahalaiacho chatuk oke.

25. Yvmohmi hoka nana ai vlhpiesa yvmohmi li tuk mak o, i holhponayo itikba ya sa kashofa tuk mak o, Chihowa vt vm atobbi tok oke.

26. Nan i nukh̄aklo yokma, nan i nukh̄aklo yosh ish im ile haiakvcha hi oke; ai vlhpiesa yvmohmi hatuk okma, ai vlhpiesa yvmohmi yosh ish im ile haiakvcha hi oke.

27. Kashofa yokma, kashofa yosh ish im ile haiakvcha hi oke: isht acheba yatuk okma, ik achukmo hosh ish im ile haiakvcha hi oke.

28. Micha chishno ak osh okla ilbvsha ya ish okchalincha hi oke: amba ilefehnvchi ano aka isht ish la chi hosh chi nishkin vt onvtoyula hoke.

29. Chishno ak osh am p̄vla chia hokvt, Chihowa ma! micha Chihowa vt vm okhlilika ya an tohwikelicha hi oke.

30. Chishno pulla kak o tvshka laua ka malelit hlopulli li tuk okvt: an Chitokaka pulla kak o holihta chaha o walvbi li tok oke.

31. Nan okluha imaiya ak okvto im vlhtayak vt ai ahli yoke; Chihowa im anumpa hv̄t imomaka pisa yoke: anukchieto puta ka in telihpa yoke.

32. Kv̄ta hosh Nan okluha imaiya yo? Chihowa ak bano keyu cho? kv̄ta hosh tvli chito yo? pin Chitokaka ak bano keyu cho?

33. Chitokaka ak osh vm i hlampko, micha isht ai ahli li yoke; ataya li ka vlhpiesa ho vm ikbi hoke.

50. Yvmohmi hoka oklushi puta ititakla ya a chi aiokpahanchi la hi oke; micha chi hohchifo ha holitoblichit chin talohowa la chi hoke.

51. Yvmmak osh i miko ya i holihta chaha ai okchaya yoke: micha nan ahamvt im vlhtoka Lewi, micha im ai unchololi ya isht i nukhaklo vt i haiakahanchi na bilia hoke, achi tok.

CHAPTA XXIII.

MICHA Lewi im anumpa ishtaiyopi kv̄t ilvppak oke. Chesse ushi Lewi vt, micha chahvchit vba binilechi tok hatak vt, Chekob in Chitokaka nan ahamvt im vlhtoka, micha Israel in taloa imponna yvt yak ahanchi tok.

2. Chihowa imi Shilombish vt sa tohno na anumpuli li tok; micha im anumpa hv̄t sa sunlvsh a a takali tok.

3. Israel in Chitokaka vt yak achi tok, Israel in Tvli chito vt vm anumpulit, Hatak vhleha ha pehlichy kv̄t aivlhpiesa he vlhpesa, Chitokaka ya i nukwia hosh pehliecha he vlhpesa hoke.

4. Michā onnahinli tohwikeli hv̄shi vt kohchvt mihinti kak o, onnahinli hoshonti iksho, hv̄shuk waloha achukma yosh umbvt issa cha, tommi shohkavalikma yakni offot a kohcha kak o chiyuhma he vlhpesa hoke, achi tok.

5. An chuka achufa yvt Chitokaka ya i yvmohmi keyu ak inli kia, yohmi kia nana it im vlhpisa bilia sa tim apihisa tok ai oklv̄hv̄t vlhtaiyaha cha, ik ahlo keyu ka hi oke: ilvppak osh ai okchaya li vt yvmmak bano hoke, micha yvmmak bano hō ai ahni li hoke, offochi keyu kisha ak inli kia.

6. Yohmi kia Belial hatak vhleha kv̄no moma kv̄t kv̄ti ishit kanchi ya chohma hi oke, ibbak a isht isha he keyu hoka.

7. Amba kv̄na hosh potola hinlakmvt, tvli yo im vlhtaha he vlhpesa, tvbi falaia tvli halupa ontvla yo iesha he vlhpesa hoke; mikma yvmmak inli hō luak okla ishit lvt vmohma hi oke, achi tok.

8. Hatak hlampko chilita vhleha hosh Lewi vt im asha

tok hohchifo kv̄t ilvppak oke. Tachmonait hatak kv̄pitvni v̄hleha ĩ noshkoboka yosh ai om binili om binili tok; yvm-mvt Esnait hatak Atino ak atok; tahlepa tuchina hō in tv̄bi tv̄li halupa ontula o weli mvt, himonna achvfa ka v̄bit tahli tok.

9. Micha yv̄mma iakaya kv̄t Ahohait hatak Toto ushi Eleasa, yv̄mmvt Israel hatak v̄hleha hv̄t kanima iv̄t taha tuk o, Filistin v̄hleha hv̄t itiba ch̄i hosh iti hoyot itv̄naha ma, hatak hlampko chilita tuchina Lewi apeha hosh p̄fi tuk a ibai achvfa tok.

10. Yv̄mmvt wakaya cha, Filistin v̄hleha h̄a issot kahan-chi mvt, ibbak vt tikambi cha, bv̄shpo falaia ȳa ibbak vt a kv̄llo tok: mihma Chihowa vt nitak yv̄mma imaiyv̄chichi fehna tok: mihma okla hv̄t peh wehpula ch̄i hosh falamvt iakaiya tok.

11. Mihma iakaya kv̄t Halalait hatak Akee ushi Sham-mah ak atok: atuk o Filistin v̄hleha hv̄t iti hoyot itv̄naha cha, yakni iskitini tubi hullo aiasha hō nan v̄lhpoa v̄pa hoyot lokoli tok: mihma okla hv̄t Filistin v̄hleha itikba ȳa yihlepa tok.

12. Yohmi kia yakni yash iklv̄na hikia cha, afohōwa mvt, Filistin v̄hleha h̄a v̄bit tahli tok: mihma Chihowa vt imaiyv̄chichi fehna tok.

13. Atuk o noshkoboka pokoli tuchina ka tuchina hosh nan v̄mo ai v̄lhpesa hō iv̄t Atullam hichukbi Lewi ai v̄tta ka ona tok: mihma Filistin tv̄shka chipota hv̄t Lefaim okfa hak o binachi tok.

14. Yohmi ma Lewi vt hichukbi yō anta tok; mihmv̄no Filistin tv̄shka chipota hv̄t Behlehem ak o aiasha tok.

15. Mihma Lewi vt bunna fehna cha, Kv̄na kia Behlehem kv̄li hofobi holihta okhissa bilika hikia ka, oka ont ai ishit ant sapetak bano, achi tok.

16. Mihma hatak hlampko chilita tuchina kash osh Filistin tv̄shka chipota ȳa tiv̄blit hlopulli cha, Behlehem kv̄li hofobi holihta okhissa bilika hikia tuk ont ai ochit ishi cha, Lewi ȳa isht v̄la tok: yohmi kia ishka he keyu hosh, amba Chihowa ȳa in hlatv̄bli tok.

17. Micha, Ilvppa chiyuhmi ka yvmihchi la hi vt olanli iksho kashke, Chihowa ma! ilvpput ilap im ilhfiopak a ish-kvnpachit ia tuk issish mak keyu cho? achi tok: yvmohmi hatuk osh ishka he keyu tok. Ilvppa puta ka hatak hlampko chilita tuchina ilvppak ash osh yvmihchi tok.

18. Mihma Choab itibapishi Seluiah ushi, Abishai ak osh tuchina ka i noshkoboka atok: in tvbi tvli halupa ontvla o weli cha, tahlepa tuchina h_o vbit tahli tok: micha hohchifo hvt tuchina kak o ibafoyuka tok.

19. Holitopa kv_t tuchina kash i shahli tok keyu cho? yvmohmi hosh p_hlich_i atok: yvmohmi kia tuchina v_mmona kvno ik ono ki tok.

20. Mihma Chehoiata ushi Benaiah, hatak chilita nukwia iksho Kabseel minti ushi yosh, nana kaniohmi kv_t laua tuk vt, Moab hatak tuklo hosh koi chito chohmi h_o vbi tok: micha oktusha h_o ia cha, koi chito vt yakni kula f_oka ma vbi tok.

21. Micha Echip hatak osh hatak pisa achukma h_o vbi tok: mihma Echip hatak ash osh tvbi tvli halupa ontvla ieshi tok: mihma tvbi y_o ieshi cha, im ona mv_t, tvbi tvli halupa ontvla Echip hatak ibbak fohka kash mokofit im ishi cha, ilap in tvbi tvli halupa ontvla yash inli h_o isht vbi tok.

22. Ilvppa puta kak o Chehoiata ushi Benaiah vt yvmihchi tok; micha hatak hlampko chilita tuchina kak o hohchifo hvt ibafoyuka tok.

23. Holitopa kv_t pokoli tuchina kash i shahli tok; yohmi kia v_mmona tuchina kash ano ik ono tok. Mihma Lewi vt ilap atoni ya p_hlich_i hilechi tok.

24. Choab itibapishi Asahel vt pokoli tuchina kash ibafoyuka tok; Behlehem hatak Toto ushi Elhanan,

25. Halotait hatak Shammah, Halotait hatak Elika,

26. Paltait hatak Heles, Tekoit hatak Ikkesh ushi Ila,

27. Anehloh_lait hatak Abiese, Hushahlait hatak Mebunnai,

28. Ahohait hatak Salmon, Netofahlait hatak Mahalai,

29. Netofahlait hatak Baanah ushi Heleb, Benchamin im vlla vhleha h_a ai achvfa Kibiah minti Libai ya ushi Ittai,

30. Pilahlonait hatak Benaiah, Kaash bokushi puta minti Hittai,
31. Abahlait hatak Abi-albon, Bahumait hatak Asmafelh,
32. Shaalbonait hatak Eliahba, Chashen ushi vhleha ha ai achvfa Chonahlan,
33. Halalait hatak Shammah, Halalait hatak Shala ushi Ahiam,
34. Maachahlait hatak ushi Ahasbai ya ushi Elifelet, Kilonait hatak Ahiblofel ushi Eliam,
35. Kamelait hatak Heslai, Abait hatak Paalai,
36. Sobah minti Nahlan ushi Ikal, Katait hatak Bani,
37. Ammonait hatak Seleke, Seluah ushi Choab i naha-lupa sholi Beelohlait hatak Nahalai,
38. Ilhlait hatak Ila, Ilhla hatak Kaleb,
39. Hittait hatak Uliah: moma kv̄t pokoli tuchina aku-cha untuklo tok.

CHAPTA XXIV.

A NONTI. Chihowa im ai i nukkilli vt Israel a i sanalit libbi tok; Lewi ya anukfohki na, Ia cha, Israel micha Chutah ya ish hohtinashke, im achi tok oke.

2. Mihma miko vt tvshka chipota vhleha i kvpitvni ibafoyuka tuk Choab a, Himak a ia cha, Israel apelhichi moma Tan vttvt ia kv̄t Bee-sheba ont vhli ka hlopullit, okla ha ish hotihnashke, yohmi na okla holhtina ka ithana lashke, im achi tok.

3. Mihma Choab vt miko ya, Yohmi ka holhtina kv̄t ik kanihmi hoh kia chin Chitokaka Chihowa vt okla ha in lohmi tahlepa achvfa ka ibafohkashke, mikma a shahli miko nishkin vt pisashke: yohmi kia nanta katiohmi ho a shahli miko vt nana ilvppa isht im achukma cho? im achi tok.

4. Yohmi kia miko im anumpa hv̄t Choab, micha tvshka chipota i kvpitvni vhleha aiena ka imaiya tok. Mihma Choab, micha tvshka chipota i kvpitvni vhleha aiena kv̄t Israel okla ha hotihna chi hosh miko itikba ya a kohchvt ia tok.

5. Mihmvt Chatan a hlopullit ia mvt, tmaha holihta okhina Kat iklvna talaia im ishtimpak imma, Chase pilla Aloe yak o ont binachi tok.

6. Yohmi mvt Kileat a okla ona cha, Tahtim-hotshi yakni ya ona tok: micha Tan-chaan a ona mvt, fullotvt Siton a ona tok.

7. Michā Taia holihta kvllō ya onvt, Hifait okla in tmaha holihta puta, micha Kenanait okla in tmaha holihta puta moma ka ona tok: micha Chutah ya im oka mahli pilla okla ivt Bee-sheba ont vhlīchi tok.

8. Yvmohmi tuk osh yakni moma ka hlopullit taiyahli mvt, hvshi chakkali cha, nitak pokoli tuklo kv̄t ont taha ma, Chelusalem a okla v̄la tok.

9. Mihma Choab vt okla holhtina moma ka m̄iko yash ant ima tok: mihma Is̄rael a hatak chilita nukwia iksho bvshpo falaia ieshi kv̄t tahlepa sipokni tahlepa untuchina tok: mikma Chutah hatak v̄hleha hv̄t tahlepa sipokni tahlepa tahlapi tok.

10. Atuk o okla h̄a hotihna hayak o, Lewi chukvsh vt v̄hli tok. Mihmvt Lewi vt Chihowa ya, Yv̄mma yvmihchi li kv̄t ashvchi li fehna tuk oke: yohmi ka Chihowa ma! himak a chin tishu nanashvchi ya isht ish kanv̄llichashke, chim asilhha lishke; v̄m anukfila iksho hosh yvmihchi li tuk oka, im achi tok.

11. Onnahinli Lewi vt tani ma, Chihowa im anumpa hv̄t hopaii Kat, Lewi i napisa ya im v̄la cha,

12. Ia cha, Lewi ya yak im achī, Chihowa vt, Nana tuchina h̄o chin takalichi lishke; achv̄fa h̄o ish atokolashke, yohmikma ch̄i yvmihchi lashke, yak achishke, ish im achashke, achi tok.

13. Yohmi ma Kat vt Lewi ya im v̄la cha, im anolit, Afv̄m̄mi untuklo hohev̄fo hosh ch̄i yakni ya chim v̄la ch̄i cho? ak cho? hvshi tuchina h̄o chin tv̄nvp̄ puta kv̄t ch̄i hlioli na ish in chahafa ch̄i cho? ak cho? ililli okpulo vt nitak tuchina h̄o ch̄i yakni ya aya ch̄i cho? himak a ish anukfilli cha, anumpa falama kaniohmi h̄o et sa pila tuk a falv̄mmichit isht im ona la ch̄i ka ish mibashke, im achi tok.

14. Mihma Lewi vt Kat a, Ai atikonofa fehna hō hikia lishke: himak a Chihowa ibbak ak o e fohkashke; isht i nukhaklo vt chinto hoka; micha hatak ibbak ano ak fohko kashke, im achi tok.

15. Yohmi hō Chihowa vt Israel a illi okpulo et onochi na onnahinli yō isht ia mvt, nitak vhpisa tuk ont ai vhpiesa tok: mihma okla illi kvt Tan vttvt ivt Bee-sheba ont vhli ka hatak tahlepa sipokni pokoli untuklo tok.

16. Atuk o enchel vt Chelusalem a issot kancha chī hosh ibbak weli ma, Chihowa vt nana ik achukmo ka ishit nukhaklo mvt, okla issot kanchi enchel a, Uhpesá, himak a chibbak a ish issvchashke, im achi tok. Mihma Chihowa im enchel ash osh Chebusait hatak Alaunah im anihechi yak o bilika hikia tok.

17. Atuk o Lewi vt okla issot kanchi enchel a pisa mvt, Chihowa ya im anumpulit, Yakeh! vno ak osh nan ashvchit, vno ak osh nan ik vhpeso fehna yvmihchi li tuk oke: yohmi kia chukvhpōa ilvppvt nanta hō katiohmi tuk oh cho? chibbak vt vno, micha aki in chuka achvfa yak o i sanalashke, chim asilhha lashke, achi tok.

18. Mihma Kat vt nitak ymma Lewi ya im vla cha, Ia cha, Chebusait hatak Alaunah im anihechi ya alta Chihowa ya im ikbit ish hilechashke, im achi tok.

19. Mihma Chihowa vt nana apesa na Kat vt achi tuk mak o, Lewi vt ia tok.

20. Mihma Alaunah vt hopokoyo mvt, miko, micha in tishu vhleha aiena kvt minti na pisa tok. Michā Alaunah vt kohcha cha, miko itikba ya akachunolit nashuka ya aka ishit hlipia tok.

21. Mihma Alaunah vt, Nanta katiohmi hō a shahli miko vt in tishu hā im vla cho? achi tok: mihma Lewi vt, Chim anihechi ya chumpa lish, Chihowa ya alta im ai ikbi likma, illi okpulo vt okla hā i yokopa chī kak oke, achi tok.

22. Mihma Alaunah vt Lewi ya, A shahli miko vt nana kak osh im vhpesakmvt, ishi cha, isht aiokpvchashke: yakeh! na hukmit isht aiokpvchi vto wak vt yak hinlishke, iti yokvto nana ishit nihechi, micha wak ishit toksvli aiena kvt yak ashvshke, im achi tok.

23. Nana ilppa puta moma ka Alaunah vt miko chohmit miko yash ima tok. Micha Alaunah vt miko ya, Chin Chitokaka Chihowa vt chim aiokpvchashke, im achi tok.

24. Mihma miko yash osh Alaunah ya, Ahá! amba vbi ho chin chumpa li pulla chi hoke: micha an Chitokaka Chihowa ya nana a kvnia tuk keyu hokvto na hukmit isht aiokpvchi la he keyu hoke. Yohmi ho Lewi vt anihechi, micha wak aiena ka tvli hvta shekel pokoli tahlapi ho chumpa tok.

25. Mihma Lewi vt Chihowa ya yvmma alta im ai ikbi cha, na hukmit isht aiokpvchi puta, micha it i nanaiyuchi isht aiokpvchi puta aiena ka im issa tok. Yohmi ho yakni ya isht ilbvshvt anumpuli ka Chihowa vt vlvpesa im ahni na ililli okpulo vt yokopa tok.

MIKO UHLEHA

ISHT ANUMPA UMMONA HOKE.

MIKO UHLEHA

ISHT ANUMPA UMMONA HOKE.

CHAPTA I.

MIHMA miko Lewi vt sipoknit taiyaha, nitak in lauvt taiyaha tok; mihma anchi isht ompohomo kia, libisha he keyu tok.

2. Yohmi ma in tishu vhleha hvt, A shahli miko ya ehoyo himita hatak haleli keyu yo i hoyashke; mikma miko ya itikba hikia cha, heh ahnit sholashke, micha chi apota na, a shahli miko vt libishashke.

3. Yohmi ho ehoyo himita pisa aiokli ho Israe*l* aiasha fullota moma ka a hoyo mvt, Shunamait ehoyo Abishak ahayuchi cha, miko ya isht im vla tok.

4. Mihma ehoyo himita yash osh pisa aiokli fehna tok; mihmvt miko ya heh ahnit shoyuli cha, nana isht im ahanta tok: yohmi kia miko vt ik ithano tok.

5. Yohmi ma Hakkilh ushi Atonichah vt ile chahvchit, Uno ak osh miko la chi hoke, achi tok: mihmvt tvnvp itichanvlli puta, micha issuba om binili vhleha, micha hatak pokoli tahlapi aiena tikba malela chi ka il atahli tok.

6. Mihma iki vt nitak nana kia, Nanta katiohmi ho ish yumihebi cho? achit im alvmmi keyu hatok: micha hatak pisa achukma tok; Absalom iakaiya ho ishki vt sholi atok.

7. Atuk o Seluiah ushi Choab, micha Abiahla naholitompa isht vtta ya it im anumpuli tok: mihma Atonichah ya iakaiyvt okla cha, apelvchi tok.

8. Yohmi kia Satok naholitompa isht vtta, micha Chehoiata ushi Benaiah, micha Nablan hopaii, micha Shimei, micha

Lei, micha hatak hlampko chilita vhleha aiena Lewi apēhvt a_gsha vt Atonichah y_a ik ibafoko tok.

9. Mihma Atonichah vt chukfvlhpoa, micha wak, micha wak ilhpitvt nia aiena h_o Sohelelh tvli y_a bilika, yvmvvt En-lokel ituma y_a ai vbi mvt, itibapishi vhleha moma, miko ushi vhleha, micha miko in tishu vhleha, Chutah hatak vhleha moma ka im anoli tok.

10. Amba Nahlan hopaii, micha Benaiah, micha hatak hlampko chilita vhleha, micha itibapishi Solomon aiena kvno ik im anolo tok.

11. Yvmohmi ma Nahlan vt Solomon ishki Balh-sheba y_a im anumpulit, Atonichah Hakkilh ushi vt miko ka chik haklo tuk oh cho? mihma Lewi pi shahli vt ik ithanoshke, achi tok.

12. Yvmohmi hoka inta! himak a chim asilhha lishke, nana ak chi miha na chishno chim ilhfiopak, micha chiso Solomon im ilhfiopak ita tuklo ka ish hlakofichashke.

13. Ia cha, chukowvt miko Lewi y_a im ona cha, A shahli, miko ma! chin tishu ohoyo h_a anumpa kvllo il onochit ish i miha kv_t; Chiso Solomon ak osh siakaiyvt miko cha, vm ai ombinili holi_tompa y_a ombinili pulla hi a is svm achi tok keyu cho? yohmi hokak o nanta katiohmi h_o Atonichah vt miko cho? ish im achashke.

14. Yakeh! miko y_a it im anumpulit isht ish anta itin-takla ma, vno ak kia chiakaiyvt chukowa lish, chim anumpa h_a ai ahlichilashke, achi tok.

15. Mihma Balh-sheba vt miko y_a ibachukowvt anusi aboha y_a chukowa tok: mihma miko vt sipokni fehna tok: mihma Shunamait ohoyo Abishak vt miko y_a nana isht im ahanta tok.

16. Mihma Balh-sheba vt miko y_a im akachunoli cha, aiokpvchi tok. Mihma miko vt, Nanta h_o ish ahni cho? achi tok.

17. Mihma, A shahli ma! chishno vt chin tishu ohoyo h_a anumpa kvllo il onochit chin Chitokaka Chihowa pulla ka isht is sa mihvt, Chiso Solomon ak osh siakaiyvt miko pulla cha, vm ai ombinili holi_tompa y_a ombinila hi oke, ish ahanchi tok.

18. Yohmi tok okak o himak a yakeh! Atonichah ak osh mīkoshke; mihma himak a, a shahli mīko chia hvt chik ithanoshke.

19. Micha wak, micha wak ilhpitvt nia, micha chukfvlhpoa aiena ka lauachit vbi cha, mīko ushi vhleha moma, micha Abiahla naholitompa isht vtta, micha tvshka chipota i kvpitvni chito Choab aiena ka im anoli tok: yohmi kia Solomon chin tishu hano ik im anoloshke.

20. Mihma a shahli mīko ma! kvna hosh iakaiyvt a shahli mīko im ai ombinili holitompa ya ombinila chī ka ish im anola chī ho, Israe'l moma i holhponayo vt chishno ak o chi onvtoyulvshke.

21. Yvmmak keyukma yakohma hi oke, a shahli mīko vt iki vhleha takla nusikma, vno micha svso Solomon ita tuklo kvv nan i sanali pi holhtina hi oke.

22. Atuk o yakeh! mīko ya im anumpulit isht anta moma ma, Nahlan hopaii vt ant chukowa tok.

23. Mihma mīko ya im anolit, Yakeh! Nahlan hopaii yoke, achi tok. Micha ant chukowvt mīko itikba vla mvv, mīko itikba ya akachunolit nashuka ya aka pit ishit hlipia tok.

24. Mihmvv Nahlan vt, A shahli mīko ma! Atonichah ak osh siakaiyvt mīko cha, vm ai ombinili holitompa ya ombinila chī hoke, ish achi tuk oh cho?

25. Himak nitak a ia cha, wak, micha wak ilhpitvt nia, micha chukfvlhpoa aiena ka lauachit vbi cha, mīko ushi vhleha moma, micha tvshka chipota i kvpitvni vhleha, micha Abiahla naholitompa isht vtta ya im anolishke: mihma yakeh! itikba ya impvt, micha ishkot ai asha cha, Chitokaka yvt mīko Atonichah ya okchalinchashke, okla ahanchi hoke.

26. Amba vno, vno fehna chin tishu sia, micha Satok naholitompa isht vtta, micha Chehoiata ushi Benaiah, micha chin tishu Solomon ano ik im anoloshke.

27. A shahli mīko vt nana ilvppa yvmihchi tuk okak osh kvna hosh a shahli mīko ya iakaiyvt im ai ombinili holitompa ya ombinila hi a, chin tishu ha chik i haiakvcho tuk oh cho? achi tok.

28. Yohmi ma miko Lewi vt afalamichit, Balh-sheba ya hus sa hoyashke, achi tok : mihma miko ya ant iba chukowa cha, miko itikba ya hikia tok.

29. Mihma miko vt anumpa kullo il onochit, Chihowa yummak osh vmi shilombish ai itikonofa puta a hlakofhinchi chatuk vt okchaya pulla ka,

30. Anumpa kullo il onochit, Israel in Chitokaka Chihowa pulla ka ishit chi mihet, Chiso Solomon vt siakaiyvt mika he, micha si vlhtobvt vm ai ombinili holitompa ya ombinili pulla hi oke, achi li tok ; yohmi tok okvt himak nitak a yvmihchi la chi pulla hoke, achi tok.

31. Yohmi ma Balh-sheba vt nashuka ya aka pit isht akachunoli cha, miko ya aiokpvchi tok ; micha, A shahli miko Lewi vt okchaya na biliashke, achi tok.

32. Mihma miko Lewi vt, Satok naholitompa isht vtta, micha Nahlan hopaii, micha Chehoiata ushi Benaiah aiena ka hus sa hoyashke, achi tok. Mihma miko itikba ya okla vla tok.

33. Mihma miko vt, Chi shahli in tishu vhleha ha pehlichich cha, svso Solomon a vm issuba haksobish falaia yash ombinilichi cha, Kihon a isht hvsh onashke.

34. Mikma Satok naholitompa isht vtta, micha Nahlan hopaii ita tuklo kvv yummak ash o nan ahvmmmit Israel i miko isht ai atokolashke : micha ishtpufa ya olachit, Chitokaka vt miko Solomon a okchalinchashke, hvsh achashke.

35. Yohmikma iakaiyvt hvsh minti na vlvv, vm ai ombinili holitompa ya om binilashke ; yummak osh si vlhtobvt miko ya chi hoke : micha yummak Israel micha Chutah aiena ka i miko ya chi ho atokoli li tuk oke, im achi akinli tok.

36. Mihma Chehoiata ushi Benaiah vt miko ya im afalamichit, Amen ; a shahli miko in Chitokaka vt yummak o achi ak inlashke.

37. Chihowa vt a shahli miko ya ibafoyuka chatuk vt chiyuhmit Solomon a ibafoyuka cha, im ai ombinili holitompa ya chitoli kvv a shahli miko Lewi im ai ombinili holitompa ya i shahlichashke, achi tok.

38. Yohmi ho Satok naholi' ompa isht vtta, micha Nahlan

hopaii, micha Chehoiata ushi Benaiah, micha Chelehlait vhleha, micha Pelehlait vhleha aiena kv̄t ia cha, Solomon ā m̄iko Lewi im issuba haksobish falaia ya ombinilichi cha, Kihon ā isht ona tok.

39. Mihma Satok naholitompa isht vtta vt tabenakel ā lapish bila vlhto ya ai ishit kohchi cha, Solomon ā nan ahv̄mmit atokoli tok: mihma ishit pufa ya okla olachi tok: mihma okla moma kv̄t, Chitokaka vt m̄iko Solomon ā okchalinchashke, ahanchi tok.

40. Mihma okla moma kv̄t et iakaiyvt minti mvt, oskula puta olachit yukpa fehna hosh na yukpa tok; yohmi ma ola kak ō yakni vt winakv̄chi tok.

41. Mihma Atonichah, micha im annoa hosh apeha tuk aiena kv̄t impvt issa mvt, haklo tok. Mihma Choab vt ishit pufa ola ka haklo mvt, Nanta katiohmi h̄o tmaha holihta ya nana ola shakapa ilv̄pvt yvmohmi hoh cho? achi tok.

42. Atuk ō anumpulit isht anta moma h̄o yakeh! Abiahla naholitompa isht vtta ushi Chonahlan vt ai vla tok: mihma Atonichah vt, Chukowá; hatak ehilita nukwia iksho chia hokvt, nan annoa achukma isht ish la hoke, im achi tok.

43. Mihma Chonahlan vt afalamichit Atonichah ya, Ahlishke, p̄i shahli m̄iko Lewi vt Solomon ā m̄iko ikbishke.

44. Michā m̄iko ash osh Satok naholitompa isht vtta, micha Nahlan hopaii, micha Chehoiata ushi Benaiah, micha Chelehlait vhleha, micha Pelehlait vhleha aiena ka apelinchit pila na, m̄iko im issuba haksobish falaia yash okla ombinilichishke:

45. Mihma Satok naholitompa isht vtta, micha Nahlan hopaii ita tuklo kv̄t Kihon ak ō nan ai ahv̄mmit m̄ikochishke; mihma yv̄mma ashvt nayukpa hosh mintishke; yohmi h̄o anonti tmaba holihta vt winihv̄chishke. Shakapa ilv̄pak ō hv̄sh haklo tuk oke.

46. Michā Solomon vt apelhlichika ai ombinili holitompa ya ombinili akinlishke.

47. Michā yohmi ma m̄iko in tishu vhleha hv̄t p̄i shahli m̄iko Lewi ya im vla cha, anumpa yukpali onochit, Chihōwa

vt Solomon hohchifo h_a holitoblichy kv_t chy hohchifo h_a i shahlichashke, micha im ai ombinily holitompa y_a chitoly kv_t chim ai ombinily holitompa y_a i shahlichashke, okla achishke: mihma m_iko vt in topa binily il akachunoly tuk oke, im achi tuk.

48. Mihma m_iko vt yak achit, Israel in Chitokaka Chihowa, yvmmak osh himak nitak a vm ai ombinily holitompa y_a ombinily chy k_a vma kv_t holitopashke, sa nishkin akinly kv_t pihisvshke, achi akinly tuk oke, im achi tok.

49. Mihma im annoa atuk moma Atonichah y_a apehvt aiasha tuk vt nukshopa cha, wakaya mv_t, hatak vt i hina ai yukaly kv_t iv_t taha tok.

50. Mihma Atonichah vt Solomon pulla kak o nukshopa mv_t, wakayvt ia cha, alta lapish puta ka ont hoklyt ishy tok.

51. Atuk o Solomon a im anolyt, Yakeh! Atonichah vt m_iko Solomon a i nukshopvshke: yakeh! alta lapish puta ka hoklyt ishy cha, Solomon m_iko vt in tishu h_a bvshpo falaiya isht vba he keyu kv_t himak nitak a anumpa kv_llo il onochit a mihashke, achishke, achi tok.

52. Mihma Solomon vt, Hatak v_lhpiesa chiyuhmit aya hokmv_t, p_ashy achvfa kyia aka itulya he keyu: amba na haksy vt atakalyt haiaka hokmv_t, ilya hy oke.

53. Yohmy ma m_iko Solomon vt pyt hoyo na, alta ont ay ishyt okla isht v_la tok. Mihma v_lvt m_iko Solomon a il im akachunoly tok: mihma Solomon vt, Chyn chuka y_a iy_a, im achi tok.

CHAPTA II.

MIHMA Lewy vt ay ilya he nitak vt tabvt mihinty tok; mihma ushy Solomon a atokolyt i mihvt,

2. Yakny moma kv_t aty chatak a iy lishke: yvmohmy hoka ishy kv_llo cha, hatak a_hly yosh ishy il otvnyhinchaske;

3. Mycha chyn Chitokaka Chihowa vt atokolyt chy myha kak o ishy im anty chya, i hina puta ishy a noh_owa chya, i nan v_lhpisa puta, mycha im anumpa v_lhpisa puta, mycha i nan ay ishyt apesa puta, mycha i nan ay ishyt il atokolyt puta ayena kv_t

Moses i nanvhpisa a holisso tok a, ish ieshashke; yvmohmi hosh nana h_o ish kaniohmikmvt, micha kanima y_o pit ish fullotakmvt, hopoyuksa hosh ish ayashke:

4. Yohmi na Chihowa vt im anumpa ishit si anumpulit, Chim vlla vhleha hvt ai itvnowa kvv ahah! ahni cha, ch_y-kvsh aioklvhanchit, micha imi shilombish aioklvhanchit sa tikba aiahli hosh itvnoh_owakma, Israel ai ombinili holitompa y_a ombinila hi vt hatak achvfa kia ik chim iksho ka he keyu hoke, achi tok vt aiahlichashke.

5. Micha Seluah ushi Choab vt nana sa kaniohmichi tok, micha Israel tvshka chipota i kvpitvni chito tuklo, Ne ushi Abne, micha Chehle ushi Amasa itatuklo, yvmmak oka vbi cha, it i nanaiyvt a_{sha} h_o, tvnvp issish hlatvbli tok; micha tvnvp issish a im vskofvchi isht vskofaiyachi tok, micha shulush iyi hoyolo tok aiena ka, issish lapalahinchi tok a ish ithaiyanvshke.

6. Yvmohmi hoka chi hopoyuksa mak osh ish kaniohmichashke, micha noshkobo tohbi hvt ai achukmakvt ahollopi y_a ona hi o chik im ahno kashke.

7. Amba Kileatait hatak Basillai ushi vhleha hano ish i kanashke; mikma chim ai impa y_a ai ihimpa vhleha h_a ibafoyukashke: yohmi hosh chitibapishi Absalom a i maleli li ma, okla vm vla tuk oka.

8. Micha yakeh! Kela ushi Benchamait hatak Bahulim minti Shemei vt chi takla antvshke, yvmmak okvt Mahanaim ia li nitak a anumpa kalakshichi ik achukmo fehna h_o ishit sa kalakshichi tok: yohmi tuk kia vlvv Chatan a si afama na Chihowa hochifot anumpa kvllo ilonochit i miha li mvt, Bvshpo falaia y_a ishit chibi la he keyu, achi li tok.

9. Yvmohmi hoka himak a na hotopa he vlvhpesa keyu ka chik chohmecho kashke: hatak hopoyuksa chia hokvt nana ish kaniohmicha he vlvhpesa kvv ish ithaiyanvshke: amba noshkobo tohbi y_a issish o ahollopi y_a isht ish onashke, achi tok.

10. Mihmvt Lewi vt iki vhleha h_a takla nusi cha, Lewi in tvnaha holihta yak o ahollopi tok.

11. Micha Lewi vt Israel a i mikot nitak moma kvv afvm-

mi pokoli ushta tok: afvmmi untuklo h_o m_iko_t Heblon a ahanta tuk osh, afvmmi pokoli tuchina akucha tuchina h_o Chelusalem a a m_iko tok.

12. Yohmi ma Solomon vt i_ki Lewi im ai ombinili holi-
tompa ya ombinili tok; mihma im apelihchika yvt kullot
hikia fehna tok.

13. Mihma Hakkilh ushi Atonichah vt Solomon ishki
Balh-sheba ya im ona tok. Mihma, Nanaiya hosh ish aya
cho? im achi tok. Mihma, Nanaiya li hoke, achi tok.

14. Micha achakalinchit, Nana chim achi la hi vt vm
ashvshke, achi tok. Mihma, Mihá, achi tok.

15. Mihma, Apehlichika yvt vmmi hatok a, micha Israel
moma kv_t vno ak osh m_iko la he ahnit, nashuka ya si ono-
chi tuk a ish ithanvshke; yohmi akinli kia apelihchika yvt
shanaiya cha, itibapishi li toba tuk oke: Chihowa yak osh
ahni h_o immi hatuk oka.

16. Yohmi ka himak a nana achvfa h_o chim asilhha lish-
ke, ahá chik sv_m acho kashke, achi tok. Mihma, Mihá, im
achi tok.

17. Mihma, Solomon m_iko ya ish im anumpulashke,
(ahá chim acha he keyu hoka,) mikma Abishak Shunam-
mait ohoyo ha vma na sa tekchi yashke, achi tok.

18. Mihma Balh-sheba vt, Ome, m_iko ya chim it im
anumpuli lashke, achi tok.

19. Yvmohmi h_o Balh-sheba vt Atonichah Solomon a im
it im anumpula ch_i hosh im ona tok. Mihma m_iko vt
wakayvt afama cha il im akachunolit ai ombinili holi-
tompa ya ombinili mv_t, m_iko ishki ya ai ombinili i hilecha ch_i ka,
i miha tok; mihma ishtimpak imma ya binili tok.

20. Mihma, Nana iskitini achvfa h_o chim ahni lishke;
ahá chik sv_m acho kashke, chim asilhha lishke, achi tok.
Mihma m_iko vt, Asilhhá, hvshki ma! ahá chim achi la he
keyu hoke, im achi tok.

21. Mihma, Abishak Shunammait ohoyo hash o chitiba-
pishi Atonichah ya ish ima na tekchi yashke, achi tok.

22. Mihma m_iko Solomon vt afalamichit, ishki ya, Kati-
ohmi h_o Atonichah ya Abishak Shunammait ohoyo ha ish

im asilhha cho? apeshchika yak kia ish im asilhashke; (ymvni yoka;) yvmma, micha Abiahla naholitompa isht vtta, micha Seluah ushi Choab aiena ka; im achi tok.

23. Yohmi ma Solomon miko vt Chihowa hochifot anumpa kvllo il onochit miha mvt, Chitokaka yvt si yakohmichit, micha i shahli kia, Atonichah vt ilap im ilbfopak akinli ho i sanali hosh, ik anumpulo ke tuk okma, si yvmihchashke.

24. Yvmohmi hoka himak a Chihowa vt okchaya pulla cha, yvmmak osh kvllochit sa hilechi cha, aki Lewi im ai ombinili holitompa ya si ombinilichi tuk, micha miha tuk mak osh chuka vm ikbi tuk oka, himak nitak Atonichah vt illa chi hoke, achi tok.

25. Mihmvt Solomon miko vt Chehoiata ushi Benaiah ya tohnot pila na, ont onvtola na illi tok.

26. Mihma Abiahla naholitompa isht vtta yano miko vt, Ia cha, chim osapa akinli, Anahlolh taloha kak o ish onashke; chilla he vhpesa hokvt; yohmi kia himak ano chibi la he keyu, aki Lewi itikba Chitokaka Chihowa im itombi holi-topa ya sholit ish aya beka tok, micha aki vt isht ai ilbvsha moma ka, ish ibai ilbvsha beka tok oka, im achi tok.

27. Yvmohmi ho Solomon vt Abiahla vt Chihowa naholitompa isht im vtta yatuk a kocha pit tobli tok; yvmohmi hosh Chihowa im anumpa ha Eli in chuka achvfa yvt Shiloh ya asha ka ai isht anumpohonli tok a, aiahlicha chi hatok.

28. Mihma anumpa hvvt Choab a im ona tok; (Choab vt filvmmmit Absalom a iakaiya tok keyu akinli kia, filvmmmit Atonichah ya iakaiya tuk okvt:) mihmvt Choab vt malelit Chihowa in tabenakel a ona cha, alta lapish puta ka hoklit ieshi tok.

29. Atuk o Choab vt malelit Chihowa in tabenakel a ona cha, yakeh! alta bilika ya hikivshke, achit miko Solomon a im anoli tok: mihma Solomon vt Chehoiata ushi Benaiah ya pila mvt, Ish ia cha, ont ish onvtolashke, achi tok.

30. Atuk o Benaiah vt Chihowa in tabenakel a ona cha, Miko vt, Ish kohchashke, yak achishke, achi tok. Mihma Ahá amba ilvppak o a sulla chi hoke, achi tok. Mihma

Benaiah vt miko ya anonti anumpa isht vla cha, Choab vt yak achishke, micha afalamichit ilvppak o vm achishke, achi tok.

31. Mihma miko vt, Miha tuk mak o ish yvmihchi cha, ont ish onvtola cha, ish hohpushke; yvmohmi hosh issish nan okpuni keyu Choab vt hlatvbli tok a vno, micha aki in chuka achvfa ya ai ishit ish kanchashke.

32. Mikma yvmmvt hatak tuklo hosh aivlhpiesa, micha achukma kvv ilap a i shahli, yvmmvt Ne ushi Abne, Islael tvshka chipota i kvpitvni chito, micha Chehle ushi Amasa Chutah tvshka chipota i kvpitvni chito ya, aki vt ik ithano ho, onvtolvt bvshpo falaia isht vbi tok oka, Chihowa vt ilap noshkobo akinli ho im issish a falvminchit onochashke.

33. Yvmohmi hoka yvmma im issish vt Choab noshkobo, micha im isht atiaka noshkobo ha onvtoyula na biliashke: amba Lewi, micha im isht atiaka, micha in chuka achvfa, micha im ai ombinili holitompa aiena yano Chihowa vt ahni na it i nanaiya na bilia chi hoke, im achi tok.

34. Yvmohmi ma Benaiah Chehoiata ushi vt ivt ont onvtolvt vbi tok; mihma ilap in chuka akinli yakni haiaka ya a hollopi tok.

35. Mihma miko vt atobbichit Chehoiata ushi Benaiah yak o, tvshka chipota pehlichil hilechi tok; micha miko vt naholitompa isht vtta Satok ak o Abiahla ya atobbichi tok.

36. Michamiko vt Shimei ya pit hoyo cha, Chelusalem ak o chuka ish ai ikbi cha, yvmmak o ish ahantashke, micha yvmma kohchvt kanima ish ia na.

37. Yakohma hi oke, kohchvt ish ia cha, Kitlon bokushi ya ish vbanvbli nitak yvmma chilli pulla hi vt ish ithaiyanashke: chim issish vt chi noshkobo hak inli ho onvtoyulashke, im achi tok.

38. Mihma Shimei vt miko ya, Anumpa hvv achukmvshke: a shahli miko vt achi tuk mak o, chin tishu hvv yvmihcha chi hoke, im achi tok. Mihmvt Shimei vt nitak laua ho Chelusalem a ahanta tok.

39. Atuk o yakohmi tok, afvmmi tuchina kvv ont taha ma, Shimei in tishu vhleha ha tuklo kvv tihlayvt Kalh i miko Maachah ushi Achish a im ona tok: mihma Shimei ya

im anolit, Yakeh! chin tishu tuklo kash osh Kalh a ash-wushke, achi tok.

40. Mihma Shimei vt wakaya cha, im issuba haksobish falaiya ya ompatali cha, in tishu tuklo kash hoyot aya hosh Kalh a onvt, Achish a im ona tok: micha Shimei vt in tishu tuklo kash Kalh a ont ai isht vla tok.

41. Atuk o Solomon a im anolit, Shimei vt Chelusalem a kohchvt ivt Kalh a ona tuk osh anonti vlvshke, achi tok.

42. Mihma miko vt Shimei ya pit hoyo cha, Chihowa hochifot anumpa kvllo il onochichit atokolit chi miha li kvv, Nitak yvmma kohchvt, kanima ish ayakmvt, chilli pulla chi kvv ish ithaiyanashke, chim achi li tok keyu cho? mihma chisno vt, Anumpa haklo li ka achukmvshke, is svv achi tok.

43. Yvmohmi hoka nanta katiohmi ho Chihowa hochifot anumpa kvllo im ilonochi, micha anumpa atokolit chi miha li tuk aiena ka chik iesho tuk oh cho? im achi tok.

44. Michi miko vt achakalinchit Shimei ya, Nahaksi moma chi chukvsh vt ahalaiya kvv ish ithanvshke, yvmmvt aki Lewi ya nana ish kaniohmichi tok; yvmohmi hoka Chihowa vt nana chi haksi ya chishno chi noshkobo akinli ho falvmminchit onocha chi hoke:

45. Mikma miko Solomon vt holitopakma, Lewi im ai ombinili holitompa vt Chihowa itikba ya kvvllot hikia na bilia hi oke, im achi tok.

46. Yvmohmi ma miko vt Chehoiata ushi Benaiah ya i miha ma, yvmmvt kohchvt ia cha, onvtola na illi tok: mihma apelihika yvt Solomon ibbak ak o fohkvv kvvllot hikia tok.

CHAPTA III.

MIHMMA Solomon vt Echip i miko Feleo ya it i kanomi toba cha, Feleo ushetik a ishi cha, Lewi in tmaha holihta ya isht vla na ahanta na ilap in chuka, micha Chihowa in chuka, micha Chelusalem aholihta apakfoyupa aiena ka atahli haya tok.

2. Peh okla hvt achahaka puta ka nan vbit ai isht aiokpuchi beka tok; nitak yvmma foka ik ono kisha Chihowa hohchifo ka aboha yvt ik in tobo kisha hatuk oka,

3. Mihma Solomon vt Chihowa ya holitobli cha, iki Lewi vt nanvlhpisa puta ka a nohwa beka tok a anohwa tok: yohmi kia achahaka puta ka nan vbit ai isht aiokpuchit nabalama a hukmi beka tok.

4. Micha yvmmak o miko vt nan vbit ai isht aiokpucha chi hosh Kibeon a ona tok; yvmmak osh achahaka holitopa hatuk oka: alta yvmma na hukmit isht aiokpuchi tahlepa sipokni achvfa ho Solomon vt ai onochit isht aiokpuchi tok.

5. Kibeon a Solomon vt ninak a holhpokna ma, Chihowa vt i haiaka tok: micha Chitokaka yvt, Nana chima la chi ka is svm asilhashke, achi tok.

6. Mihma Solomon vt, Chin tishu Lewi aki ya chi tikba ya aiallit, micha ai vlhpiesvt, micha chukvsh apissalit chiba nohwa tuk mak o ish i nukhaklo kvv chito tuk oke; micha ish i kana chito ilvppa ish im ieshi moma cha, ushi yosh im ai ombinili holitempa ya ombinili ka ish ima tok o himak nitak a yvmohmishke.

7. Micha an Chitokaka Chihowa ma! himak a aki Lewi ya atobbichit chin tishu ha miko ish ikbishke; yohmi kia peh vlla sa fehna hoke: kohchvt ihiya, micha ant chukohwa kvv ak ithanoshke.

8. Micha chin tishu hvt chim okla, okla chito ish atokolit ish ishi tok o, apakna kvv holhtinvv taha he keyu ho, ai iklvna hikivshke.

9. Yvmohmi hoka chin tishu hvt chim okla ha nan im apesa chi ka chukvsh nan ithana ish ima na nana achukma, micha nana ik achukmo aiena ka akostinichi lashke: kvvta hosh chim okla chito yakohmi ka nan im apesa hinla cho? achi tok.

10. Mihma Solomon vt nana ilvppa asilhha tuk anumpa ha, Chihowa vt aiokpanchi tok.

11. Micha Chitokaka yvt, Nana ilvppak o ish asilhha cha, nitak falaia chik il asilhho, micha imilayak chito chik il asilhho, micha chin tvvvp vhleha im ilhfiopak a chik asilhho

hatuk osh ; amba chukvsh nan ithana nan ai vllhpiesa kak o isht ish akostinincha chi kvt ish il asilhha hoka :

12. Yakeh ! chim anumpa pulla tuk mak o yvmihchi lishke : yakeh ! chukvsh hopoyuksa, nan ithana aiena ka chima lishke ; yohmi ho chi tikba aiasha kvt chishno chohmi tok keyu, micha chiakaya kvt chishno chohmi kvt wakayvt hikia chi keyu hoke.

13. Micha nana ish asilhha tuk keyu aiena ka chima lishke, imilayak chito, micha hohchifo holitopa aiena ka chima lishke : yohmi ho chi okchayvt ish ahanta nitak moma ka, miko nana kia chishno chiyuhmi kvt iksho ka chi hoke.

14. Micha a hina puta kak o ish aya cha a nan vllhpisa puta, micha vm anumpa vllhpisa puta aiena ka ieszit, chiki vt anohowa tok mak o, chiyuhmit ish ayakma, nitak a chi falaiachi la chi hoke, im achi tok.

15. Mihma Solomon vt okcha tok ; mihma yakeh ! holhpokna hatuk achini tok : atuk osh Chelusalem a vla cha, Chihowa nan it im apesa afoyuka itombi holitopa itikba ya hikia cha, na hukmit isht aiokpvchi puta onochit im issvt, itinanaiyvchi isht aiokpvchi puta im issa mvt, in tishu vhleha moma ka impvchi tok.

16. Yohmi ma ohoyo tuklo kvt haui yosh miko ya im itonachi cha, itikba hieli tok.

17. Mihma ohoyo achvfa kash osh, A shahli ma ! vno, micha ohoyo ilvppa itatuklot aboha achvfa ho il ashwa hoke ; atuk o aboha il ashwa ho vlla eshi li tuk ;

18. Atuk o yakohmi tok, vlla eshi li tuk nitak ont atuchina ma, ohoyo ilvppak kia vlla eshi ak inli tuk : mihmvt itatuklot il ashwa tuk oke : aboha ya inla kia pi takla anta tuk keyu, e tuklo ak illa hosh aboha ya il ashwa tuk oke.

19. Atuk o ohoyo ilvppa im vlla vt ninak a illi tuk, onvtola hatuk o.

20. Mihma ninak iklena ma wakaya cha, chin tishu ohoyo hvv nusi hosh itonla ma, svso hvv si apotvt itonla tuk a ishi cha, shakba fohki mvt, im vlla illi yash sa shakba fohki tuk oke.

21. Atuk o onnahinli ma vm vlla ya pishichi la chi hosh

wakaya li ma, yakeh! illi tuk atuk: yohmi tuk kia onnahinli ma achukmalit pisa li ma, yakeh! svso eshi li tuk a keyu tuk, achi tok.

22. Mihma ohoyo achvfa vt, Keyú, amba okchaya yak osh svso hokma, illi yak osh chiso hoke, achi tok. Mihma ilvppak ash osh, Keyú, amba illi yak osh chiso hokma, okchaya yak osh svso hoke, achi tok. Yak achit miko itikba ya ai anumpohonli tok.

23. Yohmi ma miko vt, Achvfa kvv, Okchaya yak osh svso hokma, chiso hvto illi ak oke, achi ma, achvfa vt, Keyú, amba illi yak osh chiso ak okma, svso hak osh okchaya ak oke, achishke, achi tok.

24. Mihma miko vt, Bvshpo falaiia isht oh vm vlá, achi tok. Mihma miko itikba ya bvshpo falaiia ya isht im vla tok.

25. Mihma miko vt, Ulla okchaya ya ish ita hokofit ish tuklochi cha, iklvna ka achvfa ya ish imakmvt, achvfa ya iklvna ka ish imashke, achi tok.

26. Mihma ohoyo vlla im okchaya yash osh, ushi ya chvkvsh vt o kanvlli hatuk osh miko ya, A shahli ma! vlla okchaya ya ish imashke, micha ik kaniohmi kia chikbo kashke, achi tok: amba achvfa kash osh, Pishno keyu bikashke, amba peh ita hokofashke, achi tok.

27. Yohmi ma miko vt afalamichit, Yvmmak o ish imashke, micha ish bi ná, yvmmak osh ishki yoka, achi tok.

28. Atuk o Israel moma kvv nan apesa miko vt apesa tuk a okla haklo mvt, miko ya i nukshopa tok: Chitokaka im ahopoyuksa nukfoyukvvt nan apesa ka pisa hokvt.

CHAPTA IV.

MIHMA miko Solomon vt Israel moma ka i miko tok.

2. Mihma ilvppa puta kak osh i holitompa vhleha atok; naholitompa isht vtta Satok ushi Asaliah atok;

3. Eliholef micha Ahiah itatuklo kvv holissochi yosh Shisha ushi atok: Ahilvt ushi Chehošhafat vt holisso takalichi atok.

4. Mikma Chehoiata ushi Benaiah vt tvshka chipota pehlichy atok: mikma Satok micha Abiahla itatuklo kvv naholito mpa isht ashwa atok;

5. Mikma Nahlan ushi Asaliah ak osh nanvlhtoka moma pehlichy atok: mikma Nahlan ushi Sabul ak osh holitompa i shahli yosh miko i kana atok:

6. Mikma Ahisha vt chuka achvfa apesvchi atok: mikma Abta ushi Atonilam vt noshkobo atobbi natoksvli apistikeli atok.

7. Mikma Solomon vt nan vlhtoka auah tuklo hosh Israel moma ka pehlichy hosh im asha cha, yvmmak osh miko micha in chuka achvfa ya pinak im ahayuchi tok: afvmmikma hvshi achvfa aiyuka ho pinak a ahayuchi beka tok.

8. Ilvppak osh hohchifo hoke; Hu ushi vt nvnih Eflaim a a hoyo tok.

9. Mikma Teka ushi vt Makas, micha Shaal-bim, micha Belh-shemesh, micha Elon-belh-hanan aiena ka a hoyo tok.

10. Hesel ushi vt Alubolh a ahoyo tok: yvmma Sokoh, micha Hefe yakni moma kvv im aiena tok.

11. Abinitab ushi vt To afullota moma ka a hoyo tok: yvmma tekchi vt Solomon ushetik Tafalh ak atok.

12. Ahilut ushi Baana vt Taanak, micha Mekitto, micha Belh-shean, yvmmvt Satanah bilika Chesleel nutaka talaia kvv moma, Belh-shean vttvt ia hosh Abel-meholah Choknean misha tvnrvp talaia ka ona ka a hoyo tok.

13. Kebe ushi Lamolh-kileat vttv yvt Manasseh ushi Chai in tvmaha puta Kileat ataloha ka; micha Akob afullota Bashan talaia, tvmaha hochito pokoli hannali hosh aholihta, micha holihta okhissa okhowvkvchi vt asonak lakna yo a hoyo tok.

14. Itto ushi Ahinatab vt Mahanaim ak o a hoyo tok.

15. Ahimaas vt Naftali ak o a hoyo tok; yvmmvt Solomon ushetik Basmalh vt tekchi ya chi ho ishi akinli tok.

16. Hushai ushi Baanah vt Asha, micha Alohl itatuklo kak o a hoyo tok.

17. Paluah ushi Chehoshafat vt Issaka yak o a hoyo tok.

18. Elah ushi Shimei vt Benchamin ak o a hoyo tok.

19. Uli ushi Kebe vt Kileat yakni Amolait okla i miko Sihon i yakni, micha Bashan i miko Ok i yakni aiena kak o a hoyo tok: micha yakni ymma nanvlhtoka vt yymmak illa hosh ahanta tok.

20. Mihma Chutah, micha Israel aiena kv̄t apakna kv̄t shinuk osh' okhv̄ta lapalika aiasha kak o chiyuhmi cha, im-
pvt nanishkot, nayukpvt aiasha tok.

21. Mihma Solomon vt apehlichika puta moma okhina puta vttvt ia hosh, Filistin okla i yakni ona mvt, Echip aivhli ona h̄o a miko tok; nahvlbina puta isht im ahanla cha, Solomon vt okchayvt ahanta nitak puta moma ka im antihya tok.

22. Mihma Solomon vt nitak achvfa h̄o i pinak vt bota tohbi lipihbi vlhpisa pokoli tuchinakma, onush pushi vt vlhpisa pokoli hannali tok,

23. Wak hobvk ilhpitvt nia pokoli, micha wak hobvk pokoli tuklo h̄o aiimpa holihta akochikmvt, chukfulhpoa tahlepa achvfa, micha lapitta puta, micha issi puta, micha issikosoma holba puta, micha akaka ilhpitvt nia puta aiena ka, nitak achvfa ka vbi beka tok.

24. Im apehlichika yvt okhina ola in tvnnpv̄t afulloa moma Tifsah ya vttvt ia hosh Assah ya ont vhli cha, okhina ola in tvnnpv̄t miko moma ka pehliechi hatuk okvt: micha abilika fullota moma ka it i nanaiya bieka tok.

25. Mihma Chutah, micha Israel aiena kv̄t nana im akanihmi iksho hosh, hatak puta kv̄t Solomon vt ahanta nitak puta moma ka, Tan vttvt ia hosh Bee-sheba ont vhli ka i pakvpi nutaka, micha i fik vpi nutaka aiasha tok.

26. Michā Solomon vt issuba tvnnpv̄t itichanvlli halvlli ai ilhpita vt tahlepa sipokni pokoli ushta, micha issuba ombinili vt tahlepa sipokni auah tuklo hosh im asha tok.

27. Mihma nanvlhtoka ymma puta kash osh hvshi ont im ai vlhpiesa aiyukalikmvt, miko Solomon a, micha miko Solomon im aiimpa ai vla puta ka, pinak im ahayuchi beka tok: nan ik im ono kv̄t iksho tok.

28. Issuba, micha kamel holba aiena kv̄t vpa ch̄i ka bali, micha onush vpi aiena ka nanvlhtoka aiasha ka, im vlhpisa tuk aiyukali kv̄t isht im ohna beka tok.

29. Mihma Chitokaka yvt Solomon a hopoyuksa, micha nan ithana atampa fehna, micha chukvsh chito kvv okhvta lapalika shinuk aiasha kak o chohmi ho ima tok.

30. Mihma Solomon hopoyuksa kvv hvshi akochaka in chipota vhleha moma hopoyuksa, micha Echip hopoyuksa moma ka i shahli tok.

31. Hopoyuksa kvv hatak moma ka i shahli tok okvt: Eslahait Ehlan, micha Heman, micha Chalkol, micha Tata, Mahol ushi vhleha ha i shahli tok: micha holitopvt oklushi moma fullota im annohowa tok.

32. Michamamiha tablepa sipokni tuchina anumpohonli tok; mikmvt im ilhtaloak vt tablepa sipokni achvfa cha tahlapi tok.

33. Michamiti puta isht anumpuli kvv, chuahla vt Lebanon a a hikia ka ai isht iakmvt, hissop vt tvli holihta ai offot atuya ka ont vhlchi tok: micha nampoa puta, micha hushi puta, micha nana balahanli puta, micha nvni puta aiena ka isht anumpohonli tok.

34. Mihma okla moma ka a minti kvv Solomon hopoyuksa ka haponakla chi hosh yakni paknaka miko puta kvv hopoyuksa ka haklo puta ka a minti kvv vla tok.

CHAPTA V.

YOHMI ma Taia i miko Hiam vt in tishu vhleha ha Solomon a i pila tok: (iki ya atobbichit yummak o nan ahvmmitt miko okla atokoli tuk a haklo tuk okvt:) Hiam vt Lewi ya holitobli bilia chatuk okvt.

2. Mihma Solomon vt Hiam a anumpa i pila cha,

3. Aki Lewi vt tvnvp vt aiashvt apakfoyupa bieka kak o, Chihowa vt iyi i nutaka ik ashacho kisha ma, in Chitokaka Chihowa hohchifo pulla ka chuka im ikba he keyu tok a, ish ithanvshke.

4. Yohmi tok kia himak ano an Chitokaka Chihowa vt afoha a fullota moma vma na, tvnvp nana kia micha nana ik achukmo kia ikshoshke.

5. Yohmi ka yakeh! aki Lewi ya Chihowa vt im anum-pulit, Chi atobbichit chiso chim ai ombinili holitompa ombinilichi la chi kak osh, sa hohchifo ha chuka im ikba hi oke, achi tuk mak o, an Chitokaka Chihowa ya hohchifo ha chuka im ikbi ka vm anukfilvshke.

6. Yrmohmi hoka himak a ish im apesa na, Lebanon a chuahla ya an tvhlashke; mikma an tishu vhleha hvv chin tishu vhleha ha apehvt aya chi hoke: chin tishu vhleha toksvli ka kaniohmi ho ish apesakma, moma chishno yak o chima lashke: pi takla ya Sitionian vhleha ha chohmit iti tvhli imponna kvv iksho ka ish ithana hokvt, achi tok.

7. Atuk o yakohmi tok, Hiram vt Solomon im anumpa ha haklo hvv, nayukpa fehna cha, Chihowa vt okla chito ilvppa pehliecha chi ho, Lewi ya ushi hopoyuksa ima tuk vt, himak nitak a holitopashke.

8. Micha Hiram vt Solomon a anumpa pit i pivt, Nana ahnit et is sam pila tuk a anukfillit pihisa lishke: iti chuah-la, micha iti shakolo holba nana ish ahni tuk moma ka yvmihchi la chi hoke.

9. An tishu vhleha hvv Lebanon a ai ishit okhvta ha isht onakma, okhvta okvchit okpalalichit kanima yo ish apesakma, ont a kohcha he apesa likma, ish ishashke; micha an chuka achvfa pinak ish im ahayucha he ahni li ka, ish yvmihcha chi hoke, achi tok.

10. Yohmi ho ahni tuk mak o, Hiram vt Solomon a iti chuahla, micha iti shakolo hoiba ya ima tok.

11. Mihma Solomon vt Hiram a in chuka achvfa vt vpa chi ka onush vlvhpa tahlepa sipokni pokoli tuklo, micha bila kashofa vlvhpa pokoli tuklo ho ima tok: yakohmit Solomon vt Hiram a avmmikma ihima tok.

12. Mihma achi tok mak osh, Chihowa vt Solomon a hopoyuksa ya ima tok: mihma Hiram micha Solomon vt it i nanaiyvvt ahshwa tok: mihma tuklo kvv anumpa ai itibai achvfa it im apesvt okla tok.

13. Mihma Solomon miko vt Israel moma ka nan atokoli isht ahanta tok; mihma vlvhtoka kvv hatak tahlepa sipokni pokoli tuchina tok.

14. Micha ai itiakaiya hō hvshi achvfakma, Lebanon a hatak tahlepa sipokni pokoli hō pila beka tok ; hvshi achvfa hō Lebanon a mayakmvt, hvshi tuklo hō ilap in chuka aasha beka tok : mihma Atonilam ak osh vlhtoka yash pehliechi beka tok.

15. Mihma Solomon vt nvnih foka ya nan sholi vt tahlepa sipokni pokoli untuklokma, iti tvhli vt tahlepa sipokni pokoli untuchina hosh im aasha tok.

16. Solomon i nan vlhtoka vhleha i shahli puta natoksvli yash apistikeli vhleha hvv aashakma, okla toksli apistikeli vt tahlepa sipokni tuchina cha, tahlepa tuchina tok.

17. Mihma miko vt apesa na, tvli hochito, micha tvli hoolitopa puta, micha tvli tvhla aboha in tola bohla chi kvv isht vla tok.

18. Mihma Solomon chuka im ikbi vhleha, micha Hilam chuka im ikbi vhleha aiena kvv tvli itilauechi atuk vt tvhli tok ; yohmi hō aboha ikba chi kvv iti micha tvli aiena ka atahli tok.

CHAPTA VI.

ATUK o yakohmi tok, Israel vt Echip yakni ya a kohchvt minti tok a, afvmmi tahlepa ushta, micha pokoli untuchina, micha Solomon vt Israel a i miko tok a afvmmi ont ai ushta, Sif hvshi, yvmmvt hvshi atukla hō Chihowa in chuka ikbit isht ia tok.

2. Mihma chuka Solomon vt Chihowa ya im ikbi kvv, falaia kvv kubit pokoli hannalikma, auata kvv kubit pokoli tuklokma, chaha kvv kubit pokoli tuchina tok.

3. Mikma aholitopa aboha itikba ya hoshontika yvt hikia hosh, falaia kvv kubit pokoli tuklo cha, aboha yash auata kak inli chohmi mvt, auata kvv aboha itikba ya kubit pokoli tok.

4. Micha aboha ya okhissushi atohwikeli ik auato puta ka ikbi tok.

5. Micha aboha tvli itvbana ya vba potvlhpo puta ka tikelichit apakfoblichit ikbi tok ; aboha tvli itvbana aholitopa, micha aholitopa moma i shahli aiena ka kocha yak o

tikelichit apakfoblichit ikbi tok: micha vba potvlhpo in tola puta apakfoblichit kahpuli tok.

6. Ūba potvlhpo aka fehna kv̄t auata kv̄t, kubit tahlapikma iklv̄na vt auata kv̄t kubit hannalikma, ont atuchina kv̄t kubit untuklo tok: aboha tv̄li itvbana kocha ya, ai o kaha ch̄i ka anukaka pit kanvllichit apakfoyubli ho, iti potvlhpo intola puta kv̄t aboha tv̄li itvbana ik shamv̄llo ka chin tok.

7. Mihma aboha yvt toba takla ma, tv̄li ya isht ik lo k̄isha ho, v̄lhtaha tuk o isht ikbi tok: yohmi ho chofak isht ahonv̄hli, micha iskifa, micha tv̄li nana ishit toksv̄li nana kia aboha yvt toba takla ma ik haklo tok.

8. Ūba potvlhpo iklv̄na ya achukowa okhissa vt aboha im ishtimpak imma in tv̄nvp ak o hikia tok: micha apakfokv̄chit atuya oiya hosh vba potvlhpo iklv̄na ya ont chukowa cha, iklv̄na yash a kohcha mvt, ont atuchina ka oiyvt ont chukowa tok.

9. Yohmi hosh chuka yash ikbit tahli tok; micha chuka yash chuahla in tola puta, micha chuahla bv̄sha aiena ho ishit homo tok.

10. Yohmi mvt aboha tv̄li itvbana moma ka vba potvlhpo puta chaha kv̄t kubit tahlapi ho tikelichit ikbi tok: micha chuahla in tola hosh aboha itvbana o kaha ho on taloha tok.

11. Mihma Chihowa im anumpa hv̄t Solomon a im v̄la mvt,

12. Chuka ikbit isht ish ahanta ilv̄ppak okv̄no, a navvlhpisa puta ish a nohova cha, a nan ai isht apesa puta kak o ish yvmihinchi cha, vm anumpa v̄lhpisa moma ka ish ieshit ish a nohovakma, yvmohmikma ch̄iki Lewi ya im achi li tok, vm anumpa ha chim ai ahlich̄i la hi oke.

13. Mikmvt Israel im v̄lla v̄hleha takla ahanta likmvt, vm okla Israel a kanchi la he keyu hoke, achi tok.

14. Yvmohmit Solomon vt chuka yash ikbit tahli tok.

15. Mihmvt aboha anukaka ya chuahla iti yo isht ikbi tok; chuka anukaka ya iti potvlhpo v̄ttvt ia hosh aboha ishit holmo itvbana ont v̄hli ka isht ikbi tok; micha anukaka ya iti yo lapalichi mvt, aboha potvlhpo ya shakolo holba bv̄sha yo patali tok.

16. Mihmvt aboha v̄hli v̄ttvt ia hosh kubit pokoli tuklo h̄o ont v̄hli, micha iti potv̄lhpo v̄ttvt ia hosh v̄ba potv̄lhpo ont v̄hli h̄o chuahla bv̄sha ȳo lapalichi tok; ila an̄ukaka ȳo Chihowa ai ili haiakahanchi aholitopa moma ī shahli ya chi ka ikbi tok.

17. Mihma yv̄mmak ash itikba hikia kv̄t aboha, yv̄mmvt aholitopa aboha yvt falaia kv̄t kubit pokoli ushta tok.

18. Mihma aboha an̄ukaka chuahla ȳa chakonlichit loh-bobochit napakanli bokanli puta ka hobachit ikbi tok; chuahla bicka tok; tv̄li vt haīka kv̄t iksho tok.

19. Micha aboha an̄ukaka yak ō Chihowa nan itim apesa afoyuka itombi holitopa ȳa talala chī hosh, aholitopa moma ī shahli ȳa atahli tok.

20. Mihma aholitopa moma ī shahli itikba vt falaia kv̄t kubit pokoli tuklokma, auata kv̄t kubit pokoli tuklokma, chaha kv̄t kubit pokoli tuklo tok; mihma tv̄li holisso bano h̄o lapalichit taiyahli tok: micha alta vt chuahla yosh toba ȳa yv̄mihechi hosh lapalichit taiyahli tok.

21. Yohmi mvt Solomon vt aboha an̄ukaka ȳa tv̄li holisso lakna bano h̄o lapalichit taiyahli tok: micha aholitopa moma ī shahli itikba ȳa tv̄li holisso lakna ititakv̄li puta kak ō isht oktv̄bli tok; micha tv̄li holisso lakna ȳo lapalichit taiyahli tok.

22. Micha aboha moma ka tv̄li holisso lakna ȳo lapalichit taiyahli tok; micha aboha moma ka yv̄mihehit taiyahli tok: micha alta aholitopa moma ī shahli bil̄ika hikia ka mominchit tv̄li holisso lakna ȳo lapalichit taiyahli tok.

23. Micha aholitopa moma ī shahli an̄ukaka ȳa, alif iti yosh chelubim tuklo toba hosh, chaha kv̄t kubit pokoli b̄ika h̄o ikbi tok.

24. Micha chelubim ā sanahchi achv̄fa kv̄t kubit tahlapikma, chelubim ā sanahchi achv̄fa vt kubit tahlapi tok: sanahchi achv̄fa ka ont wishakchi fehna v̄ttvt ia hosh, sanahchi achv̄fa ȳa ont wishakchi fehna ona kv̄t kubit pokoli tok.

25. Mikma chelubim achv̄fa yvt kubit pokoli tok: chelubim itatuklo kv̄t v̄lhv̄pisa, micha chito aiena kv̄t achv̄fa tok.

26. Chelubim achvfa chaha kv̄t kubit pokolikma, chelubim achvfa ak kia yohmi akinli tok.

27. Micha chelubim ash aboha anukaka ai iklvna yak o hilechi tok: mihma chelubim a sanahchi yash okla ashavblichī ma, achvfa ka sanahchi vt aboha in tvnnp achvfa ka ont tikeli ma, chelubim achvfa sanahchi vt aboha in tvnnp achvfa ya ont tikeli tok: micha sanahchi vt aboha iklvna ya ai iti tikeli tok.

28. Micha chelubim ash tvli holisso lakna ya lapalichit taiyahli tok.

29. Micha aboha okhowata ka puta moma anukaka, micha kocha aiena ka chakonlichit chelubim puta, micha pam iti puta, micha napakanli bokanli puta chakowt holba puta ka ikbi tok.

30. Micha aboha potvlhpo ya anukaka, micha kocha aiena ka tvli holisso lakna yo lapalichit taiyahli tok.

31. Micha aholitopa moma i shahli achukowa isht okshilita ya, alif iti yo ikbi tok; mikma okhissa tahlalaka lapali, micha paknaka onvtola aiena kv̄t aboha okhowataka kashapa ishit tahlapi tok.

32. Micha isht okshilita tuklo kv̄t alif iti yosh toba tok; micha chakonlichit chelubim puta, micha pam iti puta, micha napakanli bokanli puta, chakowt holba ikbi mv̄t, tvli holisso lakna yo lapalichit taiyahli tok; micha chelubim puta, micha pam iti puta ka tvli holisso lakna yo lapalichit taiyahli tok.

33. Micha aholitopa aboha okhissa tahlalaka lapali puta kv̄t alif iti yo ikbi tok, auata kv̄t aboha okhowataka kashapa ai ushta tok.

34. Mikma isht okshilita tuklo kash osh shakolo holba yosh toba tok: isht okshilita achvfa kv̄t pohla tuklo yokma, isht okshilita achvfa vt pohla tuklo tok.

35. Micha chakonlichit chelubim puta, micha pam iti puta, micha napakanli bokanli puta hobachit ikbi tok; micha achakowa tvli holisso lakna yvt itifohka achukma ho lapalichit taiyahli tok.

36. Micha anukaka wanuta holihta ya tvli tvhla iti onvto-

la tuchina hosh fullota ma, chuahla yosh onvtolvt fullota h_o ikbi tok.

37. Afvmmi ont ai ushta hvshi Sif ak o, Chihowa in chuka in tola ya bohli tok.

38. Atuk osh afvmmi ont isht auah achvfa hvshi Bul, yvmmvt hvshi ont isht untuchina h_o chuka, micha ai imila-yak puta kv̄t ont tahvt hlopulli tok. Yohmi hosh afvmmi untuklo h_o ikbit isht ahanta tok.

CHAPTA VII.

AMBA Solomon vt in chuka akinli ka ikbi kv̄t afvmmi auah tuchina h_o isht ahantvt tahlī tok.

2. Lebanon yakni haiaka aboha ak kia ikbi tok; falaia kv̄t kubit tahlepa achvfa ma, micha auata kv̄t kubit pokoli tahlapi tok, micha chaha kv̄t kubit pokoli tuchina tok; chuahla tonik̄ puta ai itiakaiya hosh ushtakma, okhowatkv̄chi chuahla yosh tonik̄ puta kash o kaha h_o on talali tok.

3. Mihma okhowatkv̄chi tonik̄ pokoli ushta akucha tahlapi ai itiakaiya achvfa ka auah tahlapit ia h_o, o kaha hv̄t chuahla bv̄sha y_o isht ompoholmo tok.

4. Mikma okhissushi puta kv̄t ai itiakaiya yvt tuchina tok; micha atohwikeli vt atohwikeli ya itichapa cha, ai itiakaiya yvt tuchina tok.

5. Mikma okhissa puta, micha tonik̄ moma kv̄t okhissushi puta ka it apissali; micha ai itiakaiya yvt tuchina hosh atohwikeli vt atohwikeli ya it ichapa tok.

6. Michā hoshontika ya tonik̄ puta on talaia h_o ikbi tok, falaia kv̄t kubit pokoli tahlapi ma, auata kv̄t kubit pokoli tuchina tok; mihma hoshontika yvt itikba yak o talaia tok; mikma tonik̄ inla puta, micha iti okhowata sukko aiena kv̄t itikba atok.

7. Yohmi mvt nana ai apesa ch̄i hosh m̄iko im ai ombinili holiompa atalaia hoshontika ikbit, nana ai apesa hoshontika ikbi tok: mihma iti potvlhpo vttvt ia hosh vba potvlhpo ona ka chuahla yosh isht ompoholmo tok.

8. Micha hoshontika yash anukaka aboha ai vta vt wanta inla vt im atalaia hosh toba kv̄t yvmmak inli chohmi tok. Solomon vt tekchi yachi hō Feleo ushetik a ishi tok vt, hoshontika ilvppak inli chohmi hō ikbi tok.

9. Ilvppa puta kv̄t tvli tvhla vlhpisa chohmi anukaka, micha koča aiena ishit bvsha ishit bvsha yosh, holitopa bano hosh intola vttvt ia hosh paknaka mahayvt ont vhli tok; micha yohmit mahaya hosh wanuta chito pilla koča yvt yohmi tok.

10. Mikma intola vt tvli holitopa tvli hochito atok; tvli kubit pokoli, micha tvli kubit untuchina tok.

11. Mikma vba vt tvli holitopa, tvli tvhla vlhpisa chohmi, micha chuahla aiena atok.

12. Mikma wanuta chito vt apakfoyupa kv̄t tvli tvhla ai itionvtola vt tuchinakma, chuahla yosh itiakaiyvt fullota, Chihowa in chuka i wanuta anukaka fehna, micha chuka i hoshontika itatuklo kv̄t yvmohmi tok.

13. Mihma miko Solomon vt Hiram a pit hoyot Taia ya ont ai isht vla tok.

14. Yvmv̄t Naftali apelihchika ai achvfa yosh ohoyo vlhtakla ushi yo iki vt Taia hatak o asonak lakna pilisa atok; micha hopoyuksvt nan ithana fehna cha, asonak lakna pilisa puta ka imponna tok. Mihmvt miko Solomon a im vla cha, na toksvli moma ka im atahli tok.

15. Asonak lakna tonik tuklo, chaha kv̄t kubit auahutchina bika hō ikbi tok: micha ponola isht vlhpisa kubit auah tuklo hosh apakfopa bika tok.

16. Micha tonik tuklo kash pakna on taloha chi ka, asonak lakna bilelit akmočit noshkobo tuklo ikbi tok: noshkobo achvfa kv̄t chaha kv̄t kubit tahlapi ma, noshkobo achvfa vt kubit tahlapi tok.

17. Micha nan okshichanlit tv̄nna, micha nan ititakvli itvpana yo noshkobo vt tonik tuklo kash on taloha yash im ikbi tok: noshkobo achvfa ya untuklo ma, noshkobo achvfa ya untuklo hō ikbi tok.

18. Micha tonik tuklo kash ikbi mv̄t, pomeklanat puta ai itiakaiya vt tuklo hō nan okshichanlit tv̄nna achvfa yash

on takohlichit apakfoblit tonik paknaka on talaia noshkobo ha ompohomo tok, micha noshkobo achvfa ya yvmihchi tok.

19. Michā tonik tuklo kash on taloha noshkobo ya lili holbut inchuwa kubit ushta hosh tobvt hoshontika yash itikba hiohmaya tok.

20. Michā tonik tuklo kash on taloha noshkobo kibikshi bilika, nan okshichanlit twnna vba pilla ha pomeklanat vt atakohli akinli tok: micha noshkobo achvfa ya pomeklanat tahlepa tuklo hosh ai itiakaiya tuklo kv̄t takohli hosh apakfoyupa tok.

21. Michā tonik tuklo kash abolitopa aboha yash hoshontika yak o hiohlichī tok; micha ishtimpak imma ya tonik a hilechi mvt Chachin hochifo tok; micha vlfhv̄bek imma ya tonik a hilechi mvt, Boas hochifo tok.

22. Mihma tonik wishakchi lili holbut inchuwa yosh aia-sha tok; yohmi ho tonik isht v̄tta tuk vt v̄lhtaiyaha tok.

23. Michā bilelit akmoचित okhv̄ta ikbi ma, itiv̄lbi in t̄nn̄vp v̄tt̄v̄t ia hosh in t̄nn̄vp ona kv̄t kubit pokoli tok: chvnaha kv̄t yohmi bat fullota mvt, chaha kv̄t kubit tahlapi tok: micha ponola isht v̄lhpisa kubit pokoli tuchina hosh apakfoyupa tok.

24. Michā itiv̄lbi nuta ya lohbovchi vt kubit achv̄fakma pokolit ia hosh okhv̄tā hash apakfoyupa tok: bilvt akmo ma, lohbovchi ai itiakaiya vt tuklo hosh bilvt akmo tok.

25. Wak auah tuklo ho ontalaia tok, tuchina kv̄t falv̄mmi pilla pit hopokoyot hieli ma, tuchina kv̄t hv̄shi ai okatula pilla pit hopokoyot hieli ma, tuchina kv̄t okamahli pilla pit hopokoyot hieli ma, tuchina kv̄t hv̄shi akochaka pilla pit hopokoyot hieli tok: mihma okhv̄ta ash osh on talaia ma, im ashaka puta kv̄t nutaka pit hiohli bieka tok.

26. Mihma sukko kv̄t ibbak pv̄tha achv̄fa mvt, itiv̄lbi vt isht ishko toba kak o chohmi cha, lili pakanli holba isht in-chuv̄vt taiyaha tok: balh tahlepa tuklo hosh v̄lhto tok.

27. Mihma asonak lakna aiontalaia pokoli ho ikbi tok: aiontalaia achv̄fa kv̄t falaia kv̄t kubit ushta cha, pv̄tha kv̄t kubit ushta mvt, chaha kv̄t kubit tuchina tok.

28. Michā aiontaloha ha v̄lhtaha kv̄t yakohmi tok; apatv̄s-

sa puta kv̄t āsha tok; micha apatv̄ssa puta kv̄t achaha i shahlit apakfopa puta ka itintakla atok.

29. Mihma apatv̄ssa puta achaha i shahlit apakfoyupa ititakla yā koi hochito, micha wak, micha chelubim puta holba aiena kv̄t ai inchuwa tok; micha achaha i shahlit apakfoyupa paknaka yā yvmohmi tok: mikma koi hochito, micha wak ā nuta yā nan itv̄pana holbv̄t ai inchuwa tok.

30. Mihma ai ōntalaia puta kv̄t asonak lakna chvnaha ushta, micha okhowata asonak lakna aiena hosh im āsha tok; micha chukbi ushta kv̄t okhowata abikeli vt im āsha tok: micha ampmahaia chito nuta yā okhowatvt abikeli bilvt, akmo vt nan itv̄pana holbv̄t ai in chuwa aiyukali ka apotvt hiohmaya tok.

31. Michā itih hv̄t noshkobo yash anukaka, micha vba pilla kubit achv̄fa tok: yohmi kia itih hv̄t ampmahaia chito vlhtaha kak inli chohmit chvnaha cha, kubit achv̄fa, micha kubit iklv̄na tok: micha itih koeha apatv̄ssa puta ka naholbv̄t ai inchuwa mvt, bolukta cha, ik chvnaho tok.

32. Michā apatv̄ssa puta nuta yā chvnaha hv̄t ushta tok; mikma chvnaha im okhowata vt ai ontalaia yak ō shamvli tok; micha chvnaha hv̄t chaha kv̄t kubit achv̄fa cha, kubit iklv̄na tok.

33. Michā chvnaha vlhtaha kv̄t tv̄nvp̄ iti chanv̄lli vlhtaha kak inli chohmi tok; im okhowatkv̄chi, micha chukv̄sh puta, micha achushkv̄chi puta kv̄t bilvt akmo hatok.

34. Aiontalaia achv̄fa chukbi ushta ka okhowata abikeli ushta kv̄t āsha tok; okhowata abikeli puta kv̄t aiontalaia fehna akinli tok.

35. Michā aiontalaia paknaka yā chvnahvt fullota kubit iklv̄nna kv̄t hikia tok; micha aiontalaia paknaka, micha achaha i shahlit apakfopa puta, micha apatv̄ssa puta aiena kv̄t yvmmak inli tok.

36. Achaha i shahlit apakfopa puta, micha apatv̄ssa puta aiena inchnlit chelubim puta, koi hochito, micha pam iti puta aiena, chito kv̄t ai vlhpesa aiyukali, micha nan itv̄pana holbv̄t ai inchuwa aiena ka takalichit apakfobli tok.

37. Ilv̄ppa chohmi bano h̄o aiontalaia pokoli ka ikbi tok;

moma kv̄t ai akmo achvfa bieka, v̄lhpisa achvfa, micha chito kv̄t itilauī achvfa tok.

38. Yohmi mv̄t asonak lakna yō ampmahaia chito pokoli hō ikbi tok : ampmahaia chito achvfa ka balh pokoli ushta hosh v̄lh̄to tok : micha ampmahaia chito vt kubit ushta bieka tok ; micha ai ontalaia pokoli kash ampmahaia chito achvfa hosh ontalaia bieka tok.

39. Michā aiontalaia tahlapi ka aboha yash ishtimpak imma in tv̄nvp ak ō hiohlechi mv̄t, aboha yash v̄lh̄fv̄bek imma in tv̄nvp ak ō hiohlichei tok : micha okhv̄ta yash aboha ishtimpak imma in tv̄nvp hv̄shi akochaka pilla, okamahli ichapaka yak ō talali tok.

40. Mihma Hīlam ash osh ampmahaia hochito puta, micha hituk chubbi ishit peha puta, micha ampmahaia puta aiena ka ikbi tok : yohmi hosh Hīlam ash osh Chihowa in chuka ahalaia ka Solomon ā im ikbit isht ahanta tuk vt ont tahli tok.

41. Yohmi kv̄t ton̄ik tuklo kash, micha noshkobo tibikshi tuklo ton̄ik paknaka on taloha, micha noshkobo tibikshi tuklo ton̄ik tuklo kash on taloha ka ompohoma chī hō nan okshichanlit tv̄nna tuklo kash ;

42. Michā pomeklanat tahlepa ushta hosh nan okshichanlit tv̄nna tuklo a takohla chī, yv̄mmv̄t noshkobo tibikshi tuklo ton̄ik tuklo kash on taloha ka ont ompohoma chī hō, pomeklanat ai itiakaiya tuklo hosh nan okshichanlit tv̄nna achvfa ka a takohla chī hatok.

43. Michā ai ontalaia pokoli, micha ampmahaia chito pokoli kash osh aiontalaia puta kash on taloha ;

44. Okhv̄ta achvfa kash, micha wak auah tuklo okhv̄ta nuta hielī ;

45. Michā shuti puta, micha nan ishit peha puta, micha ampmahaia puta aiena ka ikbit tahli tok : micha nan aiv̄lh̄to ilv̄ppa puta Chihowa in chuka ahalaia ka Hīlam ash osh m̄iko Solomon ā im ikbi tuk vt asonak lakna shohkauali bieka tok.

46. Chatan yakni patali Sukkolh, micha Sahlan ititakla lukfi aiasha yak ō, m̄iko vt a bilelit ai akmochi tok.

47. Mihmvt laua kv̄t atampa fehna hatuk ɔ, nan aivlhto puta ka Solomon vt ik wekecho tok: mīcha asonak lakna weki ka ik akostinincho tok.

48. Mihma Solomon vt nan aivlhto moma Chihowa in chuka ahalaia puta ka ikbit tahli tok: tvli holisso lakna alta, mīcha aiimpa tvli holisso lakna pvska otvni ai on taloha,

49. Mīcha p̄vla ai ɔ hikia vt tvli holisso lakna bano, aholitopa moma i shahli itikba tahlapi kv̄t ishtimpak imma in tv̄nnp̄ a hielikma, tahlapi kv̄t v̄lhfv̄bek imma in tv̄nnp̄ a hiel̄i tok: mihmvt napakanli puta, mīcha p̄vla bila aivlhto puta, mīcha tvli holisso lakna tobaksi kiseli puta,

50. Mīcha ampo puta, mīcha p̄vla ishit tv̄ptuli puta, mīcha ampmahaia puta, mīcha ishtimpa puta, mīcha nabalama ahukmi puta aiena kv̄t tvli holisso lakna bano; mīcha an̄yaka aboha aholitopa moma i shahli, mīcha aholitopa aboha, yvm̄mvt tempel aiena okhissa puta atakali puta aiena tvli holisso lakna yɔ ikbi tok.

51. Yvmohmi hosh mīko Solomon vt Chihowa in chuka ahalaia ka ikbi tuk vt atahli tok. Mīcha Solomon vt īki Lewi vt Chihowa ya nana i hullochi tok tvli hv̄ta, mīcha tvli holisso lakna, mīcha nan aivlhto puta aiena ka isht v̄lv̄t, Chihowa in chuka nana holitopa ibafohkit ashachi tok.

CHAPTA VIII.

YOHMI ma Solomon vt Israel im asv̄nonchi v̄hleha, mīcha ap̄ehlich̄i puta i noshkoboka v̄hleha moma, Israel im v̄lla v̄hleha īki v̄hleha holitompa v̄hleha h̄a hoyot, mīko Solomon vt Chelusalem a anta tuk ɔ, im ai itv̄nahli tok; yohmi kv̄t Chihowa nan it im ap̄esa afoyuka itombi holitopa ya Lewi in tv̄maha holihta, yvm̄mvt Saion a a kohchit isht v̄la ch̄i hatok.

2. Mihma Israel hatak v̄hleha moma kv̄t imp̄v̄chi hullo hv̄shi Ehlanim, yvm̄mvt hv̄shi isht untuklo ka Solomon mīko ya im itv̄naha tok.

3. Mihma Israel im asv̄nonchi v̄hleha moma kv̄t ona ma,

naholitompa isht asha vhleha hvt itombi holitopa ya sholi tok.

4. Micha Chihowa im itombi holitopa, micha okla moma in tabenakel, micha nan aivlhto hullo puta aiena tabenakel aiasha tuk, ymma puta ka naholitompa isht asha vhleha, micha Lefait vhleha aiena kv̄t isht v̄la tok.

5. Mihma m̄iko Solomon, micha Israēl okla moma kv̄t itombi holitopa itikba ya ai im itv̄nahvt apehvt āsha tuk aiena kv̄t chukv̄lhp̄oa, micha wak aiena ka v̄bit isht aiokp̄ahanchi ka, apakna kv̄t annoa he keyu, micha holhtina he keyu tok.

6. Mihma naholitompa isht asha vhleha hvt Chihowa nan it im apesa afoyuka itombi holitopa ya atalaia, Chihowa ai ile haiakv̄chi aholitopa moma ī shahli ya isht onvt, chelubim tuklo kash ī sanahchi nuta ya talali tok.

7. Chelubim tuklo kv̄t ī sanahchi tuklo ka itombi holitopa atalaia paknaka ya ashatv̄blich̄i cha, chelubim tuklo kv̄t itombi holitopa, micha isht itibasholi tuklo ka paknaka ya ompohomo tok.

8. Micha isht itibasholi tuklo kash okla shufi na, isht itibasholi tuklo ī noshkobo hvt itombi holitopa ya a takohm̄aya kv̄t, Chihowa ai ile haiakv̄chi aholitopa moma ī shahli itikba aholitopa ya haiaka tok; micha kocha ik a peso tok: micha ymmak ō aiasha na himak nitak ā ant v̄hli hoke.

9. Micha itombi holitopa ya nana hosh foka tok keyu, amba tv̄li patv̄ssa tuklo ak illa tok, ymmak oka Israēl im v̄lla vhleha hvt Echip yakni ya kohcha ma, Chihowa vt it im apesa na Holeb āsha ma, Moses vt a fohki tok.

10. Atuk ō yakohmi tok, naholitompa isht asha vhleha hvt aholitopa ya kohcha ma, Chihowa in chuka ya hoshonti kv̄t alota tok.

11. Yohmi ma naholitompa isht asha vhleha hvt hoshonti pulla kak ō, hielit nan isht asha he keyu tok: Chihowa im aholitopa yvt Chihowa in chuka ya alota tok oka.

12. Yohmi ma Solomon vt anumpulit, Chihowa vt, Okhlili sukko h̄o ahanta he, miha tok.

13. Ish ai ahanta he chuka, atalaia achufa ish ai ahanta na bilia he, chim ikbi li pulla tuk oke, achi tok.

14. Mihmvt miko vt nashuka ya filimmi mvt, Israel okla moma ka anumpa yukpali onochi tok: (mihma Israel okla moma kvv wakayvt hieli tok.)

15. Micha, Israel in Chitokaka Chihowa vt aki Lewi ya itih ha isht im anumpohonlit, micha ibbak a isht aiahlichit ahanchi mvt,

16. Um okla Israel a pehlichit Echip a a kohchi li tok, nitak yvmma itintakla ka chuka vm ikbi na, sa hohehifo hvv a foyuka chi ka, Israel a pehlichit moma ka tvvaha holihta kanima kia ak atokoloshke; yohmi kia Lewi ak osh vm okla Israel a pehlichit chi ho atokoli li tok oke, ahanchi tok vt holi-topashke.

17. Atuk o aki Lewi vt Israel in Chitokaka Chihowa hohchifo ha chuka im ikba chi kvv chukvsh a anukfoyuka tok.

18. Mihma Chihowa vt aki Lewi ya, Sa hohehifo ha chuka is svv ikba chi kvv, chi chukvsh a anukfoyuka tuk oke; chi chukvsh a anukfoyuka hoka, vlvhesa ho ish yvmohmi tuk oke.

19. Yohmi kia chishno vt chuka yash ish ikba he keyu: amba chiso hvv chikfoka ya a kohcha chi kak osh, yvmmak osh sa hohehifo ha chuka vm ikba chi hoke, im ahanchi tok.

20. Atuk osh Chihowa vt im anumpa ha anumpohonli tok vt ont aiahlichishke: micha aki Lewi ya vlvhtobvt wakaya lishke, micha Israel im ai ombinili holi-topa ya Chihowa vt miha tok mak o ombinili lishke; micha Israel in Chitokaka Chihowa hohehifo ha chuka im ikbi lishke.

21. Micha piki vvhleha ha Echip yakni ya a pehlichit kohchi mvt, Chihowa vt nan it im apesa tok afoyuka itombi holi-topa atalaia chi ka ai ikbi lishke, achi tok.

22. Mihmvt, Israel okla moma kvv pisa ho, Solomon vt Chihowa im alta i tikba ya hikia cha, ibbak a ashatvblichit vba pit wieli tok:

23. Micha, Israel in Chitokaka Chihowa ma! chin tishu vvhleha hvv chukvsh ai oklvhvvt chi tikba a nohova hokvno nan it im apesa, micha nan i nukhaklo aiena aiahlichit chia

hoke, vba shutik, micha nutaka yakni ya chitokaka chishno chohmi kv̄t iksho hoke.

24. Chishno ak osh chin tishu Lewi a_{ki} ya nana ish im issa tok vt ish ai a_hlichishke: micha chitih h_a isht ish anum-puli tok vt chibbak a isht ish ai a_hlichi na himak nitak ak kia yvmohmishke.

25. Yvmohmi hoka himak a Israel in Chitokaka Chihowa ma! chin tishu a_{ki} Lewi ya ish im issvt, Sa tikba Israel im ai ombinili holutompa ya om binila ch_i kv̄t ik chim iksho ka ch_i keyu hoke: peh itvnowa kv̄t ahah! ahni cha, sa tikba ish a noh_owa tok chohmit chim vlla vhleha hv̄t sa tikba ish ai itvnoh_owa hokma, ish ahanchi tok vt himak a ish ai a_hli-chashke.

26. Yohmi ka Israel in Chitokaka ma! himak a chim anumpa h_a chin tishu Lewi a_{ki} ya ish im anumpuli tok vt ai a_hlashke, chim asilhha lishke.

27. Yohmi kia Chitokaka yvt yakni ya ahanta hinla mvhli cho? Yakeh! shutik ont aivhli iksho, micha vba yakni puta moma i shutik ont ai vhli iksho hoh kia chiesha he keyushke; aboha ikbi li tuk ilvppak okak heto nanta isht ahoba he keyushke.

28. Yohmi kia chin tishu hv̄t anumpa ilbvsha anumpohonli ka, micha a nukh_akl**o**kbano ahnit, chim asih_ihla ka ish aiokpanchi cha, himak nitak a chin tishu hv̄t chi tikba ch_i pah_ayvt, anumpa ilbvsha anumpohonli ka ish haiyaklashke, an Chitokaka Chihowa ma!

29. Yohmi cha chuka ilvppa, ilvppa pilla h_o, Sa hohchifo hv̄t ai itoyula hi oke, ish ahanchi tok okvt ninak, micha nitak moyuma ka, chi nishkin a onochit ish pih_isashke; micha chin tishu hv̄t ilvppa anumpa ilbvsha et anumpohonlikma, ish haiyaklashke.

30. Michā chin tishu, micha chim okla Israel aiena kv̄t ilvppa et filema cha, p_i nukh_akl**o**kbano ahnit, anumpa ilbvsha et anumpohonlikma, ish i haponaklashke: micha vba aholitopa ish ai ahanta kv̄t et ish a haklashke; micha ish haklokmvt, ish i kashofashke.

31. Hatak nana kia hatak b_ika ya nana im okpvni na,

anumpa kvllo il onochit anumpula he im apesa na, anumpa kvllo yash osh chim alta aboha ilvppa hikia itikba ya vlakma,

32. Yohmikma vba aholitopa ya et ish a haklo cha, yvmihchit, micha chin tishu vhleha ha nan im apesvt, nan ashvchi yash anumpa onochit, ilap nana akaniohmi tuk a noshkobo ha ish onochashke; micha aivlhpiesa ya aivlhpi-esa tuk mak o, ahninchit ish im atobbashke.

33. Chim okla Israel vt chi yoshuba tuk atuk osh, in tvnvp itikba ya akakoha cha, anonti falamvt chim ona cha, chi hohchifo ha holitoblichit anumpa ilbvsha anumpohonlit, micha pi nukhaklokbano ahnit, aboha ilvppa et chim asihl-hlakma,

34. Yohmikma vba aholitopa ya et ish a haklo cha, chim okla Israel a nan ashvchi ya ish i kashofi cha, iki vhleha ha yakni ish ima tok vt, anonti isht ish lashke.

35. Okla chi yoshuba na, vba shutik vt okshilita cha ik umbokma, ish ilbvshalikma, ilvppa anumpa ilbvsha et anum-pohonlit chi hohchifo ha holitoblichi cha, nanashvchi ya i filvmmikma,

36. Yohmikma vba aholitopa ya ish a haklo cha, chin tishu vhleha, micha chim okla Israel vt nan ashvchi ya ish i kashofi cha, ai itvnowa he vlvpesa hina achukma ya ish im abvchikmvt, chi yakni vt i yakni ya chi ho, ish ima tok vt ish on umbvchashke.

37. Yakni yash hohchvfo, ililli, shulla, lakna, hawa, keyukmvt shushi nan-tahli kanima kia aiashakma, in tvnvp vt itikonofichit apakfoypakma, nan-ililli nana kia, abeka nana kia aiasha na,

38. Anumpa ilbvsha nana kia, keyukmvt a nukhaklokba-no ahnit, hatak kvna kia anumpulikmvt, keyukmvt Israel moma kak okma, nana hosh ilap chukvsh ik achukmo ka ithaiyana cha, ibbak ashatablichit aboha ilvppa et weli-likma,

39. Yohmikma vba aholitopa ya ish ai ahanta kvv et ish a haklo cha, ish i kashofikmvt ish i yvmihchi cha, chukvsh a ish ithaiyana kvv, hatak moma nana akaniohmi tuk aiyukali

kak o ish ihimashke: (chishno, chishno pulla ak illa kak osh, hatak im vlla vhleha moma chukvsh a ish ithana hokvt;)

40. Yvmohmi ho piki vhleha ha yakni ish ima tok a, okchayvt ahanta nitak moma ka, chi nukwivt okla aiashashke.

41. Micha okla inla hatak vt chim okla Islael a ai achvfa keyu hosh, chi hohchifo pulla kak o yakni hopaki kia min-tit vlakma;

42. (Chi hohchifo holitopa chinto, micha chibbak kvlllo, micha chi shakba ashatapa puta ka okla hakla chi hokvt,) vla cha, aboha ilvppa anumpa ilbvsha et anumpohonlikma;

43. Vba aholitopa ya ish ai ahanta kvv et ish a haklo cha, okla inla hatak osh nana chim asilhha ka moma ish i yvmihchashke: yvmohmi ho okla moma yakni paknaka aiasha kvv chi hohchifo ha ithana cha, chim okla Islael ak inli chiyuhmit okla chi nukwiashe: micha aboha ikbi li tuk ilvppvt chi a hohchifo ka okla ithaiyanashke.

44. Chim okla hvv in tvnvp a itiba chi hosh kanima yo ish pila na, kohevvt ia tuk osh Chihowa ya im ilbvshvt tmaha holihta ish atokoli tok, micha chi hohchifo ha chuka im ikbi li tuk a et anumpohonlikma;

45. Yohmikma anumpa ilbvsha, micha pi nukhaklokano ahnit chim anumpohonli ka, vba aholitopa ya et ish a haklo cha, ish apehpoashke.

46. Okla chi yoshubakma, (hatak nanta hosh yoshuba keyu kvv iksho hoka,) mikma ish i nukkilli cha, in tvnvp ibbak a ish fohki na, yukachit isht ivt hopaki hokma, keyukmvt olanli hokma, nana hosh tvnvp i yakni ya isht onakma;

47. Yohmi tuk kia yukachit yakni isht ai ona tuk a ashvt il anukfilli cha, nan ashvchi tuk vt ishit nukhaklo cha, yukachit ishtia tuk i yakni ashvt pi nukhaklokano ahnit, chim asihihla cha, Nan il ashvchi tuk oke, naksika il itnowa cha, nahaksi e yvmohmi tuk oke, okla achikmvt;

48. Yohmi cha in tvnvp vhleha hvv yukachit pehlichit ia tuk i yakni ya asha hosh chukvsh ai oklvhanchit, micha shilombish ai oklvhanchit falamvt chim ohona cha, anumpa ilbvsha ya i yakni iki vhleha ish ima tok, tmaha holihta ish

atokoli tok, micha ch_i hohchifo chuka im ikbi li tuk ash, pilla h_a et anumpohonlikma ;

49. Yohmikma anumpa ilbvsha anumpohonlit, micha p_i nukh_haklokbano ahnit chim asih_ihla ka, vba aholitopa ya ish ai ahanta kv_t et ish a haklo cha, ish apehpoashke ;

50. Mich_a chim okla nana chim ashvchi tuk a, micha ch_i nan v_lhpisa ya v_banv_bli tuk moma ka ish i kashofi cha, yuka-chit ishtia tuk vt, i kana ch_i ka ish ahni na i nukh_haklashke :

51. Chim okla, micha chimmi ai v_lhpiesa y_o, Echip a apelihit, v_li a bila iklvna ai ishit ish kohcha tok.

52. Yvmohmi hosh chin tishu hv_t a nukh_haklokbano ahnit chim asih_ihla, micha chim okla Israel vt, p_i nukh_haklokbano ahnit chim asih_ihla aiena ka, ch_i holhponayo h_a onochit ish pih_sa cha, nana a chim asih_ihla moma ka ish haiyaklashke,

53. P_iki v_hleha h_a Echip a a pehlichit ish kohcha mv_t, chin tishu Moses ish tohno na, anumpuli tok mak o, chimmi ha ch_i hosh, okla moma yakni paknaka moma aiasha ka i filvmmichit ish ishi tok oke, Chitokaka Chihowa ma ! ahanchi tok.

54. Atuk osh yakohmi tok, Solomon vt anumpa ilbvsha ilvppa, micha p_i nukh_haklokbano ahnit, Chihowa im anumpohonlit in taiyaha mv_t, iyikalaha ishit hvchukbihlept ibbak vt vba pit ashatapvt, Chihowa im alta itikba ya hikia tuk vt wakaya tok.

55. Mihmv_t hikia cha, Israel moma ka chitoli hosh anumpa yukpali onochit yak ahanchi tok,

56. Chihowa vt ahanchi tok mak osh, im okla Israel a afoha ima kv_t, holitopashke : anumpa hochukma in tishu Moses a tohno na anumpuli tok vt, ik aiahlo kv_t anumpa achvfa kia ikshoshke.

57. Pin Chitokaka Chihowa vt p_iki v_hleha h_a ibafoyuka tok, chohmit pibafoyukashke : ik pisso, micha ik pi kanchi kashke.

58. Yohmi cha pi ch_ukvsh a pi nukfohki na, i hina puta m_oma ka ai itvnowvt, im anumpa v_lhpisa puta ; micha i nanv_lhpisa puta, micha nan ai isht apesa puta aiena, p_iki v_hleha im apesa tok a il ieshashke.

59. Mikma Chihowa itikba p̄i nukhāklokbano ahnit, anum-
pa isht anumpohonli li tuk ilvppvt nitak, micha ninak moma
ka pin Chitokaka Chihowa yā bilika itoyulashke; yvmohmi
na nana hosh a yvmohma he v̄lhpesakma, in tishu apepho-
hōwa, micha im okla Israel ā apephohōwa na biliashke.

60. Yohmi hō okla moma yakni paknaka aiasha kv̄t, Chi-
howa ak osh Chitokaka ya, mikma inla vt iksho ka ithaiya-
nashke.

61. Yvmohmi hoka hv̄chi chukv̄sh vt pin Chitokaka Chi-
howa yā im aiahlit, himak nitak ā hv̄sh yvmohmi kv̄t choh-
mit ī nanv̄lhvisa puta ka ai itv̄nowvt, im anumpa v̄lhvisa
puta ka hv̄sh ieshashke.

62. Mihma m̄iko, micha Israel moma aiena kv̄t Chihowa
itikba yā nan v̄bit isht aiokpv̄chi im ih̄isa tok.

63. Mihma Solomon vt it ī nanaiyv̄chit isht aiokpv̄chi v̄bit
Chihowa yā im issa kv̄t, wak tahlepa sipokni pokoli tuklo
akucha tuklo, micha chukv̄lhpoa tahlepa sipokni tahlepa
achv̄fa cha, tahlepa sipokni pokoli tuklo tok: yvmohmit
m̄iko, micha Israel im v̄lla v̄hleha moma kv̄t Chihowa in
chuka yā hullochi tok.

64. Nitak yvm̄mak inli ka, m̄iko vt Chihowa in chuka
itikba talaia tuk, wanuta ikl̄na yā hullochi tok: yvm̄mak ō
nahukmit isht aiokpv̄chi puta, micha ilhpak isht aiokpv̄chi
puta, micha it ī nanaiyv̄chit isht aiokpv̄chi yash nia aiena
ka ai im ih̄isa tok; asonak lakna alta Chihowa itikba hikia
tuk vt iskitini hatuk ō, nahukmit isht aiokpv̄chi puta, micha
ilhpak isht aiokpv̄chi puta, it̄i nanaiyv̄chit isht aiokpv̄chi
yash nia aiena kv̄t ai onvtola he keyu hatuk ō, yvmoh-
mi tok.

65. Nitak yvm̄ma Solomon, micha Israel moma kv̄t ape-
hvt, okla chito, Hamalh ont a chukowa ka v̄ttvt ia hosh
Echip okbina yā ont v̄hli hosh, pin Chitokaka Chihowa
itikba yā, nitak untuklo cha nitak untuklo, nitak auah ushta
v̄lhpiesa hō impv̄chi hā isht aiasha tok.

66. Nitak isht untuchina ma okla hā tishelichi tok: mih-
ma anumpa yukpali okla onochi cha, Chihowa vt in tishu
Lewi ya, micha im okla Israel ā nana achukma puta ī yimi-

hinchī tuk a, nayukpvt chukvsh yukpa hosh im vlbina aiyu-
kali ka ona tok.

CHAPTER IX.

ATUK o yakohmi tok, Solomon vt Chihowa in chuka,
micha miko in chuka, micha Solomon vt vllhpesa ai ahni
cha, yvmihcha he aiahni tuk moma ka ikbit taiyahli ma ;

2. Kibeon a ai i haiaka tok chohmit, Chihowa vt Solo-
mon a atukla ma i haiaka tok.

3. Michā Chihowa vt, Sa tikba ya anumpa ilbvsha ish
anumpulit, micha is sa nukhaklokbano ahnit is svm asilhha
ka, haiyaklo li tuk oke : chuka ilvppa ish ikbi tuk a sa hoh-
chifo ha a bohli li bilia chi hosh, hullochi li tuk oke : mik-
ma a holhponayo, micha sa chukvsh vt itoyula na bilia chi
hoke.

4. Mikma chiki Lewi chukvsh ahli, micha ai vllhpiesvt
aya tok ak inli, chohmit sa tikba a nohovvt nana chi miha li
tuk moma kak o yvmihchit, a nanvllhpisa puta, micha nan
ai isht apesa li puta ka ish ieshikma :

5. Yohmikma chiki Lewi ya Israel i miko ai ombinili ho-
litompa ya hatak vt binila hi vt ik chim iksho ka he keyu
hoke, achit i miha li tok mak osh, chim apehlichika ai ombi-
nili holitompa kullochit hilechi likma, Israel a ish apehliechi
na bilia hi oke.

6. Amba hvsh siakaiya tuk vt, hvsh shanaiya cha, hvchish-
no, keyukmvt hvchim vlla vhleha kanima kvv vm anumpa
vllhpisa puta, micha a nan vllhpisa puta hvchi tikba takalichi
li tuk a hvchik iesho hosh, amba naholbvt toba puta ka ivt
im antivt hvsh aiokpvchikma,

7. Yohmikma Israel a yakni ima li tok vt ai ishit kanchi
la hi oke ; mikmvt chuka ilvppa sa hohchvfo hvv ai itoyula
chi hv hullochi li tuk vt, sa tikba ai ishit kanchi la hi oke :
mikma Israel a okla moma kvv ishit yopulit anumpuli, micha
nan isht achi ya hi oke.

8. Mikma chuka ilvppa, ilvppvt chaha ka kvna hosh bili-
ka ant iakmvt, nukhlakancha cha, Owí yakeh ! acha hi oke :

micha, Nanta katiohmi h_o Chihowa vt yakni ilvppa, micha chuka ilvppa yakohmichi tuk oh cho? acha hi oke.

9. Mikma afalamichit, In Chitokaka Chihowa, yummak osh i_{ki} vhleha h_a Echip yakni y_a a pehlichit kohcha tuk a issa cha, naholbut toba puta ka asitia cha, aiokpuchit im antia kak atuk oke; yvmohmi kak o Chihowa vt nana ik achvkmo moma ilvppa onochi tuk oke, acha hi oke, achi tok.

10. Atuk o afvmmi pokoli tuklo kv_t ont taha ma yakohmi tok, Solomon vt chuka tuklo, Chihowa in chuka yash, micha m_iko in chuka yash ikbit tahli ma,

11. (Taia i_i m_iko Hilam vt, Solomon vt ahni tuk mak o, chuahla iti, micha tiak holba iti, micha tvli holisso lakna aiena ka im atahli tuk atok,) yvmohmi ma m_iko Solomon vt Hilam a tv_maha holihta pokoli tuklo Kalili yakni talohmaya ka ima tok.

12. Mihma Hilam vt tv_maha holihta puta Solomon vt ima tuk ash, pisa ch_i hosh Taia y_a a kohchvt minti tok; atuk osh ik ahnincho tok.

13. Michu, Itibapishi li ma! tv_maha holihta ilvppvt nanta h_o is sv_ma tuk oh cho? achi tok. Mihmvt Kabul yakni hochifo tok o himak nitak a moma hoke.

14. Mihma Hilam vt m_iko y_a tvli holisso lakna talent tahlepa achvfa cha pokoli tuklo h_o i pila tok.

15. Ilvppa yakohmi kak o m_iko Solomon vt nan atokoli y_a apesa tok; Chihowa in chuka, micha ilap in chuka, micha Millo, micha Chelusalem in tvli holihta, micha Haso, micha Mekitto, micha Kese aiena ka ikba ch_i kak atok.

16. Echip i_i m_iko Feleo vt ivt Kese y_a ishi cha, luak ishit hukmit tahli mv_t, Kenan okla tv_maha holihta yv_mma aiasha tuk a vbit tahli cha, ushetik Solomon tekchi y_a habenvchi tok.

17. Mihma Solomon vt Kese, micha Belh-holon sokbish pilla,

18. Michu Baalalh, micha Talmo yakni haiaka yakni yash talaia ka,

19. Michu tv_maha holihta v_lhpoyak aiasha Solomon vt im aiasha, michu tv_maha holihta tv_nvp im itichanvli puta

aiasha, micha tumaha holihta im issuba ombinili aiasha aiena ka ikbi tok; micha Solomon vt Chelusalem, micha Lebanon, micha apehlichy yakni moma ka ai ikba he aiahni tok vt ikbi tok.

20. Micha Amolait vhleha, Hittait vhleha, Pelissait vhleha, Hifait' vhleha, micha Chebusait vhleha okchayvt a_usha tuk moma Israel im vlla vhleha keyu ka,

21. Im vlla vhleha hvt iakayvt yakni yash aiasha tuk, yvmma Israel im vlla vhleha hvt vbit tahlit vmohmicha he keyu tok, yvmma puta ka Solomon vt yuka toksvli onochit i hoyo tok o himak nitak a moma hoke.

22. Amba Israel im vlla vhleha hokvno Solomon vt hatak yuka vhleha ik ikbo tok: amba hatak tenvp aya, micha in tishu vhleha, micha i holutompa vhleha, micha i kvpitvni vhleha, micha tenvp im itichanvlli puta isht aya vhleha, micha issuba ombinili vhleha yosh im aiasha tok.

23. Ilvppa puta kak osh Solomon i natoksvli apistikeli nanvltoka i shahli atok; tahlepa tahlapi cha pokoli tahlapi, yvmmak osh okla toksvli nana isht aiasha ka apistikeli atok.

24. Amba Feleo ushetik vt Lewi in tumaha holihta ya kohchvt Solomon vt im ikbi tuk in chuka ya v_ula tok: yohmi ma Millo ya ikbi tok.

25. Micha Solomon vt afvmmikma hituchina ha nahukmit isht aiokpvchi, micha itinanaiyvchit isht aiokpvchi ya alta Chihowa im ikbi tuk vt onochit im ihisa beka tok; micha nabalama ya alta Chihowa itikba hikia ka onochit hukmi beka tok: yvmohmit chuka ya atahli tok.

26. Mihmvt miko Solomon vt peni hochito kohta shali kanohmi ho okhvta humma on talaka Etom yakni Eloih ichapaka Esion-kebe ya ai ikbi tok.

27. Mihma Hilam vt in tishu vhleha peni hochito kohta shali isht aya imponna, okhvta ha ithana puta ka Solomon in tishu vhleha ha aieninchit pila tok.

28. Mihma Ofi ya ona cha, yvmma tvli holisso lakna talent tahlepa ushta cha pokoli tuklo ho, ai ishit miko Solomon a isht im v_ula tok.

CHAPTA X.

ATUK o Sheba i miko ohoyo hvt Solomon vt Chihowa hohchifo pulla isht anohowa ho haklo mvt, na ponaklo kullo isht imomaka pisa chi hosh vla tok.

2. Mihmvt tishu baiqli laua fehnvt, kamel nabalama shali, micha tvli holisso lakna laua fehna, micha tvli holiropa puta aiena ho ieshi hosh, Chelusalem a vla tok: atuk osh Solomon a im vla mvt, nana hosh chukvsh foyuka tuk moma kvv isht it im anumpohonli tok.

3. Mihma Solomon vt nana i ponaklo ka moma im anoli tok; miko vt nana kia in luma cha ik im anolo kvv iksho tok.

4. Atuk osh Sheba i miko ohoyo hash osh Solomon ahopoyuksa moma, micha chuka yash ikbi tok;

5. Michu ilhpak im aiimpa aiasha, michu in tishu vhleha hvt kaniohmit chieya, michu nan im isht asha vhleha hvt kaniohmit hiehi, michu i nafohka aiena, michu isht ishko sholi vhleha, michu ai oiyvt Chihowa in chuka ona aiena ka pisa mvt, shilombish kvnia chiyuhmi tok.

6. Michu miko ya, Nana annoa ahli ho a yakni ya anta li mvt, nana ish akaniohmi, michu chim ahopoyuksa aiena ka haklo li tuk oke.

7. Yohmi akinli kia anumpa ha ik sai yimmo ke tuk osh, vla lish sa nishkin a ishit pisa li kak osh sai yimmishke: yohmi ka yakeh! iklvna kvv vm annoa tuk keyushke; chim ahopoyuksa, michu nana chim vltaha kvv annoa na, haklo li tuk a, i shahli atampvshke.

8. Chin tvshka vhleha hvt nayukpvshke, chin tishu vhleha hvt chi tikba hiehi na bilia, ilvppvt chim ahopoyuksa hahaklo kvv nayukpvshke.

9. Chin Chitokaka Chihowa yvmmak osh ehi ahnichi cha, Israel ai ombinili holiropa ya chi binilichi tuk vt holiropashke; Chihowa vt Israel a i hullo na bilia hatuk osh, nan im apesvt ai vhpiesa ish yvmihcha chi ho, miko chikbi tuk oke, im achi tok.

10. Mihmvt miko ya tvli holisso lakna talent tahlepa

achvfa cha pokoli tuklo aiena h_o, micha nabalama laua fehna, micha tvli holitopa puta aiena ka ima tok: nabalama apakna Sheba i m_iko ohoyo hvt m_iko Solomon a ima tuk, ilvppa chohmit i himmakma ik im vlo tok.

11. Mikma Hiram i peni hochito kohta shali vt, tvli holisso lakna ya Ofi ya ont ai isht vla tuk vt, almuk iti laua fehna, micha tvli holitopa puta h_o Ofi ya ai isht vla tok.

12. Mihma m_iko vt almuk iti ya, Chihowa in chuka, micha m_iko in chuka tonik puta im ikbi mvt, taloa vhleha ha hap puta, micha salteli puta aiena ka isht im ikbi tok: almuk iti yvma chohmi kvv vla tok keyu, micha pisa tok keyu himak nitak a ant vhli hoke.

13. Mihma m_iko Solomon vt Sheba i m_iko ohoyo hash nana h_o ahnit asilhhakma moma ima mvt, m_iko chohmit aieninchit ima tok: yohmi ma filema cha, ivt ilap i yakni ak inli h_o in tishu vhleha aiena kvv ona tok.

14. Mihma afvmmi achvfa h_o tvli holisso lakna vt Solomon a im vla kvv, weki kvv tvli holisso lakna talent tahlepa hannali cha pokoli hannali akucha hannali tok.

15. Mikma hatak nan itatoba vhleha, micha nabalama itatoba vhleha, micha Alabia i m_iko vhleha, micha ilap i yakni pehlichu vhleha aiena ka, im ai ishi tuk vt im aiena tok.

16. Mihma m_iko Solomon vt tvli holisso lakna lvllit, telihpa chipunta tahlepa tuklo h_o ikbi tok: telihpa achvfakma tvli holisso lakna shekel tahlepa hannalit ia tok.

17. Michu telihpa tahlepa tuchina tvli holisso lakna lvlla yo ikbi tok: telihpa achvfakma tvli holisso lakna weki tuchinvv ia tok: mihma m_iko vt Lebanon yakni haiaka chuka ak o ashachi tok.

18. Michu m_iko vt ai ombinili holitempa chito yo elefant noti isht ikbi cha, tvli holisso lakna achukma i shahli h_o lapalichu tok.

19. Ai ombinili holitempa vt atuya ahabli hannalikma, ai ombinili holitempa ashaka paknaka et lumbo tok: michu ai ombinili tahlalaka shakba ai onvtola yvt asha ma, koi chito tuklo hosh shakba ai onvtola ya apotovv hieli tok.

20. Micha atuya ahabli hannali ka in twnvp achvfa, micha ai in twnvp achvfa ka koi chito auahuklo kv̄t hieli tok: apelihika kanima ka yv̄mma chohmi hosh toba kv̄t iksho tok.

21. Mihma m̄iko Solomon ai ishko vt tvli holisso lakna yokma, Lebanon yakni haiaka chuka nan aivlhto puta kv̄t tvli holisso lakna ah̄li tok: tvli hv̄ta yosh toba kv̄t iksho: Solomon i nitak a nana isht ik ahobo tok.

22. M̄iko vt Hilam i peni hochito kohta shali takla Hlashish peni hochito kohta shali hosh okhv̄ta h̄a im aiasha tuk okvt: Hlashish peni hochito vt afv̄m̄mi tuchinakma himonna ha vlv̄t, tvli holisso lakna, micha tvli hv̄ta, micha elefant noti, micha hatak shaūi puta, micha okchanlus chito puta aiena ka isht vla beka tok.

23. Yvmohmi h̄o m̄iko Solomon vt im̄ilayak chito, micha hopoyuksa aiena kv̄t m̄iko moma yakni paknaka aiasha ka i shahli tok.

24. Mihma yakni moma kv̄t Chihowa vt chukv̄sh fohki tuk o, hopoyuksa ka i haponaklo bvn̄nv̄t Solomon nashuka ya hohoyo tok.

25. Mihma vlv̄pisa h̄o afv̄m̄mi hosh afv̄m̄mikma hatak puta kv̄t nahv̄lbina nan aivlhto tvli hv̄ta, micha nan aivlhto tvli holisso lakna, micha nafohka, twnvp aya i nahalupa, micha nabalama, micha issuba puta, micha issuba haksobish falaia puta aiena ka isht im vla tok.

26. Mihma Solomon vt twnvp itichanv̄lli puta, micha issuba ombinili puta aiena ka itahobit taiyahli tok; micha twnvp itichanv̄lli tahlepa auahushta, micha issuba ombinili tahlepa sipokni auahuklo hosh im āsha, yv̄mma twnvp itichanv̄lli aiasha tv̄maha holihta, micha m̄iko aiv̄tta Chelusalem aiena kak o ashachi tok.

27. Micha m̄iko vt Chelusalem a tvli hv̄ta ya apaknv̄chi kv̄t tvli chohmichi m̄vt, chuahla ya apaknv̄chi kv̄t bihi holba okfa aiasha kak o chohmichi tok.

28. Mihma Solomon a issuba puta, micha linen ponola h̄a Echip a ai isht im vla tok: mihma m̄iko im itatoba v̄hleha hv̄t linen ponola h̄a ailli vlv̄pisa h̄o ishi tok.

29. Micha tunvp itichanvlli achvfa kv̄t tv̄li hv̄ta vt shekel tahlepa hannalikma, issuba achvfa kv̄t tahlepa achvfa cha pokoli tahlapi h̄o Echip ā kohchvt minti tok: micha yohmi h̄o Hittait okla ī m̄iko moma, micha Silia ī m̄iko vhleha ha yvmmak osh isht ī kohcha tok.

CHAPTER XI

YOHMI kia m̄iko Solomon vt okla inla ohoyo laua, Feleo ushetik, micha Moabait ohoyo, Ammonait, Etomait, micha Hittait aiena ohoyo vhleha anushkunna tok.

2. Okla yvmma puta ka Chihowa vt Israel im vlla vhleha ha, Hvch ik ibachukowokma, ik hvch ibachukowo kashke: hvchi chukvsh ā filimmi na, ī naholbvt toba puta ka hvsh im antia pulla hi oke, im achi hatok okak o, Solomon vt ilvppa puta ka anushkunnvt asitia tok.

3. Micha tekchi vt ohoyo holitompa tahlepa untuklokma, im itaiena tahlepa tuchina hosh im asha tok: mihma tekchi vhleha hv̄t chukvsh ā filimmi tok.

4. Atuk o yakohmi tok, Solomon vt sipoknit taiyaha ma, tekchi vhleha hv̄t chukvsh filimmi na, oklushi inla ī naholbvt toba puta ka asitia tok: in Chitokaka Chihowa yā chukvsh vt aiahli tok keyu, iki Lewi chukvsh atok ā ik chohmo tok.

5. Solomon vt Sitionian okla ī naholbvt toba ohoyo Ash-tolelh ā iakaiyvt, Ammon okla nanashvchi yuwalvchi Milkom ā iakaiya tok.

6. Micha Solomon vt Chihowa itikba yā nana ik achukmo ka yvmihchit, Chihowa yā iakaiya kv̄t, aiahli tok keyu, iki Lewi atok ā ik chohmo tok.

7. Yohmi mvt Solomon vt Moab nan ashvchi yuwalvchi Chemosh ā nv̄nih Chelusalem itikba hikia ka achahaka yā im ai ikbi tok; micha Ammon in chipota nanashvchi yuwalvchi Molech ā im ai ikbi tok.

8. Micha okla inla ohoyo tekchi moma ka ī yvmihchi na, nabalama ā hukmit ī naholbvt toba puta ka nan im vbit okla isht ai okpahanchi tok.

9. Mihma Chihowa vt Solomon a i nukhobela tok, chukvsh vt Isael in Chitokaka Chihowa ya i filvmmi tok oka.

10. Yvmmvt hitukla ha i haiaka cha, nana ilvppa fehna ka im apesvt, naholbvt toba puta iakaiyvt aya he keyu i miha tok: yohmi kia Chihowa vt nana apesa tok a ik iesho tuk atok.

11. Yvmohmi hatuk o Chihowa vt Solomon a, Ilvppa ish yvmihchi cha, nan it im apesa li ya, micha a nanvlhpisa puta chi miha li tuk a chik iesho hoka, apelihchika yash mo kofit chim ishi lish, chin tishu ho ima la chi pulla hoke

12. Yohmi akinli kia ish ahanta takla nitak okvno, chiki Lewi ak atok pulla mak o, yvmihchi la he keyu: amba chiso ibbak ak o mokofit a kohchi la hi oke.

13. Yohmi akinli kia apelihchika ya mominchit mokofit im ishi la he keyu: amba an tishu Lewi atok pulla kak o, micha Chelusalem atokoli li tok pulla hatuk mak o, apelihchika achvfa ho ima la chi hoke, im achi tok.

14. Mihma Chihowa vt Solomon a i sanala chi ho Etomait Hatat a hilechi tok: yvmmvt miko im isht atiaka yosh Etom a anta tok.

15. Yohmi kvv yakohmi tok, Lewi vt Etom a anta ma, tvshka chipota i kvpitvni chito Choab vt Etom a nakni moma issot kanchi tuk osh hohpit ia mvv;

16. (Hvshi hannali ho Choab, micha Isael moma ai itvpiha kvv yvmma aiasha cha, nakni moma Etom aiasha ka vbit tahli tuk okvt:)

17. Yohmi ma Hatat vt malelit, yvmma micha Etomait kaniohmi, iki in tishu vhleha ai achvfa aienu kvv Echip ia hosh yihlepa tok: Hatat vt vlla iskitini moma hatok.

18. Michu Mitian a a kohevvt okla wakayvt Palan a ona tok: mihmvv Palan a hatak kanohmi ai ishi cha ia mvv, Echip onvt, Feleo Echip i miko ya im ona tok: yvmmvt chuka ya ima mvv, ilhpak a im atahli cha, yakni ya ima tok.

19. Mihma Hatat vt Feleo itikba ya im isht i kana chinto ahayuchi tok: yohmi ho ilap tekchi ak inli itibapishi, Tahpenes ohoyo miko itibapishi ha tekchi ya chi ho ima tok;

20. Mihma Tahpenes itibapishi hvt vlla nakni Kenubalh a im eshi tok: yvmma Tahpenes vt Feleo in chuka ya bohlit pishi issvchi tok: mihma Kenubalh vt Feleo in chuka achvfa, Feleo ushi vhleha hak o takla ahanta tok.

21. Atuk o Lewi vt iki vhleha takla nusi tuk, micha Choab tvshka chipota i kvpitvni chito vt illi tuk o, Hatat vt Echip a antvt haklo. mvt, Hatat vt Feleo ya, Ak ia cha, a yakni akinli ho ak oná, im achi tok.

22. Yohmi ma Feleo vt, Yohmi kia sa takla ish ahanta takla kvt, nanta hosh ik chim ono tuk osh chi yakni akinli ho ia chi bvna cho? im achi tok. Mihma afalamichit, Nana ik svm ono kvt iksho: yohmi ak inli kia, ik kaniohmi kia ak iá, achi tok.

23. Mihma Chihowa vt inla yvt i sanala chi ho, Eliatah ushi Leson, yvmmvt Hatat-ese Sobah i miko i maleli tok a, hilechi tok.

24. Micha hatak il ai itvnahli cha, Lewi vt Sobah asha ya vbit tahli ma, aya achvfa i kvpitvni toba tok: micha Tamaskvs a okla ona cha, yvmma vtvt Tamaskvs a okla a pehliechi tok.

25. Micha Hatat nan okpvni kvt asha ma, Solomon vt okchayvt ahanta nitak moma ka Leson ash osh Islael a im i sanali tok: micha Islael a shitiema tok; micha Silia ya i miko tok.

26. Mihma Nebat ushi Cheloboam Eflablait hatak Seleta yakni vta, Solomon in tishu, yvmma ishki hochifo kvt Seluah, ohoyo i hatak illi atok, yvmmak kia miko i sanalit ibbak a wakeli tok.

27. Ilvppa yohmi kak o miko ya i sanalit ibbak a wakeli tok: Solomon vt Millo ya ikbit iki Lewi in tvmaha holihta kinahli ya aiiskiachi tok.

28. Mihma hatak Cheloboam vt hatak blampko chilita nukvia iksho tok: mihma hatak himita nan aiokpvchi ho Solomon vt pisa mvt, Chosef in chuka achvfa isht ahalaia moma ka apesvchi ikbi tok.

29. Atuk o nitak yvmma yakohmi tok, Cheloboam vt Chelusalem a a kohchvt ia ma, hina takla aya na, Shilonait

Ahichah hopaii vt ahayuchi tok: mihma nafohka himona foka tok: mihma tuklo illa hosh yakni haiaka hieli tok.

30. Mihma Ahichah vt nafohka himona foka tuk a hoklit ishi cha, hlillichit auahtuklochi tok.

31. Micha Cheloboam a, Pokoli ho ai ishi, Chihowa Israel in Chitokaka yvt yak achi hoka, Yakeh! ap ehlichika yash mokofit Solomon ibbak a a kohchi likmvt, ap ehlichika pokoli ho chima la chi hoke.

32. Amba an tishu Lewi ak atok pulla kak o, micha Chelusalem tmaha holihta ya Israel ap ehlichika puta moma ka a kohchit atokoli li tok pulla hatuk mak o, ap ehlichika achvfa ka isha chi hoke.

33. Okla sa kanchi cha, Sitionian okla i naholbut toba ohoyo Ashtolelh, Moab okla i naholbut toba Chemosh, micha Ammon in chipota i naholbut toba Milkom aiena ka aiokpvchi cha, a hina puta ik ai itvnohowo, micha sa tikba ai vlpiesa ik yvmihecho, micha a nanvlpiesa puta, micha a nan isht ai apesa puta aiena ka ik yvmihecho kvv iki Lewi atok a ik chohmo hoka.

34. Ik yohmi kia ap ehlichika ya mominchit ibbak a a kohchit ishi la he keyu hoke: amba vm anumpa vlpiesa puta, micha a nan vlpiesa puta aiena ka ieshi hatuk o, an tishu Lewi yvma atokoli li tok pulla hatuk mak osh, okchayvt ahanta nitak moma ka miko ikbi la hi oke.

35. Amba ap ehlichika ya ushi ya ibbak a a kohchit ishit, ap ehlichika pokoli ho chima la chi hoke.

36. Micha ushi ak o ap ehlichika achvfa ho ima likma, an tishu Lewi vt Chelusalem, tmaha holihta sa hohchifo a bohli la chi hosh atokoli li tok a, pula hvv i hikia na bilia chi hoke.

37. Micha chishrao ak o chishi likma, chi chukvsh ahni tuk puta kvv, mikot Israel a i miko chia ha chi hoke.

38. Atukma yakohma hi oke, nana chi miha li moma ka ish haiyaklo cha, a hina puta ka ish a nohowvt aivlpiesa kak o sa tikba ish a yvmohmi cha, a nan vlpiesa puta, micha vm anumpa vlpiesa puta ka an tishu Lewi atok a chohmit ish ieshikma, chibafoyuka lish, Lewi im ikbi li tok

a chohmichit, chin chuka kvllo^t hikia h_o chim ikbi lish, Israel a chima la hi oke.

39. Micha ilvppak atuk mak o, Lewi ai unchololi ya ilbvshali li kia, bilia he keyu hoke, im achi tok.

40. Yvmohmi h_o Solomon vt Cheloboam a vbi bvnvt hoyo tok. Mihma Cheloboam vt wakaya cha, malelit Echip a onvt, Echip i miko Shishak a im ona cha, Echip a anta na Solomon vt illi tok.

41. Yohmi ka Solomon nana akaniohmi tok inla kv^t, micha nana yvmihchi tok puta, micha ahopoyuksa aiena kv^t, Solomon nana akaniohmi tok holisso h_a a holisso keyu, cho?

42. Mikma Solomon vt Israel moma i mikot, Chelusalem a ahanta kv^t afvmmi pokoli ushta tok.

43. Mihmvt Solomon vt iki vhleha h_a takla nusi cha, iki Lewi in tmaha holihta ya a hollopi tok: mihma ushi Lehoboam ak osh vlhtobvt miko tok.

CHAPTA XII.

MIHMMA Lehoboam vt Shechem a ona tok: Israel moma kv^t yvmma miko ikba chi hosh Shechem a ona tuk atok oka.

2. Atuk o yakohmi tok, Nebat ushi Cheloboam vt Echip a ont anta moma hosh haklo tok, (miko Solomon a Cheloboam vt i maleli cha, Echip ak o ont v^tta tok okvt:)

3. Mihma anumpa pit i pilvt okla hoyo tok: mihma Cheloboam, micha Israel moma kv^t ona mvt, Lehoboam a okla im anumpulit.

4. Chiki vt pim ikunla abana ya pi wekichi tok: yvmohmi hoka himak a chiki vt toksvli kullo pi onochi tok, micha im ikunla abana weki pi onochi tok a ish shohhvlachashke, mikma e chim antiashke, okla achi tok.

5. Mihma, Hvsh tisheli cha, nitak tuchinakma anonti hvs sv^m vlashke, im achi tok. Mihma okla hv^t tisheli tok.

6. Mihma miko Lehoboam vt hatak sipokni vhleha iki Solomon vt okchayvt ahanta moma ma, itikba hieli tok a it

im anumpulit, Nanta hō hvsh miha na okla ilvppa anumpa falama ya ima la chī cho? achi tok.

7. Mihma im anumpulit, Himak nitak a okla ilvppa in tishu tobtv, ish in toksvla chī hokma, micha anumpa falama, micha anumpa hochukma ish ima chī hokma, yohmikma chin tishu vhleha bilia chī hoke, okla achi tok.

8. Yohmi kia hatak sipokni vhleha im anumpa ima tuk a kanchi cha, hatak himithoa iba hofanti tok itikba hiel kak o it im anumpuli tok.

9. Michā, Nanta hō hvsh miha na okla ilvppvt vm anumpulit, Ikunla abana chīki vt pi onochi tok a ish shohhvlachashke, achi tuk a anumpa falama il ima chī cho? im achi tok.

10. Mihma hatak himithoa iba hofanti tok ash osh im anumpulit, Okla ilvppa yak ish im achashke, yvmmvt chim anumpulit, Chīki vt pim ikunla abana ya pī wekechi tok, amba chishno vto ish shohhvlachashke, achi tuk a yak ish im achashke, Svbbak ushi iskitini vt sukko kv̄t āki in chvshwa nipi ya i shahla chī hoke.

11. Yohmi ka himak a āki vt ikunla abana weki hō hvchi onochi tok kia, vno yokvto chim ikunla abana ya ibafohki la chī hoke; āki vt ishit-fvma yo ishit hvchi kostinichi tok kia, vno yokvto halambia hō ishit hvchi kostinichi la chī hoke, im achi tok.

12. Yvmohmi tuk o Cheloboam, micha okla moma kv̄t, mīko vt apesvt, Nitak ont isht atuchinakma anonti hvs sv̄m vlashke, achi tuk mak o, nitak ont isht atuchina ma Leho-boam a im ona tok.

13. Mihma mīko vt afalamichit okla hā anumpa kv̄llo im anumpuli cha, hatak sipokni vhleha hv̄t anumpa i miha tuk a kanchi tok.

14. Michā hatak himithoa anumpa i miha tuk ak o iakai-vt im anumpulit, Āki vt hvchim ikunla abana ya wekichi tok a ibafohki la chī hoke: āki vt ishit-fvma yo ishit hvchi kostinichi tok kia, vno vto halambia hō ishit hvchi kostinichi la chī hoke, achi tok.

15. Yvmohmi hosh mīko vt okla hā ik i haponaklo tok: Chihowa vt aiahni tok oka, yvmmvt Chihowa vt Ahichah

Shilonait a tohno na Nebal ushi Cheloboam a im anumpuli tuk vt aiahlicha he ak atok.

16. Yvmohmi ho Israe*l* moma kv*t* m*ik*o vt i haponakla he keyu ho pisa mvt, okla hash osh afalamichit m*ik*o ya, Lewi ya nanta isht pi ahalaia cho? micha il ai isha he v*h*-pesa yvt Chesse ushi ya ik pim ikshoshke: Israe*l* v*h*leha ma! hvchim v*l*bina ha hvsh iashke: himak a Lewi vt chin chuka akinli ish apistikelashke, achi tok. Yohmi ho Israe*l* vt tishelit im v*l*bina ha ona tok.

17. Amba Israe*l* im vlla v*h*leha hv*t* Chutah in tvmaha holihta aiasha hokvno Lehoboam vt i m*ik*o tok.

18. Yvmohmi ma Lehoboam vt Atolam a, yvmvt noshkobo atobbi apesvchi yatuk o pila tok: mihma Israe*l* moma kv*t* tvli ishit boli na illi tok. Yvmohmi ho Lehoboam vt malelit Chelusalem ona chi hosh tushpvt tvnvp itichanvlli ya ont chukowa tok.

19. Yohmi hosh Israe*l* vt Lewi in chuka achvfa ya i filvmit i sanali tok osh himak nitak a imoma hoke.

20. Atuk o yakohmi tok, Israe*l* moma kv*t* Cheloboam vt anonti v*l*a tuk o haklo mvt, pit hoyot okla itvnaha aiasha ka isht ona cha, Israe*l* moma i m*ik*o ikbi tok: achvfa kia Lewi in chuka achvfa ya iakaiya kv*t* iksho tok, amba Chutah apelihchi ak illa tok.

21. Atuk o Lehoboam vt Chelusalem a v*l*a mvt, Chutah in chuka achvfa moma, micha Benchamin apelihchi aiena hatak aiyuha tahlepa sipokni achvfa cha, tahlepa sipokni pokoli untuchina, yvmvt tvnvp aya ya itvnahli na, Israe*l* in chuka achvfa ya itibit, apelihchika yash anonti Solomon, ushi Lehoboam a isht im v*l*a chi hatok.

22. Yohmi tuk kia Chihowa im anumpa hv*t* hatak Chitokaka im antia Shemaiah ya im vltv yak achi tok.

23. Lehoboam Solomon ushi Chutah i m*ik*o ya, micha Chutah in chuka achvfa moma, micha Benchamin, micha okla hinli aiena ka im anumpulit yak ish achashke,

24. Chihowa vt yak achishke, Hvsh ia he keyu, micha hvch itibapishi v*h*leha, Israe*l* im vlla v*h*leha ha hvsh itiba he keyu hoke: moma kv*t* falamvt in chuka aiyukali ho hvsh

onashke: nana ilvppa vno ak osh ahni li tuk oka. Yvmohmi h_o Chihowa im anumpa h_a i haponaklo tok; micha Chihowa im anumpa hatuk mak o, falamvt ia tok.

25. Mihma Cheloboam vt Eflaim nvni h_a Shechem a ai ikbi cha, yvmma vtta tok; atuk osh yvmma kohchvt ia mvt, Penuel a ikbi tok.

26. Mihmvt Cheloboam vt chukvsh anukaka ya anukfihilit, Himak a apelihika yvt falamvt Lewi in chuka achvfa ya im ona ch_i hoke.

27. Okla ilvppvt Chihowa in chuka Chelusalem a atalaia ka nan ai vbit ont isht aiokpvchikmvt, okla ilvppa chukvsh vt anonti falamvt i shahli Lehoboam Chutah i miko ya im ona ch_i hoke; mikmvt okla svbi cha, Chutah i miko Lehoboam a anonti im ona ch_i hoke.

28. Yvmohmi hosh miko vt it im anumpuli mvt, tvli holisso lakna wak ushi tuklo h_o ikbi cha, Chelusalem a hvsh ia ka atvpa fehnvshke: Israel ma! ch_i naholvt toba Echip yakni ya pehlichit hvchi kohchi tok a hvsh pisashke, im achi tok.

29. Micha achvfa ka Behlel ak o hilechi mvt, achvfa ka Tan ak o hilechi tok.

30. Mihma nana ilvppa isht ayoshuba tok: okla hvvt achvfa Tan hikia ka itikba onvt aiokpvchi tok okvt.

31. Micha achahaka aboha puta ikbi tok: micha Lefai ushi vhleha ak keyu, okla makali ont ishtaiyopi ak o, naholitompa isht asha ikbi tok.

32. Micha Cheloboam vt hvshi isht untuchina, nitak ont isht auah tahlapi ka, impvchi Chutah impvchi akinli chohmi h_o, apesa tok; micha alta ya ai onochit im issa beka tok. Behlel ak kia yvmihchit wak ushi ikbi tuk vt, nan im vbit aiokpvchi tok: micha achahaka puta ikbi tuk naholitompa isht asha vhleha h_a Behlel ak o hilechi tok.

33. Yvmohmi hosh alta Behlel ai ikbi tuk vt hvshi isht untuchina, nitak isht auah tahlapi ma, ilap chukvsh akinli hvshi apesa tuk vt, ai onochit im issa tok: micha Israel im vlla vhleha h_a impvchi im apesa tok; micha alta ai onochit im issa mvt, nabalama ai o hukmi tok.

CHAPTER XIII.

MIHMA yakeh! hatak Chitokaka im antia yvt Chihowa im anumpa ieshi hosh Behlel a ona tok: mihma Cheloboam vt nabalama hukmi hosh alta bilika ya hikia tok.

2. Micha Chihowa im anumpa ha anumpulit alta ya im i sanalit pahaya cha, Alta ma! alta ma! Chihowa vt yak achishke; Yakeh! Lewi in chuka achufa ya vlla hohchifo kvv Chosiah yosh im vta hi oke: mikmvv yvmmv achahaka puta naholitompa isht ai ashvt nabalama chi ai onochit, hukmi vhleha ha chi ai onochit im ihisa hi oke; mikma hatak foni yosh chi onvtolvt lua hi oke, achi tok.

3. Mihma nitak yvmmak inli ho nan isht atokowa imvt, Chihowa vt anumpohonli tuk a, ilvppak osh nan isht atokowa hoke: Yakeh! alta vt kinafakma, hituk chubbi o asha tuk vt hlatapa chi hoke, achi tok.

4. Atuk o yakohmi tok, hatak Chitokaka im antia yash osh anumpulit, alta Behlel hikia ka im i sanalit pahaya ka, Cheloboam vt haklo mvv, ibbak vt alta onvtonla tuk a ishi cha, pit welit, Hoklit ishi, achi tok. Mihma ibbak a isht im i sanalit pit weli kash osh shilvt taha tok: yohmi ho falvmminchit isha he keyu tok.

5. Nan isht atokowa hatak Chitokaka im antia yash osh, Chihowa im anumpa ieshi hosh ima tuk mak o, alta ak kia kinafa ma, hituk chubbi alta o asha tuk vt hlatapa tok.

6. Mihma miko vt afalamichit hatak Chitokaka im antia yash, Chin Chitokaka Chihowa itikba ya himak a im ilbvshvt is si anumpuli na, svbbak vt anonti hlakofashke, im achi tok. Mihma hatak Chitokaka im antia yash osh Chihowa ya im asilhha ma, anonti miko ibbak vt hlakofi cha, ibbak yatuk ak inli chohmi tok.

7. Mihma miko vt hatak Chitokaka im antia yash, Si awant an chuka ona cha ish impakma, na hulbina chima lashke, im achi tok.

8. Mihma hatak Chitokaka im antia yash osh miko ya, Chin chuka ya iklvna ho is soma chi hoh kia, chi awant

ona la he keyu, micha ilvppa pvska ai vpa la he keyu, micha oka ai ishko la he keyu hoke.

9. Yohma hi o Chihowa im anumpa hvt atokolit a miha mvt, Pvska ish pa ná, micha oka ish ishko ná, micha falamvt hina ish a minti tuk akinli, anonti ish ia ná, vm achi tuk oka, im achi tok.

10. Yvmohmi hosh hina inla ho ia cha, hina a mintit Belhel vla tuk vt falamvt ik aiyo tok.

11. Mihma Belhel a hopaii sipokni vt vtta tok : mihma ushi vhleha hvt, nitak yvmma hatak Chitokaka im antia yash osh nana yvmihchi tuk moma ka, ont im anoli tok : anumpa ha miko im anoli tuk yvmma aiena ka iki ya okla im anoli tok.

12. Mihma iki vt, Katima yo ia tuk o ? im achi tok ; usbi vhliha hashot hatak Chihowa im antia Chutah minti yash osh kanima ia ka pisa tuk okvt.

13. Mihma ushi vhleha ha, Issuba haksobish falaia ya hvs svm umpatalashke, im achi tok. Yohmi ma issuba haksobish falaia im umpatali tok : mihma ombinili cha,

14. Hatak Chitokaka im antia yash iakaiyvt ia tuk osh, nosvpi nuta binili na, ont ahayuchi tok : micha, Chishno ak osh hatak Chitokaka im antia Chutah minti tuk mak o chia hoh cho ? im achi tok. Mihma, Mih sia hoke, achi tok.

15. Yohmi ma, Si awant an chuka ish ona cha, pvska ish pashke, im achi tok.

16. Mihma, Chi awant falama la he tuk keyu, micha chi awant ona la he tuk keyu : micha ilvppa pvska a chibai vpa la he keyu, micha oka a chibai ishko la he keyu boke.

17. Chihowa im anumpa hvt, Yvmma pvska ish ai vpa he keyu, micha oka ish ai ishka he keyu hoke ; micha anonti falamvt hina ish a minti tuk ak inli kv, ish ia he keyu hoke, vm achi tuk oka.

18. Hopaii sipokni ash osh, Chishno chohmit vno ak kia hopaii sia hoke : atuk o Chihowa im anumpa ho enchil vt vm anumpulit, Falvmminchit chin chuka isht ish la na, pvska vpv, micha oka ishkashke, vm achi tuk oke, im achi tok. Yohmi kia i holabi tok.

19. Yohmi h_o falama cha, in chuka pvska ont ai v_{pvt}, oka ai ishko tok.

20. Atuk o yakohmi tok, ai impa a chiya ma, Chihowa im anumpa hvt hopaii falvmminchit isht vla kash o im vla tok.

21. Micha hatak Chitokaka im antia Chutah minti yash, chitolit im anumpuli mvt, Chihowa vt yak aebishke, Chihowa itih h_a chik im antio hosh anumpa v_hhpisa chin Chitokaka Chihowa vt chim apesa tuk a chik iesho hosh,

22. Amba falamvt ish la na Chihowa vt chim achi kv_t, Pvska ish pa ná, micha oka ish ishko ná, achi tuk pvska ish ai v_{pa}, micha oka ish ai ishko hokvt, chi nipi illi vt i_{ki} v_hleha im ahollopi y_a ona ch_i keyu hoke.

23. Atuk o yakohmi tok, pvska v_{pvt} issa ma, micha nan ishkot issa ma, hopaii falvmminchit isht vla kash osh, issuba haksobish falaia yash im umpatali tok.

24. Mihma ia tuk o hina takla y_a, koi chito vt afama cha, vbi tok: micha haknip illi y_a hina takla pila na itoyula ma, issuba haksobish falaia ash osh bilika hikia ma, koi chito ak kia haknip illi y_a bilika hikia tok.

25. Atuk o yakeh! hatak vt itvnoh_owa ma, haknip illi yash osh hina lapali ka itoyula na, koi chito vt haknip illi yash bilika hikia h_o p_{isa} tok: micha tvmaha holihta hopaii sipokni ai vtta y_a ont anoli tok.

26. Atuk o falvmminchit isht vla tuk hopaii yash osh haklo mvt, Hatak Chitokaka im antia, yvmmv_t Chihowa im anumpa ik im antio tuk ash oke: yvmohmi hatuk o Chihowa im anumpa hvt im achi tuk mak o, Chihowa vt koi chito ima na hlillichit vbi hoke, achi tok.

27. Micha ushi v_hleha h_a im anumpulit, Issuba haksobish falaia y_a hvs sv_m umpatalashke, im achi tok. Mihma umpatali tok.

28. Mihma ia tuk osh hina takla haknip illi yash osh itoyula na, issuba haksobish falaia, micha koi chito itatuklo kv_t haknip illi bilika hiel na, ont ahayuchi tok; koi chito vt haknip illi y_a ik po, micha haksobish falaia y_a ik hlillecho tok.

29. Mihma hopaii yash osh hatak Chitokaka im antia

haknip illi yash ishi cha, issuba haksobish falaia onochit falvmminchit ishit minti tok; micha hopaii sipokni yash osh ishit yaiya cha, hohpa chi hosh tumaha holihta ya vla tok.

30. Michā haknip illi yash ilap im ahollopi ak inli ho bohli tok: mihma ishit yaiyvt, Ikikkeh! itibapishi li ma! ahanchi tok.

31. Atuk o yakohmi tok, hohpi hayvt, ushi vhleha ha im anumpulit, Sullikma ahollopi hatak Chitokaka im antia vt ahollopi tuk ak o hvs sa hohpushke; sa foni ya i foni ya apotolit hvsh bohlashke.

32. Chihowa im anumpa ho Belhel a alta hikia ka i sanalit, micha Samalia ya achahaka puta chuka hiohmaya ka i sanalit chitolit anumpohonli tuk vt, ont ai ahli pulla chi hoke, achi tok.

33. Nana ilvpput yakohmi haya Cheloboam vt nana ik achukmo aya tuk vt ik falamo hosh, amba okla makali isht-aiyopi ak o, achahaka puta naholitompa isht asha ikbi tok; kuna hosh vlvpesa ahnikma atokoli na achahaka naholitompa isht vtta toba tok.

34. Atuk o nana ilvppak o Cheloboam in chuka achvfa yvt isht ayoshuba na yakni paknaka ya a mosholit ai iksho ka chi hatok.

CHAPTA XIV.

NITAK yvmma Cheloboam ushi Abichah vt abeka tok.

2. Mihma Cheloboam vt tekchi ya, Wakaya, chim asilhha lishke, micha inla ish ilahobi na, Cheloboam a tekchi chia ka ik chithano kashke: micha Shiloh ha ish onashke: yakeh! hopaii Abichah vt yvmma ahanta hoke; yvmmak osh okla ilvppa i miko toba la chi ka, vm anoli tok.

3. Michā pvska lumbo pokoli, micha pvsha shila, micha foebila kotoba achvfa aiena ho ish ishi cha, ish im onashke: yvmmak osh vlla yvt kaniohma chi ka, chim anola chi hoke, im achi tok.

4. Mihma Cheloboam tekchi vt yvmihchi tok: micha wakaya mvv, Shiloh ha onvt, Abichah in chuka ya ona tok.

Yohmi kia Ahichah vt pisa he keyu tok; sipokni kak osh nishkin vt illi hatuk okvt.

5. Mihma Chihowa vt Ahichah ya, Yakeh! Cheloboam tekchi vt ushi ak o nana chi ponakla chi hosh mintishke: abeka hoka: yak im achit, micha ish yak im achashke: yakohma 'chi hoka, vlakmvt, ohoyo inla ilahoba chi hoke, im achi tok.

6. Atuk o yakohmi tok, okhissa ya vla na iyi nowa ka haklo mvt, Chukowá, Cheloboam tekchi chia hvt, nanta katiohmi ho inla ish ilahobi cho? sa tohno na anumpa weki ho ishit chim aya li hoka.

7. Iá, Cheloboam a ish im anolashke, Israel in Chitokaka Chihowa vt yak achishke, Okla ai ititakla ya ai ishit chi chahvchit, vm okla Israel a i miko chikbi li tuk,

8. Michá apehlichika yash mokofit Lewi in chuka achvfa ya im ishi li mvt, chima li tuk oke: yohmi tuk kia an tishu Lewi yatuk a chik chohmoshke, yvmmak okvto vm anumpa vlpisa puta ka holitobli tok: micha yvmmak okvt chukvsh aiokluhvt siakaiya cha, sa tikba ai vlpiesa bano kak o yvmohmi tok oke.

9. Amba nana ik achukmo ish yvmihchi kv, chi tikba chashpo asha tuk moma ka ish i shahlichishke: naholbvt toba puta, micha bilvt akmot naholbvt toba puta aiena ka ikbit, is sa nokovchishke; micha chim ashaka is sa kan-chishke.

10. Yvmohmi hoka yakeh! nana ik achukmo ka Cheloboam a in chuka achvfa ya onochi la hi oke; mikmvt nakni kanima kia, micha Israel yuka, micha Israel yuka keyu aiena ka Cheloboam a ishit kanchi lish, Cheloboam in chuka achvfa asha ka, hatak osh lukfi yo ishit kanima ont kanchi na, momvt ont taha chatuk mak o, chohmichit ishit kanchi la hi oke.

11. Cheloboam ai achvfa yosh tvmaha holihta ai illi hokvno, ofi puta hosh vpa chi hoke; mikma yakni haiaka yo ai illi hokvno, hushi puta vba itvnowa hosh vpa chi hoke; Chihowa ak osh anumpuli tok oka.

12. Yvmohmi hoka wakaya cha, chin chuka ak inli ish

onashke: atukma tmaha holihta ya chiyi yvt chukowakma, vlla yash osh illa chi hoke.

13. Mikma Israel moma kvv ishiv yaiyvt hohpa chi hoke: Cheloboam a ai achvfa yvt yvmmak illa hosh ahollopi ya ona chi hoke; yvmmak okvto Cheloboam in chuka achvfa ya, nana achukma kaniohmi ka Israel in Chitokaka Chihowa i yvmohmi hatuk okvt.

14. Micha Chihowa vt Israel a i miko ya chi ho, ikbit hilechi na, yvmmak osh Cheloboam in chuka achvfa ya nitak yvmma ishiv kancha chi hoke, micha katiohmik mak o? himonasi fehna ka.

15. Chihowa vt Israel a kushak osh oka hikivt winakabanchi kak inli chohmichit issot kancha chi hoke; micha Israel a yakni achukma ilvppa iki vhleha ima tuk vt, loblit ishiv kancha chi hoke; micha okhina mish tvnnp ont ita fimimbla chi hoke; iti lokoli ikbit Chihowa ya nokowuchi hoka.

16. Micha Cheloboam vt nanashvchi tuk, yvmmvt nan ashvchi cha, yvmmvt Israel a nan ashvchechi tuk aiena pulla kak o, Israel a kancha chi hoke, achi tok.

17. Mihma Cheloboam tekchi vt wakaya cha, ivt Tisah ya ona tok; atuk osh okhissa atuya ya ona ma, vlla yash osh illi tok.

18. Mihma Chihowa im anumpa hatuk in tishu hopaii Ahichah ya tohno na, anumpuli tuk mak o, okla hohpi cha, Israel moma kvv ishiv yaiya tok.

19. Mihma Cheloboam nana akaniohmi tok inla puta, kaniohmit itin tanampi tok, micha kaniohmit miko tok vt yakeh! Israel i miko vhleha i nitak holisso ha a holisso hoke.

20. Mihma Cheloboam vt mikot ahanta na, afvmmi pokoli tuklo akucha tuklo tok; mihmvt iki vhleha takla nusi tok: micha ushi Natab ak osh vlhtobvt miko tok.

21. Mihma Solomon ushi Lehoboam vt Chutah yak o a miko tok. Lehoboam vt afvmmi pokoli ushta akucha achvfa hosh mikot ishtia tok: atuk osh afvmmi auah untuklo ho Chelusalem tmaha holihta Chihowa vt hohchifo a bohla chi

hosh, Isra'el apelihi moma ka ai atokoli tok a, a miko tok : mihma ishki vt Ammonait ohoyo hosh hohchifo hvt Naamah atok.

22. Mihma Chutah vt Chihowa itikba ya nana ik achukmo ka yvmohmit, iki vhleha hvt nana yvmihchi tok moma ka, i shahlichit, nan ashvchi yvmihinchi tuk osh nuktvlachi tok.

23. Yvmmak kia achahaka puta ikbit, micha naholbvt toba puta, micha iti lokoli puta nvnih chaha puta paknaka, micha iti hishi okchamali puta nuta ya ai ikbi tok oka.

24. Mihma yakni yash Sotomait ak kia asha tok : mihma nanashvchi yuwalvchi oklushi puta Chihowa vt Isra'el im vlla vhleha itikba ya tihlelit kocha wehli tok o, yvmohmi tok vt moma ka yvmohmi tok.

25. Atuk o yakohmi tok, Lehoboam vt miko tok afvmmi vt ont ishit tahlapit ia ma, Echip i miko Shishak vt Chelusalem a vlv in tanampi tok.

26. Michi Chihowa in chuka nana holitompa aiasha ka, michi miko in chuka nana holitompa aiasha aienu ka ant ishtia tok ; moma kia ishtia tok : michi vli holisso lakna telihpa Solomon vt ikbi tok moma ishtia tok.

27. Mihma miko Lehoboam vt atobbichit asonak lakna yo telihpa puta ikbi cha, nan atoni i kvpitvni, miko im aboha okhissa apistikeli ya ibbak fohki tok.

28. Atukma yakohmi beka tok, miko vt Chihowa in chuka ya ont chukowakmvt, nan atoni vt shoyuli tuk osh, falvmminchit nan atoni im aboha isht vla beka tok.

29. Yohmi ka Lehoboam nana akaniohmi tok inla kvv, michi nana yvmihchi tok moma kvv, Chutah i miko vhleha i nitak holisso ha a holisso keyu cho ?

30. Lehoboam, michi Cheloboam ita tuklo kvv okchayvt ahashwa nitak moma kvv, it in tanampi tok.

31. Mihma Lehoboam vt iki vhleha takla nusi cha, iki vhleha takla Lewi in tmaha holihta ya ahollopi tok. Mihma ishki vt Ammonait ohoyo hosh hohchifo kvv Naamah atok. Mihma ushi Abicham vt vltobvt miko tok.

CHAPTA XV.

YOHMI ka Nebat ushi Cheloboam vt miko tok, afvmmi vt ont ishit auah untuchina ho, Abicham vt Chutah ya i miko tok.

2. Afvmmi tuchina ho mikot Chelusalem a ahanta tok. Mihma ishki vt Abishalom ushetik osh hohchifo kvv Maachah atok.

3. Mihmvt iki vt itikba nan ashvchi ai yvmohmi tok, moma kak o a nohova tok: micha iki Lewi chukvsh atok a chohmit, in Chitokaka Chihowa itikba ya chukvsh vt ai ahli tok keyu hoke.

4. Yohmi kia Lewi atok pulla kak o, in Chitokaka Chihowa vt Chelusalem a pvla ai imvt, ushi iakaiya ka hilechi cha, Chelusalem a kvlochit hilechi tok.

5. Lewi vt Chihowa itikba ya aivlhpiesa kak o yvmihchi cha, nana i miha ka okchayvt ahanta nitak moma kvv nak-sika ik aiyo, amba Uliah Hittait a nana akaniohmi tok ak illa tok.

6. Micha okchayvt ahanta nitak moma ka Abicham, micha Cheloboam itatuklo kvv itin tanampi tok.

7. Yohmi ka Abicham vt nana akaniohmi tok inla kvv, micha nana yvmihinchi tok moma kvv Chutah i miko vhleha i nitak holisso ha a holisso keyu cho? Mihma Abicham, micha Cheloboam itatuklo kvv it in tanampi tok.

8. Mihma Abicham vt iki vhleha ha takla nusi tok: mihma Lewi in tmaha holihta ya a hohpi tok: mihma ushi Asa vt vlhtobvt miko tok.

9. Mihma Cheloboam vt Israel a i miko tok, afvmmi vt ont ishit pokoli tuklo ho, Asa vt Chutah ya i miko tok.

10. Micha afvmmi pokoli ushta akucha achvfa ho mikot Chelusalem a ahanta tok. Mihma ishki vt Abishalom ushetik osh hohchifo kvv Maachah atok.

11. Micha Asa vt iki Lewi atok a chohmit Chihowa itikba ya, aivlhpiesa kak o yvmihchi tok.

12. Micha Sotomait vhleha h_ə yakni yash ishit a kohchi tok; micha naholbvt toba puta i_{ki} vhleha hv_t ikbi tok a ishit kanchi tok.

13. Micha ishki Maachah ak kia iti lokoli y_a naholbvt toba ai ikbi tok atuk o, m_iko ohoyo atok a kohchi tok; micha Asa vt i naholbvt toba y_a chanlit akvchi cha, bok ushi Kitlon bilika y_a a hukmi tok.

14. Yohmi kia achahaka puta ka ishit ik kanchi tok: yohmi kia okchayvt ahanta nitak moma kv_t, Asa chukvsh vt Chihowa itikba y_a aiahli tok.

15. Micha i_{ki} vt nana hullochi tok puta, micha ilap vt nana hullochi tuk puta aiena tvli hv_ta, micha tvli holisso lakna, micha nan ai vlhto aiena ka Chihowa in chuka isht v_la cha, anukaka ashachi tok.

16. Mihma Asa, micha Israel i m_iko Baasha itatuklo kv_t, i nitak moma kv_t it in tanampi tok.

17. Mihma Israel i m_iko Baasha vt ivt Chutah y_a itibi tok; micha achvfa kia Chutah i m_iko Asa y_a ik im oná, ik ahno hosh, micha a kohchvt ik mintí, ik ahno hosh, Lamah y_a ikbi tok.

18. Yohmi ma Asa vt tvli hv_ta, micha tvli holisso lakna Chihowa in chuka na holitopa ai asha y_a asha tuk moma, micha m_iko in chuka naholitopa aiasha y_a asha tuk moma ishi cha, in tishu vhleha ibbak a fohki tok: micha m_iko vt Tablimon ushi yvmmvt Hesion ushi, Benhatat Silia i m_iko Tamaskvs v_tta y_a pit i pila mv_t,

19. Ūno, micha chishno il itatuklo, micha a_{ki}, micha chi_i ki itatuklo ka anumpa ai itibai achvfa it im apesa yvt itonlvshke; yakeh! nahvlbina tvli hv_ta, micha tvli holisso lakna aiena ka chi pila lishke: minti cha, Israel i m_iko Baasha y_a anumpa ai itibai achvfa itim apesa y_a ish it i kobvffi na, a filvmmmit iashke, achi tok.

20. Yohmi h_ə Benhatat vt m_iko Asa y_a i haponaklo cha, tvshka chipota i kvpitvni puta im asha tuk vt Israel in tumaha puta ka itiba chi h_ə pila cha, Ichon, micha Tan, micha Abel-belh-maachah, micha Sinneloh moma, micha Naftali yakni vt moma ka issot kanchi tok.

21. Atuk o yakohmi tok, Baasha vt haklo mvt, Lamah ya ikbi tuk vt issa cha, Tisah ak o ai vttā tok.

22. Yohmi ma Asa vt Chutah moma ka haklochit hlopulichi tok; achvfa kia ik hlakofo tok: micha Baasha vt Lamah isht ikbi tuk tvli, micha iti aiena ka okla isht ia tok: micha Asa vt Keba Benchamin yakni talaia, micha Mispah ya isht ikbi tok.

23. Asa nana akaniohmi tok moma inla vt, micha nan ai im ai ahli tok moma, micha nana yvmihinchī tok moma, micha tmaha holihta puta ihikbi tok vt, Chutah i miko vhleha i nitak holisso ha a holisso keyu cho? Yohmi kia sipoknit taiyaha mvt, iyi yvt imomokpulo tok.

24. Mihma Asa vt iki vhleha ha takla nusi cha, iki vhleha takla iki Lewi in tmaha holihta ak o a hollopi tok: mihma ushi Chehoshafat vt vlhtobvt miko tok.

25. Mihma Cheloboam ushi Natab vt, Asa vt Chutah i miko tok afvmmi ont atuklv̄t ishtia ho, Israēl a i mikot ishtia tok; micha afvmmi tuklo ho Israēl a i miko tok.

26. Mihma Chihowa itikba ya nana ik achukmo ka yvmihchi cha, iki vt a yvmohmi tok a iakaiya tok: micha nanashvchi Israēl nan ashvehichi tok a aya tok.

27. Mihma Ahichah ushi Baasha, Issaka in chuka achvfa ai achvfa yosh, i sanalit anumpa luma ikbi tok: micha Baasha vt Kibbehlon ak o yvmmvt Filistin okla immi hoka ai vbi tok: Natab, micha Israēl moma kv̄t Kibbehlon a in tanampit abinvchit apakfoyupa tok.

28. Asa vt Chutah ya i miko tok afvmmi vt ont isht atuchina kak o, Baasha vt vbi cha, vlhtobvt miko tok.

29. Atuk osh yakohmi tok, miko mvt, Chihowa vt anum-pulit in tishu Ahichah Shilonait a tohno na anumpohonli tok mak o, Cheloboam a in chuka achvfa ya issot kanchi tok; achvfa kia fiompa ka Cheloboam ik i hlakoficho hosh ishit kanchi tok.

30. Cheloboam nanashvchi puta ashvchi tok, micha Israēl ashvehichi hosh Israēl in Chitokaka Chihowa ya ishit noko-wvchi tok ak atok.

31. Yohmi ka Natab nana a kaniohmi tok puta inla kv̄t,

micha nana yvmihchi tok moma kv̄t, Israēl ī m̄iko v̄hleha ī nitak holisso h̄a a holisso keyu cho?

32. Micha Asa, micha Israēl ī m̄iko Baasha itatuklo kv̄t ī nitak moma kv̄t it in tanampi tok.

33. Asa vt̄ Chutah ȳa ī m̄iko tok, afv̄m̄mi vt̄ ont isht atu-china h̄o, Baasha vt̄ Tisah ȳa v̄ttvt̄ Israēl moma ka ī m̄ikot ishtia tok, afv̄m̄mi pokoli tuklo akucha ushta tok.

34. Micha Chihowa itikba ȳa nana ik achukmo ka yvmih-chit, Cheloboam a yvmohmi tok, micha nanashv̄chi Israēl a isht ashv̄chichi tuk ā a noh̄owa tok.

CHAPTA XVI.

YUMOHI ma Chihowa im anumpa hv̄t Baasha ȳa ī sanalit Hanani ushi Chesu ȳa im v̄la mv̄t,

2. Lukfi pushi a kohchit achaha chisht ona li tok, micha v̄m okla Israēl ā ī m̄iko chikbi li tok ā, Cheloboam a yvmohmi tok mak ō, ish a noh̄owa cha, v̄m okla Israēl ā ish yoshublich̄i na, nanashv̄chi ȳa ishit sa nokowv̄chi tuk oka.

3. Yakeh! Baasha im ishtatiaka, micha in chuka achv̄fa im ishtatiaka ȳa ishit kanchi la ch̄i hoke; micha chin chuka achv̄fa ȳa Cheloboam in chuka achv̄fa ȳa chohmichi la ch̄i hoke.

4. Baasha ȳa ai achv̄fa yosh tmaha holihta ai illikma, ofi puta kv̄t v̄pa ch̄i hoke: micha ai achv̄fa yosh yakni haiaka ai illikma, hushi v̄ba itv̄nowa puta yosh v̄pa ch̄i hoke, achi tok.

5. Yohmi ka Baasha nana akaniohmi tok inla kv̄t, micha nana yvmihchi tok, micha nan ai im aiahli tok puta kv̄t, Israēl ī m̄iko v̄hleha ī nitak holisso h̄a a holisso keyu cho?

6. Micha Baasha vt̄ īki v̄hleha h̄a t̄akla nusi cha, Tisah ak ō a hollopi tok: micha ushi Elah ak osh v̄lhtobut m̄iko tok.

7. Micha Hanani ushi hopaii Chehu ȳa tohno na, Chihowa im anumpa hv̄t Baasha, micha in chuka achv̄fa ȳa ī sanalit v̄la akinli tok; Chihowa itikba nana ik achukmo moma ka yvmihchit, ibbak ā nana ishit toksv̄lit Cheloboam in chuka achv̄fa ȳa chohmi kak osh, micha yv̄mma v̄bi kak osh nokowv̄chi kak atok.

8. Asa vt Chutah ya i miko tok, afemmi vt ont ishit pokoli tuklo akucha hannali ho, Elah vt Tisah ya ahantvt, Israel i mikot ishtia tuk osh afemmi tuklo tok.

9. Mihma tnvvp im itichanvlli puta iklvna i kvpitvni Simli vt Tisah antvt, in chuka Tisah talaiia ka apesvchi Alsa yvmma in chuka antvt, oka ishkot haksi ma, i sanalit anum-pa luma ikbi tok.

10. Mihma Asa vt Chutah ya i miko tok afemmi ont ishit pokoli tuklo akucha untuklo ho, Simli iba chukowvt fahama cha, vbi tok, mihmvt vlhtobvt miko tok.

11. Atuk osh yakohmi tok, mikot ishtia mvt, miko im ai ombinili holitompa ombinili mak inli hosh, Baasha in chuka achvfa moma ka vbit tahli tok; nakni achvfa kia micha i kanomi, micha it i kana ya achvfa kia ik in hlakoficho tok.

12. Yakohmichi hosh Simli vt Chihowa im anumpa, yvm-mvt hopaii Chehu ya tohno na, Baasha ya im a sanalit anum-pohonli tok mak o, Baasha in chuka achvfa moma ka ishit kanchi tok.

13. Baasha nanashvchi moma, micha ushi Elah vt nana-shvchi isht ashvchi tok, micha Israel a ashvchichi hosh, i nan ik ahobo puta ka, Israel in Chitokaka Chihowa ya ishit nokovvchi tuk ak atok.

14. Yohmi ka Elah vt nana a kaniohmi tok inla kvv, micha nana yvmihchi tok moma kvv, Israel i miko vhleha i nitak holisso ha a holisso keyu cho?

15. Asa vt Chutah ya i miko tok, afemmi vt ont ishit pokoli tuklo akucha untuklo ho, Simli vt Tisah ya antvt nitak untuklo ho miko tok. Mihmvt okla hvv Kibbehlon yvmvvt Filistin okla immi hatuk o, in tanampit abinvchit apakfoyupa tok.

16. Mihma okla hvv binachit asha tuk vt, Simli vt anum-pa luma ikbit, miko ya vbi tuk, achi ho haklo tok: yvmoh-mi hatuk o, Israel moma kvv tvshka chipota i kvpitvni Omli ak o, nitak yvmma binah ha Israel a i miko ai ikbi tok.

17. Mihma Omli vt Israel moma aiena hosh, Kibbehlon a asht ia mvt, Tisah ya in tanampit abinvchit apakfoyupa tok.

18. Atuk o yakohmi tok, tmaha holihta ya ishi na, Simli vt pisa mvt, miko in chuka holihta ya pit chukowa mvt, miko in chuka ya luak ishit hukmit, il o kinvffi cha, illi tok.

19. Chibowa itikba ya nana ik achukmo ka yvmihchit, nan ashvchit Cheloboam a yvmohmi tok a, a noh_owa tuk, micha Cheloboam vt nanashvchi cha, Israel a nanashvchi chi yatak ak o, yvmohmi tuk ak atok.

20. Yohmi ka Simli vt nana a kaniohmi tok inla kv_t, micha apelihchika yash i sanalit yvmohmi tok aiena kv_t, Israel i miko vhleha i nitak holisso ha a holisso keyu cho ?

21. Yohmi ma Israel okla hv_t it i filv_mmit, kashapa tuklo tok: okla iklv_na kv_t Kinalh ushi Tibni ak o miko ikbit, iakaiya ma, iklv_na kv_t Omli ak o iakaiya tok.

22. Yohmi tuk kia Omli ya okla hv_t iakaiya tuk ak osh, Kinalh ushi Tibni okla hv_t iakaiya tuk a, imaiya tok; yohmi h_o Tibni vt illi ma, Omli vt miko tok.

23. Asa vt Chutah ya i miko tok, afv_mmi vt ont ishit pokoli tuchina akucha achvfa h_o, Omli vt Israel a i mikot ishtia tuk osh, afv_mmi auah tuklo h_o miko tok: afv_mmi hannali h_o Tisah ya antv_t miko tok.

24. Samalia nv_nih ha tvli hv_ta talent tuklo h_o, Sheme ya in chumpa cha, tmaha holihta nv_nih ha ai ikbi mvt, tmaha holihta ikbi tok a, nv_nih hv_t immi hatuk, Sheme ak o a hohchifochit, Samalia achi tok.

25. Yohmi kia Omli vt Chibowa itikba ya nana ik achukmo ka yvmihchit, micha tikba asha tuk moma ka, nana ik achukmo yvmihchi kv_t i shahlichit tok.

26. Nebat ushi Cheloboam vt nana a kaniohmi tok moma, micha nan ashvchi Israel a isht ashvchichit, micha i nan ik ahobo puta ka Israel in Chitokaka Chibowa ya ishit noko-
vchi tuk a, a noh_owa tok oka.

27. Yohmi ka Omli vt nana a kaniohmi yvmihchi tok inla kv_t, micha nan ai im aiahli otv_nihinchit tok puta kv_t, Israel i miko vhleha i nitak holisso ha a holisso keyu cho ?

28. Mihma Omli vt iki vhleha takla nusi cha, Samalia ya a hollopi tok: mihma ushi Ahab vt vltobvt miko tok.

29. Michi Asa vt Chutah ya i miko tok, afv_mmi vt ont

ishit pokoli tuchina akueha untuchina aiena ho, Omli ushi Ahab vt Israel a i mikot isht ia tok: micha Omli ushi Ahab vt, afvmmi pokoli tuklo akueha tuklo ho, Israel a i mikot Samalia ya ahanta tok.

30. Mihmvt Omli ushi Ahab vt Chihowa itikba ya nana ik achukmo yvmohmi kv, tikba a sha tuk moma ka, i shah-lichi tok.

31. Atuk osh yakohmi tok, Nebat ushi Cheloboam nan ashvchi puta ka a nohwa ka, nan ik ahobo nana chohmi-chit, Sitionian okla i miko Elhbaal ushetik Chesebel a ishit itauwaya cha, ivt Baal a im antivt aiokpvchi tok.

32. Micha Baal in chuka Samalia ya ai ikbi tuk vt, Baal a alta im ai ikbi tok.

33. Micha Ahab vt iti lokoli ikbi tok; micha Ahab vt nana kaniohmit, Israel in Chitokaka Chihowa ya nokovvchi kv, Israel i miko vhleha tikba a sha tok moma ka i shah-lichi tok.

34. I nitak o Belh-elait Hiel vt Cheliko ya ikbi tok: Chihowa im anumpa hatok, Nun ushi Choshua vt anumpuli tok mak o, in tola ya ushi tikba vta Abilam ak o, ishit bohli mv, yvma holihta okhissa ya ushi ishtaiyopi Sekub ak o, ishit hilechi tok.

CHAPTA XVII.

MIHMA Tishbait Elichah Kileat okla ai achvfa yvt Ahab a, Israel in Chitokaka Chihowa vt okchaya pulla ka, yvma itikba ya hikia li ka, afvmmi kanohmi ilvppa fichak, micha umba nana kia iksho ka chi hoke, amba vm anumpa pulla tuk ak achi hoke, im achi tok.

2. Mihma Chihowa im anumpa hv im vla mv,

3. Ilvppa issvt ish iashke, micha hvshi akochaka pilla pit ish filema cha, bokushi Chelilh Chatan itikba bachaya ka, bilika ont ish lumashke.

4. Atukma yakohma hi oke, bokushi yash o ish ai ishka hi oke: mikma fula chito puta kv yvma a chipeta hi a, im apesa li tuk oke, achi tok.

5. Yohmi h_o Chihowa im anumpa hatuk mak o, yohmi tok: bok-ushi Chelihl Chatan itikba bachaya ka, bilika ak o ona cha, ahanta tok okvt.

6. Atuk o onnahinlikma f_ula chito puta kv_t pvska, micha nipi ya isht im v_la tukmvt, opiakma pvska, micha nipi ya isht im v_la tok: mihma bokushi yak o ai ishko tok.

7. Atuk o kaniohmi foka ma yakohmi tok, yakni yash umba keyu hatuk o, bokushi vt shilvt taha tok.

8. Mihma Chihowa im anumpa hv_t im v_la mvt,

9. Wakaya cha, Salefalh, yvmvt Siton immi hoka, yvm-mak o ish ona cha, ish ahantashke: yakeh! ohoyo i hatak illi yv_mma v_tta hosh chipeta hi a, im apesa li tuk oke, achi tok.

10. Yohmi h_o wakaya cha, Salefalh a ona tok: atuk osh tv_mmaha holihta okhissa ya ona ma, yakeh! ohoyo i hatak illi yash osh iti aiowa hosh anta tok: mihma i howa cha, Chim asilhha lishke, oka kanomosi nan aivlhto v_nit isht is sv_m v_la na, ishko lashke, achi tok.

11. Mihma ont isht v_la ch_i hosh ia ma, i howa cha, Chim asilhha lishke, pvska tushafa achvfa ka isht is sv_m v_lashke, achi tok.

12. Mihma chin Chitokaka Chihowa vt okchaya pulla ka, pvska achvfa kia ik sv_m iksho, amba onush pushi ibbak vlhto achvfa bano hosh ishtochi ya alhto, micha bila kanomosi hosh kotoba ya alhtoshke: atuk o yakeh! iti tuklo aiowa likmvt, chukowa lish, hoponi likma, vno, micha svso il itatuklo kv_t e pa cha, pilla ch_i hatuk oke, achi tok.

13. Mihma Elichah vt, Chi nukshopa na! ia cha, ish achi tuk vt ish yvmihchashke: yohmi kia pvska iskitini tikba ik-bit isht is sv_m v_lashke; ish yohmi hayosh chishno, micha chiso itatuklo hvsh pa ch_i kv_t ish ikbashke.

14. Israel in Chitokaka Chihowa vt yak achi hoka, Onush pushi ishtochi vt tahvt ia he keyukma, bila kotoba vlhto kv_t ik taho h_o, Chihowa vt yakni ya umba et onochi nitak vt v_la hi oke.

15. Mihma ivt Elichah vt nana achi tuk mak o yvmihchi tok: mihma Elichah, micha ohoyo hash osh, micha in chuka achvfa aiena kv_t ihimpa na, nitak laua tok.

16. Mihma Chihowa im anumpa Elichah tohno na, anum-puli tuk mak o, onush pushi ishtochi vlhto kv̄t tahvt ia keyu ma, bila kotoba vlhto kv̄t ik taho tok.

17. Atuk o iluppvt yohmi haya yakohmi tok; ohoyo chuka achvfa pehlichy yash ushi vt abeka tok: abeka i palvmmi fehna hatuk osh fiopa issa tok.

18. Mihma Elichah ya, Hatak Chitokaka im antia chia ma! nanta ishit chi ahalaia li cho? nan ai ashvchi li ya is svthvnanchi cha, svso ha ish ba chi hosh, is sv̄m vla cho? im achi tok.

19. Mihma, Chiso ha vma, im achi tok. Micha shakba foka tuk a ishi cha, vba potvlhpo ai vta beka tuk vt isht ona cha, ilap in topa akinli ho om bohli tok.

20. Micha Chihowa ya i pahayvt, Chihowa an Chitokaka ma! ohoyo i hatak illi takla ahanta li kash kia, nan ik achukmo ka onochit ushi ya ishbi cho? achi tok.

21. Mihmvt hituchina ha chisemot vlla yash onvtola cha, Chihowa ya i payvt, Chihowa an Chitokaka ma! chim asilhha lishke, vlla iluppa shilombish vt anonti ant fohkashke, achi tok.

22. Mihma Chihowa vt Elichah paya ka haklo tok: mihma vlla yash shilombish vt anonti ant fohka na, falamvt okchaya tok.

23. Mihma Elichah vt vlla yash ishi cha, vba potvlhpo ya akowvt aboha ya isht ona cha, ishki ya ibbak fohki tok: micha Elichah vt Pisá, chiso hv̄t okchayvshke, achi tok.

24. Mihma ohoyo hash osh Elichah ya, Himak ano hatak Chitokaka im antia chia, micha Chihowa im anumpa hv̄t chitih ha foyuka kv̄t ahli ka iluppak o isht ithaiyana lishke, achi tok.

CHAPTA XVIII.

ATUK o nitak laua haya yakohmi tok, avmmi ont isht atuchina ma, Chihowa im anumpa hv̄t Elichah ya im vla mv̄t, Iá, Ahab a ont ish im ile haiakvchashke; mikma yakni ya umba et onochi lashke, achi tok.

2. Mihma Elichah vt Ahab a im ile haiakvcha ch_i hosh ia tok: mihma Samalia ya hohevfo palvmmi fehna tok.

3. Mihma Ahab vt, Obatiah vt in chuka achvfa apesvchi yatuk o, hoyo tok: mihma Obatiah vt Chihowa ya i nukshopa fehna yatok.

4. Yakohmi tok atok, Chesebel vt Chihowa i hopaii vhleha ha ishit kanchi ma, Obatiah vt hopaii tahlepa achvfa ho ishi cha, pokoli tahlapi bika ho hvchukbi ya a luhmit ashachi cha, pvska, micha oka aiena ka ipeta tok atok okvt.

5. Mihma Ahab vt Obatiah ya, Ia cha, yakni ya chukovvt, oka aiateli puta, micha bokushi puta moma ka ish onashke: hvshuk a il ahayuchi yoba cha, issuba, micha issuba haksobish falaia aiena ka il okchalinchi cha, nan vhpoma moma kvt illit ik pin taho yoba na, achi tok.

6. Yohmi hosh yakni ya hlopulla ch_i hosh itakashapa tok; mihma Ahab vt ilap bano hosh hina achvfa ho iakma, Obatiah vt ilap bano hosh hina inla yo ia tok.

7. Atuk o Obatiah vt ia hosh aya ma, yakeh! Elichah vt afama tok: mihma ithana mvt, nashuka ishit hlipia cha, Chishno vt a shahli, Elichah chia mak oh cho? achi tok.

8. Mihma afalamichit, Mih sia hoke; ia cha, ch_i shahli ha, Yakeh! Elichah vt antvshke, ont im anoli, achi tok.

9. Mihma, Nanta ho nan ai ashvchi li tuk o, chin tishu Ahab ibbak a is sa fohki na, svba ch_i cho?

10. Chin Chitokaka Chihowa vt okchaya pulla ka, a shahli hvv okla nana kia, micha apelhlichika nana kia, pit ik chi a hoyo ka ikshoshke: micha, Yvmma iksho, achi ma, miko apelhlichika micha yakni kia ik chi ahayucho tuk vt, anumpa kvllo il onochit miha he, im apihisa beka tok.

11. Mihma himak a, Ia, ch_i shahli ha, Yakeh! Elichah vt antvshke, ont im anoli, ish achishke.

12. Atukma yakohma ch_i hoke, ch_i filvmmi ia li makinli ho, Chihowa imi Shilombish vt kanima ithana li keyu ho, chisht ia ch_i hoke; atukma yohmit Ahab a ont im anoli li tuk o, ik chi ahayuchokmvt, svba ch_i hoke: yohmi kia chin tishu vno vt, vlla si amomvt Chihowa i nukshopa sia hoke.

13. Nana kaniohmi li tok, yvmmvt Chesebel vt Chihowa

ī hopaii vhleha hā vbit tahli ma, Chihowa ī hopaii hatak tahlepa achvfa ka pokoli tahlapi bika yō, hvchukbi ya a luhmi lish, pvska, micha oka aiena ka ipeta li tok vt, im annoa tuk keyu cho?

14. Mihma himak a, Ia cha, chī shahli hā, Yakeh! Elichah vt antvshke, ont im anoli, ish achishke; mikma svba chī hoke, achi tok.

15. Mihma Elichah vt, Ūba nan okluha il aieshi Chihowa vt okchaya pulla ka, mihi yō itikba hikia li kv, himak nitak a im ile haiakvchi li pulla chī hoke, achi tok.

16. Yohmi hō Obatiah vt Ahab a ont afama cha, im anoli tok: mihma Ahab vt Elichah ya afamvt ia tok.

17. Atuk o yakohmi tok, Ahab vt Elichah ya pisa mvt, Ahab vt, Chishno ak osh Islael a ilbvshali chia hoh cho? im achi tok.

18. Mihma afalamichit, Ūno ak osh Islael a ilbvshali li tuk keyu: amba chishno, micha chīki in chuka achvfa ish aiena kak atuk oke; yvmohmit Chihowa im anumpa vlhpisa puta ka ish kanchi cha, Baalim ak o ish iakaiya tok okvt.

19. Yvmohmi hoka himak a, Islael moma ka, micha Baal ī hopaii tahlepa ushta cha pokoli tahlapi, micha iti lokoli puta hopaii tahlepa ushta, yvmmvt Chesebel im ai impa ai ihimpa chatuk a pit hoyot, Kamel nvnih ak o is svv itvnahlashke, achi tok.

20. Yohmi hō Ahab vt Islael im vlla moma ka pit hoyo cha, hopaii puta ka Kamel nvnih ak o itvnahli tok.

21. Mihma Elichah vt okla moma ka im ona cha, Katiohmi foka hō ai anukfilli tuklo itintakla, anuktuklot hvsh hieli cho? Chihowa yak osh Chitokaka yokma, hvsh im antiashke: amba Baal ak okma hvsh im antiashke, achi tok. Mihma okla hvv anumpa achvfa kia afalamichit ik acho tok.

22. Yohmi ma Elichah vt okla hā, Ūno, vno ak illa hosh Chihowa ī hopaii vt anta lishke: amba Baal ī hopaii vt tahlepa ushta cha pokoli tahlapishke.

23. Yvmohmi hokvt wak hobvk tuklo hō okla pimashke: micha wak hobvk achvfa ka ilapo vt atokoli cha, bvshlit

tahlikmvt, iti itnaha o ashachi cha, nuta ya luak a ik bohlo kashke: mikma vno vto wak achvfa ya atahli lish, iti itnaha ya o ashachi likmvt, luak a ak bohlo kashke.

24. Mikma hvchin chitokaka puta hohchifo ha hvsh i pahayakma, vno vt Chihowa hohchifo ha i paya lashke: mikma Chitokaka nana hosh anumpa falama ya luak o et pilak mak osh Chitokaka yashke. Mihma okla moma kvv, Ulhpesa hosh anumpvshke, achi tok.

25. Mihma Elichah vt Baal i hopaii puta ka, Tikba wak hobvk achvfa ka hvchishno vt hvsh atokoli cha, hvsh atahlashke, hvchi laua hokvt; micha hvchin chitokaka puta hohchifo ha hvsh i pahayashke, yohmi kia nuta ya luak hvch ik bohlo kashke, im achi tok.

26. Mihma wak hobvk ima tuk a, okla ishi cha, bvshlit tahli mvt, Baal i hohchifo ha i pahaya na, onnahinli tuk vt tvbokoli onvt, Baal ma! ish pi haponaklashke, ahanchi tok. Yohmi kia anumpa nana kia iksho, micha afalamichi kvv iksho tok. Mihma alta toba tuk a tullit apakfokahanchi tok.

27. Atuk o tvbokoli ma yakohmi tok, Elichah vt ishit yopulvt, Chitoli hosh pahaya; chitokaka yoka; im anukfila chitot il anumpuli hosh binili, keyukmvt nan isht anta hosh binili, keyukmvt kanima nowvt ia hosh aya, keyukmvt nusi yoba ka, yohmikma okchvla he vvhpesa hoke, achi tok.

28. Mihma chitoli hosh pahaya mvt, a yvmihchi chatuk osh, bvshpo, micha tvli halupa isht ile bvshli na, issish vt mitafvt o yanahanli tok.

29. Atuk o yakohmi tok, nitak iklvna kvv ont ia ma, okla anumpohonli na, opiaka nan vbit isht aiokpvchit im issa chatuk okvt, ont vvhpesa ma, anumpa hvv iksho, micha afalamichi kvv iksho, micha na yohmi ahni kvv iksho tok.

30. Mihma Elichah vt okla moma ka, A bilika hvsh lashke, im achi tok. Mihma okla moma kvv i bilika vla tok. Mihma Chihowa im alta kinafa tok a aiiskiachi tok.

31. Michi Elichah vt, Chekob yvmmak oka Chihowa im anumpa hvv im vlvv, Chi hohchifo kvv Islael ach i hoke, achi tok a ushi vvhleha apchlich i holhtina ka vvhpvsa ho, tvli auahtuklo ho ishi tok.

32. Micha tvli yash Chihowa hohchifo h_a alta isht im ikbi tok; mihmvt yakni y_a kullit nan-nihi vlhpisa tuklo aivlhto vlhpesa h_o, alta y_a apakfobli tok.

33. Miçha iti y_a achukmalit bohliit tahli mvt, wak hobvk a bvshlit tahli cha, iti yash paknaka onochi mvt, Ishtochi ushta h_o oka hvsh alotoli cha, nahukmit isht aiokpvchi, micha iti aiena ka hvsh o fohoblashke, achi tok.

34. Micha, Atukla ma hvsh yvmihchashke, achi tok. Mihma atukla ma okla yvmihchi tok. Mihma atuchina ma hvsh yvmihchashke, achi tok. Mihma atuchina ma okla yvmihchi tok.

35. Mihma oka vt yanvllit alta y_a apakfoyupa tok, mihma yakni kula yash kia oka alotoli tok.

36. Atuk osh opiaka, nan vbit isht aiokpvchi im issa he ont vlhpesa ma, Elichah hopaii vt bilika vla cha, Eblaham, micha Aisak, micha Israel in Chitokaka Chihowa ma! chishno ak osh Israel yakni y_a Chitokaka chia h_o, vno vt chin tishu sia hosh chim anumpa hatuk mak o, ilvppa puta ka yvmihchi li ka, himak nitak a isht otaiyanashke.

37. Is s_a haponaklashke, Chihowa ma! is s_a haponaklashke, yvmohmi h_o chishno ak osh Chihowa Chitokaka chia hosh, anonti chukvsh a ish falvmmnichi tuk a, okla ilvppvt ithaiyanashke, achi tok.

38. Yvmohmi ma Chihowa in luak vt aka itula cha, nahukmit isht aiokpvchi, micha iti, micha tvli, micha lukfi pushi y_a hukmit taiyahli cha, yakni kula oka aiasha aiena ka holakshit tahli tok.

39. Mihma okla moma kvv pisa mvt, nashuka ishit hlipkvchi tok: micha, Chihowa yvmmak osh Chitokaka yoke, Chihowa yvmmak osh Chitokaka yoke, okla ahanchi tok.

40. Mihma Elichah vt, Baal i hopaii vhleha h_a hvsh ishashke: achvfa kia ik hlakofa kashke, im achi tok. Mihma okla ishi tok: mihma Elichah vt bokushi Kishon a isht ona cha, yvmmak o ai vbi tok.

41. Micha Elichah vt Ahab a, Ish wakaya cha, impvt nan ish ishkashke; umba chito fehna kvv fohompa hoka, achi tok.

42. Yohmi ma Ahab vt impvt ishkot ia tok. Mihma Elichah vt Kamel paknaka ya oiyvt ona tok; micha aka ont itula cha, nashuka ya iyikalaha itintakla talali cha,

43. In tishu ha, Himak a ia cha, okhvta pilla ha pit ish hopokoyashke, im achi tok. Mihma ia cha, pit hopokoyo mvt, Nana ak pesoshke, achi tok. Mihma, Anonti untuklo ha ia, achi tok.

44. Atuk o yakohmi tok, ont isht untuklo haya, Yakeh! hoshonti iskitinesi hatak ibbak chohmi kv, okhvta ha kohchvt vba takalishke, achi tok. Mihma, Ia cha Ahab a, Chim itichanvlli ya ish atahli cha, ish ia na, umba kv ik chi katvblo kashke, Ahab a ont ish im achashke, achi tok.

45. Atuk o yakohmi tok, yohmi takla ma, vba shutik vt hoshonti, micha mahli, micha umba chito ishit lusvt konia tok. Mihma Ahab vt itichanvlli ombinili cha, Chesleel a ona tok.

46. Mihma Chihowa ibbak vt Elichah ya onvtoyula tok; mihma il vskofvchit in taiyaha mvt, Ahab itikba chahavt Chesleel a achukowa ya ona tok.

CHAPTER XIX.

YOHMI ma Ahab vt Chesebel a, Elichah vt nana kaniohmi tuk moma, im anoli tok: micha hopaii puta moma ka bvshpo falaia isht vbit tahli tuk aiena ka im anoli tok.

2. Yohmi ma Chesebel vt Elichah ya anumpa shali pit i pilt, Yakohmi, micha i shahli kia chitokaka puta kv si yvmihchashke, chim ilhfiopak a yvma achvfa im ilhfiopak akinli ka, onna ha himak a chohmikma, ak chi yvmihchokma.

3. Yohmi na pisa mvt wakaya cha, im ilhfiopak ishit chahafa tok; micha Bee-sheba yvmmvt Chutah immi ho ona tok; micha in tishu ha yvmmak o bohli tok.

4. Amba ilap vto nitak achvfa anowa yakni haiaka yo ona cha, chuahla holba nuta ant binili tok: mihmvt ilap vt illa hi vt asilhha tok; micha, Ulhpestvshke, Chihowa ma! himak a vm ilhfiopak a ish ishashke: achukma kv aki vhleha atok a, i shahli li keyu hoka, achi tok.

5. Atuk osh chuahla holba nuta itoyulvt nusi ma, yakeh! enchel vt ant potoli cha, Wakaya cha, impá, im achi tok.

6. Mihma hopokoyo ma, yakeh! puska vt vlhpusha hosh tobaksi onvtonla ma, oka kotoba vlhto kv̄t noshkobo biljka talaia tok. Mihma impa cha, oka yash ishko mvt, anonti itoyula tok.

7. Mihma Chihowa im enchel ash osh anonti atukla ma ai vla cha, potoli mvt, Wakaya cha, impá; ish a nowa chí kv̄t chí hopaki fehna ak okvt, achi tok.

8. Mihma wakayvt impa cha ishko mvt, il impa ymma ishit hlampko cha ia mvt, nitak pokoli ushta micha ninak pokoi ushta ho ayvt, Holeb Chitokaka i nvnih ha ona tok.

9. Michā ymma ona cha, hvchukbi yo chukowa cha a nusi tok; atuk o Chihowa im anumpa hv̄t im vla cha, Nanta ish katiohmi hosh ilvppa ish anta cho? Elichah ma! im achi tok.

10. Mihma, Ūba nan okluha il aieshi Chitokaka Chihowa ya im i nuktvhla li fehna tuk oke: Islael im vlla vhleha hv̄t nana chit im apesa ya kanchi cha, chim alta puta ka kinvffit tabli mvt: chí hopaii puta ka bv̄shpo falaia isht vbit tahlishe; mikma vno, vno ak illa hosh sa hlakofishke, mikma vm ilhfiopak isha chí hosh okla hoyoshke, achi tok.

11. Mihma, Kohchvt ish ia cha, nvnih paknaka Chihowa itikba ya ish hikiashke, achi tok. Mihma yakeh! Chihowa yvt ant aya tok, mikma mahli chito kv̄llo fehna hosh Chihowa itikba ya ayvt, nvnih puta kash mitahliehi mvt, tvli hochito aiena ka mitahliehi tok; yohmi kia Chihowa vt mahli ha ik ibafoyuko ki tok: mahli haya yakni vt winakvchi tok: yohmi kia Chihowa vt yakni winakvchi ka ik ibafoyuko ki tok.

12. Mihma yakni winakvchi haya luak atok: yohmi kia Chihowa vt luak a ik ibafoyuko ki tok; mihma luak vt aya haya, anumpa luma iskitini hosh takali tok.

13. Atuk o yakohmi tok, Elichah vt haklo mvt, anchi ya nashuka isht ompohomo cha, kohchvt hvchukbi achukowa ont hikia tok. Mihma anumpa hv̄t im vla cha, Nanta ish

katiohmi hosh ilvppa ish anta cho? Elichah ma! im achi tok.

14. Mihma, Ūba nan okluha il aieshi Chitokaka Chihowa ya imi nuktvhla li fehna tuk oke: Israel im vlla vhleha hv̄t nana chit im apesa ya kanchi cha, chim alta puta ka kinv̄ffit tahli cha, ch̄i hopaii puta ka bvshpo falaia isht v̄bit tahlishe: mihma vno, vno. ak illa hosh sa hlakofishke; mihma v̄m ilhfiopak a isha ch̄i hosh okla hoyoshke, achi tok.

15. Mihma Chihowa, vt Iá, falamvt Tamaskvs yakni haiaka ya ish onashke: atuk osh ish onakmvt, Hasael a Silia i m̄iko yachi h̄o, nan ahv̄mmit ish atokolashke;

16. Micha Nimshi ushi Chehu ya Israel i m̄iko yachi h̄o, nan ahv̄mmit ish atokolashke; micha Abel-meholah Shafat ushi Elisha ya nan ahv̄mmit ish atokoli na, chi vlhtobvt hopaii yashke.

17. Atukma yakohma hi oke, kvna hosh Hasael i bvshpo falaia ya i hlakofi tukma, Chehu ak osh v̄ba ch̄i hoke: mikma kvna hosh Chehu i bvshpo falaia ya i hlakofi tukma, Elisha vt v̄ba ch̄i hoke.

18. Yohmi kia Israel aiachvfa yvt tahlepa sipokni untuklo hosh moma kv̄t, Baal a iyikalaha ya isht i hv̄chukbihlepa tuk keyu, micha itih h̄a isht i suksowa tuk keyu, aiyukali keyu yo il atombi li tuk oke, im achi tok.

19. Yohmi h̄o yv̄mma v̄ttvt ia tok; atuk osh Shafat ushi Elisha vt yakni patv̄ffi hosh, wak toksvli yok auah tuklo hosh itikba aiasha ma, ilap ak osh isht auah tuklo ka ishit patv̄ffi-chi hosh anta na, ont ahayuchi tok: micha Elichah vt bilika aya mvt, im anchi ya onochit ont ia tok.

20. Mihma wak toksvli ya issa cha, Elichah ya iakaiyv̄t hlioli mvt, Chim asilhha lishke, aki micha hv̄shki itatuklo ka i suksowa hayosh, chiakaiya lashke, achi tok. Mihma, Anonti falamvt iá; nanta chi katiohmichi li cho? im achi tok.

21. Mihma i filammit falvmvt, wak toksvli yok achvfa h̄o ishi cha v̄bi mvt, wak toksvli ishit toksvli yash nipi ya ishit honi cha, okla hash ima na, okla v̄pa tok: yohmi mvt wakaya cha, Elichah ya iakaiya cha, in toksahanli tok.

CHAPTA XX.

MIHMA Silia i miko Benhatat vt in tvshka chipota moma ka hoyot itvnahli tok: mihma miko pokoli tuchina akucha tuklo hosh, micha issuba, micha tvnvp itichanvlli aiena hosh apehvt aya tok: mihmut ivt Samalia ya abinachit afolubli cha, in tanampi tok.

2. Michā anumpa shali ya pit tihleli na, tvmaha holihta ya ont chukowa cha, Israel i miko Ahab a okla im ona mut, Benhatat vt yak achishke,

3. Chin tvli hvta, micha chin tvli holisso lakna yvt vmmi hoke: chin tekchi vhleha, micha chim vlla vhleha aiena kak kia achukma i shahli kak osh vmmi hoke, im achi tok.

4. Mihma Israel i miko vt afalamichit, A shahli miko ma! nana ish achi tuk mak o, vno, micha nana vm asha aiena kvv chimmi hoke, achi tok.

5. Mihma anumpa shali vhleha hash osh anonti vla mut, Benhatat vt yak achishke, Anumpa chi pila li kvv, Chin tvli hvta, micha chin tvli holisso lakna, micha chin tekchi vhleha, micha chim vlla vhleha aiena ka svbbak a ish fohkashke, achi li tuk ak inli kia,

6. Yohmi tuk kia an tishu vhleha ha onna ha himak a chohmikma, pit chi pila likma, chin chuka ya, micha chin tishu vhleha in chuka aiena ka a hopokoya chi hoke; atukma yakohma hi oke: nana kia ish pisa ka achukmakma, ibbak okla fohkikmut ishit minta chi hoke, achi tok.

7. Yohmi ma Israel i miko vt yakni yvmma im asvnonchi moma ka hoyo cha, Hvch im asilhha lishke, yohmi hosh ahni cha, hatak ilvppvt nana ik achukmo hoyo ka hvsh pisashke: sa tekchi vhleha, micha vm vlla moma, micha an tvli hvta, micha an tvli holisso lakna aiena ka et a hoyo ma, ak im i hullo tuk oke, achi tok.

8. Mihma asvnonchi vhleha moma, micha okla moma kvv, Ish i haponakla na, micha vlvpesa ish im ahni na, okla im achi tok.

9. Yvmohmi hv Benhatat im anumpa shali vhleha hash,

A shahli miko ya ish im anolashke, Ummona chin tishu ha et ish i hoyo tuk a, moma yvmihchi la hinla: amba nana ilvppak okvno yvmihchi la he, vhpesa keyu hoke. Mihma anumpa shali vhleha hash osh ia cha, anonti anumpa isht im ona tok.

10. Mihma Benhatat vt anumpa pit i pila mv, Samalia lukfi pushi vt okla siakaiya moma ka, ibbak achvfa vlhto bannot fullota vhpesakma, chitokaka puta kv yakohmi, micha i shahli kia si yvmihchashke, achi tok.

11. Mihma Israel i miko vt afalamichit, Hvsh im anolashke, Tvrvp aya na halupa isht il vskofvchit hikia hokvto, shueli ka chohmit isht ik ilauato kashke, achi tok.

12. Atuk o yakohmi tok, Benhatat vt oka ishko hosh yvma, micha miko vhleha aiena kv, vlhtipo asha tuk osh haklo mv, in tishu vhleha ha, Baiullit hvsh hiohlashke, im achi tok. Mihma tvnaha holihta ya itiba chi hosh okla baiullit hiohli tok.

13. Mihma yakeh! hopaii vt Ahab Israel i miko ya im ona cha, Chihowa vt yak achishke, Okla chito ilvppa moma ka ish pisa cho? yakeh! himak nitak a chibbak fohki la chi hoke, yvmohmi ho vno ak osh Chihowa sia ka, ish ithaiyana chi hoke, achi tok.

14. Mihma Ahab vt, Kvta hak o? achi tok. Michi, Chihowa vt, Yakni apelihi puta hatak himithoa holi tompa vhleha yak achi hoke, achishke, achi tok. Mihma, Kvta hosh itiba chi ka, itafamvcha chi cho? achi tok. Mihma, Chishno ya, achi tok.

15. Yohmi ma yakni apelihi puta hatak himithoa holi tompa vhleha ha hotihna ma, tahlepa tuklo cha pokoli tuchina akucha tuklo tok: micha iakaya ka Israel ushi vhleha moma okla puta moma kia hotihna ma, tahlepa sipokni untuklo tok.

16. Atuk osh tvbokoli ma okla kohchvt ia tok: amba Benhatat vt oka ishkot haksit, yvma, micha miko vhleha, miko pokoli tuchina akucha tuklo apela tuk aiena kash osh vlhtipo ya aiasha tok

17. Mihma yakni apelihi puta hatak himithoa holi tompa

pa vhleha hash osh t̄ikba kohcha tok: mihma Benhatat vt pit tihleli tok, atuk o ant im anoli mvt, Okla hvt Samalia ya kohchvt mintishke, okla achi tok.

18. Mihma Benhatat vt, It̄i nanaiya hosh minti hoh kia, okchaya na hvsh ishashke: keyukmvt tanampi hosh minti hoh kia, okchaya na hvsh ishashke, achi tok.

19. Yohmi ma yakni apehlichi puta hatak himithoa holi-tompa vhleha hash osh tmaha holihta ya kohcha ma, tvshka chipota vt iakaiya tok.

20. Mihma hatak achvfa h̄o aiyukali okla vbi tok: mihma Silian vhleha hvt yihlepa tok; mihma Israel vt hlioli tok: mihma Silia i m̄iko Benhatat vt issuba ombinili cha, issuba ombinili vhleha takla malelit hlakofi tok.

21. Mihma Israel i m̄iko vt kohchvt ia mvt, issuba, micha tvnvp itichanvlli aiena ka issot kanchi mvt, Silian vhleha aiena ka issot kanchi na, illi kv̄t laua fehna tok.

22. Mihma hopaii yash osh Israel i m̄iko ya im vla cha, Iá, ish ile hlampkochashke, micha yakohmi abnit, nana ish kaniohmi kv̄t ish pihisashke: ont afv̄m̄mi kv̄t vlakma, Silia i m̄iko vt vlv̄t chin tanampa ch̄i hoke, im achi tok.

23. Atuk o Silia i m̄iko in tishu vhleha hvt, In chitokaka puta kv̄t nv̄nih foka in chitokaka puta yoke; yvmohmi hatuk osh kullo kv̄t p̄i shahli tuk oke; amba yakni patali ak o il ai itibashke, mikmvt kullo kv̄t il i shali pulla ch̄i hoke.

24. Michā ilvppak o ish yvmihchashke, M̄iko vhleha h̄a a hikia aiyukali ka ishit ish a kanv̄lichashke, micha kv̄pitv̄ni vhleha h̄o atobbichit ish hiohlichashke.

25. Michā tvshka chipota vt, ch̄i kv̄nia tuk a chohmi, issuba hvt kv̄nia tokma mih makinli, micha tvnvp itichanvlli vt kv̄nia tokma chohmi h̄o, ish hotihnashke: mikmvt yakni patali ȳo il ai itibashke, mikmvt kullo kv̄t il i shahli pulla ch̄i hoke, im achi tok. Mihma im anumpa h̄a i haponaklo cha, yvmihchi tok.

26. Atuk o ont afv̄m̄mi kv̄t vla ma yakohmi tok, Benhatat vt Silian okla h̄a hotihna cha, Israel a itiba ch̄i hosh Afek a ona tok.

27. Mihma Israel im vlla vhleha hvt holhtihna mvt, mo-

mut a_{sh}a cha, itibit ia tok: atuk osh Israel im vlla vhleha hvt issi kosoma ushi aya iskitini tuklo chohmi hosh, itikba ont binachi tok; amba Silian okla hash osh yakni ya alota tok.

28. Mihma hatak Chitokaka im antia yvt onvt, Israel i miko ya im anumpulit, Chihowa vt yak achishke, Chihowa vt nvnih foka Chitokaka yoke, amba okfa ano Chitokaka keyu, Silian okla hvt achi hoka, yvmohmi hoka okla chito ilvppa chibbak fohki likma, vno ak osh Chihowa sia ka, ish ithaiyana chi hoke, achi tok.

29. Micha it ichapvt binachit aiasha na, nitak untuklo tok. Micha yohmi kash osh nitak ont isht untuklo ma it afama cha, itibi tok: mihma Israel im vlla vhleha hvt Silian okla ha nitak achvfa ka, hatak aka aya tahlepa sipokni tahlepa achvfa ho vbi tok.

30. Amba inlaka yvt yiblepvt Afek a onvt, tmaha holihta ya chukowa tok; mihma hlakofi tuk vhleha ha tvli holihta yvt o kinafa cha, tahlepa sipokni pokoli tuklo akucha untuklo ho ai vbi tok. Mihma Benhatat vt malelit, tmaha holihta ya ont chukowa cha, aboha anukaka fehna ont chukowa tok.

31. Mihma in tishu vhleha hvt, Yakeh! himak a Israel in chuka achvfa i miko vhleha hvt miko nan i nukhaklo vhleha ho e haklo chatuk oke; chim asilhha lishke, nahishi tvnna isht il vskofvchikmut, aseta pi noshkobo ha isht e takchi cha, kohchvt Israel i miko ya il im onashke; chi okchalinchi yoba na, achi tok.

32. Yohmi ma nahishi tvnna isht il vskofvchi mut, aseta ha noshkobo isht takchi cha, Israel i miko ya im ona mut, Chin tishu Benhatat vt, Ik si okchaya, chim asilhha lishke, achishke, achi tok. Mihma, Okchaya moma cho? itibapishi li hoke, achi tok.

33. Mihma nana kia kaniohma chi ka, achukmalit apistiki tuk osh, tushpvt hahhaklo mut, Benhatat vt chitibapishi hoke, okla achi tok. Yohmi ma, Oh ia cha, isht oh vla, achi tok. Yohmi ma Benhatat vt im vla ma, tvnvp itichavnlli ya oiychi tok.

34. Mihma Benhatat vt, Tvmaha holihta puta aki vt chiki ya im ishi tok a, chi falvminchi lashke; mikma aki vt Samalia aittvnowa ai ikbi tok a, chohmichit Tamaskvs a aittvnowa ya ish ai ikbashke, achi tok.

35. Mihma hopaii ushi vhleha ai achvfa ya hatak achvfa hosh in chuka abilika yo, Chihowa im anumpa ho, Svssó, chim asilhha lishke, im achi tok. Mihma hatak ash osh ik bunno tok.

36. Mihma, Chihowa im anumpa ho chik im antio hoka, a filvmmi ish ia makinli ho, koi chito vt chiba chi hoke, im achi tok. Mihma i filvmmi ia makinli ma, koi chito vt ahayuchi cha, vbi tok.

37. Yohmi ma hatak inla yo ahayuchi mv, Svssó, chim asilhha lishke, achi tok. Mihma hatak ash osh isso mv, yvmihchit isso kv hotopali tok.

38. Yohmi ma hopaii ash osh ia mv, hina takla miko ya im aiehchi tok; mihmv nashuka ya hituk chubbi o ashachi cha, im ile luhmi tok.

39. Atuk osh miko vt aya ma, miko ya i paya tok; micha, Chin tishu hv ai itin tanampi ka iklvna ona tuk oke; atuk o, yakeh! hatak vt fullota cha, hatak isht vm vla mv, Hatak ilvppa ish halanlashke: kaniohmi hosh kvniakma, im ilhfopak atukma chim ilhfopak ak osh vlhtoba chi hoke; keyukmv tvli hvta talent achvfa ho ish atobba chi hoke, achi tuk oke.

40. Atuk o chin tishu hv ilvppa, micha yvmma isht anta li ma, kvnia tuk oke, achi tok. Mihma Israel i miko vt, Yohmi ka na chim vlhpisa kv yvmmak achi hoke; chishno akinli hosh ish atokolishke, im achi tok.

41. Mihma tushpv hituk chubbi ya nashuka ya ai ishit kanchi tok: mihma hopaii vhleha ha ai achvfa tuk a, Israel i miko vt akostinichi tok.

42. Mihma hopaii ash osh, Chihowa vt yak achishke, Hatak yvmmv illit tahv vmohma he im apesa li tuk a, ik ía, ish im ahni na ia tuk; yvmohmi hoka im ilhfopak atuk a, chim ilhfopak ak osh vlhtoba chi hoke, micha im okla hatuk a, chim okla hak achi hoke, im achi tok.

43. Mihma Israe*l* i miko vt chukvsh wekit, micha im okpulo hosh Samalia ya onvt in chuka ya ona tok.

CHAPTA XXI.

ATUK o nana ilvppa puta kv*t* yohmi haya yakohmi tok, Chesleelait Nabolh vt pakvpi ahollokchi, yummvt Chesleel talaia hosh, Samalia i miko Ahab im aboha bilika fehna talaia tok.

2. Mihma Ahab vt Nabolh a im anumpulit, Chi pakvpi ahollokchi ya is svma na, haiyukpulo ahollokchi ikbi lashke, an chuka bilika talaia hoka : mikma pakvpi ahollokchi achukma i shahli ka chima lashke : keyukmvt chim vlpesakma, ai illi vlpesa ka tvli holisso yo chima lashke, achi tok.

3. Mihma Nabolh vt Ahab a, Aki vhleha i yakni ya he vlpisa tok a chima la hi a, Chihowa vt vm olvbashke, im achi tok.

4. Mihma Ahab vt, anumpa Chesleelait Nabolh vt im anumpuli tuk pulla kak o, chukvsh wekit im okpulo hosh in chuka ya ona tok ; aki vhleha i yakni ya he vlpesa tok a, chima la he keyu, achi hatuk oka ; micha in topa pakna teshkit itoyula mvt, nashuka ya misha pit shanaia cha, pvskaya vpa he keyu tok.

5. Yohmi kia tekchi Chesebel vt im ona cha, Nanta kati-ohmi ho chi chukvsh vt ilapissa fehna cha, pvskaya ish pa he keyu cho ? im achi tok.

6. Mihma, Chesleelait Nabolh a im anumpulit, Tvli holisso chima likma chi pakvpi ahollokchi ya vma ; keyukmvt chim vlpesakma, pakvpi ahollokchi inla ya chima lashke, achi li ma, afalamichit, A pakvpi ahollokchi ya chima la he keyu, vm achi kak oke, im achi tok.

7. Mihma tekchi Chesebel vt, Himak a Israe*l* im apehlichika ya ish pehlichii hoh cho ? Wakaya cha, pvskaya vpv*t*, chi chukvsh vt yukpashke : vno ak osh Chesleelait Nabolh i pakvpi ahollokchi ya chima lashke, im achi tok.

8. Yohmi mvt holissochi cha, Ahab hohchifo ha takalichi

mut, im isht inchuwa isht in chonli cha, asvnonchi vhleha, micha holitompa vhleha aiena Nabolh in tmaha holihta takla asha tuk a, pit i pila tok.

9. Micha, Nahullochi ya hvsh apesashke, micha Nabolh a achahaka okla ititakla hvsh binilichashke :

10. Micha hatak Belial ushi tuklo ho itikba hvsh binohli-chi na, atokolit Chihowa, micha miko ya ik ahobalot ish anumpuli tuk oke, im achashke : mikma kocha isht onvt, tvli ishit hvsh boli na illashke.

11. Mihma in tmaha holihta hatak asvnonchi vhleha, micha holitompa vhleha in tmaha holihta ai okla hvt, Chesebel vt i pila tuk holisso pit i pila tuk a, holisso hatuk mak o, yvmihchi tok.

12. Nahullochi ya okla apesa cha, Nabolh a achahaka okla ititakla binilichi tok.

13. Mihma hatak tuklo Belial ushi yosh ona cha, itikba chieya tok : micha Belial hatak ash osh okla itikba ai atokolit, Nabolh a atokolit, Nabolh vt Chihowa, micha miko ya ik ahobalot im anumpuli tuk oke, achit okla tok. Yohmi ma tmaha holihta ya kocha isht ona cha, tvli ishit boli na illi tok.

14. Yohmi ma Chesebel a anumpa okla pit i pilvt, Nabolh vt tvli ishit boa cha, illishke, achi tok.

15. Atuk o yakohmi tok, Nabolh vt tvli ishit boa cha, illi tuk a, Chesebel vt haklo mut, Chesebel vt Ahab a, Wakaya cha, Nabolh i pakvpi ahollokchi tvli holisso yosh vltoba hi a, chima ik bunno tuk a ish ishashke : Nabolh vt okchaya keyu, amba illi hoka, im achi tok.

16. Atuk o yakohmi tok, Nabolh vt illi tuk o Ahab vt haklo mut, Ahab vt Chesleelait Nabolh i pakvpi ahollokchi ya isha chi hosh, wakayvt ia tok.

17. Mihma Chihowa im anumpa hvt, Tishbait Elichah ya im vla mut,

18. Wakayvt ivt Israel i miko Ahab, yummvt Samalia anta ka ont ivt afamashke : yakeh ! Nabolh i pakvpi ahollokchi ya isha chi hosh, yumma onvshke.

19. Mikmut im anumpulit, Chihowa vt yak achishke, Ish

bi cha, ish ishi cho? ish achashke. Micha im anumpulit, Chihowa vt yak achishke, Nabolh im issish a ofi puta kv̄t a holakshi tuk akinli ho, chim issish a chishno pulla ka, a holaksha ch̄i hoke, achi tok.

20. Mihma Ahab vt Elichah ya, An tv̄np ma! is si ahayuchi cho? achi tok. Mihma afalamichit, Chi ahayuchi lishke: ile kanchit Chihowa itikba ya nana ik achukmo ka ish toksvli hoka.

21. Yakeh! nana ik achukmo ka chi onochit, chim ish-tiaka ya ishit kanchit, micha Ahab in chuka achvfa nakni moma, micha Islael yuka, micha Islael yuka keyu aiena ka ishit kanchi la hi oke.

22. Nan isht nokovvchi isht is sa nokovvchit Islael a ish ashvchichi tok oka, chin chuka achvfa ya Nebat ushi Cheloboam in chuka achvfa atok mak o, chohmichit, micha Ahichah ushi Baasha in chuka achvfa atok mak o, chohmichi la ch̄i hoke, achi tok.

23. Mihma Chihowa vt Chesebel a isht anumpulit, Ofi puta kv̄t Chesebel a, Chesleel tv̄li holihta bilika ai vpa ch̄i hoke.

24. Ahab ai achvfa yosh tv̄maha holihta ai illi hokvno, ofi puta kv̄t vpa ch̄i hoke: mikma yakni haiaka ya ai illi hokvno, hushi puta vba itv̄nowa kv̄t vpa ch̄i hoke.

25. Amba Ahab, yv̄mma tekchi Chesebel vt nukfohki na, ile kanchit, Chihowa itikba ya nan ashvchi puta yvmihchi ka, achvfa kia chohmi kv̄t iksho hoke.

26. Micha naholbvt toba puta ka iakaiya kak osh, ile yuwalvchi fehvt, Amolait okla yv̄mma Chihowa vt Islael im vlla vhleha itikba ya tihlelit kocha wehli tok vt, yvmohmi tok puta ka yvmihinchi tok.

27. Atuk o yakohmi tok, Ahab vt anumpa yv̄mma haklo mvt, i nafohka ya hlilvffi cha, shukcha toba ya nipi atuk a lapalichi mvt na hullochit nahishi tv̄nna isht anchit itoyula tok; micha lumvt aya tok.

28. Mihma Chihowa im anumpa hv̄t Elichah Tishbait ash im vla mvt,

29. Ahab vt sa tikba ya chukvsh akanlosichi ka ish pisa cho? Sa tikba ya chukvsh akanlosichi hoka, i nitak okvno,

nan ik achukmo ka onochi la he keyu hoke; amba ushi i nitak ak o, nan ik achukmo ka in chuka achufa ya onochi la hi oke, achi tok.

CHAPTA XXII.

MIHMA afvmmi tuchina ho Silia, micha Israel itatuklo kv̄t tv̄nvp vt ik im iksho hosh, okla aiasha tok.

2. Atuk o yakohmi tok, afvmmi ont isht atuchina ma, Chutah i miko Chehoshafat vt Israel i miko ya im ona tok.

3. Mihma Israel i miko vt, in tishu vhleha ha, Lamolh-kileat talaia kv̄t pimmi ha hvsh ithana keyu cho? mikma lumvt il asha cha, Silia i miko ibbak a akohchit kil eshoshke, im achi tok.

4. Micha Chehoshafat a, Si awant Lamolh-Kiliat a itiba chi hosh, ish ia hinla cho? im achi tok. Mihma Chehoshafat vt Israel i miko ya, Uno vt chishno ak inli chohmi likma, vm okla hv̄t chim okla akinli chohmikma, vm issuba puta kv̄t chim issuba puta akinli chohmi hoke, im achi tok.

5. Micha Chehoshafat vt Israel i miko ya, Himak nitak a Chihowa im anumpa ha ish a ponaklashke, chim asilhha lishke, im achi tok.

6. Yohmi ma Israel i miko vt hopaii vhleha ha hoyot hatak tahlepa ushta foka ho itvnahli cha, i ponaklot, Lamolh-kileat a itibit ia la chi cho? ak cho? ak aiyo ka chi cho? im achi ma, Ia, Chitokaka yvt miko ibbak a fohki pulla chi hoka, okla achi tok.

7. Mihma Chehoshafat vt Chihowa i hopaii inla vt ilvppa anta tuk o, il i ponakla hinla kv̄t iksho cho? achi tok.

8. Mihma Israel i miko vt Chehoshafat a, Hatak achufa hosh Imlah ushi Mikaiiah vt anta momvshke, yvmmak o Chihowa ya ai il im a ponakla hinla hoke; yohmi kia isht i yukpa li keyu hoke: nana vm anoli kv̄t achukma keyu, amba ik achukmo kak o, vm anoli chatuk oka, achi tok. Mihma Chehoshafat vt, Miko vt yvmma ik acho kashke, achi tok.

9. Yohmi ma Israel i miko vt nan vlhtoka ya hoyo cha, Tushpvt Imlah ushi Mikaiiah ya ont isht vla, achi tok.

10. Mihma Isra^lel i miko, micha Chehoshafat Chutah i miko itatuklo kvt nafohka holi^topa ishit fohka cha, im aiombinili holi^tompa bika, Samalia achukowa holihta okhissa ahaiaka yo on chieya tok; mihma hopaii moma kvt itikba ya tikbanli nan anolit aiasha t k.

11. Mihma Chenaanah ushi Setekiah vt tvli lapish ikbi tok: micha, Chihowa vt yak achishke, Ilvppak o Silian vhleha ha ishit bahlit, vbit hvsh tahla chi hoke, achishke, achi tok.

12. Mihma hopaii moma kvt yohmit tikbanli anolit, Lamolh-kiliat a ish ia cha, chim aiahlashke, Chihowa vt miko ibbak a fohka chi hoka, okla achi tok.

13. Mihma anumpa shali Mikai^aiah i howa tuk vt, ont im anumpuli mvt, Yakeh! himak a hopaii vhleha im anumpa hv^t, itih achvfv^t achukma ho miko ya im anolishke: chim asilhha lishke; chim anumpa hv^t yumma ai achvfa im anumpa tuk a chohmashke, micha achukma ho ish anumpulashke, achi tok.

14. Mihma Mikai^aiah vt, Chihowa vt okchaya pulla ka, Chihowa ak osh nana ho vm achikma, yummak o anumpuli la chi hoke, achi tok.

15. Yohmi ho miko ya im vla tok. Mihma miko vt, Mikai^aiah ma! Lamolh-kileat a itibit il ia chi cho? ak cho? kil aiyo ka chi cho? achi tok. Mihma afalamichit, Ia cha, chim aiahlashke: Chihowa vt miko ibbak a fohka chi hoka, achi tok.

16. Mihma miko vt, Katohmi haya Chihowa hochifot anumpa ahli bieka is svm anola hi a, anumpa kullo chi onochi la chi cho? im achi tok.

17. Mihma, Isra^lel moma kvt chukvvlhpoa apistikeli iksho chohmit, nvnih foka ita fimimpvt aya ho pisa li tuk oke: mihma Chihowa vt, Ilvppak okvt i shahli iksho yoke; hatak puta kvt achukmakvt in chuka ya falamvt onashke, achi tok.

18. Mihma Isra^lel i miko vt Chehoshafat a, Uno ya nana tikbanli anoli kvt achukma keyu, amba ik achukmo kak o anola chi hoke, achit chim anoli li tuk keyu cho? achi tok.

19. Mihma Mikai^aiah vt, Yumohmi hoka Chihowa im anumpa ha ish haklashke; Chihowa vt im aiombinili holi-

tompa ya ombinili tuk oke, mihma vba aholitopa aiasha moma kv̄t bilika isht impak imma, micha v̄lhfv̄bek imma aiena ka hielī tuk oke :

20. Mihma Chihowa vt, Kv̄ta hosh ia cha, Ahab a nukfohki na ia cha, Lamolh-kiliat a akv̄ma chī cho? achi ma, achv̄fa kv̄t yakohmichi hosh, achi ma, achv̄fa kv̄t yvmihchi hosh, achi tuk oke.

21. Mihma shilombish osh kohcha cha, Chihowa itikba hikia cha, Uno ak osh nukfohki lashke, achi tuk oke :

22. Mihma Chihowa vt, Nanta hō isht ish yvmihchi hosh? achi ma, Kohchvt ia likmvt, shilombish holabi yosh ī hopaii v̄hleha moma ka, itih hā foyuka lashke, achi tuk oke. Mihma Chihowa vt, Ish nukfohki cha, ish imaiya ak inla chī hoke; kohchvt ish ia cha, ish yvmohmashke, achi hō, pisa li tuk oke, achi tok.

23. Yvmohmi ka himak a yakeh! Chihowa vt chī hopaii v̄hleha ilv̄ppa moma itih hā shilombish holabi yō fohki cha, chishno pulla ka ik achukmo hō, Chihowa vt anumpuli tuk oke, achi tok.

24. Yohmi kia Chenaanah ushi Setekiah vt bilika ona cha, Mikaiiah itisukpi ya isso mvt, Katima yak o, Chihowa imi Shilombish vt a filv̄mmit chim anumpula chī hosh ia tuk oh cho? achi tok.

25. Mihma Mikaiiah vt, Yakeh! nitak yv̄mma lumvt aboha anukaka fehna ish chukowak mak osh, ish pisa hi oke, achi tok :

26. Mihma Israel ī mīko vt, Mikaiiah ya ishi cha, falv̄minchit tv̄maha holihta pehlichī Amon a, micha mīko ushi Choab a isht hv̄sh im onashke ;

27. Micha, Mīko vt yak achishke, Hatak ilv̄ppa aboha kv̄llo fohki cha, ilbv̄sha ī pvska, micha ilbv̄sha im oka ish ipihinta tuk o, achukmakvt v̄la lashke, achishke, ish im achashke, achi tok.

28. Mihma Mikaiiah vt, Achukmakvt falamvt ish la yoba hokma, Chihowa vt sa tohno tuk keyu hō, anumpuli li tuk a chī hoke, achi tok. Mihma, Okla hv̄chia ma! momvt achukmalit hv̄sh haklashke, achi tok.

29. Yohmi h_o Isra_el i m_iko, micha Chutah i m_iko Chehoshafat itatuklo kv_t Lamolh-kileat a ona tok.

30. Mihma Isra_el i m_iko vt Chehoshafat a, Il inlvchi lish, ai itibi ka iba chukowa la ch_i hoke; amba chishno vto chi nafohka holitopa isht ish fohkashke, im achi tok. Mich_a Isra_el i m_iko vt il inlvchi cha, ai itibi ka iba chukowa tok.

31. Yohmi kia Silia i m_iko vt, i kvpitvni pokoli tuchina akucha tuklo tvnvp itichanvlli puta pehlich_i vhleha h_a im apesa mvt, Chipunta, micha hochito kia hvsh itibi ná, Isra_el i m_iko ak illashke, achi tuk atok.

32. Atuk o yakohmi tok, tvnvp itichanvlli puta i kvpitvni vhleha hv_t Chehoshafat a pisa mvt, Isra_el i m_iko pulla hoke, okla achi tok. Mihmvt itiba ch_i hosh okla fullota tok: mihma Chehoshafat vt chitolit paya tok.

33. Atuk o yakohmi tok, tvnvp itichanvlli puta i kvpitvni vhleha hv_t, Isra_el i m_iko yatuk keyu h_o akostininchi mvt, hlioli tuk vt falama tok.

34. Mihma hatak achvfa kv_t yvmmak fokalich_i hosh, ititanampo halvli cha, pila tuk osh, Isra_el i m_iko ya ikkishi alata ititakla pit nvhli tok: yvmohmi hoka tvnvp im itichanvlli ishtaya ya, Chibbak a fullochi cha, okla h_a ai ishit sa kohch_i, sa nvhla hoka, im achi tok.

35. Mihma nitak yvmma itibi kv_t isht i shahlit ia tok: mihma m_iko ya halvli na, tvnvp itichanvlli foyuka cha, Silian vhleha ichapaka ya hikia tok: atuk osh opia ma illi tok: mihma issish vt anvhla ya a kohchvt tvnvp itichanvlli iklvna ya yanvllit ona tok.

36. Atuk o hvshi vt okatvla foka ma, anumpa hv_t ayvt tvshka chipota aiasha ka hlopullit, Hatak moma kv_t in tvmaha holihta aiyukali ka onashke, micha hatak moma kv_t i yakni aiyukali ka onashke, achi tok.

37. Yohmi h_o m_iko vt illi na, Samalia ya isht vla tok: mihma m_iko yash Samalia yak o okla hohpi tok.

38. Mihma achvfa kv_t tvnvp itichanvlli ya Samalia oka talai_a ya ai achifa tok: mihma ofi puta kv_t im issish a holakshit tahli tok: mihma i nahalupa ya achifa tok, Chihowa im anumpa yvmma anumpuli tok mak o, yvmohmi tok.

39. Yohmi ka Ahab nana a kaniohmi tok inla, micha nana yvmihchi tok moma, micha elefant noli chuka ikbi tok, micha tmaha holihta ikbi tok moma kv̄t, Islael ī miko vhleha ī nitak holisso h̄a a holisso keyu cho ?

40. Yohmi h̄o Ahab vt īki vhleha h̄a takla nusi tok : mihma ushi Ahasiah ak osh vltobvt miko tok.

41. Mikma Ahab vt Islael ī miko tok afv̄m̄mi ont ai ushta h̄o, Asa ushi Chehoshafat vt Chutah yā ī mikot ishtia tok.

42. Chehoshafat vt afv̄m̄mi pokoli tuchina akucha tahlapi hosh mikot isht ia tok : atuk osh afv̄m̄mi pokoli tuklo akucha tahlapi h̄o, Chelusalem ā mikot ahanta tok : mihma ishki hohchifo kv̄t Asubah yosh Shilhi ushetik atok.

43. Michā īki Asa a yvmohmi tok moma kak o, a noh̄owa tok, naksika ik fulloto hosh, Chihowa itikba yā ai v̄lhpiesa kak o yvmihinchi tok ; yohmi kia achahaka puta ka ik kanchō tok : okla hv̄t achahaka puta ka nan vbit ai im issvt, nabalama a hukmi moma hatok oka.

44. Mihma Chehoshafat vt Islael ī miko yā it ī nanaiya tok.

45. Yohmi ka Chehoshafat nana a kaniohmi tok inla, micha nan ai im aighli otv̄n̄inchi tok, micha kaniohmit itin-tanampi tok aiena kv̄t, Chutah ī miko vhleha ī nitak holisso h̄a a holisso keyu cho ?

46. Michā Sotomait vhleha atampa, yv̄m̄m̄vt īki Asa ī nitak ā āsha moma tuk a, yakni yash a kohchi tok.

47. Yv̄mma foka ka Etom ā miko vt iksho tok : anum-peshi yosh miko tok.

48. Chehoshafat vt Ofi yā tv̄li holisso lakna hoyot ia chi h̄o, Hlashish peni hochito kohta shali yā ikbi tok : yohmi kia peni hochito kohta shali vt, Esion-kebe a tiapa tuk okvt ik aiyo tok.

49. Yohmi ma Ahab ushi Ahasiah vt Chehoshafat a, An tishu vhleha hv̄t chin tishu vhleha takla, peni chito kohta shali yā fohkv̄t iashke, achi tok. Yohmi kia Chehoshafat vt ik haklo tok.

50. Mihm̄vt Chehoshafat vt īki vhleha h̄a takla nusi cha, īki vhleha h̄a takla, īki Lewi in tmaha holihta ak o ahollo-pi tok : mihma ushi Cheholam ak osh vltobvt miko tok.

51. Chutah i miko Chehoshafat vt miko tok afvmmi ont isht auah untuklo ho, Ahab ushi Ahasiah vt Samalia ya vttvt, Israel a i mikot ishtia tok: micha afvmmi tuklo ho Israel a i miko tok.

52. Micha Chihowa itikba nan ik achukmo ka yvmihin-chit, iki a yvmohmi tok ak o, micha ishki a yvmohmi tok ak o, micha Nebat ushi Cheloboam a yvmohmit, Israel a ashv-chichi tok ak o a nohowa tok.

53. Iki vt a yvmohmi tok moma kak o, yvmohmit Baal a im anti vt aiokpahanchi cha, Israel in Chitokaka Chihowa ya nokowvchi tok oka.

Bible. O. T.
"1

THE

SECOND BOOK OF KINGS,

TRANSLATED INTO

THE CHOCTAW LANGUAGE.

MIKO UHLEHA

ISHT ANUMPA ATUKLA KUT

TOSHOWUT

CHAHTA ANUMPA TOBA HOKE.

NEW YORK:
AMERICAN BIBLE SOCIETY,

INSTITUTED IN THE YEAR MDCCCXVI.

1913.

MIKO UHLEHA

ISHT ANUMPA ATUKLA HOKE.

MIKO UHLEHA

ISHT ANUMPA ATUKLA HOKE.

CHAPTA I.

YOHMI ma Ahab vt illi haya, Moab vt Israeł a i filvmmi
i sanali tok.

2. Atuk o Ahasiah vt vba potvlhpo Samalia talaia ka
vtvtv itı okhowatkvchi ya vbanvblit ont itula cha, abeka tok :
mihmut anumpa shali vhleha hā pit pila cha, Ivt Eklon in
chitokaka Baal-sebub a, abeka ilvppa a sa hlakoffikmā, nana
chı ka ont hvsh i ponaklashke, im achi tok.

3. Mihma Chihowa im enchel vt Elichah Tishbeh hatak
a, Wakayvt, Samalia i miko im anumpa shali vhleha hā ont
ish afama cha, Chitokaka yvt Israeł a iksho kak o, Eklon in
chitokaka Baal-sebub a i ponaklot ia hosh hvsh aya cho ?

4. Yohmi hoka Chihowa yvt yak achishke, Topa hā ish
oıya tuk vt, yvmma ish akowa chı keyu hoke, amba chilli
pulla chı hoke, ish im achashke, im achi tok. Mihma Eli-
chah vt ia tok.

5. Atuk o anumpa shali vhleha hash osh falamvt im ona
ma, Nanta katiohmi hō hvsh falama cho ? im achi tok.

6. Mihma, Hatak osh ant pi afama cha, Oh iā, falamvt
miko vt hvchi pila tuk a hvsh im ona cha, Chihowa yvt yak
achishke, Chitokaka yvt Israeł a iksho kak o, Eklon in chito-
kaka Baal-sebub a ish i ponakla chı hosh ish pila tuk oh
cho ? yvmohmi hokvt topa hā ish oıya tuk vt, yvmma ish
akowa chı keyu hoke, amba chilli pulla chı hoke, hvsh im
achashke, pim achi tuk oke, okla im achi tok.

7. Mihma, Ant hvchi afama cha, anumpa ilvppa puta ka

hvehim anumpuli kvto, hatak katiohmi tuk oh cho? im achi tok.

8. Mihma, Hatak hishi chito hosh na hakshup isht vskofvchi y_o isht vskofaiyachi tuk oke, okla im achi tok. Mihma, Elichah Tishbeh hatak ash oke, achi tok.

9. Yohmi mvt pokoli tahlapi i₁ kvpitvni ya, micha i₁ pokoli tahlapi ka aieninchit pit i₁ pila tok: atuk o₁ im ona tok; mihma yakeh! nvnih tvbokaka y_o binnili tok. Mihma, Chitokaka immi hatak chia ma! miko vt, Ish akowashke, achishke, im achi tok.

10. Mihma Elichah vt afalamichit, pokoli tahlapi i₁ kvpitvni yash, Atukma, Chitokaka immi hatak sia hokma, luak vt vba ik minti cha, chishno, micha chi₁ pokoli tahlapi aiena ka hukmit ik hvchi tahli, im achi tok. Mihma luak vt vba minti cha, yvmmak ash, micha i₁ pokoli tahlapi aiena kash hukmit tahli tok.

11. Atuk o₁ anonti pokoli tahlapi i₁ kvpitvni inla y_o, micha i₁ pokoli tahlapi ka aieninchit pit i₁ pila tok. Atuk o₁ miha mvt, Chitokaka immi hatak chia ma! miko vt yak achishke, Tushpvt ish akowashke, im achi tok.

12. Mihma Elichah vt afalamichit, Chitokaka immi hatak sia hokma, luak vt vba ik minti cha, chishno, micha chi₁ pokoli tahlapi aiena ka hukmit ik hvchi tahli, im achi tok. Mihma Chitokaka in luak vt vba minti cha, yvmmak ash, micha i₁ pokoli tahlapi aiena kash hukmit tahli tok.

13. Atuk o₁ anonti pokoli tahlapi atuchina i₁ kvpitvni ya, micha i₁ pokoli tahlapi ka aieninchit pit i₁ pila tok. Atuk o₁ pokoli tahlapi i₁ kvpitvni atuchina yash osh ivt ona mvt, Elichah itikba ya hvchukbihlepa cha, im ilvshvt, Chitokaka immi hatak chia ma! vm ilhfiopak, micha chin tishu vhleha pokoli tahlapi ilvppa im ilhfiopak vt chi tikba ya a holitopashke, chim asilhha lishke.

14. Yakeh! luak vt vba minti cha, pokoli tahlapi chashpo i₁ kvpitvni tuklo, micha i₁ pokoli tahlapi bika hukmit tahli tuk oke: yvmohmi hoka vm ilhfiopak vt chi tikba ya a holitopashke, im achi tok.

15. Mihma Chihowa im enchel vt Elichah ya, Awant ish

iašhke; ish i nukshopa ná, im achi tok. Mihma wakaya cha, awant ivt miko ya im ona tok.

16. Mihmvt, Chihowa yvt yak achishke, Anumpa shali vhleha hv̄t Eklon in chitokaka Baal-sebub a i ponakla chi h̄o ish pila tuk vt (Chitokaka yvt Islael a iksho na, im anumpa h̄a ish a ponakla he keyu ak atuk oh cho?) yvmohmi hokvt topa h̄a ish oiya tuk vt, yv̄mma ish akowa chi keyu hoke, amba chilli pulla chi hoke, im achi tok.

17. Atuk o Chihowa im anumpa h̄a Elichah vt anumpuli tuk mak o illi tok. Mihma, Chehoshafat ushi Cheholam vt Chutah i miko tok afv̄m̄mi ont atukla h̄o, Cheholam vt v̄lh̄-tobvt miko tok; ushi vt ik im iksho hatuk oka.

18. Mikma nana a kaniohmi inla Ahasiah vt yvmihinchi tok vt Islael i miko vhleha i nitak holisso h̄a a holisso keyu cho?

CHAPTA II.

ATUK o yakohmi tok, Chihowa yvt Elichah ya apanukfila h̄a fohkit vba isht ia chi ma, Elichah, micha Elisha itatuklo kv̄t Kilkal a vshv̄vt itiachi tok.

2. Mihma Elichah vt Elisha ya, Ilvppak o ašhá, chim asilhha lishke; Chihowa yvt Behlel a sa pila tuk oka, im achi tok. Mihma Elisha yvt, Chihowa yvt okchaya pulla ka, micha chimi shilombish vt okchaya pulla ka, chissa la he keyu hoke, achi tok. Yohmi h̄o Behlel a itonachi tok.

3. Mihma hopaii ushi vhleha Behlel ai asha tuk vt kohchvt Elisha ya ont afama mvt, Himak nitak a Chihowa yvt chi shahli chi noshkobo h̄a chim esha chi ka ish ithana cho? im achi tok. Mihma, Vno ak kia ithana li, hv̄ch ik anumpulo kashke, achi tok.

4. Mihma Elichah vt, Elisha ma! ilvppak o ašhá, chim asilhha lishke; Chihowa yvt Cheliko ya sa pila tuk oka, im achi tok. Mihma, Chihowa yvt okchaya pulla ka, micha chimi shilombish vt okchaya pulla ka, chissa la he keyu hoke, achi tok. Yohmi h̄o Cheliko ya itonachi tok.

5. Mihma hopaii ushi vhleha Cheliko ai asha tuk vt im

vla mvt, Himak nitak a Chihowa yvt chi shahli chi noshkobo ha chim esha chi ka ish ithana cho? im achi tok. Mihma, Uno ak kia ithana li, hvch ik anumpulo kashke, achi tok.

6. Mihma Elichah vt, Hvppak o ashá, chim asilhha lishke, Chihowa yvt Chatan a sa pila tuk oka, im achi tok. Mihma, Chihowa yvt okchaya pulla ka, micha chimi shilombish vt okchaya pulla ka, chissa la he keyu hoke, achi tok. Mihma itatuklot ivt okla tok.

7. Mihma hopaii ushi vhleha ai achufa yosh hatak pokoli talilapi kvv ivt ichapaka ya hopaki ho hielit tok: mihma tuklo kash osh Chatan ontalaka ya hielit okla tok.

8. Mihma Elichah vt im anchi ya ishi cha, puhli mvt, oka ya isht isso ma, iti filvmmitt ilvppa, micha yvmma ia tok: yohmi na yakni shila yo tuklo kash osh hlopullit ia tok.

9. Mihma yakohmi tok, hlopullit okla ma, Elichah vt Elisha ya, Chim ishit ik sasho kisha kak o nana chi yvmihchi la chi ka ish asilhashke, im achi tok. Mihma Elisha vt, Chimi shilombish a inlohmi tuklo hosh si onvtoyulashke, chim asilhha lishke, achi tok.

10. Mihma, Kvlloghit ish asilhvshke: chim ishit svshi ka is sa pisakmvt, chi yohmashke; amba keyukma, yohma chi keyu hoke, achi tok.

11. Atuk o yakohmi tok, avvt anumpohonlit mavvt okla ma, yakeh! itichanvlli luak, micha issuba luak aiena kvv haiaka mvt, iti mokoffi tok: mihma Elichah vt apanukfila ho fohkvv vba ya ia tok.

12. Mihma Elisha vt pisa mvt, payvt, Aki ma! aki ma! Israel im itichanvlli, micha issuba om binili vhleha yoke, achi tok. Mihmvt himakma ik peso tok: mihmvt i nafolka ya ishi mvt, hlilvffit tuklochi tok.

13. Mihmvt Elichah im anchi vt mokofvt itula tuk o ishi mvt, falama tuk osh Chatan sakti ha ant o hikia tok.

14. Micha Elichah im anchi vt mokofvt itula kash ishi cha, oka ya isso mvt, Elichah in Chitokaka Chihowa mvto? achi tok. Micha yvmmak kia oka ya isso ma, oka yvt iti

filūmmit ilvppa, micha yvmma ia tok; mihma Elisha vt hlo-pulli tok.

15. Atuk o hopaii ushi vhleha Cheliko ya ai asha kash osh ichapaka ya yvmmak ash pit pisa mvt, Elichah imi shilombish vt Elisha ya onvtonlvshke, achi tok. Mihmvt okla mintit ant afama cha, aka pit im akachunoli tok.

16. Micha, Yakeh! chin tishu vhleha ha apelvvt hatak pokoli tahlapi kv ashvshke; ik ia cha, chi shahli ha ik hoyo, e chim asilhvshke; Chihowa imi Shilombish vt vba isht ona cha, nvnih kanima, keyukmvt okfa kanima et kanchi tuk yoba ka, okla im achi tok. Mihma, Hvsh pila he keyu hoke, achi tok.

17. Atuk o okla im achunanchi na hofahyvt taha mvt, Ho pilá, achi tok. Yvmohmi ho hatak pokoli tahlapi ho okla pila tok; mihma nitak tuchina ho hoyo kia, ik ahayu-cho tok.

18. Atuk o falamvt im vla ma, (Cheliko ya anta hatuk oka,) Hvch ik aiyo kiá, hvchim achi li tuk keyu cho? im achi tok.

19. Mihma tvnaha hatak vhleha hv Elisha ya, Yakeh! tvnaha atalaia yvt achukma ho a shahli hv pvsvshke; yohmi kia oka yvt okpulo, mikma yakni vt nana a waya he keyushke, im achi tok.

20. Mihma, Ampo himona yo isht hv svv vla cha, yvmma hvpi ha oh vni, achi tok. Mihma okla isht im vla tok.

21. Mihma kohchvt kvli oka ya ona cha, yvmma hvpi ha kvvchi mvt, Chihowa yvt yak achishke, Oka ilvppa achukmali lishke; ilvppa himak pilla ma illi, micha awaya he keyu vt iksho ka chi hoke, achi tok.

22. Yohmi ho anumpa Elisha yvt anumpuli tuk mak o, oka yash osh achukma tok osh himak nitak a moma hoke.

23. Mihma yvmma vttvt ivt Behlel a ona tok: atuk osh ivt hina takla aya ma, vlla nakni chipunta yvt tvnaha ha kohchvt ishit yopulvt, Noshkobo yushmilali chia hv ia; noshkobo yushmilali chia hv ia, im ahanchi tok.

24. Mihma im ashaka pit filema cha, pisa mvt, Chihowa hochifot anumpa kvlo onochit miha tok; mihma nita tek

tuklo hosh kowi et kohcha cha, yummak ash ai achvfa ulla pokoli ushta akucha tuklo hō niblit tahli tok.

25. Atuk o yumma vttvt ivt nvnih Kamel a ona tuk osh, yumma vttvt falamvt Samalia ya ona tok.

CHAPTA III.

YOHMI ka, Chutah i miko Chehoshafat vt miko tok afummi ont isht auahuntuchina hō, Ahab ushi Cheholam vt Samalia ya vttvt Israel i miko tuk osh, afummi auah-tuklo hō miko tok.

2. Mihmt Chihowa itikba ya nana ik achukmo kak o yvmohmi tok; yohmi kia iki ya chohmi, micha ishki ya chohmi tok keyu: yohmi kv Baal naholvt toba iki vt ikbi tok a ishit kanchi tok.

3. Yohmi kia Nebat ushi Cheloboam vt nan ashvchit Israel a ashvchechi tok ak o asitia tok: ik i filmmo tok.

4. Mihma, Moab i miko Mesha vt chukfulpoa apoa ya-tuk osh, Israel i miko ya chukfulpoa ushi tahlepa sipokni tahlepa achvfa, micha chukfulpoa nakni hishi asha tahlepa sipokni tahlepa achvfa hō ima beka tuk osh,

5. Yakohmi tok, Ahab vt illi ma, Moab i miko vt Israel i miko ya i filvmmi i sanali tok.

6. Mihma mih nitak akinli hō miko Cheholam vt Samalia ya kohchvt ia cha, Israel moma ka hoyot hotihna tok.

7. Mihmt ivt, Chutah i miko Chehoshafat a, Moab i miko vt a filvmmi a sanalishke; si awant Moab a itibit ish ia hinla cho? pit im achi tok. Mihma, Ia lashke; vno vt chishno akinli chohmi likma, vm okla hv chim okla akinli chohmikma, vm issuba puta kv chim issuba puta akinli chohmi hoke, achi tok.

8. Mihma, Hina katima yak o il ia chi cho? achi tok. Mihma, Etom yakni haiaka hina pit hlopulli ká, achi tok.

9. Yohmi hō Israel i miko, micha Chutah i miko, micha Etom i miko aiena kv ia tok; micha nitak untuklo anowa

yō pit fullota tok; micha tvshka chipota, micha nan ulhpoa yvt iakaiya tuk aiena kv̄t ishka he oka yvt iksho tok.

10. Mihma Israel ī m̄iko vt, Ikikkeh! Moab ibbak a fohka ch̄i hosh, Chihowa yvt m̄iko tuchina ilvppa hoyot itvnahli tuk oka, achi tok.

11. Mihma Chehoshafat vt, Chihowa ī hopaī vt ilvppa anta tuk o tohnot Chihowa ya il ī ponakla hinla keyu cho? achi tok. Mihma Israel ī m̄iko in̄ tishu vhleha achvfa kv̄t, Shafat ushi Elisha, yvmmvt Elichah ibbak a oka on hlali yatuk vt yak antvshke, achi tok.

12. Mihma Chehoshafat vt, Chihowa im anumpa hv̄t ibafoyuka hoke, achi tok. Yohmi hō Israel ī m̄iko, micha Chehoshafat, micha Etom ī m̄iko aiena kv̄t ivt im ona tok.

13. Mihma Elisha vt Israel ī m̄iko ya, Nanta hō chitim ahalaia li cho? ch̄iki ī hopaī vhleha, micha chishki ī hopaī vhleha hak o im oná, im achi tok. Mihma Israel ī m̄iko vt, Ahā! Moab ibbak a fohka ch̄i hosh, Chihowa yvt m̄iko tuchina ilvppa hoyot itvnahli tuk oka, im achi tok.

14. Mihma Elisha vt, Uba nan okluha ilaiieshi Chihowa yvt okchaya pulla ka, yvmmak o itikba hikia li kv̄t, Chutah ī m̄iko Chehoshafat ak osh hikia ka aiokpanchi li hatuk keyukvt, ish a hikia imma ya pit hopokoyot chi pisa la hetuk keyu hoke.

15. Yohmi kia himak a vhlepa-olachi ya isht oh vm v̄lá, achi tok. Atuk o yakohmi tok, vhlepa-olachi vt olachi ma, Chihowa ibbak vt ant onvtoyula tok.

16. Mihma, Chihowa yvt yak achishke, Okfa ilvppa yakni kula biekv̄chit ho tahlí.

17. Chihowa yvt yak achi hoka, Mahli hā hv̄sh pisa ch̄i keyu hoke, micha umba-ka hv̄sh pisa ch̄i keyu hoke; yohmi kia okfa yvmmvt oka alota na hv̄chishno, micha hv̄ch̄i wak, micha hv̄ch̄i nanvllhpoa aiena kv̄t ishka ch̄i hoke.

18. Yohmi kia ilvppvt Chihowa itikba ya nana afelma ch̄i keyu hoke; Moab a hv̄ch ibbak fohka ch̄i akinli hoke.

19. Mikma tmaha holihta moma, micha tmaha achukma ī shahli moma ka okpv̄nit, micha iti achukma moma ka kinahlichit, micha oka kv̄li moma ka ī kv̄malit, micha osapa

achukma taloha moma ka tvli ashachit hvsh okpvna chi hoke, achi tok.

20. Atuk o onnahnli ya, ilhpak isht aiokpvchi im issa ma, yakeh! oka yvt Etom pilla minti hosh vla na yakni vt oka ya alota tok.

21. Atuk o miko vhleha hvt itibit vla ka Moab okla moma kvv haklo mvv, tvnvp aya fohka ya fohka hinlakmvv, micha vba maya moma kvv itvnaha cha, yakni vhli ya hieli tok.

22. Atuk osh onnahnli fehna ho okla wakaya cha, hvshi vt kohchvt oka ya on tommi ma oka yvt ichapaka ya humma kvv issish a chiyuhmi ho Moab okla hvt pisa tok.

23. Mihmvv, Ilvppvt issish oke: miko vhleha hash osh illit taha pulla hoke, micha iti fahamvt iti tahli tuk oke: yvmohmi hoka himak a, Moab ma! na wehpoa ya ont kiloh ishi, okla achi tok.

24. Atuk osh Israel im vlbina ha ona ma, Israel okla hvt wakaya cha, fahama na, itikba yihlepa tok: mihma fahamvt ishit mahayvt Moab okla ha fahamvt ishit kanchi tok.

25. Michi in tvnaha puta ka yuhlit tahlit, osapa achukma taloha moma ka hatak vt tvli achufa aiyukali pivv alo-toli tok; micha oka kvli moma ka i kvmalit, iti achukma moma ka kinahlichu tok: yohmi cha Ki-halaselh vno tvli ya okla hilinchi tok; micha tvli ishit fahpuli vhleha hvt apak-fopvt tvli isht isso tok.

26. Mihma itibi kvv i kvvlo fehna na, Moab i miko vt pisa mvv, hatak bushpo falaia ieshi tahlepa untuklo ho pehlichu cha, tivblit hlopullit Etom i miko ya im ona bvna tok: yohmi kia nana kanihma he keyu tok.

27. Yohmi ma ushi vttahpi vltobvt mika he tuk a ishi cha, holihta onochit hukmit isht aiokpvchi im issa tok. Mihma Israel a i nukkilli fehna tok: mihma okla itibi tuk vt i filvmmi cha, falamvt i yakni akinli ho ona tok.

CHAPTA IV.

ATUK o hopaii ushi tekchi vhleha ha ai achufa yosh Elisha ya i paya mvv, A hatak chin tishu hvt illishke;

mikma chin tishu hvt Chihowa i nukwia yatak a chishno vt ish ithanvshke; atuk o nan ahekvchi vt vm vlla tuklo ka ishit yuka ikba chi hosh vlvshke, achi tok.

2. Mihma Elisha vt, Nanta ho chi yvmihchi la chi cho? nanta hosh aboha ya chi foka cho? vm anoli, im achi tok. Mihma, chin tishu ohoyo hvt aboha ya nana kia ik im iksho kvmohmi, bila kotoba achvfa ak illvshke, achi tok.

3. Mihma, Ish ia cha, chin chukapanta moma ka nan aivlhto nana alhto keyu ho ont ish potashke; ish kanomochi na.

4. Atuk osh ant ish chukowakmvt, ish il on okshita cha, chiso tuklo kash ish on okshitakmvt, tosholit nan aivlhto ymma moma ka ish apitta cha, alotakma naksika ish talalashke, achi tok.

5. Mihma i filvmmi ia mvt, il on okshita cha, ushi tuklo kash on okshita ma, ihima na toshohonli tok.

6. Atuk o yakohmi tok, nan aivlhto puta kvv alota ma, ushi ya, Himakma nan aivlhto isht vm vla, im achi tok. Mihma, Nan aivlhto vt himakma iksho, im achi tok. Mihma bila yvt yokopa tok.

7. Yohmi ma onvt Chitokaka immi hatak ash im anoli tok. Mihma, Ish ia cha, bila ya ish kanchi cha, nana ish aheka tuk vt isht ish atobbi cha, atampa ka chishno, micha chiso tuklo aiena kvv hvsh ai okchayashke, achi tok.

8. Atuk osh nitak kaniohmi ma, Elisha vt ayvt Shunem, ymma ohoyo chito yosh vta ho ona tok; mihma pvka vpa chi ka im achunanchi tok. Atuk o yakohmi beka tok, ayakmvt, pvka vpa chi hosh folotvt chukowa beka tok.

9. Mihma i hatak a, Yakeh! Ilvppvt Chitokaka immi hatak chukvsh ai vlvpiesa yo ithana lishke; atuk o pim aya beka na bilivshke.

10. Uba potvlhpo iskitini ikbit aboha ya il onochashke; micha ymma topa, micha aiimpa, micha aiombinili, micha pula aiqhikia aiena ka il i hilechashke, chim asilhha lishke; atukma yakohma hi oke, pim vlakmvt, ymmak o folotvt chukowa hi oke, im achi tok.

11. Atuk o nitak kaniohmi ma, yvmma ona cha, vba potvhpō yak o folotvt chukowa chia, yvmma itonla tok.

12. Atuk osh in tishu Kehasi ya, Shunem ohoyo ilvppa i howá, im achi tok. Atuk o i howa ma, itikba ya ant hikia tok.

13. Mihma, Yohmi ka, Yakeh! nan isht anukfla ilvppa moma ka isht ish pi anukfilli tuk oke; nanta hosh chi katiöhma hinla cho? miko ak okmá, tvshka chipota i kvpitvni chito ak okmá, kanimampo ka im anolit ishit si anumpulikbano, ish ahni cho? im achí, im achi tok. Mihma, Um okla akinli takla ahanta li hoke, achi tok.

14. Mihma, Yohmi ka nanta hosh i katiöhma hinla cho? achi tok. Mihma Kehasi vt, Ushi ak osh ik im iksho mvhli, micha i hatak vt sipoknishke, achi tok.

15. Mihma, I howá, achi tok. Mihma i howa ma, aboha okhissa ya ant hikia tok.

16. Mihma, Nitak vhpisa himak a cholmi tofahpi vt anonti vlakma, vlla nakni yo ish shola hi oke, achi tok. Mihma, Ahá! a shahli Chitokaka immi hatak chia hvv chin tishu ohoyo há ish i holabi ná, achi tok.

17. Atuk osh ohoyo hash osh vlla shali tuk osh, Elisha vt im achi tuk mak o nitak vhpisa tofahpi vt anonti vla ma, vlla nakni yo eshi tok.

18. Atuk o vlla yash osh hofantit taha mvv, nitak kaniohmi ma onush vmo aiasha iki vt anta ka ona tok.

19. Micha iki ya, Sa noshkobó, sa noshkobó, im ahanchi tok. Mihma hatak himita ya, Ishki ya isht im oná, im achi tok.

20. Mihma sholi cha, ishki ya isht im ona ma, iyikalaha om binili na tvbokoli mvv, illi tok.

21. Mihma vba oiya cha, Chitokaka immi hatak in topa há om bohli mvv, on okshita cha, kohcha tok.

22. Mihma i hatak a i howa cha, Hatak himita vhleha achvfa ka, micha issuba haksobish falaiá achvfa ka, et is sa pila na, malelit Chitokaka immi hatak aivtta ka ona lish, anonti vla lashke, chim asilhha lishke, achi tok.

23. Mihma, Nanta katiöhmi hvv himak nitak a ish ona

hinla cho? Ivshi talali ummona keyu, micha nitak hullo keyu, achi tok. Mihma, Uihpesa hoke, achi tok.

24. Yohmi mut issuba haksobish falaiia om patali mut, in tishu hash, Chvffichi, micha tikba íá; ish om binili kut, chí miha lí keyukma, is sa yokopa ná, im achi tok.

25. Mihmut ia cha, Kamel nvnih ak o Chitokaka immi hatak vt vttá tuk o im ona tok. Atuk o yakohmi tok, Chitokaka immi hatak ash osh hopaki ho pit pisa mut, in tishu Kehasi ya, Yakeh! ilupput Shunem ohoyo hash oke.

26. Malelit ont ish afama cha, Chin chukma cho? chí hatak vt in chukma cho? vlla yash osh in chukma cho? im achi, chim asilhha lishke, im achi tok. Mihma, Achukma-kvshke, achi tok.

27. Atuk osh Chitokaka immi hatak vt nvnih hash anta tuk o im ona mut, iyi ya hoklit ishi tok: mihma Kehasi vt toblit kanvllicha chí hosh bilika ona tok. Mihma Chitokaka immi hatak ash osh, Ik ashá; shilombish vt nukhvmmi hoka; mihma Chihowa yvt an luhmi cha, ik sum anoloshke, achi tok.

28. Yohmi ma, A shahli ha vlla im asilhha lí tok oh cho? Is sa yimmichi ná, achi lí tok keyu cho? achi tok.

29. Yohmi ma Kehasi ya, Ish il vskofvchikmut, an tubi ya chibbak fohkit ish ieshi cha, ish iashke; hatak a ish afamakmut, ish aiokpvcha he keyu; micha hatak vt chí aiokpvchikma, anumpa falama ka ish miha he keyu: micha an tubi ya vlla nashuka ya ish onochashke, im achi tok.

30. Mihma vlla yash ishki vt, Chihowa yvt okehaya pulla ka, micha chimi shilombish vt okehaya pulla ka, chissa la he keyu hoke, achi tok. Mihma wakaya cha, iakaiya tok.

31. Mihma Kehasi vt tikba ivt ona cha, tubi yash vlla nashuka ya onochi tok; yohmi kia anumpuli, micha haiyak-lo kia iksho tok: yvmohmi ma falamut ont afama cha, im anolit, Ulla yvt ik okehoshke, achi tok.

32. Atuk o Elisha yvt aboha ya ont chukowa ma, yakeh! vlla yvt illi cha, in topa ha onvtoyula tok.

33. Mihmut chukowa mut, tuklo ka okhissa il on okshita cha, Chihowa ya im asilhha tok.

34. Mihmvt onvt vlla yash onvtoyula cha, itih h₂ itih onochi mvt, nishkin a nishkin onochi mvt, ibbak a ibbak onochi cha, ile chisemochit onvtoyula tok; mihma vlla yash osh nipi vt libishvt isht ia tok.

35. Yohmi mvt falamvt aboha ya nowvt itafalamohowa tok: mihmvt anonti ont ile chisemochit onvtoyula tok: mihma vlla yash osh untuklo ha habishko cha, vlla yash osh nishkin fatummi tok.

36. Mihma Kehasi ya i howa mvt, Shunem ohoyo ilvppa i howá, achi tok. Yohmi ma i howa tok: atuk o im vla ma, Chiso nakni ya ishi, achi tok.

37. Yohmi ma iyi ya ant on hlipvt pit im akachunoli tok; mihmvt ushi yash ishi cha, kohcha tok.

38. Atuk o Elisha yvt falamvt Kilkal a ona tok: mihma yakni ya hohchvfo yvt asha tok; mihma hopaii ushi vhleha hvt itikba ya chieya tok: mihma in tishu h₂, Shuti chito ya ito talali cha, hopaii ushi vhleha h₂ nipi okchi ish i honashke, im achi tok.

39. Mihma achvfa kvv haiyukpulo aiowa chi hosh kohchvt yakni haiaka ia tuk osh, nabalali ilapint offo ya ahayuchi mvt, yvmma vni shukshubak holba ya i nafohka alota ho vmot isht vla cha, nipi okchi shuti ya chuhlit ibani tok: okla ik ithano hatuk oka.

40. Yohmi cha hatak vhleha hash osh vpa chi ho in tosholi tok: atuk o yakohmi tok, nipi okchi okla vpa hosh maya mvt, chitolit, Chitokaka immi hatak ma! shuti ya isht illi hvt fokvshke, achi tok; mihmvt vpa he keyu tok.

41. Yohmi kia, Yohmikma onush bota isht oh vlá, achi tok; mihma shuti ya pit okvchi tok: micha, Okla h₂ ish in tosholi na vpashke, achi tok: mihma shuti ya nana ik achukmo kvv iksho tok.

42. Atuk o hatak achvfa kvv Baal-shalisha minti hosh vla cha, Chitokaka immi hatak a waya vmmona pvaska, bali pvaska lumbo pokoli tuklo ho, micha osapushi a waya aiena ka i bahta vlhto ho isht im vla tok: mihma, Okla h₂ ish ima na vpashke, achi tok.

43. Mihma in tishu hvt, Nanta? ilvppa hatak tahlepa

achufa ka itikba talali la hinla cho? achi tok. Mihma, Okla ha ish ima na vpashke; Chihowa yvt yak achi hoka, Okla impa cha, ashanchashke, achi tok.

44. Yohmi ma itikba talali na okla impa mvt, Chihowa im anumpa hatuk mak o ashanchi tok.

CHAPTA V.

YOHMI ma Silia i miko in tvshka chipota i kepiteni Naaman vt i shahli ha i holitopa yosh hatak holitopa atok; yvmak atuk mak o Chihowa yvt Silia ya hlakoffichi tuk oka: micha hatak yvmvt hatak hlampko chilita yosh leplosi vbi atok.

2. Micha Silia okla aya kanohmi kvv kolchvt ia cha, vlla tek himita yo Israel yakni ya a yukachit ai ishit-isht ia tok: mihma Naaman tekchi ak o nana isht im vta tok.

3. Atuk osh, A shahli hvv hopaii Samalia anta ka itikba hikia tuk okbano; yohmikma in leplosi ya hlakofficha hinla hoka, i pushnayo ohoyo ha im achi tok.

4. Mihma Naaman vt iba chukowa cha, i shahli ha im anolit, Ulla tek Israel yakni minti vt yakohmi, micha yakohmi ho achishke, achi tok.

5. Mihma Silia i miko vt, Inta! ia, mikma Israel i miko ya holisso i pila lashke, achi tok. Mihma tvi hvta talent pokoli, micha tvi holisso lakna shekel tahlepa sipokni hannali, micha nafohka fohka pokoli aiena ho ishi cha, ia tok.

6. Atuk osh, Yohmi ka holisso iluppvt chim onakma, yakeh! an tishu Naaman a m leplosi ya ish hlakofficha chi ho chi pila li tuk oke, holisso hvv achi ho Israel i miko ya isht im ona tok.

7. Atuk o yakohmi tok, Israel i miko vt holisso hash itim anumpuli mvt, i nafohka ya hlileffi cha, Uno ak osh Chitokaka sia hatuk osh vbi li, micha okchalynchi la hinla ho, hatak a in leplosi hlakoffichi la chi ho, yvmvt et a pila cho? Yohmi ka yvmvt peh sati nokowa benna ka anukfillit ho pisá, hvchim asilhha lishke, achi tok.

8. Atuk o yakohmi tok, Chitokaka immi hatak Elisha yvt Israe*l* i miko vt i nafohka ya hli*l*ffi tuk a haklo mt, miko ya pit i p*l*vt, Nanta katiohmi ho chi nafohka ya ish hli*l*ffi tuk oh cho? vno ak o vm v*l*ashke, chim asilhha lishke, mikmt hopaii vt Israe*l* a ahanta ka ithaiyanashke, achi tok.

9. Yohmi ho Naaman vt im issuba puta, micha im iti-
chanvlli aiena kv*t* ona cha, Elisha in chuka okhissa itikba ya hikia tok.

10. Mihma Elisha yvt anumpa shali pit i pila mt, Ish ia cha, Chatan a untuklo ha ish yupashke; mikma chi nipi vt anonti chin toba na chi kashofashke, achi tok.

11. Yohmi kia Naaman vt nokowa cha, ia mt, Yakeh! koheha pulla cha, vm v*l*vt hiki*v*t in Chitokaka Chihowa ya hochihifo hosh aivbi ya ibbak o walit leplosi vbi yash hla-
kofficha chi, vm ahoba tuk oke.

12. Tamaskvs okhina, Abana, micha Fapa yvt Israe*l* oka moma ka achukma kv*t* i shahli keyu cho? yummak o a yupit sa kashofa hinla akinli keyu cho? achi tok. Mihmt shanaia cha, nukhobela fehna hosh ia tok.

13. Mihma in tishu v*h*leha hv*t* bilika onvt im anumpulit, Aki ma! hopaii vt nana afehna ho ish yvmihcha chi, chi miha hatukma, ish yvmihcha he tuk keyu cho? yohmi ka, Yupi cha, ik chi kashofa, chim achi hokak heno? okla achi tok.

14. Yohmi ma okvttahvt ia cha, Chitokaka immi hatak ash im anumpa hatuk mak o untuklo ha Chatan a oklubbit koheha tok: mihma nipi vt vlla iskitini nipi chohmi hosh anonti toba na kashofa tok.

15. Mihmt i bina ai achufa yash momvt falamvt Chitokaka immi hatak ash im ona cha, itikba ya hieli tok: micha, Yakeh! yakni moma ka Chitokaka yvt iksho, amba Israe*l* takla ak illa hoka ithaiyana lishke: yvmohmi ka himak a nan ishit yukpali ya chin tishu ha ish im ishashke, chim asilhha lishke, achi tok.

16. Mihma, Chihowa yvt okchaya pulla ka, yummak o itikba hikia li kv*t*, nana ishi la he keyu hoke, achi tok. Mihma isha chi ka im achunanchi tok: yohmikia ik haklo tok.

17. Mihma Naaman vt, Yohmi ka chin tishu ha yakni ya issuba haksobish falala shali tuklo ka ima lie keyu cho? chim asilhha lishke; chin tishu hv̄t himak pilla ka na hukmit isht aiokpv̄chi, micha nan vbit isht aiokpv̄chi nana kia chitokaka inla puta im issa ch̄i keyu hoka, amba Chihowa yak achi hoke.

18. Nana ilvppuno Chihowa yvt chin tishu ha i kashof-fashke; a shahli hv̄t aiokpv̄cha ch̄i hosh Limmon in chuka ymma chukowa cha, ymmvt subbak a vtaya na Limmon in chuka ya akachunoli likma; Limmon in chuka ya akachunoli likma, Chihowa yvt chin tishu ha nana ilvppa i kashof-fashke, achi tok.

19. Mihma, Achukmakvt ish ayashke, achi tok. Yohmi ma i filvmm̄t ivt ik hopako ho ona tok.

20. Mihma Chitokaka immi hatak in tishu Kehasi vt, Yakeh! a shahli hv̄t Silia hatak ilvppa Naaman vt nana isht vla tuk a ik im esho hosh hlakoffichishke; yohmi kia Chihowa yvt okchaya pulla ka, iakaiyvt hliohli lish, nana kia im ishi la ch̄i hoke, achi tok.

21. Yohmi hosh Kehasi vt Naaman a iakaiya tok: atuk o iakaiyvt hliohlit maya na Naaman vt pisa mv̄t, itichanv̄lli yash akov̄t afamvt ia cha, Achukmaka cho? achi tok.

22. Mihma, Achukmakvshke. A shahli hv̄t et sa pila hosh, Yakeh! himak fehna ka Eflaim nv̄nih minti vt hopaii v̄hleha ushi yosh hatak himita tuklo kv̄t vm v̄lvshke: ymmak o tv̄li hv̄ta talent achv̄fa, micha nafohka fohka tuklo ho pit ish imashke, chim asilhha lishke, achishke, achi tok.

23. Mihma, Uihpesa ish ahni cha, talent tuklo ho ish ishashke, achi tok. Michā im achunanchi mv̄t, tv̄li hv̄ta talent tuklo ho bahta tuklo fohkit takehi mv̄t, nafohka fohka tuklo aiena ho in tishu tuklo ha ima na shali cha, tikba ivt okla tok.

24. Atuk o nv̄nih ha ona mv̄t, im ishi cha, aboha anukaka ya bohli tok: mihmv̄t hatak tuklo kash, ik ia, ahni na ivt okla tok.

25. Amba ilap vto ont chukowa cha, i shahli ha itikba hikia tok: mihma Elisha yvt, Katima ish minti cho? Kehasi

ma! im achi tok. Mihma, Chin tishu hvt kanima ia tuk keyu hoke, achi tok.

26. Mihma, Hatak vt filemvt im itichanvlli hā akowut, chi afamvt minti ma, sa chukvsh vt aya tuk keyu cho? Tvli holisso a habena he, micha nafohka, micha alif vpi puta, micha pakvpi ahollokchi puta, micha vvhpoa chipunta, micha wak, micha hatak tishu puta, micha ohoyo tishu puta aiena ka a habena he nitak vvhpesa cho?

27. Yvmohmi hoka Naaman in leplosi vt chishno, micha chim ishtatiaka aiena ka lapali na bilia hi oke, im achi tok. Mihma leplosi vbi yosh okti chiyuhmi hosh itikba hikia tuk vt i filvmmmit kohcha tok.

CHAPTER VI.

MIHMA hopaii ushi vhleha hvt Elisha ya, Yakeh! chi tikba il aiasha yvt pim atikkonofa fehvshke.

2. Chatan a il ia cha, yvmma iti achvfa aiyukali ont il ai ishi cha, yvmmak o il ai asha chi kvv isht il ikbi cha, iloh ai ashashke, e chim asilhvshke, im achi tok. Mihma, Oh ia, achi tok.

3. Mihma achvfa kvv, Vvhpesa ish ahni cha, chin tishu vhleha hā awant ish iashke, achi tok. Mihma, Ia lashke, achi tok.

4. Mihmvt awant ia tok. Atuk o Chatan a okla onmvt, iti chanlit kinahlichu tok.

5. Atuk o achvfa kvv iti kinvffit isht anta ma, iskifa tvli yvt oka pit okatula tok: mihma, Ikikkeh! a shahli ma! micha ponta yatuk oke, chitoli hosh achi tok.

6. Mihma Chitokaka immi hatak ash osh, Katima yak o itula tuk oh cho? achi tok. Mihma ai okatula tuk a pisachi tok. Mihma .iti chanlit kinvffi mvt, yvmmak o pit okvchi cha, tvli yash okpalalichu tok.

7. Mihma, Pit ishi, im achi tok. Mihma ibbak a pit weli cha, ishi tok.

8. Atuk o Silia i miko vt Islael a in tanampi cha, in

tishu vhleha hā luhmit itim anumpulit, Yvmmak o, micha yvmmak o vm vlbina hachi hoke, achi tok.

9. Mihma Chitokaka immi hatak ash osh Israel i miko ya pit i pilvt, Ahah! ish ahni cha, yvmmak oka ont chik aiyo kashke: yvmmak o Silia okla hvt minti hoka, achi tok.

10. Mihma Israel i miko vt, Chitokaka immi hatak ash osh im anolit, ahah! ahna he i miha tuk, yvmma pit pila cha, himonna keyu, micha litukla keyu hō ahah! ahni tok.

11. Yvmohmi hatuk o Silia i miko vt nana ilvppa pulla kak o chukesh ik im achukmo fehna tok: mihmut in tishu vhleha hā pit hoyo cha, E katima kak osh Israel i miko ya iba fohka ka hvs svn anola he keyu cho? im achi tok.

12. Mihma in tishu vhleha achvfa kv, Iksho, a shahli miko ma! Elisha hopaii Israel a ahanta kak osh, aboha ish a nusi ish ai anumpuli ka, anumpa hash Israel i miko ya im anola he bano hoka, achi tok.

13. Mihma, Oh ia cha, ai vta ka ont ho pisá; mikma pit hoyot isht vla lashke, achi tok. Atuk o, Yakeh! Tohlan ak o antvshke, achi hosh im annoa tok.

14. Atuk o yvmma issuba puta, micha itichanvlli puta, tvshka chipota laua aiena hō pit pila tok: atuk o ninak o ona cha; tmaha hā afolubli tok.

15. Atuk o onnahinli fehna hō Chitokaka immi hatak ash in tishu hvt wakaya cha, kohelvt ia ma, yakeh! tvshka chipota, micha issuba, micha itichanvlli aiena hosh tmaha hā afolubli tok: mihma in tishu hash osh, Ikikkeh! a shahli ma! e katiohma chi cho? im achi tok.

16. Mihma, Chi nukshopa ná: pibafoyuka kak osh laua kv yvmma ibafoyuka ka i shahli hoka, achi tok.

17. Mihma Elisha yvt anumpa ilbvsha anumpulit, Chihowa ma! nishkin a ish i fatummi na pisashke, achi tok. Mihma Chihowa yvt hatak himita yash nishkin a i fatummi na pisa tok: mihma yakeh! nvnih hvt issuba luak, micha itichanvlli luak aiena kv alotowa cha, Elisha ya afolubli tok.

18. Atuk o im onvt okla ma, Elisha yvt Chihowa ya anumpa ilbvsha im anumpulit, Okla ilvppa nishkin levli yo isht ish issashke, chim asilhha lishke, achi tok. Mihma

Elisha im anumpa hatuk mak o nishkin lvbli yo isht isso tok.

19. Mihma Elisha yvt, Hina yvt ilvppak keyu, micha tvnaha hvv ilvppak keyu hoke; hvs siakaiya na hatak hvsh hoyo ka hvch isht ona lashke, im achi tok. Atuk ak osh pehliechit, Samalia ak o isht ona tok.

20. Atuk o yakohmi tok, Samalia ya okla ona ma, Elisha yvt, Chihowa ma! ilvppa puta ka nishkin a ish i fatummi ha pisashke, achi tok. Mihma Chihowa yvt nishkin a i fatummi na pisa tok: mihma yakeh! Samalia iklvna yo hinli tok.

21. Mihma Israel i miko vt pisa mvt, Elisha ya, Aki ma! fahama la chi cho? fahama la chi cho? im achi tok.

22. Mihma, Ish fahama he keyu: chi bvshpo falaia, micha chim iti tanampo isht ish yukachi tuk okak osh ish fahama hinla cho? Pvska, micha oka aiena ka itikba in talali na impvt ik ishko cha, i shahli ha ik im ona, achi tok.

23. Mihma impa chito ho im atahli tok: atuk o impvt, micha ishkot okla im vlhtaha ma, ik ia, ahni na i shahli ha im ona tok. Yohmi ho Silia okla aya yvt himakma Israel i yakni ya ont ik chukowo tok.

24. Atuk o i himmakma Silia i miko Benhatat vt in tvshka chipota moma ka itvnahli cha, ivt Samalia ya ont in tanampit afolublit abinachi tok.

25. Mihma Samalia ya hohchvfo chito fehna tok: mihma yakeh! okla in tanampit afolublit abinachit aiasha na, issuba haksobish falaia noshkobo achvfa kvv tvli hvta shekel pokoli untuchina ma, pvchi yoshiba i yvlhki kab kvshkoa aiushta kvv tvli hvta shekel tahlapi tok.

26. Atuk o Israel i miko vt holihta paknaka aya ma, ohoyo achvfa kvv chitoli hosh, Si apelá, a shahli miko ma! im achi tok.

27. Mihma, Chihowa yvt ik chi apelokma, nanta ho ishit chi apela la hinla cho? anihechi, keyukmvt abvshli ak ahinla cho? achi tok.

28. Michá miko vt, Nanta chi katiohmi cho? im achi tok. Mihma, Ohoyo ilvppvt, Chiso ha bohli, mikma himak

nitak a e pa tukmut, onnakma svso ha e pashke, vm achi tuk oke:

29. Mihma svso ha e honi cha, e pa tuk oke: atuk o onna ma, Chiso ha ish bohli na e pashke, im achi li tuk; atuk ak o ushi ya luhmishke, im achi tok.

30. Atuk o yakohmi tok, miko vt ohoyo im anumpa hash haklo mut, i nafohka ya hlilvffi tok: mihmut holihta paknaka aya na okla hvt pisa ma, yakeh! na hishi tunna yvt anukaka nipi ya alataiya tok.

31. Yohmi mut, Shafat ushi Elisha noshkobo hvt himak nitak a on talaiakma, Chitokaka yvt yakohmi, micha i shahli kia si yvmihchashke, achi tok.

32. Mikma Elisha yvt in chuka binili ma, asvnonchi vhleha hvt takla chieya tok: mihma miko vt itikba hikia hatak a pila tok: yohmi kia anumpa shali vt vla takla ma, asvnonchi vhleha ha, Hatak vbi ushi ilvppvt sa noshkobo ha isha chi ho et pila tuk a hvsh pisa cho? Hvsh hoyo cha, anumpa shali vt vlakma, okhissa ya hvsh okhishta cha, okhissa akinli anumpa shali yash kullochit hvsh halanlashke: i shahli iyi yvt et iakayvt kitekahanchi keyu cho? im achi tok.

33. Atuk osh itim anumpuli moma ma, anumpa shali vt im vla tok: mihmut, Yakeh! ilvppvt nana ik achukmo Chihowa a minti mak oke; nanta katiohmi ho himakma Chihowa ya anukchietot hohoyo la hinla cho? achi tok.

CHAPTA VII.

MIHMA Elisha yvt, Chihowa im anumpa ha hvsh haklashke, Chihowa yvt yak achishke, Samalia holihta okhissa ya onnaha himak a chohmi fokakma, bota lipihbi vlpisa achvfa kvv shekel achvfakma, bali vlpisa tuklo kvv shekel achvfa chi hoke, achi tok.

2. Yohmi ma miko vt ibbak a vtaya tuk itichanvlli kvpitni vt afalamichit, Chitokaka immi hatak ash, Chihowa yvt vba shutik a okhissushi puta ai ikbi hoh kia, yohma hinla

cho? im achi tok. Mihma, Yakeh! chi nishkin a isht ish pisa kia, ish pa chi keyu hoke, achi tok.

3. Atuk o holihta okhissa achukowa ya hatak ushta kv̄t leposi vbi yosh chiya tok; micha, Nanta katiohmi ho e chieya cha, pilla chi cho?

4. Tumaha hak o ke chukowa, il achikmvt, tumaha ha hohchvfo hv̄t asha ka yumma a pilla chi hoke: micha ilvppa e chieyakmvt, pilla chi akinli hoke. Yvmohmi hokvt himak a inta! Silia tvshka chipota ak o iloh im onashke: pi okchalnchi hokm̄vno, pi okchaya chi hoke; amba pillichī hokm̄vno, pilla chi hokē, okla itim achi tok.

5. Atuk osh okpolusbi ma, Silia im vlbina ha ona chi hosh wakaya tok: atuk osh Silia im vlbina ont vhli ka ona ma, yakeh! hatak achvfa kia iksho tok.

6. I shahli hv̄t Silia tvshka chipota yash itichanvlli puta, micha issuba puta, tvshka chipota laua yvt aya ohmi ho haklochi tuk oka; mihma, Yakeh! Israel i miko vt Hell okla i miko vhleha, micha Echip i miko vhleha ha tohno tuk o, ant pitiba chi hoke, okla itim achi tok.

7. Mihmvt okpolusbi ma, okla wakaya cha, im vlhtipo puta, micha im issuba puta, micha im issuba haksobish falaiā puta aiena kv̄t binah hv̄t katiohmi tuk-vt momvt asha na yihlept̄ im ilhfiopak isht ile chahafa tok.

8. Atuk o leposi vbi vhleha hash osh binah ont vhli ka ona cha, vlhtipo achvfa ont chukowa mvt, impvt ishko mvt, teli hv̄ta, micha teli holisso lakna, micha nafohka aiena ka ai ishit ivt ont luhmi tok; mihmvt anonti vlv̄t vlhtipo inla ont chukowa cha, yummakma ai ishit ivt ont luhmi tok.

9. Yohmi mvt, Ulhpesa keyu ho e yvmohmishke: himak nitak vt anumpa achukma nitak okak o, nana kil achoshke; ilvppa il asha na onnaha tohwikelikma, nana ik achukmo ka e pisa chi hoke: yvmohmi hokvt himak a inta! iloh ona cha, miko in chuka achvfa ya iloh im anolashke, okla itim achi tok.

10. Atuk osh okla onvt tumaha holihta okhissa apistikieli ya i howa tok; micha okla im anolit, Silia i binah ha il ona ma, yakeh! hatak achvfa kia iksho, micha hatak anum-

puli kia iksho ma, amba issuba hvt talakehit hiohmaya ma, issuba haksobish falaia yvt talakehit hiohmaya ma, vlltipa puta kv̄t kaniohmi tuk vt moma hosh hiohmaya tuk oke, achi tok.

11. Mihma holihta okhissa apistikeli vhleha h̄a j̄ howa tok; mihma m̄iko in chuka achvfa yvt anukaka āsha tuk ō im anoli tok.

12. Mihma m̄iko vt ninak ā wakaya cha, in tishu vhleha h̄a, Silia okla hvt nana hvpi kaniohmichi tuk ā hvchim anoli lashke, hvchim asilhha lishke, pi hohchvfo ka okla ithana hoke; yohmi hatuk osb, Tumaha h̄a okla kohchakma, okchaya moma na e hokli cha, tumaha h̄a e chukowashke, achi hosh j̄ binah h̄a okla kohchvt yakni haiaka yā luma hoke, in achi tok.

13. Mihma in tishu vhleha achvfa kv̄t afalamichit, Issuba hvt.okchayvt tumaha hinli ka tahlapi h̄o ik eshi, chim asilhha lishke (yakeh! Israel apakna moma yatuk vt okchayvt alhto ka itilauishke: yakeh! Israel apakna moma yatuk vt taha ka itilauishke;) mikma e pilakmvt, e pisashke, achi tok.

14. Mihma itichanvlli issuba shali tuklo h̄o okla ishi tok; mihma m̄iko vt Silia tvshka chipota yā iakaiyachit pila cha, Oh ivt ho pisá, achi tok.

15. Mihma okla iakaiyvt Chatan ā ona tok: mihma yakeh! Silia okla hvt tushpet itvnowa kak osh kampila tuk ā hina takla moma ka nafohka, micha nan aivlhto aienà kv̄t alota tok: mihma anumpa shali vhleha hash osh falama cha, m̄iko yā im anoli tok.

16. Mihma okla hvt kohchvt ia cha, Silia okla j̄ binah h̄a wehpuli tok. Yohmi h̄o Chihowa im anumpa hatuk mak ō, bota lipihbi vllhpisa achvfa kv̄t shekel achvfa ma, bali vllhpisa tuklo kv̄t shekel achvfa tok.

17. Mihma m̄iko vt itichanvlli kv̄pitvni yvma ibbak ā vtaya yatuk vt holihta okhissa yā apistikela chi h̄o atokoli tok: mihma okla hvt holihta okhissa yā ai ahvlichichi na, Chitokaka immi hatak vt, m̄iko vt im ona ma, anumpulit im achi tuk mak ō, illi tok.

18. Atuk ō Chitokaka immi hatak ash osh m̄iko yā im

anumpulit, Samalia holihta okhissa ya onnaha himak a chohmi fokakma, bali vlpisa tuklo kut shekel achufakma, bota lipihbi vlpisa achufa kut shekel achufa chi hoke, achi tuk mak o yohmi tok.

19. Mikma itichanvlli kupitvni yash osh afalamichit, Chitokaka immi hatak ash, Yakeh! Chihowa yut vba shutik a okhissushi puta ka ai ikbi hoh kia, yohma hinla cho? achi tok. Mihma, Yakeh! chi nishkin a isht ish pisa kia, ish pa chi keyu hoke, achi tok.

20. Yohmi tuk mak o i yohmi tok; okla hvt holihta okhissa ya ai ahvhlichhi na illi tok okvt.

CHAPTA VIII.

YOHMIKMA Elisha yvt ohoyo yvmma ushi ya falvmmichit okchalnchi tuk vt im anumpulit, Chishno, micha chin chuka achufa aiena kut hvsh wakaya cha, kanima ho hvsh ai ahshwa hinlakmut, ont hvsh ahshwashke: Chihowa yvt hohchvfo hvt asha chi ho apesa hoka; mikma afvmmi untuklo ho yakni ya ant onvtoyula pulla chi hoke, achi tok.

2. Atuk o ohoyo hash osh wakaya cha, Chitokaka immi hatak im anumpa hatuk mak o yvmohmi tok; micha yvmma, micha in chuka achufa aiena kut Filistin okla i yakni ya ont ai ahshwa na afvmmi untuklo tok.

3. Atuk osh afvmmi untuklo kut ont taha ma, yakohmi tok, ohoyo hash osh falvmmi Filistin okla i yakni ya kohchvt ona tok: mihmut in chuka, micha im osapa yash miko ya im asilhha chi hosh kohchvt ia tok.

4. Mihma miko vt Chitokaka immi hatak ash in tishu Kehasi ya im anumpulit, Nana afehna moma Elisha yvt yvminchi chatuk a is svn anolashke, chim asilhha lishke, achi tok.

5. Atuk o yakohmi tok, vlla illi yatuk a kaniohmit falvmmichit okchalnchi tuk a miko ya im anolit isht anta ma, yakeh! ohoyo yvmma ushi ya falvmmichit okchalnchi tok ash osh in chuka, micha im osapa yash miko ya im asilhha

tok. Mihma Kehasi vt, A shahli miko ma! ohoyo hut iluppak oke, mikma ushi ya Elisha yvt falvmmichit okchalinchi tok vt iluppak oke, achi tok.

6. Mihma miko vt ohoyo hash i ponaklo ma, im anoli tok. Mihma miko vt tishu achvfa im atokoli cha, Inmi hatok moma, micha yakni ya kohchvt ia tok vttvt himak a ant vhli ka osapa yash a waya tuk moma ka isht ish i falvmmichashke, achi tok.

7. M.kma Elisha yvt Tamaskvs a ona tok: mihma Silia i miko Benhatat vt abeka hosh itonla tok: mihma, Chitokaka immi hatak vt ilvppa vlvshke, achi hosh im annoa tok.

8. Mihma miko vt Hasael a, Nahvlbina ish ishi cha, ivt Chitokaka immi hatak ash ont afamvt tohnot, Abeka lvppa a sa hlakoffa chi cho? ish achi na Chihowa ya i ponaklashke, im achi tok.

9. Mihma Hasael vt afamvt ia mv, nahvlbina ya nana achukma ilaiyukali moma Tamaskvs aiashia ka, kamel shali pokoli ushta ho ieshi cha, ia tuk osh tikba ont hikivt, Chiso Benhatat Silia i miko vt et chi sa pivt, Abeka ilvppa a sa hlakoffa chi cho? achishke, achi tok.

10. Mihma Elisha yvt, Ia cha, Chi hlakoffa hinla pulla hoke, ont im achi; yohmi kia illi pulla chi ka Chihowa yvt sa pisachi tuk oke, im achi tok.

11. Mihmvt nashuka ya atukkolit onochi na hofahyvt taha tok; mihma Chitokaka immi hatak ash osh nishkin okchi minti tok.

12. Mihma Hasael vt, Nanta katiohmi ho a shahli hut nishkin okchi minti cho? achi tok. Mihma, Nana ik achukmo ka Isael im vlla vhleha ha ish i yvmihcha chi ka ithana li hokvt: i holihta kullo puta ka luak isht ish hukma chi hoke, micha hatak i himithoa vhleha ha bvshpo falaiia isht ish ba chi hoke, micha im vlla pishi vhleha ha ish kahlalikmvt, im ohoyo vhleha hut vlla shanli ya ish patvffa chi hoke, im achi tok.

13. Mihma Hasael vt, Yohmi kia chin tishu hut ofi okma, nanta hatuk osh nachinto ilvppa yvmihcha hinla cho? achi

tok. Mihma Elisha yvt, Silia i miko chia ho Chihowa yvt sa pisachi tuk oke, achi tok.

14. Mihma Elisha ya i filvmmitt ia mvt, i shahli ha im ona tok: mihma, Elisha yvt nanta ho chim achi tuk oh cho? im achi tok. Mihma, Chi hlakoffi pulla chi ka vm anoli tuk oke, achi tok.

15. Atuk osh onna ma yakohmi tok, nantvna sukko ho ishi cha, oka okvchi mvt, nashuka ya ompohomo na illi tok: mihma Hasael vt vlhtobvt miko tok.

16. Mihma Israeł i miko Ahab ushi Cholam vt miko tok afvmmi ont ishit tahlapi ho, Chehoshafat vt Chutah i miko atuk o, Chutah i miko Chehoshafat ushi Cheholam vt miko tok.

17. Miko mvt, afvmmi pokoli tuchina akucha tuklo tok; atuk osh afvmmi untuchina ho Chelusalem a ahantvt miko tok.

18. Mihmvt Ahab in chuka achufa yvt yvmohmi tuk a chohmit, Israeł i miko vhleha i hina yak o a nohwa tok; Ahab ushetik ak osh tekchi yatuk oka: micha Chihowa itikba ya nana ik achukmo kak o yvmohmi tok.

19. Yohmi kia Chihowa yvt in tishu Lewi atok pulla, yvma, micha im vlla vhleha ha nitak moma ka pva ihima he, miha tuk mak osh, Chutah ya chukillissvchi ik bvno tok.

20. I nitak o Etom vt Chutah ibbak i nutaka tuk vt i filvmmitt i sanali cha, ilap akinli i miko ya mikochi tok.

21. Yohmi ho Cholam, micha itichanvlli moma aiena kvtt Sai ya ona tok: atuk osh ninak o wakaya cha, Etom okla, micha itichanvlli kvpitvni vhleha aiena kvtt afolubli tuk a issot kanchi tok: mihma okla hvtt yihleptvtt im vlhtipo puta ka ona tok.

22. Yohmi kia Etom vt Chutah ibbak i nutaka tuk vt i filvmmitt i sanali tok vt himak nitak a moma hoke. Yolimi ma Libnah vt mih makinli ho i filvmmitt i sanali tok.

23. Mikma Cholam nana akaniohmi tok inla kvtt, micha nana yvmihchi tok moma kvtt Chutah i miko vhleha i nitak holisso ha a holisso keyu cho?

24. Mihmvt Cholam vt iki vhleha takla nusi mvt, iki vhleha takla Lewi in tomaha ha a hollobpi tok : mihma ushi Ahasiah vt vlhtobvt miko tok.

25. Israel i miko Ahab ushi Cholam vt miko tok afvmmi ont isht auahtuklo ho, Chutah i miko Cheholam ushi Ahasiah vt miko tok.

26. Ahasiah vt miko mvt, afvmmi pokoli tuklo akucha tuklo tok ; atuk osh afvmmi achvfa ho Chelusalem a ahantvt miko tok : micha ishki hohchifo kvv Ahlahiah yosh Israel i miko Omli ushetik atok.

27. Mihmvt Ahab in chuka achvfa i hina yak o a nohova cha, Ahab in chuka achvfa yatak a chohmit, Chihowa itikba ya nana ik achukmo kak o yvmohmi tok : Ahab in chuka achvfa ya ai itawayo yatak okvt.

28. Mihmvt Ahab ushi Cholam a takla ivt Silia i miko Hasael a Lamolh-kileat a ai itibit ona tok ; mihma Silia hatak vhleha hvv Cholam a nvhli tok.

29. Mihma miko Cholam vt Silia i miko Hasael a itibi ma, Lamah ya Silia hatak vhleha hvv a nvhli tuk a, Chesleel ak o ont ai ile hlakofficha chi hosh falamvt ia tok : mihma Chutah i miko Cheholam ushi Ahasiah vt, Ahab ushi Cholam vt abeka hatuk oka, pisvt Chesleel a ona tok.

CHAPTA IX.

MIHMMA hopaii Elisha yvt hopaii ushi vhleha achvfa ka hoyo mvt, Ish vskofvchi cha, kotoba bila vlhto ilvppa ish ieshi cha, Lamolh-kileat a ish iashke :

2. Atuk osh yvma ish onakmvt, Nimshi ushi Chehoshafat a ushi Chehu ya ont ish pisashke ; micha ish iba chukowakmvt, itibapishi vhleha ai ititakla ya ish wakayvchi cha, aboha anukaka fehna ka isht ish onashke :

3. Yohmikmvt kotoba bila vlhto yash ish ishi cha, noshkobo ha ish on hlatvblashke, micha, Chihowa yvt yak achishke, Israel a ish i miko yachi ho na chi ahvmmi lishke, ish achashke : yohmikmvt okhissa ya ish tiwi

cha, ish malelashke, micha ish hikia he keyu, im achi tok.

4. Mihma hatak himita, hopaii hatak himita yash osh Lamolh-kileat a ia tok.

5. Atuk osh ona ma, tvshka chipota i kvpitvni vhleha kvt chieya tok: mihma, Kvpitvni chia ha anumpa ishit chim aya lishke, achi tok. Mihma Chehu vt, E moma ka pi katima kak o? achi tok. Mihma, Chishno ya, kvpitvni ma! achi tok.

6. Mihma wakaya cha, aboha ya ont chukowa tok; mihma bila yash noshkobo ha on hlatvbli tok; micha, Israei in Chitokaka Chihowa yvt yak achishke, Chihowa im okla Israei a ish i miko yachi ho na chi ahvmmi lishke.

7. Mikma chi shahli Ahab in chuka achvfa ya issot ish kancha chi hoke; yohmi na an tishu vhleha, hopaii puta im issish, micha Chihowa in tishu moma im issish atuk a Chesebel ibbak ak o a hoyot ilaiokha la chi hoke.

8. Yohmikra Ahab in chuka achvfa oklaha kvt illit taha chi hoke; mikma Ahab immi, vlla nakni, micha yuka, micha yuka issa aiena hosh Israei aiasha ka, ishit kanchi la chi hoke.

9. Michi Ahab in chuka achvfa ya Nebat ushi Cheloboam in chuka achvfa yatok a chohmichi la chi hoke, michi. Ahichah ushi Baasha in chuka achvfa yatok a chohmichi la chi hoke.

10. Mikma ofi puta kvt Chesebel a Chesleel i yakni ya ai vpakma, holpi vt iksho ka hi oke, im achi tok. Mihmut okhissa ya tiwi cha, maleli tok.

11. Mihma Chehu vt kohchvt i shahli in tishu vhleha ha im ona tok: mihma achvfa kvt, Achukma hoh cho? nanta katiohmi ho tasimbo ilvppvt chim vla cho? im achi tok. Mihma, Hatak, micha im anumpa ha hvsh ithaiyanvshke, im achi tok.

12. Mihma, Ahli keyu; pim anoli, e chim asilhvshke, okla achi tok. Minma, Yakohmichit, micha yakohmichit vm anumpulit, Chihowa yvt yak achishke, Israei ish i miko yachi ho na chi ahvmmi lishke, achishke, achi tok.

13. Mihma okla tushpvt hatak vt i nafohka aiyukali ka

atuya paknaka ya i patali cha, ishitpufa olachit, Chehu vt mikoshke, achi tok.

14. Yohmi ho Nimshi ushi Chehoshafat a ushi Chehu vt anumpa luma ikbit Cholam a i sanali tok: (yohmi ka Silia i miko itikba ya Cholam, micha Israel moma aiena kvv Lamoli-kileat a atonit asha hatok.

15. Amba Cheholam vto Silia i miko Hasael a itibi ma, Silia hatak vheha hut nvhli tuk a, ile hlakofficha chi hosh falamvt Chesleel a ia tuk atok.) Mihma Chehu vt, Huchim anukfila hokma, hlakoffi achufa kia tumaha ha kohchvt ivt Chesleel a ont ik ai anolo kashke, achi tok.

16. Mihmvt Chehu vt om binili cha, Chesleel pila ha ia tok; Cholam vt yummak o itonla hatuk oka. Mihma Chutah i miko Ahasiah vt Cholam a pisvt ona tuk atok.

17. Mihma Chesleel aboha kullo chaha paknaka ya hatak hopokoyo yvt o hikia tuk vt Chehu in tvshka aya achufa yvt minti na pisa mvt, Tvshka aya achufa ya pisa lishke, achi tok. Mihma Cheholam vt, Issuba ombinili achufa ishi ishi cha, ish pila na ont afamvt, Achukma hoh cho? im achashke, achi tok.

18. Mihma issuba ombinili yvt ivt ont afama cha, Miko vt yak achishke, Achukma hoh cho? achi tok. Mihma Chehu vt, Achukma ya nanta ishit chi ahalaia hosh? fullotvt vm ashaka pila ia, achi tok. Mihma hatak hopokoyo yash osh, Anumpa shali vt im ona tuk kia, ik falamoshke, achi tok.

19. Mihma issuba ombinili atukla ho pila na im ona mvt, Miko vt yak achishke, Achukma hoh cho? achi tok. Mihma Chehu vt, Achukma ya nanta ishit chi ahalaia hosh? fullotvt vm ashaka pila ia, achi tok.

20. Mihma hatak hopokoyo yvt anolit, Im ona hokak osh, ik falamoshke; mikma-tihleli kvv Nimshi ushi Chehu tihleli ak o cholmishke; tasimbo cholmit ayimita hosh tihlela he bano chatuk okvt, achi tok.

21. Mihma Cheholam vt, Shalichi, achi tok. Mihma im itichanvlli ya shalichi tok. Mihma Israel i miko Cheholam, micha Chutah i miko Ahasiah itatuklot im itichanvlli bika

om binili cha, Chehu ya afamyt ia tuk osh Chesleel hatak Nabolh im osapa ak o ahayuchi tok.

22. Atuk osh yakohmi tok, Cheholam vt Chehu ya pisa mut, Chehu ma! achukma hoh cho? achi tok. Mihma, Achukma yvt nanta hosh? chishki Chesebel vt ahau, micha ishtahullo laua kut yakohmi fehna ka? achi tok.

23. Mihma Cheholam vt fulullichi mut, maleli tok; micha Ahasiah ya, Haksichi yoke, Ahasiah ma! im achi tok.

24. Mihma Chehu vt im ititanampo ya ai okluhvehit shebli mut Cheholam a shakba ititakla nvhli ma, oski naki vt chukvsh a ont kohcha na im itichanvlli ya itula tok.

25. Mihma im itichanvlli i kvpitoni Bitka ya, Ish ishi cha, Chesleel hatak Nabolh im osapa ya ish pilashke: vno, micha chishno il itatuklo kut on chieyvt iki. Ahab a iakaiyvt il aya ma, naweki yakohmi ka Chihowa yvt onochi tok a ish ithaiyanashke:

26. Nabolh im issish, micha ushi vhleha im issish aiena ka pilashash pisa li tuk keyu cho? Chihowa yvt achishke; atuk osh osapa ilvppa a chim atobbi la chi pulla hoke, Chihowa yvt achishke. Yvmohmi hoka himak a Chihowa im anumpa hatuk mak o ishi cha, osapa ya pilá, im achi tok.

27. Amba Chutah i miko Ahasiah vto pisa mut, osapushi chuka hina ya maleli tok: mihma Chehu vt iakaiyvt hliohli cha, Yvmakmá, achi tok. Atuk o im itichanvlli foka na Ku oiyvt atia, yvmvt Ibleam bilika talaiia ka a nvhli tok: mihma malelit Mekitto ya ona cha, yvmak o ai illi tok.

28. Mihma in tishu vhleha hut itichanvlli fohkit Chelusalem a isht ona cha, im ahollohpi ya iki vhleha takla Lewi in tmaha hak o a hohpi tok.

29. Mihma Ahab ushi Cholam vt miko tok afummi ont isht auahchvfa ho, Ahasiah vt Chutah ya i miko tok.

30. Atuk o Chehu vt Chesleel a vla ka, Chesebel vt haklo tok; mihmut nashuka ya anchahli mut, noshkobo ha shemvchi cha, okhissushi ya pit vtaya tok.

31. Atuk osh Chehu vt holihta okhissa ya ant chukowa

ma, Simli vt i shahli ha vbi mvt, im achukmaka tok o? achi tok.

32. Mihma nashuka ya akachakalichit okhissushi ya pit pisa mvt, Kvtā hosh subafoka cho? kvtā? achi ma, tishu tuklo, tuchina kanima hosh et vtaya tok.

33. Mihma, Aka et ho pilā, achi tok. Mihma okla aka et pila tok: mihma im issish kaniohmi kvt aboha, micha issuba puta aiena ka o fimimpa tok: mihma yakni ya ahuhlichī tok.

34. Atuk osh ont chukowa cha, impvt ishko tok: micha, Oh ia cha, ohoyo kalakshi ilvppa ont ho pisa cha, ho hohpi; miko ushetik oka, achi tok.

35. Mihma okla hohpit ia tok; yohmi tuk kia noshkobo foni, micha iyi, micha ibbak pvtha aiena ak illa ho ahayuchi tok.

36. Mihmvt okla falamvt ant im anoli tok: mihma, Ilvpak osh Chihowa im anumpa hoke, yvmma Tishbeh hatak Elichah ya tohno na anumpulit, Chesleel i yakni ofi puta kvt Chesebel a ai vpa chi hoke:

37. Mikma Chesebel haknip illi vt vvlhki chohmit yakni paknaka Chesleel i yakni ya aiasha chi hoke; yohmikma, Ilvppvt Chesebel oke, acha he keyu, achi tok mak oke, achi tok.

CHAPTA X.

MIHMA Ahab vt ushi pokoli untuklo hosh Samalia ya aasha tok. Mihma Chehu vt Samalia ya pit holissochit, Chesleel kvpitvni vhleha, asvnonchi vhleha, micha Ahab im vlla hofantichi vhleha aiena ka pit i pilvt,

2. Himak a holisso ilvppvt hvchim ona makinlikmvt, hvchi shahli ushi vhleha hvt hvchi takla aasha, micha itichanvlli puta, micha issuba puta, micha tvmaha holihta kvllo, micha tvnvp aya isht im vlhtaha aiena kvt hvchim aasha hokvt;

3. Hvchi shahli ushi vhleha ha achukma i shahli, micha a yvmohma he vlvpiesa i shahli kak o hvsh ahayuchi cha,

iki im aiombinili holitompa ya hvsh binilichi cha, hvchi shahli in chuka achufa ya hvsh im itibashke, achi tok.

4. Mihma okla nukshopa kut atampa fehna mtv, Yakeh! miko tuklo kut itikba ik hielo tok; yohmi ka katiohmi kak osh pishno vto e hie la hinla cho? achi tok.

5. Mihma miko in chuka achufa pehlichí, micha tumaha ha pehlichí, micha asvnonchi vhleha, micha vlla hofantichí vhleha aiena kash osh Chehu ya anumpa pit i pilut, Chin tishu vhleha pia hoke, micha nana ho ish pi mihakma, moma e yvmihcha chi hoke; hatak nana kia e mikocho he keyu hoke: chishno vt ish pisa kut chim vllhpiesa kak osh ish yvmihchashke, achi tok.

6. Yohmi ma atukla ma holisso pit i holissochit, Vno hvchia hokmtv, micha vm anumpa ha hvsh haklo hokmtv, hvchi shahli ushi hatak vhleha noshkobo ha ishit, onnaha himak a ehohmi fokakma Chesleel a isht hrs sum vlashke, achi tok. (Yohmi ka miko ushi vhleha hv pokoli untuklo hosh tumaha yvmma hatak hochitoka vhleha yosh hofantichí tuk a takla aiasha tok.)

7. Atuk o yakohmi tok, holisso hv im ona ma, miko ushi vhleha ha hatak pokoli untuklo ho vbi cha, noshkobo ha kishi apitta mtv, Chesleel pit i pila tok.

8. Mihma anumpa shali vt ant im anolit, Miko ushi vhleha noshkobo ha isht vlvshke, achi tok. Mihma, Holihta okhissa achukowa yak o itvnaha tuklo ho hvsh ashachashke, mikma asha na onnashke, achi tok.

9. Atuk osh yakohmi tok, onnahinli ma, kochevt ont hikia cha, okla moma ka, Avllhpiesa hvchia hoke; yakeh! vno ak osh a shahli ha i sanalit anumpa luma ikbit vbi li tuk oke; amba kuta hosh ilvppa moma ka vbi tuk oh cho?

10. Yvmohmi hoka Chihowa im anumpa hv, yvmmv Ahab in chuka achufa ya Chihowa yvt nana ahanchi tok a nana achufa kia aka itula he keyu ka hvsh ithaiyanashke; Chihowa yvt in tishu Elichah ya tohno na anumpuli tok mak osh yvmihchi tuk oka, achi tok.

11. Michá Chehu vt Ahab in chuka achufa Chesleel a

asha tuk, micha hatak i holitompa vhleha moma, micha i kana vhleha, micha naholitompa isht im asha vhleha aiena ka vbit tahli cha, achufa kia ik i hlakoffecho tok.

12. Mihma wakaya cha, ia mut, Samalia ya ona tok: atuk osh hina takla Belh-eket-haloim a hikia mut,

13. Chehu vt Chutah i miko Ahasiah itibapishi vhleha ha pisa cha, Kvta hvchia hoh cho? achi tok. Mihma, Ahasiah itibapishi vhleha pia hoke: micha miko im vlla vhleha, micha ohoyo miko im vlla vhleha aiena ka il aiokpvcha chi hosh il ia hoke, achi tok.

14. Mihma, Okchaya ho oh ishi, achi tok. Mihma okchaya ho okla ishi cha, kvli hofobi Belh-eket talala ya hatak pokoli ushta akucha tuklo ho ai vbi tok: achufa kia ik hlakoffecho tok.

15. Atuk osh ymma vttvt ia mut, Lechab ushi Chehonatab vt afamvt minti na pisa cha, aiokpvchi tok: mihmut, Sa chukvsh vt chi chukvsh a im vhpesa ka, ymma chiyuhmi hosh chi chukvsh vt vhpesa cho? achi tok. Mihma Chehonatab vt, Yohmishke, achi tok. Yohmi hokmut, chibbak a is svdashke, achi tok. Mihma ibbak a ima tok: mihma ishi cha, halvllit itichanvlli yash fobki tok.

16. Mihmut, Si awant ia cha, Chihowa ya amosholit im antia li ka pisá, achi tok. Yohmi ho itichanvlli ya okla ibai om binilichi tok.

17. Atuk osh Samalia ya ona mut, Chihowa im anumpa, ymma Elichah ya im anumpuli tok mak o, Samalia ya Ahab vt im asha tuk a vbit ont taiyahli tok.

18. Michá Chehu vt okla moma ka itvnahli cha, Ahab vt Baal a in toksuli isktenosi tok a, amba Chehu vto in toksuli fehna chi hoke.

19. Yvmohmi hoka himak a Baal i hopaii moma, in tishu moma, micha i naholitompa isht asha moma ka hvs sv itvnahlashke; achufa kia iksho kv iksho kashke; nan vbit isht aiokpvchi chinto ho Baal a isht im vta la chi hoka: kvna kia ikshokmut, okchaya he keyu hoke, im achi tok. Yohmi kia Chehu vt Baal im antia vhleha ha vbit tahla chi hosh i kostini hatuk oke.

20. Mihma Chehu vt, Baal a im itvnaha holitopa yo hvsh apesashke, achi tok. Mihma okla apesa tok.

21. Mihma Chehu vt Israel yakni moma ka a hoyo tok: yohmi ho Baal im antia vhleha hut vltv, hatak achufa kia ik lo hosh anta kut iksho tok. Mihmut Baal in chuka ya okla chukowa tok; mihma Baal in chuka yvt alotvt in tnnvp vttvt ia kut in tnnvp a ona tok.

22. Mihma nafohka aiasha apistikeli ya, Baal im antia moma ka nafohka isht i kohcha, im achi tok. Mihma nafohka ya isht i kohcha tok.

23. Mihma Chehu, micha Lechab ushi Chehonatab itatuklot Baal in chuka ont chukowa cha, Baal im antia vhleha ha, Hvsh hoyashke, micha Chihowa in tishu vhleha hut iksho ho, amba Baal im antia vhleha kak bano ka hvsh pisashke, im achi tok.

24. Atuk o nan vbit isht aiokpvechi, micha na hukmit isht aiokpvechi im issa chi hosh okla chukowa tok; mikma Chehu vt ymma hatak pokoli untuchina hosh kocha i hieli cha, Hatak a isht vlt hvch ibbak fohki li tuk a hatak kanima hosh hlakoffikma, im ilhfiopak vt im ilhfiopak a vltoba chi hoke, achi tok.

25. Atuk o yakohmi tok, na hukmit isht aiokpvechi im issa kut ont tahli mut, Chehu vt anumpa ahlichi vhleha, micha itichanvlli kpitveni vhleha ha, Ho chukowa cha, oh vbi; hatak achufa kia ik koheho kashke, im achi tok. Mihma bushpo falaia isht vbit tahli tok: mihmut anumpa ahlichi vhleha, micha itichanvlli kpitveni vhleha hut kocha pila mut, Baal im aboha tmaha ha ona tok.

26. Mihmut Baal im aboha i naholvt toba hiohli ya okla ishit a kohcha cha, hukmi tok.

27. Mihmut Baal holvt toba ya okla kinvfi mut, Baal im aboha ya okla kinvfi cha, apotaka chuka puta ikbi tok a himak nitak a moma hoke.

28. Yakohmichi hosh Chehu vt Baal a Israel a ai ishit kanchi tok.

29. Yohmi kia Nebat ushi Cheloboam vt nan ashvchit Israel a ashvchechi tok, ymmut tuli holisso lakna wakushi

tuklo Behlel a hikia, micha Tan a hikia itatuklo ka ik i filummo tok.

30. Mihma Chihowa yvt Chehu ya, Ta tikba ya aivhpiesa mak o yvmohmit ish achukmali tuk, micha sa chukvsh nukfoyuka tuk moma mak o Ahab in chuka achufa ya ish yvmihchi hokvt, vlla vhleha aaitishali ont aiushta kvv Israel im aiombinili holitompa ya chim ai om binila hi oke, im achi tok.

31. Yohmi kia Chehu vt ahah! ahnit chukvsh ai oklvhvchit Israel in Chitokaka Chihowa i nan vhpisa ha ik a nowo tok: Cheloboam vt nan ashvchit Israel a nan ashvchichi tok a ik i filummo tok.

32. Nitak yvmma foka ma Chihowa yvt Israel a atikkonuffit isht ia tok: mihma Hasael vt Israel im aivhli afullota moma,

33. Chatan a vttvt.hvshi akohehaka pila ia hosh, kat okla, micha Luben okla, micha Manasseh okla, yvmmvt Kileat yakni moma, Aloe, yvmmvt Anon okhina bilika talaia ka vttvt ia hosh, Kileat, micha Bashan aiena ka fahama tok.

34. Mikma Chehu nana akaniohmi tok inla kvv, micha nana yvmihchi tok moma kvv, micha nana ai im aivhli tok moma aiena kvv Israel i miko vhleha i nitak holisso ha a holisso keyu cho?

35. Mihma Chehu vt iki vhleha ha takla nusi tok; mihma Samalia ak o okla a hohpi tok: mihma ushi Chehoahas vt vltobvt miko tok.

36. Mihma Chehu vt Samalia ya ahantvt Israel a i miko tok nitak moma kvv avvmmi pokoli tuklo akucha untuchina tok.

CHAPTA XI.

ATUK o Ahasiah ishki Ahlaliah vt ushi vt illi na pisa mvt, wakaya cha, miko ishtatiaka moma ka vbit tahli tok.

2. Yohmi kia miko Cholam a ushetik, Ahasiah ya in tek Chehosheba yvt Ahasiah ushi Choash a, miko ushi vhleha illit taha ka, a kohehit lumvt ishit kvnia tok; yvmma, micha

pishechi itatuklo ka aboha anusi ya a kohchit Ahlaliah ya okla in luhmi na ik illo tok.

3. Mihma lumvt takla Chihowa in chuka ahanta na afemmi hannali tok: mihma Ahlaliah vt yakni ya i miko tok.

4. Atuk o afemmi ont isht untuklo ma, Chehoiata yvt pit hoyot atoni, micha anumpa ahlichichiena tahlepa puta i kvpitvni vhleha ha Chihowa in chuka ya isht vla cha, nana itim apesvt, Chihowa i chuka ya anumpa kvllo ya ai il onochechi mvt, miko ushi ya pisachi tok.

5. Michā im apesvt, Anumpa hvsh aiahlichichienā kvv ilvvpak oke; ont hvsh atuchina kvv nitak hullo ya hvsh chukowa cha, miko im aboha aiātoni apistikeli hvchia hachichienā hoke.

6. Mikma ont atuchina kvv Su holihta okhissa ya hielā chichienā hoke; mikma ont atuchina kvv anumpa ahlichichienā ashaka holihta okhissa ya hielā chichienā hoke: yohmi hosh aboha aiātoni yash hvsh apistikeli cha, okla ha hvsh kanvlllichichienā chichienā hoke.

7. Yohmi kvv nitak hullo ya kashapa tuklo hosh hvsh kohcha moma kvv Chihowa in chuka aiātoni ya miko vt anta ka hvsh apistikela chichienā hoke.

8. Michā hatak moma kvv nahalupa ieshi bieka hosh miko ya hvsh afolubla chichienā hoke: mikma kvvna hosh a baiulli ka vlakmvt, illashke; micha miko vt kohoncha, micha ant chukohowa ka hvsh apeshashke, achi tok.

9. Mihma tahlepa puta i kvpitvni vhleha hvv naholitompa isht vttā Chehoiata yvt apihisa tuk moma mak o yvmihchichienā tok: mihmvt hatak vt in tvshka aiyyukali kvv nitak hullo ya chukowa hetuk, micha nitak hullo ya kohcha hetuk aiātoni ka ishi cha, naholitompa isht vttā Chehoiata ya im vla tok.

10. Mihma tahlepa puta i kvpitvni vhleha ha naholitompa isht vttā yash osh miko Lewi in tvbi tvli halupa ontvā puta, micha in telihpa puta Chihowa in chuka ai āsha tuk a jma tok.

11. Mihma anumpa ahlichichienā vt nahalupa ieshi bieka hosh miko ya afolublitchuka chukbika ishtimpakimma vttvt ia hosh, chuka vlvhfvbekimma chukbika ya ona mvt, alta, micha chuka ya i bilika ka hielichienā tok.

12. Mihma miko ushi yash ishit kohcha mvt, bita ha om biteli cha, nan isht atokowa ya ima tok: mihma okla miko-chi cha, nan ahvmmi tok: mihmvt ibbak a okla itabolichi mvt, Miko vt okchayashke, ahanchi tok.

13. Atuk o Ahlaliah vt anumpa ahlichi, micha okla aiena kvv shakapa ka haklo mvt, okla ha im onvt Chihowa in chuka ya ona tok.

14. Michā pisa ma, yakeh! a yvmohmi chatuk mak o, miko vt ahikia paknaka ya hikia ma, kvpitvni vhleha hash osh, micha ishit pufa olachi puta kvv miko ya bilika hieli ma, okla moma kvv nayukput ishit pufa olahanchi tok. Mihma Ahlaliah vt i nafohka ya hlilvffi mvt, Anumpa luma ikbit miko i sanali yoke, anumpa luma ikbit miko i sanali yoke, achi tok.

15. Mihma naholitompa isht vttā Chehoiata yvt tahlepa puta i kvpitvni vhleha, tvshka chipota pehlichi vhleha ha i mihvt, A bavilli ka ho kohchi; mikma kva hosh iakaiyakma, bvshpo falaia ya isht illichī, im achi tok. Naholitompa isht vttā yash osh, Chihowa in chuka ya ik ai illo kashke, achi hatuk oka.

16. Mihma ibbak ishit potolit okla ishi tok; mihma issuba puta kvv miko im aboha ai vā chatuk hina yak o ia tok; mihma yvmmak o ai illichī tok.

17. Mihma Chehoiata yvt Chihowa ya, micha miko, micha okla aiena ka nan itim apesvchi hō Chihowa im okla hachin tok; micha miko' ya, micha okla ha itim apesvchi akinli tok.

18. Mihma yakni ya okla moma kvv Baal im aboha ona cha, kvvffi tok; micha im alta puta, micha i naholbtv toba puta aiena ka boshullichit tahli mvt, Baal naholitompa isht im vttā Mattan a alta puta itikba ya ai vbi tok: mihma naholitompa isht vttā yash osh Chihowa in chuka ya apesvchi puta ka atokoli tok.

19. Mihmvt tahlepa puta i kvpitvni vhleha, micha nan atoni, micha anumpa ahlichi vhleha, micha yakni ya okla moma ka ishi tok; mihma miko ya Chihowa in chuka ya okla ai ishit anumpa ahlichi i holihta okbissa hina yak o

minti hosh miko in chuka ya isht vla tok: mihma miko vhleha im aiombinili holitompa om binili tok.

20. Mihma yakni yvma okla moma kv̄t nayukpa ma, tumaha kv̄t nuktaiyala tok: mihma Ahaliah ya miko in chuka bilika ya bvshpo falaia yo isht ai illichi tok.

21. Chehoash vt miko mv̄t, afv̄m̄mi untuklo tok.

CHAPTER XII.

CHEHU vt miko tok afv̄m̄mi ont isht untuklo h̄o Chehoash vt miko tok; atuk osh afv̄m̄mi pokoli ushta h̄o Chelusalem a ahantvt miko tok: mihma ishki hohchifo kv̄t Sibiah yosh Bec-sheba yak o a minti atok.

2. Mihma Chehoash vt i nitak moma kv̄t naholitompa isht v̄tta Chehoiata yvt im av̄vchi takla kv̄no, Chihowa itikba ya aiv̄hpiesa kak o yvmohmi tok.

3. Achahaka puta kak illa h̄o ishit ik kancho tok: okla hv̄t achahaka puta ka nan ai v̄bit isht aiokpv̄chi, micha nabalama a hukmi kv̄t imoma tok.

4. Mihma Chehoash vt naholitompa isht asha vhleha h̄a, Nana hullochi tv̄li holisso moma, tv̄li holisso achukma yo Chihowa in chuka isht vla ka, kaniohmi h̄o im v̄lhpisa tuk aiyukali in tv̄li holisso, micha hatak vt chukv̄sh nukfoyuka cha, Chihowa in chuka ya isht vla tuk tv̄li holisso moma ka,

5. Naholitompa isht asha vhleha hv̄t hatak ithana aiyukali ka im jshashke; micha chuka yvt kanima yo akinafa ya ahayuchikmv̄t, isht aiiskiachaske, im achi tok.

6. Yohmi tuk kia Chehoash vt miko tok afv̄m̄mi ont ishit pokoli tuklo akucha tuchina ma, yakohmi tok, naholitompa isht asha vhleha hv̄t chuka akinafa yash ik aiiskiacho kisha tok.

7. Yolmi ma miko Chehoash vt naholitompa isht v̄tta Chehoiata, micha naholitompa isht asha vhleha aiena ka hoyo cha, Nanta katiohmi h̄o chuka akinafa yash hv̄ch ik aiiskiacho kisha cho? Yvmohmi hokv̄t himakma hatak hv̄sh itikhana ya tv̄li holisso yo hv̄ch ik im ai esho hosh, amba

chuka akinafa ya isht aiiskiacha chi ho hvsh bohlahske, im achi tok.

8. Mihma naholitompa isht asha vhleha hvt tvi holisso ya okla ha im isha he keyu, micha chuka akinafa ya aiiskia-cha he keyu kvv vlvhpesa ahni tok.

9. Mihma naholitompa isht vta Chehoiata yv itombi ishi cha, onhlipa ya hlumbli mvv, alta ya apotolit Chihowa in chuka ont a chukowa ka ishtimpakimma in tvnvp a talali tok: mihma naholitompa isht asha okhissa apistikeli vhleha hvt, kvna hosh Chihowa in chuka ya tvi holisso isht va ka moma itombi yash apitta tok.

10. Atuk osh yakohmi tok, itombi ya tvi holisso laua hosh ai vlvto na okla pisa ma, miko i holissochi, micha naholitompa isht asha pehlich i shahli itatuklot va mvv, tvi holisso Chihowa in chuka asha tuk a bahta apitta cha, hotih-na tok.

11. Mich a tvi holisso weki yash toksvli isht asha Chihowa in chuka apesvchi vhleha ibbak a fohki tok: mihma chuka ikbi vhleha, micha itavvni vhleha aiena Chihowa in chuka a toksvli tuk vhleha,

12. Mich a tvi piles a vhleha, mich a tvi atehlich i vhleha aiena ka isht im atobbi mvv, iti, mich a tvi atehlahchi Chihowa in chuka akinafa isht aiiskiacha chi ka ishit chumpa chi, mich a chuka isht vlvta ha chi ka moma isht atobbi tok.

13. Yohmi kia Chihowa in chuka ya tvi hvta ampo, pula ishit tvptuli, ampo mahai a, ishit pufa, tvi holisso lakna aivlvto, mich a tvi hvta aivlvto aiena ka, tvi holisso Chihowa in chuka isht va tuk a isht lka he keyu tok.

14. Hatak toksvli vhleha hak o ima he tuk okvt; yohmi hosh Chihowa in chuka ya isht aiiskiachi tok.

15. Mich a toksvli vhleha ha ima chi ho, tvi holisso ya ibbak fohki kvv hatak yvma ik it i hotihno tok: aivlvpiesa kak o okla yvmihchi tuk oka.

16. Hatak bika nan im okvni isht vlvto ba tvi holisso, mich a nan ashvchi isht vlvto ba tvi holisso aiena ka Chihowa in chuka ya isht ik lo tok: naholitompa isht asha immi hatok.

17. Mihma Silia i miko Hasael vt iut Kalh a ont itibi cha, ishi tok; mihmvt Hasael vt Chelusalem a ont itiba chi hosh nashuka ya pit talali tok.

18. Mihma Chutah i miko Chehoash vt nana hullochi puta iki vhleha, Chehoshafat, micha Cheholam, micha Ahasiah aiena, Chutah i miko vhleha hvt hullochi tok, micha ilap nana hullochi aiena, micha twli holisso lakna moma Chihowa in chuka naholitopa aiasha aasha na ahayuchi kv, micha miko im aboha aiasha tuk a aieninchit ishi cha, Silia i miko Hasael a pit i pila tok: mihma Chelusalem a i filvmit ia tok.

19. Mikma Choash nana akaniohmi tok inla kv, micha nana yvmihchi tok moma kv Chutah i miko vhleha i nitak holisso ha a holisso keyu cho?

20. Mihma in tishu vhleha hvt wakaya cha, i sanalit anumpa luma ikbi mv, Choash a okvttahvt Silla atia Millo chuka ya a fahama tok.

21. In tishu tuklo Shimealh ushi Chosacha, micha Shome ushi Chehosabat itatuklo kv fahama na illi tok okv; mihma iki vhleha ha takla Lewi in tvnaha ha a hohpi tok: mihma ushi Amasiah vt vlhtobvt miko tok.

CHAPTA XIII.

CHUTAH i miko Ahasiah ushi Choash vt miko tok afvmmi ont ishit pokoli tuklo akucha tuchina ho, Chehu ushi Chehoahas, vt Samalia ya vttvt Israeal a i miko tuk osh, afvmmi auahuntuklo ho miko tok.

2. Mihmvt Chihowa itikba ya nana ik achukmo kak o yvmohmi tok; micha Nebat vshi Cheloboam vt nan ashvchit Israeal a ashvchechi tok ak o iakaiya tok; achvfa kia ik i filvmmo tok.

3. Mihma Chihowa im ai i nukkilli yvt Israeal a i sanalit libbi mv, nitak moma ka Silia i miko Hasael ibbak fohki, micha Hasael ushi Benhatat a ibbak fohki tok.

4. Mihma Chehoahas vt Chihowa ya im ilbusha ma, Chi-

howa yvt i haponaklo tok: Silia i miko vt ilbvshali hatuk o, Israe^l vt ilbvsha ka pisa tok okvt.

5. (Mihma Chihowa yvt Israe^l a hlakoffichi ima tok; yohmi ho Silia okla ibbak a i nutaka tuk vt koheha tok: micha Israe^l im vlla vhleha hvt chashpo atok chohmit im vlhtipo puta ka aiasha tok.

6. Yohmi kia Cheloboam in chuka achvfa yvt nan ashvchit Israe^l a ashvchechi tok a ik i filvmmo tok; amba a nohowa tok; micha Samalia ya Ashelah ak kia hikia moma tok.)

7. Okla ha Chehoahas a im ashanchi kv^t issuba ombinili pokoli tahlapi, micha itichanvlli pokoli, micha hatak aka aya tahlepa sipokni pokoli illa tok oka: Silia i miko vt vbit tahlⁱ cha, lukfi yo bolit pushechi ka chohmichi tok oka.

8. Mikma Chehoahas nana akaniohmi tok inla kv^t, micha nana yvmihchi tok moma kv^t, micha nan ai im aiahli tok vt Israe^l i miko vhleha i nitak holisso ha a holisso keyu cho?

9. Mich^a Chehoahas vt iki vhleha ha takla nusi tok: mihma Samalia ak o a hohpi tok: mihma ushi Choash vt vlhtobvt miko tok.

10. Chutah i miko Choash vt miko tok afvmmi ont ishit pokoli tuchina akucha untuklo ho, Chehoahas ushi Chehoash vt Samalia ya vttvt Israe^l a i miko tuk' osh afvmmi auahhannali ho miko tok.

11. Mich^a Chihowa itikba ya nana ik achukmo kak o yvmohmi tok: Nebat ushi Cheloboam vt nan ashvchit Israe^l a ashvchechi tok achvfa kia ik i filvmmo hosh a nohowa tok.

12. Mikma Choash nana akaniohmi tok inla kv^t, micha nana yvmihchi tok moma kv^t, micha nan ai im aiahli Chutah i miko Amasiah ya isht itibi tok aiena kv^t Israe^l i miko vhleha i nitak holisso ha a holisso keyu cho?

13. Mihmvt Choash vt iki vhleha ha takla nusi tok: mihma Cheloboam vt im aiombinili holutompa ya om binili tok; mihma Choash vt Israe^l i miko vhleha takla Samalia ak o a hollohpi tok.

14. Mihma Elisha yvt abeka kv^t abeka yvmma isht illa

ch_i hatok. Mihma Isra_el i m_iko Choash vt im ona cha, nasluka o wakayvt yaiya mt, Aki ma! aki ma! Isra_el im itichanulli, micha issuba ombinili vhleha yoke, achi tok.

15. Mihma Elisha yvt, Ititanampo, micha oski naki puta aiena ka ishi, im achi tok. Mihma ititanampo, micha oski naki puta aiena ka ishi tok.

16. Mihma Isra_el i m_iko ya, Chibbak a ititanampo yash ishit halvli, im achi tok. Mihma ibbak a ishit halvli tok; mihma Elisha yvt ilap ibbak a m_iko ibbak a potonli tok.

17. Mihma, Okhissushi hvshi akohchaka imma ya tiwi, achi tok. Mihma tiwi tok. Yohmi ma Elisha yvt, Husa, achi tok. Mihma husa tok. Mihma Elisha yvt, Chihowa isht a hlakoffichi oski naki yoke, micha Silia isht im a hlakoffi oski naki yoke; Silia okla ha Afek a a fahamvt ish taiyahla ch_i hoka, achi tok.

18. Mihmvt oski naki ya aiowa, achi tok. Mihma aiowa tok. Mihma Isra_el i m_iko ya, Yakni ya isht issó, im achi tok. Mihma hituchina ha isht isso mvt, issa tok.

19. Mihma Chitokaka immi hatak ash osh i nokowa mvt, Tahlapi ha, keyukmvt hannali ha ish issa hetuk oke; yohmi hatuk okmvt, Silia ya fahamvt imaiyvt ont ish lushumma hetuk oke; yohmi tuk kia himak ano hituchina ha illa ho Silia ya fahamvt ish imaiya ch_i hoke, achi tok.

20. Atuk osh Elisha yvt illi tok; mihma okla hohpi tok. Atuk o Moab aya kanohmi kv, afvmmi ant chukowa ma, yakni ya iba chukowa tok.

21. Atuk o yakohmi tok, hatak o okla hohpi hosh maya ma, yakeh! aya achvfa ka okla pisa tok; mihmvt hatak ash Elisha im ahollohpi ya pila tok: atuk o hatak ash osh ona cha, Elisha foni ya haleli mvt, fiopa cha, wakayvt hikia tok.

22. Mikma Silia i m_iko Hasael vt Chehoahas vt ahanta nitak moma ka Isra_el a ilbushali tok.

23. Yohmi tuk kia Chihowa yvt Eblaham, Aisak, micha Chekob aiena nan itim apesa yatok pulla hatuk mak osh i kanvt, i, nukhaklot filemvt i holhponayo hanta onochi cha, chukilissvchi ik bunno, micha itikba ya ai ishit ik kancho kisha tok.

24. Yohmi ma Silia i miko Hasael vt illi tok; mihma ushi Benhatat vt vlhtobvt miko tok.

25. Mihma Chehoahas ushi Chehoash vt Hasael ushi Benhatat a, tmaha puta Hasael vt iki Chehoahas a itin tanampi hosh ibbak a a kohchit im ishi tok a, anonti ibbak a a kohchit im ishi tok: hituchina ha Choash vt imaiya cha, Isracl in tmaha puta ka falvmnichit ishi tok.

CHAPTA XIV.

ISLAEL i miko Chehoahas ushi Choash vt miko tok
afvmmi ont atukla ho, Chutah i miko Choash ushi Amasiah vt miko tok.

2. Miko mvt, afvmmi pokoli tuklo akucha tahlapi tok; atuk osh afvmmi pokoli tuklo akucha chakkali ho Chelusalem a ahantvt miko tok; micha ishki hohchifo kvt Chehoattan Chelusalem vta yatok.

3. Mihmvt Chihowa itikba ya aivlhpiesa kak o yvmohmi tok; yohmi kia iki Lewi ya chohmi tok keyu; iki Choash vt nana a kaniohmi tok moma kak o yvmohmi tok.

4. Achahaka puta kak illa ho ishit ik kancho tok: okla hv achahaka puta ka nan ai vbit isht aiokpvchit, micha nabalama a hukmi kv imoma tok.

5. Atuk o yakohmi tok, apelhichika yvt kulot ibbak fohka makinli hosh, in tishu vhleha iki miko ya vbi tuk a vbi tok.

6. Yohmi kia vbi tok vhleha hash im vlla vhleha hano ik llecho ki tok: Moses i nan vlpisa holisso ha a holisso tok, ymma Chihowa yvt ai apesvt, Vlla ya iki vt vlhtobvt illa he keyu hoke, mikma iki ya vlla yvt vlhtobvt illa he keyu hoke; amba hatak vt ilap nan ashvchi tuk aiyukali kak osh isht illa hi oke, achi tok mak atok.

7. Yvmvt Etom hatak tahlepa sipokni pokoli ho hvpi okfa ha ai vbi cha, itin tanampi ka Selah ya ishi tok; micha Chokhlecl hochifo tok o himak nitak a moma hoke.

8. Mihma Amasiah vt Israel i miko Chehu ushi Chehoahas a ushi Chehoash a anumpa shali pit in tihlelit, Ish minti na pi nashuka il iti pisashke, achi tok.

9. Mihma Israel i miko Chehoash vt Chutah i miko Amasiah ya pit i pilvt, Bufaha kvti Lebanon asha tuk vt chuahla Lebanon hikia tuk a pit i pilvt, Chisotek vt svso tekchi yachi ho ima, achi tok; atuk o nampo a nukshopa Lebanon vta tuk vt bufaha kvti hash ahvhlichit akvchi tok.

10. Etom a ish imaiya tuk o mvhli, mihma chi chukvsh vt vba chisht onvshke; isht ish ilauata cha, chin chuka ish ahantashke; nanta katiohmi ho ile nukovvchit antvt ishit hotopvt chishno, micha Chutah hvsh aienvt hvchi akvma hinla cho? achi tok.

11. Yohmi kia Amasiah vt hakla he keyu tok; yvmohmi hoka Israel i miko Chehoash vt ia tok; micha yvma, mikmvt Chutah i miko Amasiah itatuklo kvt Chutah imm-Belh-shemesh ak o nashuka ai iti pisa tok.

12. Mihma Chutah vt Israel itikba ya akakoha tok; mihmvt hatak vt yihleptv im vhtipo ayukali ona tok

13. Mihma Israel i miko Chehoash vt Chutah i miko Chehoash ushi Ahasiah ya ushi Amasiah ya Belh-shemesh a ai ishi cha, Chelusalem a ona mvt, Chelusalem holihta ya Eflaim holihta okhissa ya vttvt ia hosh chukbika holihta okhissa ona ka kubit tahlepa ushta ho kinvffi tok.

14. Mich a tvli holisso lakna, micha tvli hvta, micha nan aivlhto Chihowa in chuka, micha miko in chuka naholitopa aiasha asha tuk moma, micha anumpa isht aiahlichi hatak halanli ya ishi cha, falamvt Samalia ya ona tok.

15. Mikma nana akaniohmi inla ka Chehoash vt yvminhichi tok, micha nan ai im aiahli tok, micha Chutah i miko Amasiah ya kaniohmit itibi tok aiena kvt Israel i miko vhleha i nitak holisso ha a holisso keyu cho?

16. Mihmvt Chehoash vt iki vhleha ha takla nusi cha, Samalia ak o Israel i miko vhleha ha takla a hollohpitok: mihma ushi Cheloboam vt vhtobvt miko tok.

17. Atuk o Israel i miko Chehoahas ushi Chehoash vt

illi haya, Chutah i miko Choash ushi Amasiah vt afvmmi auahahlapi ho okchayvt ahanta tok.

18. Mikma Amasiah nana akaniohmi tok inla kvv Chutah i miko vhleha i nitak holisso ha a holisso keyu cho?

19. Mihma Chelusalem asha tuk vt i sanalit anumpa luma ikbi tok: mihma malelit Lachish a ona tok: yohmi kia iakaiyachit pila cha, yummak o ai ilichi tok.

20. Micha issuba onochit okla isht vla tok: mihma iki vheha ha takla Chelusalem Lewi in tmaha hak o a hollophi tok.

21. Mihma Chutah okla moma kvv Asaliah ya yummvt afvmmi auahannali ho ishi cha, iki Amasiah ya atobbichit mikochi tok.

22. Miko ash osh iki vhleha ha takla nusi haya, Asaliah vt Elalh a ikbi cha, Chutah ya i falvmmichi tok.

23. Chutah i miko Choash ushi Amasiah vt miko tok afvmmi ont isht auahahlapi ho, Israel i miko Choash ushi Cheloboam vt Samalia ya vttvt miko tuk osh, afvmmi pokoli ushta akucha achvfa ho miko tok.

24. Mihmvt Chihowa itikba ya nana ik achukmo kak o yvmohmi tok: Nebat ushi Cheloboam vt nan ashvchit Israel a ashvchechi tok moma achvfa kia ik i filvmmo tok.

25. Israel in Chitokaka Chihowa im anumpa in tishu Amittai ushi Chonah hopaii Kalh-hefe vttta ya tohno na anumpohonli tok mak o, Israel im aivhli Hamalh achukowa ya vttvt ia hosh yakni patali okhvta ona ka falvmmichit ishi tok;

26. Israel ilbvsha kvv palvmmi fehna ka Chihowa yvt pisa tok oka: micha yuka, micha yuka keyu aiena kvv iksho tok, mihma Israel apela yvt iksho tok oke.

27. Micha Chihowa yvt Israel hohchifo ka vba shutik nutaka ya a kashoffit kancha he miha tok keyu: amba Chihowa yvt Choash ushi Cheloboam ibbak ak o ishit hlakoffichi tok.

28. Mikma Cheloboam nana akaniohmi tok inla kvv, micha nana ymihchi tok moma kvv, micha nan ai im aivhli isht itin tanampi tok, micha kaniohmit Tamaskvs, micha Hamalh, yummvt Chutah inmi hatuk o, falvmmichit ishi

cha, Israel a ima tok aiena kvt Israel i miko vhleha i nitak holisso ha a holisso keyu cho?

29. Mihmut Cheloboam vt iki vhleha Israel i miko vhleha ha takla nusi tok: mihma ushi Sachaliah vt vlhtobvt miko tok.

CHAPTER XV.

ISLAEL i miko Cheloboam vt miko tok afvmmi ont ishit pokoli tuklo akucha untuklo ho, Chutah i miko Amasiah ushi Asaliah vt miko tok.

2. Miko mut, afvmmi auahhannali hatok; atuk osh afvmmi pokoli tahlapi akucha tuklo ho Chelusalem a vttvt miko tok: micha ishki Chelusalem vta yosh hohchifo kvt Checholiah atok.

3. Micha Chihowa itikba ya aivlhpiesa kak o yvmohmi tok; iki Amasiah a yvmohmi tok moma kak o chohmi tok.

4. Achahaka puta kak illa ho ishit ik kancho tok; okla hvt achahaka puta ka nan ai vbit isht aiokpvchit, micha nabalama a hukmi kvt imoma tok.

5. Atuk o Chihowa yvt miko ya isso na leplosi vbi yosh ayvt nitak ai illi ka ont vhli cha, abeka ai vta chuka ya ai vta tok: mihma miko ushi Chohlam ak osh miko in chuka ya pehlichit yakni ya okla ha nan im apihisa tok.

6. Micha Asaliah nana akaniohmi tok inla kvt, micha nana yvmihchi tok moma kvt Chutah i miko vhleha i nitak holisso ha a holisso keyu cho?

7. Micha Asaliah vt iki vhleha ha takla nusi tok; mihma iki vhleha takla Lewi in tumaha hak o okla a hohpi tok; mihma ushi Chohlam vt vlhtobvt miko tok:

8. Chutah i miko Asaliah vt miko tok afvmmi ont ishit pokoli tuchina akucha untuchina ho, Cheloboam ushi Sachaliah vt Samalia ya vttvt hvshi hannali ho Israel a i miko tok.

9. Micha Chihowa itikba ya nana ik achukmo kak o yvmohmi tok; iki vhleha hvt yvmohmi tok ak o chiyuhmi tok: Nebat ushi Cheloboam vt nan ashvchit Israel a ashvchechi tok a ik i filvmmo tok.

10. Mihma Chabesh ushi Shallum vt i sanalit anumpa luma ikbi mvt, okla itikba ya a fahamvt illichi mvt, vltobvt miko tok.

11. Mikma Sachaliah nana akaniohmi tok inla kv, yakeh! Israel i miko vhleha i nitak holisso ha a holissoshke.

12. Ilvppak osh Chihowa im anumpa Chehu im anum-pulit, Ulla vhleha ai itishali ont aiushta kv Israel im aiombinili holutompa ya chim ai om binila hi oke, achi tok mak oke. Atuk o yvmohmi tok.

13. Chutah i miko Ussiah vt miko tok afvmmi ont ishit pokoli tuchina akucha chakkali ho, Shallum vt miko tok; atuk osh hvshi achvfa ho Samalia ya vttvt miko tok.

14. Mihma Kati ushi Menahem vt Tisah ya vttvt ivt Samalia ya ona cha, Chabesh ushi Shallum a Samalia ya a fahamvt illichi cha, vltobvt miko tok.

15. Mikma Shallum nana akaniohmi tok inla kv, micha miko i sanalit anumpa luma ikbi tok aiena kv, yakeh! Israel i miko vhleha i nitak holisso ha a holissoshke.

16. Yohmi ma Menahem vt Tisah vttvt ia tuk osh, Tifah, micha yvmma aiasha tuk moma, micha aivhli moma ka issot kanchi tok: ik in tiwo tuk ak o issot kanchi tok: micha ohoyo vlla shanli moma ka patvffi tok.

17. Chutah i miko Asaliah vt miko tok afvmmi ont ishit pokoli tuchina akucha chakkali ho Kati ushi Menahem vt Israel a i miko tuk osh afvmmi pokoli ho Samalia ya vttvt miko tok.

18. Mihmvt Chihowa itikba ya nana ik achukmo kak o yvmohmi tok; i nitak moma ka Nebat ushi Cheloboam vt nan ashvchit Israel a ashvchechi tok a ik i flvmmo tok.

19. Mihma Assilia i miko Pul vt yakni ya ant in tanampi tok; mihma Pul ibbak vt ibafoyuka cha, apelihika ya kvlllochit ibbak a fohka chi ho, Menahem vt tvi hvta talent tahlepa sipokni achvfa ho ima tok.

20. Mihma Menahem vt Israel a hatak holutopa imi layak chito vhleha moma ka tvi hvta shekel pokoli tahlapi aiyukali ho Assilia i miko ima chi kv onochit i hoyo tok.

21. Mikma Menahem nana akaniohmi tok inla kv, micha

nana yvnihechi tok moma kv̄t Israēl ī miko v̄hleha ī nitak holisso h̄a a holisso keyu cho?

22. Micha Menahem vt̄ īki v̄hleha h̄a takla nusi tok: mihma ushi Pekahiah vt̄ v̄lhtobvt̄ miko tok.

23. Chutah ī miko Asaliah vt̄ miko tok afv̄m̄mi ont ishit pokoli tahlapi h̄o Menahem ushi Pekahiah vt̄ Samalia ya v̄ttvt̄ Israēl ā ī miko tuk osh afv̄m̄mi tuklo h̄o miko tok.

24. Mihmvt̄ Chihowa itikba ya nana ik achukmo kak o yvmohmi tok: Nebat ushi Cheloboam vt̄ nan ashv̄chit Israēl ā ashv̄hechi tok ā ik ī filv̄mmo tok.

25. Mihma im itichanv̄lli kv̄pitv̄ni Lemaliah ushi Pekah vt̄ ī sanalit anumpa luma ikbi cha, Samalia ya miko in chuka aboha chaha kullo ya, yv̄mma, micha Akob, micha Alieh aiena ka a fahamvt̄ v̄bi tok; mihma Kileat hatak pokoli tahlapi hosh Pekah ya apeha tok; mihma Pekahiah ya illich̄i mut, v̄lhtobut miko tok.

26. Mikma Pekahiah nana akaniohmi tok inla kv̄t, micha nana yv̄nihechi tok moma kv̄t, yakeh! Israēl ī miko v̄hleha ī nitak holisso h̄a a holissoshke.

27. Chutah ī miko Asaliah vt̄ miko tok afv̄m̄mi ont ishit pokoli tahlapi akucha tuklo h̄o Lemaliah ushi Pekah vt̄ Samalia ya v̄ttvt̄ Israēl ā ī miko tuk osh afv̄m̄mi pokoli tuklo h̄o miko tok.

28. Micha Chihowa itikba ya nana ik achukmo kak o yvmohmi tok: Nebat ushi Cheloboam vt̄ nan ashv̄chit Israēl ā ashv̄hechi tok ā ik ī filv̄mmo tok.

29. Israēl ī miko Pekah ī nitak ā Assilia ī miko Tiklahpilese vt̄ v̄la cha, Ichon, micha Abel-beth-maachab, micha Chanoah, micha Katesh, micha Haso, micha Kileat, micha Kalili, Naftali yakni moma aiena ka ishi cha, yukachit Assilia ya isht ia tok.

30. Mihma Ussiah ushi Chohlam vt̄ miko tok afv̄m̄mi ont ishit pokoli tuklo h̄o, Elah ushi Hoshea vt̄ Lemaliah ushi Pekah ya ī sanalit anumpa luma ikbit fahama cha, illich̄i mut, v̄lhtobut miko tok.

31. Mihma Pekah nana akaniohmi tok inla kv̄t, micha

nana yvmihchi tok moma kv̄t, yakeh! Islael ī m̄iko vhleha ī nitak holisso h̄a a holissoshke.

32. Islael ī m̄iko Lemaliah ushi Pekah vt m̄iko tok afv̄m-
mi ont atukla h̄o, Chutah ī m̄iko Ussiah ushi Chohlam vt
m̄iko tok.

33. M̄iko mvt, afv̄m̄i pokoli tuklo akucha tahlapi tok ;
atuk osh afv̄m̄i auahhannali h̄o Chelusalem a v̄ttvt m̄iko
tok : mikma ishki vt Satok ushetik osh hohchifo kv̄t Chelu-
sha atok.

34. Mihma Chihowa itikba yā aiv̄lhpiesa kak o yvmohmi
tok : īki Ussiah vt a yvmohmi tok moma kak o yvmohmi
tok.

35. Achahaka puta kak illa h̄o ishit ik kan̄cho tok : okla
hvt achahaka puta ka nan ai v̄bit isht aiokpuchit, micha na-
balama a hukmi kv̄t imoma tok. Yv̄mmvt Chihowa in
chuka holihta okhissa chaba ī shahli yā ikbi tok.

36. Mikma Chohlam nana akaniohmi tok inla kv̄t, micha
nana yvmihchi tok moma kv̄t Chutah ī m̄iko vhleha ī nitak
holisso h̄a a holisso keyu cho ?

37. Nitak yv̄mma Chihowa yvt Silia ī m̄iko Lesin, micha
Lemaliah ushi Pekah itatuklo ka Chutah yā on tihlelit isht
ia tok.

38. Atuk o Chohlam vt īki vhleha h̄a takla nusi cha, īki
Lewi in tv̄maha h̄a īki vhleha takla a hollohpi tok : mihma
ushi Ahas vt v̄lhtobvt m̄iko tok.

CHAPTA XVI.

LEMALIAH ushi Pekah vt m̄iko tok afv̄m̄i ont isht
auahuntuklo h̄o Chutah ī m̄iko Chohlam ushi Ahas vt
m̄iko tok.

2. Ahas vt m̄iko mvt, afv̄m̄i pokoli tuklo tuk osh,
afv̄m̄i auahhannali h̄o Chelusalem a v̄ttvt m̄iko tok ; micha
in Chitokaka Chihowa itikba yā aiv̄lhpiesa kak o yvmohmi
keyut īki Lewi yatok a ik chohmo tok.

3. Amba Islael ī m̄iko vhleha ataya yak o a noh̄owa

tok; micha ushi ya luak a hlopullichu aienut, Chihowa yut Israel im vlla vhleha itikba a tihlelit kocha wehli tok oklushi puta kut nana yuwalvchi yvmohmi tok ak o yohmi tok.

4. Michu achahaka puta, micha nvnih paknaka puta, micha iti okchamali puta nuta ya nan ai vbit isht aiokpvchit nabalama a hukmi beka tok.

5. Mihma Silia i miko Lesin, micha Israel i miko Lemaliah ushi Pekah itatuklo kut Chelusalem a in tanampit vla tok; micha Ahas a abinachit afolubli kia, imaiya he keyu tok.

6. Yvmma fokali ka Silia i miko Lesin vt Elalh a falvm-michit ishit Silia ya ima cha, Chu okla ha tihlelit Elalh a a kohchichi tok; mihma Silia okla hvu Elalh a ona cha, aiasha tok osh hmak nitak a moma hoke.

7. Mihma Ahas vt Assilia i miko Tiklalh-pilese ya anum-pa shali vhleha pit i pilvt, Chin tishu sia, micha chiso sia hoke; ish minti cha, Silia i miko ibbak a a kohchit, micha Israel i miko ibbak a a kohchit is sa hlakoffichashke, yvm-mvt a sanalit wakaya hoka, achi tok.

8. Michu Ahas vt Chihowa in chuka, micha miko in chuka naholitopa aiasha ya tvli hvta, micha tvli holisso lak-na aiena kut asha ka ishi cha, nahvrbina yo Assilia i miko ya pit i pila tok.

9. Mihma Assilia i miko vt i haponaklo tok; mihmvt Assilia i miko vt ivt Tamaskvs a ona cha, ishi mvt, okla ha yukachit isht ivt Ki ya isht ona cha, Lesin a illichu tok.

10. Mihma miko Ahas vt Assilia i miko Tiklalh-pilese ya afamvt Tamaskvs a ona mvt, Tamaskvs a alta yvt hikia ka pisa tok: mihmvt miko Ahas vt alta yvt kaniohmi, micha isht vhtaha moma ka holba ya naholitompa isht vta Ulichah ya pit i pila tok.

11. Mihma naholitompa isht vta Ulichah vt alta ya ikbi tok; miko Ahas vt Tamaskvs a vttvt mintit vla takla ka, miko Ahas vt Tamaskvs a vttvt i pila tuk moma mak o, naholitompa isht vta Ulichah vt yvmihchi tok.

12. Atuk o miko vt Tamaskvs a vta tuk vt mintit vla mvt, alta yash pisa tok: micha miko vt alta ya bilika ona mvt, nana onochit isht aiokpvchi tok.

13. Micha na hukmit isht aiokpuchi, micha ilhpak isht aiokpuchi aiena ka alta ya onochit hukmi mvt, nan ishko isht aiokpuchi ya on hlatvbli mvt, iti nanaiyvechi isht aiokpuchi puta issish a alta yash o fimmi tok.

14. Mihmvt asonak lakna alta, yvmmvt Chihowa itikba, alta, micha Chihowa in chuka ititakla chuka yash itikba hikia kash kanvlichit alta ya falvmmi in tvnnp a a talali tok.

15. Mihmvt miko Ahas vt naholitompa isht vta Ulichah ya im apesvt, Alta chito ak o onnahinli na hukmit isht aiokpuchi, micha opiaka ilhpak isht aiokpuchi, micha miko i na hukmit isht aiokpuchi, micha im ilhpak isht aiokpuchi, micha okla moma yakni ya aiasha ka i na hukmit isht aiokpuchi, micha im ilhpak isht aiokpuchi, micha i nan ishko isht aiokpuchi aiena ka onochit ish hukmashke; micha na hukmit isht aiokpuchi issish moma, micha nan vbit isht aiokpuchi issish moma aiena ka ish o fimmashke; mikma asonak lakna alta yvto ishit ponaklo li yachi hoke, achi tok.

16. Mihma naholitompa isht vta Ulichah vt miko Ahas vt im apesa tuk moma mak o yvmihchi tok.

17. Mihma miko Ahas vt aionaloha vhli shemvchi puta ka tvptuli mvt, ampo mahaia chito vt paknaka on talaia tuk a kanvlichit tok; micha asonak lakna okhvta yvt asonak lakna wak vt nutaka hiehi na on talaia tuk a akvchi cha, tvli potvlhpo yo on talali tok.

18. Micha nitak hullo hoshontika ya chuka okla ai ikbi tok a, micha kocha pila miko achukowa aiena ka Assilia i miko yatuk mak o, Chihowa in chuka ya a filvmmichi tok.

19. Mikma nana akaniohmi tok inla Ahas vt yvmihinchi tok vt Chutah i miko vhleha i nitak holisso ha a holisso keyu cho?

20. Mihma Ahas vt iki vhleha ha takla nusi cha, iki vhleha takla Lewi in tvmaha ha a hollohpi tok: mihma ushi Heseekiah vt vlhtobvt miko tok.

CHAPTER XVII.

CHUTAH i miko Ahas vt miko tok afvmmi ont isht auah-tuklo ho, Elah ushi Hoshea vt Samalia ya vttvt Israel a i miko tuk osh afvmmi chakkali ho miko tok.

2. Atuk osh Chihowa itikba ya nana ik achukmo kak o yvmohmi tok: yohmi kia Israel i miko vhleha tikba tok ano ik chohmo tok.

3. Assilia i miko Shalmanese vt vlvv in tanampi tok; mihma Hoshea vt in tishu toba cha, nahvlbina puta ihima tok.

4. Atuk o Hoshea vt i sanalit anumpa luma ikbi ho Assilia i miko vt im akostininchi tok: Echip i miko So ya anumpa shali vhleha i pila cha, Assilia i miko ya afvmmi hosh ont afvmmikma yvmihchi chatuk vt nahvlbina pit ik i pelo tok oka; yvmohmi hatuk o Assilia i miko vt im okhishta cha, takchit aboha kvllo fohki tok.

5. Yohmi ma Assilia i miko vt vlvv yakni moma ka hlopullit aya mvv, Samalia ya vla cha, in tanampit afvmmi tuchina ho abinachit afolubli tok.

6. Hoshea vt miko tok afvmmi ont ishit chakkali ho, Assilia i miko vt Samalia ya ishi cha, Israel a isht ivv Assilia ya isht ona cha, Kosan okhina bilika Halah, micha Habo, micha Metia okla in tmaha puta ka ashachi tok.

7. Yakohmi tuk ak atok; Israel im vlla vhleha hvv in Chitokaka Chihowa, yvmmak osh Echip yakni, micha Echip i miko Feleo ibbak i nutaka tuk a a kohchichi tok a i yoshuba cha, chitokaka inla puta ka aiokpvchi beka tok,

8. Michi oklushi puta yvmma Chihowa yvt Israel im vlla vhleha itikba ya a tihlelit kocha wehli tok i nan vlvv, micha Israel i miko vhleha hvv nan vlvv puta apesa tok aiena kak o a nohova tok.

9. Michi Israel im vlla vhleha hvv in Chitokaka Chihowa ya i sanali cha, avlvv keyu kak o lumvvt yvmohmi cha, aiatoni aboha chaha ya vttvt ia kvv tmaha holihta kvllo ont vlli ka in tmaha moma achahaka puta ka okla ai ikbi tok.

10. Micha nvnih chaha puta paknaka, micha iti okchamali puta nuta ya naholbvt toba puta, micha Ashelah puta ka okla hiohlichi tok:

11. Micha oklushi puta yvmma Chihowa yvt itikba ya ai ishit kanchi tok ayvmohmi tok a yvmihchit achahaka moma nabalama a hukmi beka tok; micha nana ik achukmo moma ka yvmohmit Chihowa ya nokowvchi tok:

12. Micha Chihowa yvt yvmmak oka, Nana ilvppa hvsh yvmohma he keyu, im achi tok kia, naholbvt toba puta ka okla aiokpvchi tok.

13. Mihma Chihowa yvt hopaii moma, micha napisa moma tohno na Islael a, micha Chutah ya atokolit, Nana aivlhpiesa keyu hvsh yvmohmi kvv, hvsh i filvmmi cha, vm anumpa vlvhpsa puta, micha a nan vlvhpsa puta hvch iki vhleha im apihisa li tok, micha an tishu vhleha, hopaii puta tohnot hvchi pila li tok nan vlvhpsa moma mak o hvsh ieshaslike, ahanchi tok.

14. Yohmi kia okla ik haponaklo hosh, amba ikunla ya kullochit, iki vhleha hvv in Chitokaka Chihowa ya ik i yimmo hosh ikunla kullochi tok a chohmi tok.

15. Micha i nan vlvhpsa puta, micha nan itim apesa iki vhleha ha nan itim apesa tok, micha nan isht atokowa isht atokoli aiena ka shitilemvt kanchi tok; micha nan ik ahobo ya okla iakaiyvt ik ahobot taha mvt, oklushi puta apakfoyupvt asha ka, yvmmak oka Chihowa yvt atokolit hobacha he keyu ka i miha tok ak o iakaiya tok.

16. Micha in Chitokaka Chihowa im anumpa vlvhpsa puta ka i filvmmi cha, bilvt akmot naholbvt toba, wakushi tuklo ho ikbit, micha Ashelah ikbi mvt, nana moma vba shutik aisha ka im akachunolit aiokpvchi, micha Baal a im antia tok.

17. Micha ushi vhleha, micha ushetik vhleha ha luak hlopullichit, nana kaniohma he akostininchi, micha fvppuli puta yvmihchit Chihowa itikba nana aivlhpiesa keyu ya yvmohmit ile kanchi cha, nokowvchi tok.

18. Mihma Chihowa yvt Islael a i nukkilli fehna cha, itikba ya kanvlllichit ishit kanchi na apelhlichi achvfa kia iksho, amba Chutah ak illa tok.

19. Chutah ak kia in Chitokaka Chihowa im anumpa vllhpisa puta ik iesho hosh, amba Islael i nan vllhpisa puta okla apesa tok ak o a nohowa tok.

20. Mihma Chihowa yvt Islael aiunchololi moma ka shiti-lemvt kanchi cha, ilbushalit wehpuli puta ibbak a fohkit itikba ya ai ishit kanchi tok.

21. Islael a Lewi in chuka achufa ya mokoffit im ai ishi tok okvt; mihma Nebat ushi Cheloboam ak o okla mikoichi tok: mihma Cheloboam vt Islael vt Chihowa iakaiya tuk a issvchi cha, nan ashvchi chinto ho ashvchechi tok.

22. Micha Islael im vlla vhleha hvv Cheloboam i nan ashvchi moma kak o ai itvnowa tok; achufa kia okla ik i filvmmo tok.

23. Yohmi na polaka Chihowa yvt in tishu vhleha hopaii puta ka tohnot ahanchi tuk mak osh itikba ai ishit kanchi tok. Yohmi hosh i yakni ya a kohchit Islael a Assilia isht ena tok o himak nitak a aiasha hoke.

24. Mihma Assilia i miko vt Babulon, micha Kuhlal, micha Afa, micha Hamalh, micha Sefafaim a hatak vhleha ai ishit Samalia tvnaha puta ka Islael im vlla vhleha ha atobbichit ai ashachi tok; mihma Samalia ya ishi cha, in tvnaha puta ka aiasha tok.

25. Atuk osh yakohmi tok, yvmma ashvt isht ia vmona kvv Chihowa ya ik i nukwio tok: yvmohmi ma Chihowa yvt koi hochito ya et. on tihleli na kanimi ka vbi tok.

26. Mihma Assilia i miko ya im achit, Okla puta kanullichit Samalia tvnaha puta ish ashachi tuk vt yakni ya in Chitokaka akaniohmi ya ithana keyu hoke: yvmohmi hatuk o koi hochito on tihleli na, yakeh! vbishke; yakni ya in Chitokaka akaniohmi ya ik ithano hoka, okla achi tok.

27. Yohmi ma Assilia i miko vt apesvt, Naholitompa isht asha vbleha yvmma ai ishit hvsh la tok achufa ka ishit hvsh onashke; mikma ont ahashwaktvt, yakni ya in Chitokaka akaniohmi ya im abvchashke, achi tok.

28. Yohmi ma naholitompa isht asha vhleha Samalia ya ai ishit ia tok ash achufa kvv vlvv Behlel a vta cha, kaniohmi hosh Chihowa ya i nukwia hi a im avvchi tok.

29. Yohmi kia oklushi ilap in chitokaka aiyukali ka ikbi cha, achahaka chuka puta Samalia hatak vhleha hvt ikbi tok a a hiohlichit oklushi puta kv̄t in tumaha aiyukali aisha ka hiohlichi tok.

30. Yohmi kv̄t Babulon hatak vhleha hvt Sukkolh-benolh a ikbi ma, Kulh' hatak vhleha hvt Nekal a ikbi ma, Hamalh hatak vhleha hvt Ashima ya ikbi ma,

31. Afa hatak vhleha hvt Nibhas, micha Tatak a ikbi tok; mikma Sefafaim hatak vhleha hvt im vlla vhleha ha Sefafaim i chitokaka tuklo Atlammelech, micha Anammelech a luak im itvchit hukmi tok.

32. Yohmi ho Chihowa ya i nukwia kia, im okla akinli ai ishit achahaka naholitompa isht asha ikbi na yvmmak osh achahaka chuka puta ka ai isht im ai vta tok.

33. Chihowa ya i nukwia kia, ymma ai ishit ia tok oklushi puta akaniohmi yak o iakaiyv̄t ilap in chitokaka puta ka im antihya tok.

34. Himak nitak ant vhli ka chashpo akaniohmi tok puta ka yvmohmi moma hoke; Chihowa ya i nukwia keyu, micha nan vlpisa puta, micha nana akaniohmi vlpesa, micha anumpa vlpisa aiena yvmmak oka Chihowa yvt Chekob, ymma Israel hochifo tok vt im vlla vhleha ha i miha tok, okla ymmv̄t in tonla kia, iakaiya keyu hoke.

35. Yvmmak oka Chihowa yvt nana itim apesa cha, i mihvt, Chitokaka inla puta ka hvsh i nukwia he keyu, micha hvsh im akachunola he keyu, micha hvsh im antia he keyu, micha nan vbit isht hvsh im aiokpv̄cha he keyu;

36. Amba Chihowa yvmmak osh nan isht im aiahli chito, micha shakba ashatapa hosh Echip a a pehlichit hvchi kohchi tok, yvmmak o hvsh i nukwia cha, hvsh im akachunolikmut, yvmmak o nan vbit isht hvsh im aiokpv̄chashke.

37. Michā nan vlpisa puta, micha nana akaniohmi vlpesa puta, micha anumpa vlpisa puta hvchi holissochi tok a nitak moma ka ahah! ahnit hvsh holitobla hi oke; micha chitokaka inla puta ka hvsh i nukwia he keyu hoke.

38. Michā nan itim apesa hvch itim apesa li tok a ik

huchim i hakso kashke; micha chitokaka inla puta ka hvsh i nukwia he keyu hoke.

39. Amba hvchin Chitokaka Chihowa yak o hvsh i nukwiashe; mikma yvmak osh hvchin tvnp moma ibbak a a hvchi hlakofficha hi oke, achi tok.

40. Yohmi kia okla ik i haponaklo hosh, amba chashpo akaniohmi ak osh yvmohmi tok.

41. Yohmi hosh oklushi iluppa puta kvv Chihowa ya i nukwia kia, tvhvt naholvt toba puta ka im antia tok; micha im vlla vhleha, micha im vlla ya im vlla vhleha aiena kvv, iki vhleha hvv yvmohmi tok mak o, himak nitak a yvmohmi moma hoke.

CHAPTA XVIII.

ATUK o yakohmi tok, Israel i miko Elah ushi Hoshea vt miko tok afvmmi ont atuchina ho, Chutah i miko Ahas ushi Heseekiah vt miko tok.

2. Miko mvv, afvmmi pokoli tuklo akucha tahlapi tok; atuk osh afvmmi pokoli tuklo akucha chakkali ho Chelusalem a vtvv miko tok: micha ishki vt Sachaliah ushetik osh hohchifo kvv Abi atok.

3. Michi iki Lewi a yvmohmi tok moma kak o chohmit Chihowa itikba ya aivlhpiasa kak o yvmohmi tok.

4. Michi achahaka puta ka ishit kanchi mvv, naholvt toba puta ka kobahlichit bushullichit, Ashelah ha chanlit akvchi mvv, asonak lakna sinti Moses vt ikbi tok a bolit bushullichit tok: nitak yvmma ant vhli ka Israel im vlla vhleha hvv nabalama i hukmi moma hatuk oka; michi Nehushtan hochifo tok.

5. Israel in Chitokaka Chihowa ya anukchieto tok: yohmi ho Chutah i miko vhleha hvv iakaiya kvv, michi tikba tok achvfa kia inlohmi kvv iksho tok.

6. Michi Chihowa ya asitia cha, iakaiya kvv issa keyu, amba im anumpa vlvpiasa puta Chihowa yvv Moses a im apihisa tok a ieshi tok.

7. Mihma Chihowa vt ibafoyuka tok: mihma kanima y_o kohchvt iakmvt, im aiahli tok: micha Assilia i miko ya i filvmmi i sanali cha, ik im antio tok.

8. Yvmmak osh Filistin okla ha issot kanchit Kasa, micha im aivhli fullota aiatoni aboha chaha y_o vttvt ia kv_t tvmaha holihta kullo ont vhli ka isht ona tok.

9. Atuk o yakohmi tok, Heseekiah vt miko tok afvmmi ont aiushta, yvmmvt Israel i miko Elah ushi Hoshea vt miko tok afvmmi ont isht untuklo ho, Assilia i miko Shalmnane vt Samalia ya vlt in tanampit abinachit afolubli tok.

10. Atuk osh afvmmi tuchina kv_t ont taha ma, okla ishi tok; Heseekiah vt miko tok afvmmi ont ishit hannali ma, yvmmvt Israel i miko Hoshea vt miko tok afvmmi ont ishit chakkali kak o, Samalia ya ishi tok.

11. Michā Israel a Assilia i miko vt Assilia ya isht ona cha, Halah, micha Habo, Kosan okhina bilika, micha Metia okla in tvmaha puta ka ai ashachi tok;

12. In Chitokaka Chihowa im anumpa ik im antio, amba nan itim apesa ya, Chihowa in tishu Moses vt apihisa tok moma ka kobvffi cha, i haponaklo tok keyu, micha yvmihchi tok keyu hatuk o.

13. Atuk o miko Heseekiah vt miko tok afvmmi ont isht auahushta ma, Assilia i miko Sennachelib vt vlt, Chutah in tvmaha holihta kullo puta ka in tanampi cha, ishi tok.

14. Mihma Assilia i miko vt Lachish a anta tuk o, Heseekiah vt anumpa pit i pilvt, Yoshuba lishke; a filvmmi ish iashke; nana ho is si onochikma, aiokpvchi lashke, achi tok. Mihma Assilia i miko vt Chutah i miko Heseekiah ya tvli hvta talent tahlepa tuchina, micha tvli holisso lakna talent pokoli tuchina aiena ho im apesa tok.

15. Mihma Heseekiah vt tvli hvta vt Chihowa in chuka, micha miko in chuka naholitopa aiasha ya asha tuk a ima tok.

16. Nitak yvmma Heseekiah vt Chihowa in tempel okhissa isht okshilita puta, micha tonik puta ka in tvli holisso lakna ya Chutah i miko Heseekiah vt lapalichi tuk vt fakohlit ishi cha, Assilia i miko ya ima tok.

17. Mihma Assilia i miko vt Lachish a vttvt Tatan, micha Lab-salis, micha Lab-shakeh, micha tvshka laua aiena ho Hesekiah aivtta Chelusalem a pit pila tok: mihma okla mintit Chelusalem a vla tok. Atuk osh okla vla mvt, ibetvp oka talaia ya, yummvt nafohka achifa im osapa atia bilika, oka ayanvlli ya ant hieli tok.

18. Atuk osh miko ya okla pit hoyo ma, Hilkiyah ushi Eliakim, yummvt miko in chuka achofa ya apesvchi, micha holissochi Shebna, micha holisso takalichi Asaf ushi Choah aiena kvv kohchvt im ona tok.

19. Mihma Labshakeh vt, Miko chito, Assilia i miko vt yak achishke, Nana anukcheto ilvppa ish anukchieto kvv nanta hoh cho?

20. Itin tanampi ka hatak anumpuli, micha kvllo aiena kvv vm asha hoke, ish achi kvv, peh anumpa ik ahobo ish anumpuli hoke. Himak a kvta ho ish anukchieto hosh is sa filvmmmit is sa sanali cho?

21. Himak a yakeh! tvbi kushak kochofa ilvppa Echip ak o ish anukchietoshke, yvmma kvna hosh vtayakma, ibbak a chukovvt bahla hinla yoke; Echip i miko Feleo ya anukchieto moma ka yvmmak o yvmohmi hoke.

22. Amba, Pin Chitokaka Chihowa yak o il anukchieto hoke, hvs svv achi hokma, yvmmak o im achahaka puta, micha im alta puta ka Hesekiah vt ishit kanchi cha, Chutah, micha Chelusalem a, Alta Chelusalem hikia ilvppa itikba yak o hvsh aiokpvchashke, im achi tok keyu cho?

23. Yvmohmi hoka himak a a shahli Assilia i miko ya isht ahlichy ya ish imashke, chim asilhha lishke, micha chishno vt ombinili ya ish onocha hinlakma, issuba tahlepa sipokni tuklo ho chi hiehlichy lashke.

24. Yohmi kvv katiohmi kak osh a shahli ha in tishu vhleha moma ik lauwo kvpitvni achvfa nashuka ya ish filim-micha hinla hoh cho? ahli, itichanvlli, micha issuba ombinili aiena ka Echip ak osh chim atahla he ish anukchietoshke.

25. Himak a Chihowa svbafoyuka keyu ho tvmaha ilvppa okpvnit tahli la chi hosh vla li cho? Ish ia cha, yakni ilvppa in tanampit okpvnit ish tahlashke, Chihowa yvt vm

achi tuk oke, Heseekiah ya ont hvsh im achashke, hvchim asilhha lishke, im achi tok.

26. Yohmi ma Hilkiyah ushi Eliakim, micha Shebna, micha Choah aiena kv Lab-shakeh ya, Chin tishu vhleha ha Silia anumpa ho ish im anumpulashke, e chim asilhvshke, il akostininechi hokvt; micha Chu im anumpa ha okla hv tmaha holihta paknaka asha kv haklo ka chik pim anumpulo kashke, im achi tok.

27. Mihma Labshakeh vt, Chi shahli, micha chishno ak o hvchim anumpuli la chi ho a shahli hv et sa pila tuk oh cho? tmaha holihta paknaka hatak aiasha kak o im anumpuli la chi ho et sa pila na ilap i yvlhki akinli ho hvch ibai vpa cha, ilap i hoshowa akinli ho hvch ibai ishka chin tuk ak keyu cho? im achi tok.

28. Yohmi mv Lab-shakeh vt hikia cha, chitoli hosh pavt, Chu im anumpa ho anumpulit, Miko chito Assilia i miko im anumpa ha hvsh haklashke:

29. Miko vt yak achishke, Heseekiah vt ik hvchi haksecho kashke; ibbak a a hvchi hlakofficha he keyu hoka:

30. Michah Heseekiah vt, Chihowa yvt pi hlakoffichi pulla chi hoke, mikma tmaha ilvppvt Assilia i miko ibbak a fohka chi keyu hoke, achit Chihowa ya ik hvchi anukche-tocho kashke.

31. Heseekiah ya hvsh i haponaklo na: Assilia i miko vt yak achi hoka, Nahvlbina vmvt anumpa ishit hv svtim apesa cha, kohchvt hv svv vlashke; micha ilap i pakvpi aiyukali ai vvt, micha i fikvpi aiyukali ai vvt, micha i kuli hofobi oka yak o aiyukali hvsh ai ishkashke.

32. Atuk o ant hvch ishit ivt yakni hvchi yakni akinli chohmi, tanchi, micha okapaki aiasha yakni, micha pvska, micha pakvpi ahollokchi aiasha yakni, micha alif bila, micha foi bila aiasha yakni yo hvch isht ona li hvchi okchaya cha, ik hvch illo kashke: micha Heseekiah vt, Chihowa yvt pi hlakofficha chi hoke, achit hvchi nukfohki bunna ka hvch ik i haponaklo kashke.

33. Oklushi puta in chitokaka vhleha hv i yakni aiyukali ka Assilia i miko ibbak a a kohchit hlakoffichi chatuk oh cho?

34. Hamalh, micha Apat in chitokaka puta mvto? Se-fafaim, Hena, micha Ifah in chitokaka puta mvto? Samalia ya subbak a a kohchit hlakoffichi tuk oh cho?

35. Yakni puta in chitokaka kvta hosh i yakni ya subbak a a kohchit hlakoffichi tuk o, Chihowa yvt Chelusalem a subbak a a kohchit hlakofficha hinla cho? achi tok.

36. Mihma okla hvv nana ik acho hosh, anumpa falama achvfa kia ik im anumpulo tok; miko vt i miha kvv, Anumpa falama hvsh im anumpula he keyu, achi hatuk oka.

37. Yohmi ma Hilkiyah ushi Eliakim, yvmmvt miko in chuka achvfa ya apesvchi, micha holissochi Shebna, micha holisso takalichi Asaf ushi Choah aiena kvv i nafohka hlilafa hosh Heseekiah im ona cha, Lab-shakeh im anumpa ha im anoli tok.

CHAPTA XIX.

MIHMA yakohmi tok, miko Heseekiah vt haklo mvv, i nafohka hlileffi cha, nahishi tvnna isht il ompohomo cha, Chihowa in chuka ya ont chukowa tok.

2. Mihmvv Eliakim, yvmmvt miko in chuka achvfa ya apesvchi, micha holissochi Shebna, micha naholitompa isht asha asvnonchi vvhleha aiena kvv nahishi tvnna isht ompoholmo ho, Amos ushi hopaii Isaiyah ya pit i pila tok.

3. Atuk o, Heseekiah vt yak achishke, Himak nitak vt ilbvsha, micha na palvmmi onochi, micha kalakshichit anumpuli nitak oke: vlla yvt asha chin tuk o, a kohchicha chin tuk vt hlampko yvt iksho hoka.

4. Chin Chitokaka Chihowa yvt i shahli Assilia i miko vt Chitokaka okchaya ya kalakshichit mihacha chi ho, Lab-shakeh et pila tuk o anumpuli tuk a moma haklo cha, anumpa ha chin Chitokaka Chihowa yvt haklo tuk vt na palvmmi onochi yoba na: yvmohmi hoka atampa asha ka im ilbvshvt isht ish anumpohonlashke, im achi tok.

5. Yohmi hosh miko Heseekiah in tishu vvhleha hvv Isaiyah ya im ona tok.

6. Mihma Isaiyah vt, Hvchi shahli ha yak hvsh im achash-

ke, Chihowa yut yak achishke, Anumpa Assilia i miko in tishu vhleha hvt kalakshichit ishit sa miha tuk a ish haklo tuk vt chik i nukshopo kashke.

7. Yakeh! mahli et onochi likma, nana annoa ka haklo cha, falamvt i yakni akinli ho ona chi hoke; mikma i yakni akinli ho bvshpo falaia isht akvmachi la chi hoke, im achi tok.

8. Mihma Lab-shakeh vt falama cha, Assilia i miko vt Libnah in tanampi hosh ahanta na ont pisa tok: Lachish a issvt ia tuk o haklo tuk okvt.

9. Mihma, Yakeh! Ehliopia i miko Tihakah vt chin tanampa chi hosh mintishke, achi ho haklo mut, anonti Heskiah ya anumpa shali vhleha ha pit i pilvt,

10. Chutah i miko Heskiah ya yak hvsh im achashke, Chin Chitokaka yvma ish anukchieto kv, Chelusalem vt Assilia i miko ibbak a fohka he keyu, achit ik chi haksecho kashke.

11. Yakeh! Assilia i miko vhleha hvt yakni moma ka kaniohmichit okpunit taiyahlit vmohmichi tok a ish haklo chatuk oke; yohmi ka chishno vto chi hlakoffa hinla cho?

12. Oklushi puta aki vhleha hvt imaiyvt chukilissvchi tok, Kosan, micha Halan, micha Lesef, micha Eten im vlla vhleha, yvmmvt Hlelassa ya asha tok in chitokaka puta kv hlakoffi-chi tok oh cho?

13. Hamalh i miko, micha Apat i miko, micha Sefafaim in tvnaha i miko, micha Hena i miko, micha Ifah i miko aiena a tok mvto? achi tok.

14. Mihma anumpa shali vhleha hash holisso ha Heskiah vt im ishi cha, itim anumpuli tok: mihmvt Heskiah vt Chihowa in chuka ya ont chukowa mut, Chihowa itikba ya patali tok.

15. Mihmvt Heskiah vt Chihowa itikba ya anumpa ilbvsha anumpulit, Islael in Chitokaka Chihowa chelubim ititakla ahanta chia ma! chishno, chishno ak bano hosh yakni apelihchika puta moma in Chitokaka chia hoke: chishno ak osh vba, micha yakni aiena ka ish ikbi tok.

16. Chihowa ma! chi haksobish a ish akachunolichi cha,

ish haklashke ; Chihowa ma ! chi nishkin a ish fatummi cha, ish pisashke : micha Sennachelib vt Chihowa okchaya kalakshichit mihacha chi hosh et pila tuk a im anumpa ha ish haklashke.

17. Ahlishke, Chihowa ma ! Assilia i miko vhleha hvt oklushi puta, micha i yakni aiena ka chukilissvchit tahli tuk oke.

18. Micha in chitokaka puta ka luak ito pihinla tuk oke : chitokaka yatuk keyu hoka, amba hatak ibbak toksvli, iti, micha tvli yatuk oke ; yvmohmi hoka okla ishit kanchi tok oke.

19. Yvmohmi hoka himak a, pin Chitokaka Chihowa ma ! ibbak a ish pi a hlakoffichaske, chim asilhha lishke ; mikma apelihchika moma yakni paknaka aiasha kvv chishno ak bano hosh Chitokaka Chihowa chia ka ithaiyanashke.

20. Yohmi ma Amos ushi Isaiah vt Heseekiah ya pit i pivt, Israel in Chitokaka Chihowa yvt yak achishke, Assilia i miko Senachelib a i sanalit nana is svm asilhha tuk a haklo lishke.

21. Anumpa ilvppak o Chihowa yvt yemma isht anum-pulishke, Ohoyo himita hatak ik halelo, Saion ushetik vt chi shitilemvshke, ishit chi yopulvt yukpvshke . Chelusalem ushetik vt noshkobo ha chi o walishke.

22. Kvta ho na mihachit ish kalakshichi cho ? micha kvta ho i sanalit chim anumpa ha chahvchit, chi nishkin a vba ish akachakalichi cho ? Israel i Holitopa yak atuk oke.

23. Chim anumpa shali vhleha yak o i Shahli ha nan isht ish mihachit, Itichanvlli vt vm apakna kak osh nvnih chaha paknaka, Lebanon aivhli puta ka onvt, chuahla iti chaha puta, micha shakolo aiyua aiena ka chanlit akakohli la chi hoke, micha im aivhli anusi, kovi achukma im ai offo ya ona la chi hoke.

24. Uno ak osh kullit oka inla ya ishko li chatuk oke ; micha Echip okhina moma ka saiyi pvtha ishit shileli la chi hoke.

25. Hopaki pilla ma yemma yvmihchi li tok, micha chashpo ma apesa li tok a ish haklo tok keyu cho ? himak a ant

aiǵblichī li hō tǵmaha holihta kvllo puta ka okpunit ish chi-fokohoncha li atok.

26. Yǵmohmi hatuk o ai okla hv̄t shakba ikfalaiio tok oke, micha komuntvt hofahya tok oke: oktak hv̄shuk chohmi, haiyukpulo okchamali chohmi, hv̄shuk osh aboha pākna ǵsha ka chohmi, micha onush osh waya ik ono kisha hosh bv̄shi ka chohmi tok oke.

27. Yohmi ka ish airtta, micha kohchvt ish ia, micha ant ish chukowa, micha v̄m̄i sanalit chi nokowa ka chim ithaiyana li hoke.

28. Um̄i sanalit chi nokowa, micha is sv̄m ilefeh̄nv̄chit ish shakapa kv̄t sa haksobish a ant chukowa hoka, yǵmohmi hoka an tv̄li chvnaha ya chibichulo ya fohki likmvt, v̄m̄ itih kapali ya chitih h̄a kapalichi likmvt, falv̄m̄minchit ish a minti tuk hina ya fohkit chisht ia la ch̄i hoke.

29. Mikma ilvppak osh nan isht atokowa yachi hoke, himak afv̄m̄mi ka ilap akimli waya hō hv̄sh pa tuk osh, afv̄m̄mi atuklakma yv̄mmak ash inli a toba hō hv̄sh pa ch̄i hoke: atukmvt afv̄m̄mi ont atuchinakma, hv̄sh hokchi cha, bv̄shlit, micha p̄akv̄pi ahollokeh̄i hv̄sh hokchi cha, waya ka hv̄sh ai vpashke.

30. Mikma Chutah in chuka achv̄fa atampa hlakoffi kv̄t anonti aka pila haksish tobakmvt, v̄ba pila iv̄t waya ch̄i akinli hoke.

31. Atampa kv̄t Chelusalem' a a kohonchakma, hlakoffi kv̄t Saion nv̄nih h̄a a kohoncha ch̄i hoka; v̄ba nan okluha ilai ieshi Chihowa im amosholi vt ilvppa yv̄m̄ihcha ch̄i hoke.

32. Yǵmohmi hoka Chihowa yvt Assilia i m̄iko ya isht anumpulit yak achishke, Tǵmaha ilvppa chukowa ch̄i keyu, micha oski naki yv̄mma pila he keyu, micha telihpa ieshit itikba v̄la he keyu, micha i sanalit lukfi bukkochit apakfobla he keyu hoke.

33. Hina a minti tuk falamvt yv̄mmak inli ia ch̄i hoke; micha tǵmaha ilvppa chukowa ch̄i keyu, Chihowa yvt achishke.

34. Michā v̄no atuk pulla mak o, micha an tishu Lewi

atuk pulla mak o tumaha ilvppa hlakoffichi la chi kv̄t afoa la chi hoke, achi tok.

35. Atuk o ninak yv̄mma yakohmi tok, Chihowa im enchel vt kohchvt ivt Assilia i binah h̄a tahlepa sipokni tahlepa achvfa cha, tahlepa sipokni pokoli untuchina akucha tahlapi h̄o issot kanchi tok: atuk o onnahinli fehna okla tani ma, yakeh! illi bieka tok.

36. Mihma Assilia i m̄iko Sennachelib vt kanvlli cha, falamvt ia mvt, Ninifeh ak o v̄tta tok.

37. Atuk o yakohmi tok, in chitokaka Nisloch in chuka aiokpv̄chit isht anta ma, ushi tuklo Atlammelech, micha Shalese vt bv̄shpo falaia ishit fahamvt illich̄i tok; micha tihlayvt Amenia yakni ya ona tok. Mihma ushi Esa-hatton vt v̄lhtobvt m̄iko tok.

CHAPTA XX.

NITAK yv̄mma Hesechia vt abekvt illa hosi tok. Mihma Amos ushi hopaii Isaiiah vt im ona cha, Chihowa v̄vt yak achishke, Chin chuka achvfa ya achukmalit ish im apesashke; chilla chi, micha chi okchaya chi keyu hokvt, im achi tok.

2. Yohmi ma nashuka ya aboha lapalika pit shanaiyvehit Chihowa ya im asilh̄vt,

3. Chim ilbv̄sha lishke, Chihowa ma! nana aighli, micha chukv̄sh aighlit chi tikba ya aya li chatuk, micha chi tikba ya achukma kak o yvmohmi li chatuk a ish ithaiyanashke, chim asilh̄ha lishke, achi tok. Mihmvt Hesechia vt nishkin okchi minti fehna tok.

4. Atuk o yakohmi tok, Isaiiah vt kohchvt iklv̄na wanuta ya ik ono k̄isha ka, Chihowa im anumpa hv̄t im v̄vt,

5. Ish falama cha, vm okla pehlich̄i Hesechia ya, Ch̄iki Lewi in Chitokaka Chihowa v̄vt yak achishke, Chim anumpa ilbv̄sha ya h̄aklo lishke, chi nishkin okchi hlatapa ka p̄isa lishke: yakeh! chi hlakoffichi la chi hoke; nitak ont atuchinakma Chihowa in chuka ya ont ish chukowa chi hoke.

6. Micha chi nitak a afvmmi auahahlapi hō achakali likmut, chishno, micha tmaha ilvppa Assilia i miko ibbak g a hlakoffichi la chi hoke: micha vno atuk pulla kak o, micha an tishu Lewi atuk pulla kak o tmaha ilvppa afoa la chi hoke, ish im achashke, achi tok.

7. Mihma Isaiah vt, Fik palvska achufa hō hvsh ishashke, achi tok. Mihma okla ishi cha, hishi ya onochi ma, hlakoffi tok.

8. Mihma Hesekiah vt Isaiah ya, Chihowa yvt sa hlakofficha chi, mikma nitak ont atuchinakma Chihowa in chuka ont chukowa la chi ka isht atokowa yvt nanta hoh cho? im achi tok.

9. Mihma Isaiah vt, Chihowa yvt anumpuli tuk vt aialhicha chi kvv ilvppak osh isht atokowa yq Chihowa yvt chimashke: hoshontika yvt vlpisa pokoli tikba iakmá, ak cho, vlpisa pokoli hō falamvt ia chi cho? achi tok.

10. Mihma Hesekiah vt, Hoshontika yvt vlpisa pokoli hō tikba ia hokvto nafehna keyushke: ahā! amba vlpisa pokoli hō hoshontika yvt falamashke, achi tok.

11. Mihma hopaii Isaiah vt Chihowa ya i paya tok: mihma vlpisa pokoli hō Ahas i hvshi isht vlpisa ya aka ivt yvmma ona tuk a falvmmichi tok.

12. Nitak yvmma Babulon i miko Balatan ushi Belotachbalatan vt holisso puta, micha nahvrbina aiena ka Hesekiah ya i pila tok; Hesekiah vt abeka ka haklo tuk okvt.

13. Mihma Hesekiah vt i haponaklo cha, nana holitopa aiasha chuka moma, tuli hvta, micha tuli holisso lakna, micha nabalama puta, micha bila holitopa, micha tvnvp aya imi layak aiasha chuka moma, micha imi layak aiasha ya asha tuk moma ka pisachi tok: in chuka nana aiasha tuk, micha im apelhichika nana aiasha tuk a Hesekiah vt ik pisacho ka iksho tok.

14. Yohmi ma hopaii Isaiah vt Hesekiah ya im ona cha, Hatak ilvppa puta kvv nanta hō chim achi cho? micha kati-ma yq minti hosh chim vla cho? im achi tok. Mihma Hese-kiah vt, Yakni hopaki Babulon ak o okla minti hoke, achi tok.

15. Mihma, Nanta hō chin chuka ya a pisa tuk oh cho?

achi tok. Mihma Heseekiah vt, Nana moma an chuka a_usha ka okla pisa tuk oke; vmi layak aiasha ka ak pisacho ka iksho hoke, achi tok.

16. Mihma Isaiiah vt Heseekiah ya, Chihowa im anumpa ha ish haklashke.

17. Yakeh! chin chuka aiasha moma, micha chiki vhleha hv_t ashachit isht auehinchitok himak nitak ant vhli moma aiena ka isht ivt Babulon a isht ona he nitak vt mintishke: nana achvfa kia a_usha chi keyu, Chihowa yvt achishke.

18. Mikma chiso vhleha chi a kohcha chi ish tobacha chi ka isht ia hi oke: mikma Babulon i miko in chuka holitopa ya yuvk osh aiasha chi hoke, im achi tok.

19. Yohmi ma Heseekiah vt Isaiiah ya, Chihowa im anumpa ish anumpuli kv_t achukmvshke, im achi tok. Mihmvt, Si okchaya nitak moma ka, iti nanaiya, micha aiahli aiena kv_t a_usha hokma, achukma keyu cho? achi tok.

20. Mikma Heseekiah nana akaniohmi tok inla kv_t, micha nan ai im aiahli tok moma kv_t, micha kaniohmit oka talaia, micha oka ayanvlli ikbi cha, tumaha ha oka isht vla tok aiena kv_t Chutah i miko vhleha i nitak holisso ha a holisso keyu cho?

21. Mihma Heseekiah vt iki vhleha ha takla nusi tok: mihma ushi Manasseh vt vltobvt miko tok.

CHAPTER XXI.

MANASSEH vt miko mvt, afvmmi auhtuklo tuk osh, afvmmi pokoli tahlapi akucha tahlapi ho Chelusalem a vttvt miko tok: mihma ishki hohchifo kv_t Hefsi-bah atok.

2. Atuk osh Chihowa itikba ya nana ik achukmo kak o yvmohmit, oklushi puta nan ashvchi ishit yuwala yumihchi ho yvma Chihowa yvt Israel im vlla vhleha itikba ya a tihleit kocha wehli tok ak o yvmohmi tok.

3. Mich aachahaka puta ka iki Heseekiah vt okpvnit tahli tok a anonti ikbi tok: micha Israel i miko Ahab atok a chohmit Baal a alta puta im ikbi cha, Ashelah ha ikbi tok:

micha vba shutik nana puta. moma ka im akachunolit im antia beka tok.

4. Micha Chihowa in chuka yummak oka Chihowa yvt, Chelusalem ak o sa hohchifo ha a bohli la chi hoke, achi tok a alta puta ai ikbi tok.

5. Micha vba shutik nana puta moma ka Chihowa in chuka i wanuta tuklo ka alta puta im ai ikbi tok.

6. Micha ushi ya luak hlopullichu cha, hoshonti kak o nan isht ithena, micha fuppuli, micha nana ahulhkunna, micha ishtahullo puta atokolit ahanta beka tok: Chihowa itikba ya nan ashvchi fehna ka yvmihchi cha, nokowvchi tok.

7. Micha tihlit inchonlit Ashelah naholbt toba ikbi tuk vt chuka yash anukaka hilechi tok, chuka yummak oka Chihowa yvt Lewi, micha ushi Solomon a, Chuka ilvppak o, micha Chelusalem, yummak o Israel apelihchika puta moma a kohchit atokolit, sa hohchifo ha bohli li bilia chi hoke

8. Micha yakni ya iki vhleha ima li tok vt himakma Israel iyi ya a kohchit fulohlinchi la he keyu hoke: peh nana im anumpohonli li tok moma, micha an tishu Moses vt im anumpohonli tok nan vhpisa moma kak o holitoblikma, im achi tok.

9. Yohmi kia okla ik haponaklo tok: micha Manasseh vt yoshubliti nana ik achukmo kak o yvmihchechi kvv oklushi moma Israel itikba ya Chihowa yvt ai ishit kanchi tok ak kia i shahlichu tok.

10. Mihma Chihowa yvt in tishu vhleha hopai ya tohnot anumpulit,

11. Chutah i miko Manasseh vt nan ashvchi ishit yuwala ilvppa puta ka yvmihinchi cha, nahaksi yvmihchi kvv tikba aiasha tok Amolait vhleha hvv nan ashvchi tok a i shahlichit, i naholbt toba puta ka Chutah ya isht ashvchechi hoka;

12. Yvmohmi hoka Israel ir Chitokaka Chihowa yvt yak achishke, Yakeh! Chelusalem, micha Chutah ya nana ik achukmo ka onochi likma, kuna hosh haklokmvt, haksobish itichampa kvv chasa hi oke.

13. Micha Chelusalem a Samalia aseta isht vhpisa, micha

Ahab in chuka achufa isht itilauechi ya o shebli la chi hoke: micha kana kia ampo kasholichi, kasholichi cha, hlipeli chatuk a chohmichit Chelusalem a kasholichi la chi hoke.

14. Micha um okla atok atampa ya kanchi la chi hoke, micha in tunvp puta ibbak a fohki la chi hoke: mikma in tunvp puta moma kut yukachit wehpula chi hoke.

15. Iki vhleha hut Echip a a kohchut minti tok takla himak nitak ant vhli ka sa tikba ya nana ik achukmo kak o yvmohmit sa nokowvchi tuk oka, achi tok.

16. Micha Manasseh vt Chutah ya yoshublichit Chihowa itikba ya nana ik achukmo kak o yvmihchechi mut, nan okvni keyu im issish a hlatvbli febna cha, Chelusalem a in tennvp vtvt ia kut in tennvp ona ka alotoli aiena tok.

17. Mikma Manasseh nana akaniohmi tok inla kut, micha nana yvmihchi tok moma kut, micha nan ashvchi ashvchi tok vt Chutah i miko vhleha i nitak holisso ha a holisso keyu cho?

18. Mihma Manasseh vt iki vhleha ha takla nusi cha, ilap in chuka osapushi Ussa im osapushi ak o hollohpi tok: mihma ushi Amon vt vltobvt miko tok.

19. Amon vt miko mut, afvmmi pokoli tuklo akucha tuklo tuk osh, afvmmi tuklo ho Chelusalem a ahantvt miko tok. Mihma ishki vt Chotbah vta Halus ushetik osh hohchifo kut Meshullemelh atok.

20. Micha iki Manasseh vt yvmohmi tok ak o chohmit, Chihowa itikba ya nana ik achukmo kak o yvmohmi tok.

21. Micha iki vt a nohwa tok hina moma kak o a nohwa mut, naholvt toba puta iki vt im antia tok ak o im antivt im akachunoli tok.

22. Micha iki vhleha in Chitokaka Chihowa ya issa cha, Chihowa ataya ya ik a nohwa tok.

23. Mihma Amon in tishu vhleha hut i sanalit anumpa luma ikbi cha, miko yash ilap in chuka akinli ai ilichi tok.

24. Mihma yakni ya okla hut miko Amon a i sanalit anumpa luma ikbit vbi kash moma ka vbit tahli tok: micha yakni ya okla hash osh ushi Chosiah ak o atobbichit miko-chi tok.

25. Mikma Amon nana akaniohmi tok inla yumihinchi tok vt Chutah i miko vhleha i nitak holisso ha a holisso keyu cho?

26. Mihma im ahollohpi Ussa im osapushi ak o a hohpi tok; mihma ushi Chosiah ak osh vhtobut miko tok.

CHAPTA XXII.

CHOSIAH vt miko mut, afvmmi untuchina hatok; atuk osh afvmmi pokoli tuchina akucha achvfa ho Chelusalem a vttvt miko tok: micha ishki vt Boskallh vta Ataiiah ushetik osh hohchifo kvv Chetitah atok.

2. Chihowa itikba ya aivlhpiessa kak o yvmohmit, iki Lewi ataya moma kak o a nohova cha, naksika ishtimpakimma, keyukmut vlvfbekimma kanima ka pit ik fulloto tok.

3. Atuk o yakohmi tok, Chosiah vt miko tok afvmmi ont isht auahuntuchina mut, miko vt Meshullam ushi Asaliah ya ushi holissochi Shafan a Chihowa in chuka ya pit pivt,

4. Naholitompa isht vta i shahli Hilkiyah ya ish im ona Chihowa in chuka ya tvli holisso isht vla na okhissa apistikeli vhleha hvv okla ha im ai ishit itahobbi chatuk a hotihnashke.

5. Michah toksvli isht asha Chihowa in chuka apesvchi vhleha ha ibbak fohkashke, mikma atoksvli Chihowa in chuka aiasha isht asha ya okla ima pa aboha akinafa ya okla aiiskiachashke,

6. Chuka ikbi puta, micha itavvni puta, micha tvli pilessa puta aiena ka okla imashke, micha iti, micha tvli tvhla aiena ka ishit chumpah cha, aboha ya isht aiiskiachashke.

7. Yohmi kia tvli holisso ya ibbak a fohki kvv iti hotihna he keyu; aivlhpiessa kak o yvmohmi hoka, achi tok.

8. Mihma naholitompa isht vta i shahli Hilkiyah vt holissochi Shafan a, Nan vlvhpiessa holisso hvv Chihowa in chuka itoyula na pisa lishke, im achi tok; micha Hilkiyah vt holisso hash Shafan a ima na itim anumpuli tok.

9. Mihma Shafan vt miko ya anumpa falama isht im vla

mut, Chin tishu vbleha hvt tveli holisso vt Chihowa in chuka aiasha tuk a e tosholi cha, toksvli isht asha Chihowa in chuka apesvchi vbleha ibbak a e fohkishke, achi tok.

10. Mihmut holissochi Shafan vt miko ya im anolit, Naholitompa isht vtta Hilkiyah vt holisso ho subbak a fohkishke, achi tok: mihmut Shafan vt miko itikba ya ai itim anumpuli tok.

11. Atuk o yakohmi tok, miko vt nan vlpisa holisso hash im anumpa h2 haklo mut, i nafohka ya hlilvffi tok.

12. Mihmut miko vt naholitompa isht vtta Hilkiyah, micha Shafan ushi Ahikam, micha Michaiyah ushi Achbo, micha holissochi Shafan, micha miko in tishu Asahiah aiena ka im apesvt,

13. Oh ia cha, vno, micha okla, micha Chutah moma, anumpa hvt holisso haiaka ilvppa takali ka Chihowa ya ishit hush pim i ponaklashke: piki vbleha hvt holisso ilvppa anumpa takali ka ik haponaklot, nana moma ishit pi anumpulit holissochi tok a ik yvmihcho tok o, Chihowa im ai i nukkilli vt pi sanalit libbi fehna hoka, achi tok.

14. Mihma naholitompa isht vtta Hilkiyah, micha Ahikam, micha Achbo, micha Shafan, micha Asahiah aiena kvf nafohka aiasha apistikeli Hahas a ushi Tikfah ya ushi Shalum tekchi ohoyo hopaii Hultah ya im ona tok: (mihma ymmvt Chelusalem a atukla yak o vtta hatok;) micha okla itini anumpuli tok.

15. Mihma, Israel in Chitokaka Chihowa yvt yak achishke, Hatak vt et hvchi pila na hvs svn vla tuk a,

16. Chihowa yvt yak achishko, Yakeh! nana ik achukmo ka tmaha ilvppa, micha okla aiasha ka holisso Chutah i miko vt itim anumpuli tuk ash anumpa takali tuk moma ka onochi la chi hoke.

17. Ibbak nan ishit toksvli moma ishit sa nokovvcha chi kvf sa kanchi cha, chitokaka inla puta ka nabalama i hukmi tuk oka, vltoba hosh vm ai i nukkilli vt tmaha ilvppa i sanalit libba chi hoke, micha moshola he keyu hoke, hvsh im achashke.

18. Amba Chutah i miko vt Chihowa i ponakla chi hosh

et hvchi tihleli tuk aro yak hvsh im achashke, Anumpa ish haiyaklo tuk okvno Islael in Chitokaka Chihowa yvt yak achishke,

19. Chi chukvsh vt waloha cha, tmaha ilvppa i sanalit, micha okla aiasha ka i sanalit anumpulit, Chukilissvt kalakshit taha chi hoke, achi li tuk a'ish haklo mv, Chihowa itikba ya il akanlosichit chi nafohka ish hlilvffi cha, sa tikba ya chi nishkin okchi mihinti hoka, vno ak kia chi haiyaklo lishke, Chihowa yvt achishke.

20. Yvmohmi hoka yakeh! chiki vhleha ha takla chibafohki la chi hoke; mikma chim ahollohpi ya nuktaiyalvt ish ona chi hoke; mikma chi nishkin vt tmaha ilvppa nana ik achukmo moma onochi la chi ka ik peso ka chi hoke, im achi tok. Mihma miko ya anumpa falama ya okla isht im ona tok.

CHAPTA XXIII.

MIHMA miko vt hoyo na Chutah, micha Chelusalem im asnonchi vhleha moma ka im itvnahli tok.

2. Mihma miko, micha Chutah hatak vhleha moma, micha Chelusalem okla aiasha moma, micha naholitompa isht asha vhleha, micha hopaii vhleha, micha chipunta, micha hochito moma aiena kvt apeha ho Chihowa in chuka ya ont chukowa tok: micha nan itim apesa holisso Chihowa in chuka itoyulvt haiaka tuk ash anumpa takali tuk moma ka itim anumponhli na okla haiyaklo tok.

3. Mihma miko vt ahikia paknaka ya o hikia cha, Chihowa ya iakaiya he, micha im anumpa vllhpisa puta, micha nan isht im atokowa puta, micha nan vllhpisa puta aiena ka chukvsh aiokluha, micha shilombish aiokluha hosh holitobli cha, nan itim apesa ilvppa im anumpa puta holisso ilvppa takali tuk a yvmihinja he Chihowa itikba ya nan itim apihisa tok: mihma okla moma kvt nan itim apesa ya vllhpesa ahni tok.

4. Mihma miko vt naholitompa isht vtta i shahli Hilkiyah, micha naholitompa isht asha atukla hieli vhleha, micha okhissa apistikeli vhleha aiena kvt Chihowa in tempel a nan

aivlhto puta Baal in toba tok, micha Ashelah in toba tok, micha vba shutik nana-puta moma in toba tok aiasha ka moma ishit kohcha chi ka i miha tok: mihmvt Chelusalem a kohchit Kitlon osapa puta isht ona cha, hukmit tahli mut, hituk chubbi ya isht ivt Behlel a isht ona tok.

5. Micha Chutah in tmaha achahaka puta ka, micha Chelusalem apakfoyupa taloha ka nabalama a hukma chi ho Chutah i miko vhleha hvt atokoli tok naholitompa isht asha naholbvt toba aiokpvchi vhleha ha, micha Baal, micha hvshi, micha hvsh ninak aya, micha fochik lokoli auah tuklo, micha vba shutik nana-puta moma aiena ka na balama i hukmi vhleha ha aieninchit issvchi tok.

6. Micha Ashelah ha Chihowa in chuka ya kohchit Chelusalem koche Kitlon bokushi ya isht ona cha, Kitlon bokushi ya a hukmit tahli mut, hvhlit pushechit tahli cha, pushi ya okla im vlla vhleha ahollohpi ya o fimmi tok.

7. Micha sodomait vhleha im vltipo-puta ohoyo vhleha hvt Ashelah ha vltipo puta im a tvna yvt Chihowa in chuka bilika taloha ka kinahlichu tok.

8. Micha Chutah in tmaha puta naholitompa isht asha moma Keba vttvt ia hosh Bee-sheba.ont vhli asha ya isht vlt mut, achahaka puta naholitompa isht asha yvt nabalama a hukmi chatuk a litehli tok: micha holihta okhissa achahaka puta, ymmvt tmaha pehlichu Choshua i holihta okhissa achukowa hikia, ymmvt hatak vt tmaha holihta okhissa hikiakma, im vlvfbekimma asha ya kinahlichu tok.

9. Yohmi kia achahaka puta naholitompa isht asha vhleha hvt Chihowa im alta Chelusalem hikia ya ik ono tok; amba itibapishi vhleha takla asht vska ik shatvmmo okla vpa tok.

10. Micha hatak nana kia ushi, micha ushetik a Molech a luak ik in hlopullecho ka chi ho Tofelh ymmvt Hinnom im vlla vhleha im okfa talaia ka litehli tok.

11. Micha issuba puta Chutah i miko vhleha hvt hvshi ya ima tok ymmvt Chihowa in chuka achukowa yuvuk Nahlan-melech im aboha hoshontika talaia ka aiasha tuk a

ishit kanchi tok : micha hvshi im itichanvlli puta ka luak isht hukmi tok.

12. Michā alta puta Chutah i miko vhleha hvv ikbi tok o Ahas im vba potvlhpo ishit holmo o hieli tuk, micha alta puta Manasseh vt ikbi tok o Chihowa in chuka wanuta tuklo ka a hieli tuk aiena ka kinahlichī tok; micha yvmma ai ishit malelit pushi ya Kitlon bokushi ya ont oka hlatvbli tok.

13. Michā achahaka puta Israel i miko Solomon vt Siton okla nan ashvchi ishit yuwala Ashtolelh, micha Moab okla nan ashvchi ishit yuwala Chemosh, micha Ammon im vlla vhleha nan ashvchi ishit yuwala Milkom aiena ka im ikbi tok, yvmmvt Chelusalem itikba isht ai yoshuba nvnih im ishtimpakimma aiasha tūk a miko vt litehli tok.

14. Michā naholvvv toba puta ka kinahlichit tahli mvv, Ashelah puta ka chanlit akakohli cha, aiasha yatuk a hatak foni alotoli tok.

15. Mikmvv alta Behlel hikia tuk ak kia, micha achahaka Nebat ushi Cheloboam Israel a nan ashvchechi tok vt ikbi tok, alta yvmmak kia, micha achahaka yvmma itatuklo ka kinahlichī tok; micha achahaka ya hukmi mvv, ahvhllichit pushechi cha, Ashelah hv hukmi tok.

16. Michā Chosiah vt filema mvv, ahollohpi nvnih yvmma aasha tuk o pisa mvv, pit hoyot ahollohpi ya foni vt aiasha tuk a ishi cha, alta paknaka ya onochit hukmi hosh, Chihowa im anumpa Chitokaka immi hatak vt anumpulit anumpa ilvppa puta anumpuli tok mak o alta yash litehli tok.

17. Yohmi mvv, Tvli hikia ilvppvt nanta ho pisa li cho? achi tok. Mihma tvmaha hatak vhleha hvv, Chitokaka immi hatak osh Chutah mintit vla cha, nana ilvppa puta alta Behlel hikia ka i sanalit ish kaniohmichi tuk vt yohma he anumpuli tok ak o im ahollohpi yoke, okla im achi tok.

18. Mihma, Ik ashá, hatak nana kia foni ya ik kanvlecho kashke, achi tok. Mihma foni ya hopaii Samalia minti tok foni aiena ka ik kaniohmecho tok.

19. Michā achahaka chuka Samalia tvmaha aiasha Israel i miko vhleha hvv ikbit Chihowa ishit nokowochi tok moma

ka Chosiah vt ishit kanchi cha, Behlel a nana kaniohmichi tuk moma mak osh yvmihchi tok.

20. Micha achahaka naholitompa isht asha a sha tuk moma ka alta onochit vbit tahli cha, hatak foni onochit hukmi mvt, falamvt Chelusalem a ona tok.

21. Mihmvt miko vt okla moma ka im apesvt, Nan itim apesa holisso ilvppa a holisso hatuk mak o hvchin Chitokaka Chihowa ya vbanvblit ont ia ya isht hvsh im aiashashke, achi tok.

22. Ubanvblit ont ia ilvppa chohmi ka nan apesa vhleha hvt Israe'l a nana im apihisa tok nitak takla, micha Israe'l i miko vhleha i nitak moma ka, micha Chutah i miko vhleha i nitak moma ka isht aiasha tok keyu hoka ;

23. Amba Chosiah vt miko tok afvmmi ont isht auahun-tuchina kak o Chelusalem a vbanvblit ont ia ilvppa Chihowa isht im aiasha tok.

24. Micha nana a hullkunna puta, micha isht ahullo puta, micha chuka achvfa i naholbvt toba puta, micha naholbvt toba puta, micha nan ashvchi ishit yuwala Chutah yakni, micha Chelusalem a a haiaka tuk a nan vlvpisa anumpa hvt holisso a takali hosh Chihowa in chuka ya itoyula na naholitompa isht vta Hilkiyah vt ahayuchi tuk mak o aiahlichah chihosh Chosiah vt ishit kanchi tok.

25. Mihma tikba aiasha kvv miko nana kia yvmma chohmit Moses i nan vlvpisa moma kak o yvmohmit chukvsh ai oklvhvt, micha shilombish ai oklvhvt, micha imi hlampko ai oklvhvt Chihowa iakaiya chohmi kvv iksho tok : micha i himmakma yvmma chohmit hikia kvv iksho tok.

26. Yohmi kia nana ishit nokovvchi Manasseh vt nokovvchi tuk ak o Chihowa yvt nan isht i nukkilli i libbi kvv, Chutah ya i sanalit nan isht i nukkilli vt libbi fehna tuk a ik i shanaio tok.

27. Mihma Chihowa yvt Israe'l a kanvllichi li tok vt chohmichit Chutah ya sa tikba ya a kanvllichi la chihoke ; micha Chelusalem tmaha ilvppa atokoli li tok vt, micha aboha ya, Sa hohchifo hvt foyuka chihoke, ahanchi li tok vt shitilemvt kanchi la chihoke, achi tok.

28. Mikma Chosiah nana akaniohmi tok inla kut, micha nana yumihchi tok moma kut Chutah i miko vhleha i nitak holisso ha a holisso keyu cho ?

29. I nitak ak o Echip i miko Feleo-nechoh vt Assilia i miko itiba chi hosh Euflates okhina ya ona tok: mihma miko Chosiah vt afamvt ia tok: atuk o pisa mvt; Mekitto ya ai vbi tok.

30. Mihma in tishu vhleha hut itichanulli fohkit, illi yo Mekitto ya ai ishit Chelusalem a isht ona cha, im ahollohpi ak o a hohpi tok: mihma yakni ya okla hut Chosiah ushi Chehoahas a ishi cha, iki ya atobbichit nan ahummit miko-chi tok.

31. Chehoahas vt miko mvt, afummi pokoli tuklo akucha tuchina tok: atuk osh hvshi tuchina ho Chelusalem a vttvt miko tok: mihma ishki vt Libnah vta Chelemiah ushetik osh hohchifo kut Hamutal atok.

32. Micha Chihowa itikba ya nana ik achukmo kak o ymohmit, iki vhleha hut nana a ymohmi tok moma kak o ymohmi tok.

33. Mihma Feleo-nechoh vt, Chelusalem a vttvt ik miko ka chi ho, Hamalh yakni Liblah ya a takehi tok: micha yakni ya tuli hvta talent tahlepa achvfa, micha tuli holisso lakna talent achvfa aiena ho nan i kuma onochi tok.

34. Micha Feleo-nechoh vt Chosiah ushi Eliakim ak o iki Chosiah ya atobbichit mikochi cha, hohchifo ha inlvchit Chehoiakim achi tok; micha Chehoahas a isht ia tok: atuk o Echip a ona cha, ai illi tok.

35. Mihma Chehoiakim vt tuli hvta, micha tuli holisso lakna yash Feleo ya ima tok; yohmi kia Feleo vt apesa tuk mak o tuli holisso ya ima chi kut yakni ya noshkobo atobbi onochi tok: yakni ya okla ha noshkobo atobbi im vlpisa aiyukali hatuk mak o Feleo-nechoh ima chi kut tuli hvta, micha tuli holisso lakna ya i hoyo tok.

36. Chehoiakim vt miko mvt, afummi pokoli tuklo akucha tahlapi tok; atuk osh afummi auahchvfa ho Chelusalem a vttvt miko tok: mihma ishki vt Lumah vta Petajah ushetik osh, hohchifo kut Sebutah atok.

37. Micha Chihowa itikba ya nana ik achukmo kak o ymohmit, iki vhleha het nana a ymohmi tok moma kak o ymohmi tok.

CHAPTA XXIV.

I NITAK ak o Babulon i miko Nebuchatnessa vt vla tok: atuk o Chehoiakim vt afmmi tuchina ho i nutaka tok: yohmi met i filmmi cha, i sanali tok.

2. Mihma Chihowa yvt Chaltee aya kanohmi, micha Silia aya kanohmi, micha Moab aya kanohmi, micha Ammon im vlla vhleha aya kanohmi aiena ho Chehoiakim a i sanalichit, in tishu hopai vhleha ha tohno na Chihowa im anumpa anumpohonli tok mak o Chutah ya chukilissveha chi ho on tihleli tok.

3. Chihowa yvt anumpuli pulla ho, Manasseh vt nan ashvchit nana a ymohmi tuk moma mak o,

4. Micha nan okpni keyu im issish ak kia hlatahambli tuk, micha Chelusalem a nan okpni keyu im issish alotoli tuk, ymmak oka Chihowa yvt kaskoffa he keyu hosh kanvlichit itikba ya ai ishit kancha chi ho Chutah ya onvtula tok oke.

5. Mikma Chehoiakim nana akaniohmi tok inla kv, micha nana ymihchi tok moma kv Chutah i miko vhleha i nitak holisso ha a holisso keyu cho?

6. Mihma Cheloiakim vt iki vhleha ha takla nusi tok; mihma ushi Chehoiachin vt vltobvt miko tok.

7. Atuk o Echip i miko vt i yakni ya kohchet himakma ik minto tok: Babulon i miko vt Echip okhina vtvt ia hosh Euflates okhina ont vli kv Echip i miko immi hatuk moma ka im ishi tok oka.

8. Chehoiachin vt miko met, afmmi auahuntuchina tok; atuk osh hvshi tuchina ho Chelusalem a vtvt miko tok: mikma ishki vt Chelusalem vta Elnai an ushetik osh hohchifo kv Nehushta atok.

9. Micha Chihowa itikba ya nana ik achukmo kak o

yumohmi kut iki vt nana a yumohmi tok moma kak o yumohmi tok.

10. Nitak yumma Babulon i miko in tishu vhleha hut Chelusalem a ant i sanali cha, abinvehit apakfopa tok.

11. Mihma Babulon i miko Nebuchatnessa vt tumaha ha i sanali ma, in tishu vhleha hut in tanampit abinvehit apakfoyupa tok.

12. Mihma Chutah i miko Chehoiachin vt, yumma, micha ishki, micha in tishu vhleha, micha i kvpitvni vhleha, micha i yunvk vhleha aiena kut kohchvt Babulon i miko ya im ona tok: mihma miko tok afvmmi ont isht untuchina kak o Babulon i miko vt ishi tok.

13. Mihmut Chihowa in chuka nana holitopa puta, micha miko in chuka nana holitopa puta aiena moma ka a kohchit isht ia tok: micha tuli holisso lakna nan aivlhto Israet i miko Solomon vt Chihowa yvt achi tok mak o ikbit Chihowa in tempel ashachi tok a bvshlit tushahlichit tahli tok.

14. Micha Chelusalem moma, micha kvpitvni moma, micha hatak hlampko ehilita vhleha moma, yuka tahlepa sipokni pokoli, micha nan ikbi imponna moma, micha tuli boli moma aiena ka yukachit isht ia tok: achufa kia ik anto ho, yakni ya okla ilbvsha moma i shahli ak illa hosh gshia tok.

15. Micha Chehoiachin a yukachit Babulon isht ona tok; micha miko ishki, micha miko tekchi vhleha, micha i yunvk vhleha, micha hatak hochitoka vhleha yakni ya asha tuk a yukachit Chelusalem a ai ishit Babulon a isht ona tok.

16. Tvshka chipota moma kut tahlepa sipokni untuklo, micha nan ikbi imponna vhleha, micha tuli boli vhleha hut tahlepa sipokni achufa, hatak kullo, tunvp aya imponna bicka ho Babulon i miko vt yukachit Babulon a isht ona tok.

17. Micha Babulon i miko vt iki itibapishi Mattaniah ak o atobbichit mikochi cha, hohchifo ha invchit Setekiah achi tok.

18. Setekiah vt miko mvt, afvmmi pokoli tuklo akucha achufa tok; atuk.osh afvmmi auahchufa ho Chelusalem a

vtvt miko tok: mihma ishki vt Libnah yta Chelemiah ushetik osh hohchifo kv̄t Hamutal atok.

19. Mihma Chihowa itikba ya nana ik achukmo kak o yvmohmi kv̄t Chehoiakim vt nana a yvmohmi tok moma kak o yvmohmi tok.

20. Chihowa yvt anukhobela pulla hosh, polaka itikba ya ai ishit kancha chi kak o, Chelusalem, micha Chutah ya a yvmohmi tok oka; mihma Setekiah vt Babulon i miko ya i filvmit i sanali tok.

CHAPTER XXV.

ATUK o yakohmi tok, miko tok afvmmi ont ishit chakkali, micha hvshi ont ishit pokoli, micha hvshi nitak ont ishit pokoli ma, Babulon i miko Nebuchatnessa, yvma, micha in tvshka chipota moma aiena kv̄t Chelusalem a vla cha, in tanampit abinvchi tok; micha chuka chaha kullo puta okla ikbit apakfoyubli tok.

2. Mihmv̄t tmaha ha in tanampit abinanchi na Setekiah vt miko tok afvmmi ont isht auahchvfa tok.

3. Atuk o hvshi ont aiushta kv̄t nitak ont ishit chakkali ma, tmaha ha hohchvfo fehv̄t aiasha tok; micha yakni ya okla hv̄t pv̄ska ik im iksho tok.

4. Mihma tmaha holihta yvt yuhla ma, hatak tv̄v̄p aya puta kv̄t ninak o yihlev̄t holihta tuklo yvmmv̄t miko im osapushi bilika hieli ka ititakla holihta okhissa ya kohchv̄t hina ya ia tok: (mihma Chaltee v̄hleha hv̄t tmaha ha apakfoyv̄t aiasha tok;) mihma miko vt yakni patali hina ya ia tok.

5. Mihma Chaltee in tvshka chipota yvt miko ya iakaiyv̄t hliohli tuk osh Cheliko yakni patali ak o a sakki tok: mihma in tvshka chipota moma kv̄t i filvmit itafimimpa tok.

6. Mihma miko ya okla ishi cha, Babulon i miko vt Liblah ak o asha tuk o isht im ona tok; mihmv̄t nan apesv̄t onochi tok.

7. Michā Setekiah ushi v̄hleha ha p̄sa h̄o okla vbi mv̄t,

S'etekiah nishkin a kocha wehli cha, asonak lakna itatakvi tuklo ishit takchi cha, Babulon a isht ona tok.

8. 'Atuk o hvshi ont ishit tahlapi, micha nitak ont isht untuklo (yvmvt Babulon i miko Nebuchatnessa vt miko tok afvmmi ont isht abichakkali ho) Babulon i miko in tishu anumpa ghlich i kvpitvni Nebusa-atan vt Chelusalem a vla tok.

9. Mich a Chihowa in chuka, micha miko in chuka hukmit, Chelusalem a chuka aiasha moma, micha hatak hochi-toka in chuka puta moma ka luak ishit hukmi tok.

10. Mihma Chaltee tvshka chipota moma anumpa ghlich i kvpitvni apehvt aya tuk vt Chelusalem tvli holihta apak-foyupa tuk a kinahlich i tok.

11. Mihmvt okla inla kvv tvmaha a sha tuk, micha kvnivt Babulon i miko ya yihlepvt im ona tuk, micha okla laua yatuk atampa aiena ka anumpa ghlich i kvpitvni Nebusa-atan vt yukachit isht ia tok.

12. Yohmi kia hatak ilbvsha yakni a sha tuk ai achvfa ya pakvpi apoksiachi, micha osapa toksvli aiena yach i ka anumpa ghlich i kvpitvni vt ashanchi tok.

13. Mich a asonak lakna tonik Chihowa in chuka hiel i tuk, micha aiontalaia puta, micha asonak lakna okhvta Chihowa in chuka anykaka talaia tuk aiena ka Chaltee vhleha hvv bolit bushullichit tahli cha, asonak lakna ya isht ivt Babulon a isht ona tok.

14. Mich a shuti, micha tobaksi ishit pehli, micha asonak lakna nan aivlhto moma isht in toksvli chatuk a isht ia tok.

15. Mich a luak aivlhto, micha ampo mahaia, micha nana hosh tvli holisso lakna yokmvt, tvli holisso lakna, micha nana hosh tvli hvta yokmvt, tvli hvta anumpa ghlich i kvpitvni vt isht ia tok.

16. Tonik tuklo, okhvta achvfa, micha aiontalaia puta aiena Solomon vt Chihowa in chuka ya im ikbi tok, nan aivlhto ilvppa moma kvv asonak lakna yvt a weki iksho tok.

17. Tonik achvfa kvv chaha kvv kubit auahuntuchina ma, noshkobo on talaia kvv asonak lakna atok; micha noshkobo hvv chaha kvv kubit tuchina tok; micha okshichanlit tvnna,

micha pomęklanat aiena apakfoyupa kv̄t asonak lakna bieka atok: mihma tonik atukla kak kia ilvppak inli chohmit okshichanlit tv̄nna yv̄t im aśha tok.

18. Mihma anumpa ahlich̄i i kv̄pitvni vt naholitompa isht vtta i shahli Selaiah, micha naholitompa isht vtta atukla Se-faniah, okhissa apistikeli tuchina aiena ka ishi tok.

19. Michā tv̄maha h̄a a kohchit yuvk̄ hatak tv̄v̄p̄ aya pehlich̄i, micha hatak tahlapi miko itikba hieli atok tv̄maha aśha na ahayuchi kv̄t, micha tv̄shka chipota pehlichit holissochi, yv̄mmv̄t yakni ȳa okla hv̄t tv̄v̄p̄ ia ch̄i ka holissochi yatuk o, micha yakni ȳa okla h̄a hatak pokoli hannali tv̄ma-ha h̄a aśha na ahayuchi mv̄t, aieninchit ishi tok.

20. Michā anumpa ahlich̄i i kv̄pitvni Nebusa-atan vt ishi mv̄t, Babulon i miko vt Liblah ȳa aśha tuk o isht im ona tok.

21. Mihma Babulon i miko vt Hamalh yakni Liblah ȳa a fahamv̄t illichit tahli tok. Yohmit Chutah ȳa i yakni ȳa a kohchit isht ia tok.

22. Michā Ghutah i yakni atampa aśha tuk okla h̄a Ba-bulon i miko Nebuchatnessa vt ashanchi tuk okv̄no Shafan ushi Ahikam a ushi Ketaliah ak o pehlich̄i ikbi tok.

23. Atuk o tv̄shka chipeta p̄ta i kv̄pitvni mōma kv̄t, yv̄mma, micha in tv̄shka vhleha aiena kv̄t Babulon i miko vt Ketaliah ak o pehlich̄i ikbi tuk o okla haklo mv̄t, Ketaliah vt Mispah aśha tuk o Nehlaniah ushi Ishmael, micha Kaleah ushi Chohanān, micha Netofah hatak Tanhumell̄i ushi Se-laiah, micha Maachah hatak ushi Chaasaniah aiena, yv̄mma, micha in tv̄shka vhleha aiena kv̄t im ona tok.

24. Mihma Ketaliah vt yv̄mma, micha in tv̄shka vhleha aiena ka anumpa kv̄llo im il onochi mv̄t, Chaltee in tishu vhleha h̄a hv̄sh i nukshopa ná; yakni ȳa aiashv̄t Babulon i miko ȳa oh im antiá; yohmikmv̄t hv̄chim achukma ch̄i hoke, im achi tok.

25. Atuk o yakohmi tok, hv̄shi ont isht untuklo ma, Eli-shama ushi Nehlaniah ȳa ushi Ishmael vt miko ishtatiaka yosh hatak pokoli aienv̄t v̄la cha, Ketaliah, micha Chu, mi-cha Chaltee aiena apehv̄t Mispah aśha tuk a fahamv̄t kan-chi na illit taha tok.

26. Mihma okla hvt chipunta, micha hochito moma kv̄t, micha tvshka chipota ī kv̄pitvni v̄hleha aiena kv̄t wakaya cha, Echip ā ona tok; Chaltee okla h̄a ī nukshopa hatuk okvt.

27. Atuk ō yakohmi tok, Chutah ī m̄iko Chehoiachin vt yuka tok afv̄m̄mi ont ishit pokoli tuchina akueha untuklo, hv̄shi ont isht auah̄tuklo, micha nitak ont ishit pokoli tuklo akucha untuklo ma, Babulon ī m̄iko Efil-melotach vt m̄iko tok afv̄m̄mi yv̄mmak inli kv̄t Chutah ī m̄iko Chehoiachin ā noshkobo h̄a akachakalichit aboha kullo ȳa a kohchi tok.

28. Michā anumpa achukma im anumpuli cha, m̄iko v̄hleha hvt apēhvt Babulon ā aiombinili holitompa on chieya tuk ā ī shablichit aiombinili holitompa om binilichi tok.

29. Michā aboha kullo ī nafohka ȳa im ai ishi tok: mihma okchayvt ahanta nitak moma kv̄t itikba ȳa pvska ai ahampa na bilia tok.

30. M̄iko itikba ai isht ima h̄ō ilhpak im v̄lhpisa kv̄t bilia tok: onna hosh onnakma v̄lhpisa hosh okchayvt ahanta nitak moma takla kv̄t im v̄lhpihisa tok.

SMITHSONIAN INSTITUTION LIBRARIES



3 9088 01627 1777



